



Riemann 1814



+4036 003 01

Nicht ausleihbar


Faint, illegible handwriting, possibly a signature or name.



Alfred Hauptmann


AE No. 49

21/03500



2
1879. 200.





Der
Nibelunge Lied.

Abdruck der Handschrift
des
Freiherrn Joseph von Lasberg.

Mit
Holzschnitten nach Originalzeichnungen
von
Eduard Bendemann und Julius Hübner.

Leipzig.
Verlegt durch die Brüder Otto und Georg Wigand.
1840.

Rara

A. Lit. 1552
B

(40)

Landes- u. Stadt-
Bibliothek
Düsseldorf

4036 003

09 1318

Der vorstehende Text des Liedes von den Nibelungen ist derselbe, den Freiherr von Laßberg aus der eignen Handschrift im vierten Bande seines Liedersaales 1821 bekannt machte. Diese Handschrift, früher in Hohenems, von wo sie wahrscheinlich Bodmer zum Abdrucke des letzten Drittels des Liedes und der Klage (Zürich 1757. 4.) erhielt, wurde ohne Zweifel noch vor dem dritten Jahrzehnt des dreizehnten Jahrhunderts geschrieben und steht somit allen übrigen bisher bekannt gewordenen Handschriften an Alter wie zugleich an Correctheit voran; aus diesem Grunde schien ein Wiederabdruck des Textes nach ihr am geeignetsten. Die darin vorkommenden Lücken hat der Herausgeber aus der nächstältesten, der St. Galler Handschrift, ergänzt; in unserm Abdrucke wurden diese wie einige andre kleinere Ergänzungen einzelner Worte und Sätze am Anfang und Ende mit Sternchen bezeichnet. Um dem Leser ein möglichst treues Bild der Handschrift zu überliefern wurden alle Abänderungen in Worten und Schreibweise unterlassen; nur in den Fällen, wo durch behutsame Veränderung weniger Buchstaben auch dem Verständnisse des Lesers geholfen werden konnte, glaubte Unterzeichneter von dieser Regel abgehn zu dürfen.

Dr. Herm. Leyser.

Faint, illegible text, possibly bleed-through from the reverse side of the page. The text is arranged in several paragraphs and appears to be a formal document or letter.

Verzeichniß der Holzschnitte.

- Titelblatt: von Julius Hübner. Geschnitten von F. Unzelmann.
- Zum 1. Abenteuer: Wie Kriemhilde träumte, von Jul. Hübner. Geschnitten von F. Unzelmann.
Medaillons: Ute und Kriemhilde, von Jul. Hübner. Geschnitten von F. Unzelmann.
- Zum 2. Abenteuer: Siegfried, von Julius Hübner. Geschnitten von Hugo Bürkner.
- 3. Abenteuer: Gernot, Günther, Geiselher, von Jul. Hübner. Geschn. v. F. Unzelmann.
 - 4. Abenteuer: Wie Siegfried mit den Sachsen fritt, von Julius Hübner. Geschnitten von F. Unzelmann.
 - 5. Abenteuer: Wie Siegfried Kriemhilden zuerst ersah, v. Ed. Bendemann. Geschnitten von F. Unzelmann.
 - 6. Abenteuer: Kriemhilde mit den Mägden, von Jul. Hübner. Geschn. von F. Unzelmann.
Die Schiffenden, von Ed. Bendemann. Geschnitten von F. Unzelmann.
 - 7. Abenteuer: Brunhilde, von Julius Hübner. Geschnitten von H. Bürkner.
 - 8. Abenteuer: Siegfried in der Tarnkappe, von Jul. Hübner. Geschnitten von A. Vogel.
 - 9. Abenteuer: Siegfried Botschaft bringend, von Jul. Hübner. Geschn. v. H. Bürkner.
 - 10. Abenteuer: Kriemhilde und Brunhilde, von Jul. Hübner. Geschnitten v. H. Bürkner.
Das Mahl, von Ed. Bendemann. Geschnitten von H. Bürkner.
 - 11. Abenteuer: Siegmund und Siegelinde, von Ed. Bendemann. Geschnitten v. A. Vogel.
 - 12. Abenteuer: Vignette, von Julius Hübner. Geschnitten von Albert Vogel.
 - 13. Abenteuer: Siegfried und Kriemhilde reiten zum Festgelage, von Ed. Bendemann.
Geschnitten von H. Bürkner.
 - 14. Abenteuer: Wie die Königinnen einander schalten, von Jul. Hübner. Geschnitten von Albert Vogel.
 - 15. Abenteuer: Wie Siegfried verrathen ward, von Eduard Bendemann. Geschnitten von Albert Vogel.
 - 16. Abenteuer: Wie Siegfried erschlagen ward, von Eduard Bendemann. Geschnitten von Albert Vogel.
Der todte Siegfried, von Ed. Bendemann. Geschnitten von Wilh. Nicholls.
 - 17. Abenteuer: Kriemhilde bei der Leiche Siegfrieds, von Ed. Bendemann. Geschnitten von F. Unzelmann.
 - 18. Abenteuer: Siegmund heimkehrend, von Jul. Hübner. Geschnitten von E. Kresschmar.
 - 19. Abenteuer: Der Nibelungenhort, von Ed. Bendemann. Geschnitten von H. Bürkner.
 - 20. Abenteuer: Wie König Etzel um Kriemhilden sandte. Erfunden von Ed. Bendemann.
Gezeichnet von J. Hübner. Geschnitten von H. Bürkner.
Günther und Hagen am Fenster, von Jul. Hübner. Geschnitten von H. Bürkner.

- Zum 21. Abenteuer: Kriemhildens Abschied, von A. Kethel. Geschnitten von G. Wegger.
- 22. Abenteuer: Kriemhildens Empfang, von C. Stille. Geschnitten von F. Unzelmann.
- 23. Abenteuer: Die Taufe, von C. Stille. Geschnitten von W. Nicholls.
- 24. Abenteuer: Werbel und Schwemmel bringen Botschaft. Erfunden v. C. Bendemann. Gezeichnet von Jul. Hübner. Geschnitten von H. Bürkner.
- 25. Abenteuer: Hagen und die Meerfrauen, von Jul. Hübner. Geschnitten von A. Vogel.
- • 26. Abenteuer: Der nächtliche Ueberfall, von A. Kethel. Geschnitten von Alb. Vogel.
- • 27. Abenteuer: Die Schildübergabe, von A. Kethel. Geschnitten von Alb. Vogel.
- 28. Abenteuer: Wie Kriemhilde Hagen empfing. Erfunden von Eduard Bendemann. Gezeichnet von Julius Hübner. Geschnitten von H. Bürkner.
- 29. Abenteuer: Hagen steht vor Kriemhilden nicht auf, von C. Stille. Geschnitten von Ed. Kresschmar.
- 30. Abenteuer: Die Schildwache. Erfunden von Ed. Bendemann. Gezeichnet von Jul. Hübner. Geschnitten von H. Bürkner.
- 31. Abenteuer: Der Kirchgang, von Jul. Hübner. Geschnitten von H. Bürkner.
- 32. Abenteuer: Wie Dankwart gegen die Heunen streitet, von C. Stille. Geschnitten von Ed. Kresschmar.
- • 33. Abenteuer: Wie Burgunden und Heunen stritten, von A. Kethel. Geschnitten von Braun und Dessauer.
- Wie sie die Todten hinauswarfen, von A. Kethel. Geschnitten von Alb. Vogel.
- • 34. Abenteuer: Wie Iring erschlagen ward, von A. Kethel. Geschnitten von F. Unzelmann.
- • 35. Abenteuer: Wie die Königin den Saal verbrennen ließ, von A. Kethel. Geschnitten von W. Nicholls.
- • 36. Abenteuer: Wie Kriemhilden der Leichnam Rüdigers gezeigt wird, v. A. Kethel. Geschnitten von G. Wegger.
- • 37. Abenteuer: Wie Dietrichs Reden erschlagen wurden, von A. Kethel. Geschnitten von Ed. Kresschmar.
- • 38. Abenteuer: Wie Günther, Hagen und Kriemhilde erschlagen wurden. Gezeichnet von A. Kethel. Geschnitten von Braun und Dessauer.

Die Herren Bendemann und Hübner, welche sich auf unser Ansuchen bereit erklärt hatten, die Compositionen zu dieser Festausgabe des Nibelungenliedes zu liefern, konnten sich wegen anderer Arbeiten dieser Aufgabe nicht dergestalt unterziehen, daß wir im Stande gewesen wären, das Werk im Jahre 1840 zu beenden, obwohl dieses allerdings unser Wunsch war. Uebrigens haben die genannten Herren sich niemals verpflichtet, zu einem bestimmten Zeitpunkte diese Arbeit vollenden zu wollen, weshalb auch von unserer Seite ein bestimmter Termin, zu welchem das Werk erscheinen sollte, niemals festgesetzt wurde. Da aber von allen Seiten die Beendigung des Werkes gewünscht und oft ohne Berücksichtigung der Umstände in der möglichst kürzesten Frist verlangt wurde, unvorhergesehene Umstände aber namentlich Herrn Professor Bendemann das Arbeiten unmöglich machten, so sahen wir uns gezwungen, gemeinschaftlich mit Herrn Bendemann und Hübner noch zwei andere Künstler um ihre Mitwirkung zu ersuchen. Herr A. Kethel in Frankfurt und Herr C. Stille in Düsseldorf erklärten sich auf unser Ersuchen bereit, einige Compositionen zu übernehmen. Nur durch die Bereitwilligkeit dieser beiden Männer ist es uns möglich geworden, das Werk jetzt vollständig zu liefern.

Leipzig am 1. August 1841.

Otto und Georg Wigand.

Druck von Breitkopf und Härtel in Leipzig.

Verzeichniß der Subscribenten

auf die

Festausgabe des Nibelungenliedes im Urtext.

Aachen.

Bei J. A. Mayer:
Dr. Dr. Jos. Müller, Gymnasial-Oberlehrer.
Die Gymnasial-Bibliothek.
In der Koschüßchen Buchhandlung:
Dr. Dr. J. J. Kribben, Director der höhern
Bürger- Provinzial- Gewerbschule.

Amsterdam.

Dr. J. Müller, Buchhändler.

Augsburg.

In der Kieger'schen Buchhandlung:
Dr. Gottlieb Leible, Pfarr- Vicarius.

Baireuth.

In der Grau'schen Buchhandlung:
Dr. Hans Freiherr v. Kuffsch zu Kuffsch.

Barmen.

Bei W. Langewiesche:
Dr. Ferd. Freiligrath in Königswinter.
Dr. A. H. Caron in Kaupenthal.

Basel.

Bei J. G. Neukirch:
Frau Adolf Burckhardt.
Dr. Prof. Dr. Gerlach, Bibliothekar.
Jungfrau Antonie Hsi.
Dr. Peter Bischer.
In der Schweighauser'schen Buchhdlg.:
Dr. Wih. Bischer, Professor.

Berlin.

Bei A. Usher u. Comp.:
Dr. Hermann Grenzmer.
Dr. Alexis Rosenber.
Bei F. Dümmler:
Dr. Kühne, Geh. Ober- Finanzrath.
Dr. v. Winterfeld, Geh. Ober- Tribunalrath.
Bei A. Duncker:
Seine Majestät Friedrich Wilhelm IV., König
von Preußen.
Seine königl. Hoheit Prinz Wilhelm von
Preußen.
Ihre Durchlaucht Frau Fürstin v. Pückler-
Muskau.
Dr. v. Below, Obrist u. Flügel-Adjutant Sr.
Majestät d. Königs.
Dr. Beuth, wirk. Geh. Ober-Regierungsrath.
Die königl. Bibliothek.
Dr. Franz Gustav Duncker.
Dr. Hesse, Regierungsrath.
Dr. Franz Kugler, Professor.
Dr. Dr. Albert Magnus.
Se. Exc. Dr. v. Kochow, wirk. Geh. Staats-
Minister.
Dr. Dr. J. Schultze, Geh. Ober-Regierungsrath.
Die Enslin'sche Buchhandlung.

In der Gropius'schen Buchhandlung:

Dr. H. E. Kömus, Maler.
Dr. Gustav Karsten, Stud. phil.
Dr. A. F. Quast auf Radensleben.
Dr. Felix Schadow, Maler.
Dr. Hugo Seiffert.

Bei G. H. Jonas:

Dr. v. Blomberg.
Dr. Felix Eberto.
Dr. G. Hamdorff, Kammer- Gerichts- Assessor.
Dr. Dr. Jacob, Stadtgerichtsrath.

Bei G. S. Mittler:

Dr. v. Platow, Geh. Finanz- u. Staatsrath.
Dr. Graf Carl Schlieffen, Major u. Adjutant
Sr. k. Hoh. des Kronprinzen v. Preußen.

In der Nau'schen Buchhandlung:

Dr. Dr. Berend, Leibarzt des Prinzen Al-
bert von Preußen, königl. Hoh.

In der Nicolais'schen Buchhandlung:

Dr. J. F. W. v. Olfers, General-Director d.
königl. Museums.
Dr. G. Parthen, Dr. phil.
Die Schulbibliothek in Wismar.

In Dehmigle's Buchhandlung:

Se. königl. Hoh. Prinz Woldemar v. Preußen.
Dr. Klacden, Prediger.
Dr. Major v. Hahnke.

Dr. G. Reimer, Buchhändler.

Bei Alex. Stange:

Dr. D. N. A. v. Oppen, Geh. Ober- Re-
visionsrath.
Dr. Peucher, Regierungsrath.

In der Voss'schen Buchhandlung:

Dr. Prof. Carl Köpke.

Bern.

Bei J. J. Burgdorfer:
Dr. Geheimrath Dr. v. Bunsen, königl. preuß.
Gesandter d. d. Schweiz. Eidgenossenschaft.

Bei Huber u. Comp.:

Dr. G. Fröhlich, Privatdocent an der Hoch-
schule.
Dr. A. Hopf, Director der Elementarschule.
Dr. J. Körber, Besitzer d. Buchh. Huber u. C.
Dr. Dr. Friedr. Kortüm, Prof. der Gesch.
an der Hochschule.
Dr. Dr. Carl Wilhelm Müller aus Apolda,
Prof. am höh. Gymnasium u. d. Univ.

Bielefeld.

Bei A. Helmich:
Dr. Franz Smidt, Pastor.

Bonn.

Bei A. Marcus:
Dr. Ernst Graf v. Weust, königl. preuß.
Geh. Oberberggrath u. Berghauptmann.

Braunschweig.

Dr. G. C. C. Meyer sen., Buchhändler.
In der Schulbuchhandlung:
Dr. J. N. Hülzheimer, Banquier.

Bremen.

Bei A. D. Geisler:
Dr. Dr. C. Meyer, Bibliothekar.

Breslau.

Bei A. Gofohorsky:
Dr. Fr. Aug. Kämp, Oberlehrer.
Bei F. Hirt:
Dr. Asmann, Contrector am Gymnasium zu
Liegnitz.
Dr. Rudolph Becker, Stadtrath.
Dr. D. v. Kettich, Pr. Lieutenant in der königl.
preuß. 2. Schützen Abth. in Breslau.
Dr. Rudolph v. Kettich, Lieutenant u. Adj.
im k. preuß. Inf. Reg. in Schweidnitz.
Fraulein Augusta Teschner in Waldenburg.
Bei W. G. Korn:
Dr. Gustav Bever, Buchhalter.
Dr. F. G. Nordmann, Lithograph.
Dr. Johann Wilhelm Delsner, königl. geh.
Commerzienrath, R. d. rothen Adlerord.
Bei F. C. C. Leuckart:
Das k. kath. Gymnasium zu Groß- Glogau.
Bei Max u. Comp.:
Dr. Graf v. Pfeil auf Hausdorf.
Dr. Ruthardt, Buchhändler.

Brieg.

Bei C. Wollmann:
Dr. Dr. Litzler, Gymnasiallehrer.

Carlsruhe.

Bei G. Holzmann:
Dr. v. Struve, k. russ. Hof- u. Legationsrath.

Cassel.

Bei W. Appel:
Ihre königl. Hoh. die Kurfürstin v. Hessen.
Se. Exc. Dr. Freih. v. Hanstein, kurf. h.
Staatsminister.
Se. Exc. Dr. Baron v. Stein, erzhert. öst.
Hof- Marschall in Schaumburg a. d. Lahn.
Die kurf. hess. Landes- Bibliothek.

Coblenz.

Bei Hölcher:
Dr. Dr. Pauls, k. preuß. Regierungsrath.

Cöln.

Bei F. C. Eifen:
Dr. David Wihl, Kaufm. in Bevelinghoven.
Bei J. C. Renard:
Die Bibliothek des kath. Gymnasiums.
Dr. J. C. Renard, Buchhändler.
Dr. Johann Adrian Freiherr v. Vaetan.

Bei J. Rigsfeld:
Dr. P. Herkenrath, Buchhandlungsgehilfe.

Danzig.

Bei F. S. Gerhard:
Dr. Dr. med. F. Götz jun.

Bei L. G. Pomann:
Dr. C. L. Duisburg, Dr. med.
Dr. A. Menge, Oberlehrer.

Darmstadt.

Bei G. Jonghaus:
Se. Erlaucht Ludwig Graf zu Erbach-Schönberg in Schönberg.
Das großherzogl. Gymnasium.

Deffau.

Bei Fritsche u. Sohn:
Die Bibliothek des herzogl. Gymnasiums.

Dresden.

In der Arnold'schen Buchhandlung:
Se. königl. Hoh. Prinz Johann, Herzog zu Sachsen.

Die Arnold'sche Buchhandlung.
Dr. Art, Rechtsconsulent.
Dr. Johann Carl Bähr, Historienmaler.
Dr. J. Maurice Bertrand, Lehrer der franz. Sprache.
Dr. Dr. Biener, k. preuß. Geh. Justizrath.

Dr. Ernst v. Brunow.
Dr. Dr. G. Th. Chalybäus.
Dr. J. G. Duse, Landschaftsmaler.
Dr. Dr. Max Rudolph Dittmann.
Dr. G. W. v. Ehrenstein, Geh. Finanzrath.
Dr. Hermann Freiherr v. Friesen, königl. sächs. Kammerherr u. Ceremonienmeister.
Dr. A. Grabl, Maler.

Se. Erlaucht Hr. Franz Ernst Graf Harrach zu Rohrau in Wien.
Dr. Eduard Hauschild, Advocat.
Dr. Helbig, Zolldirectionssecretair.
Frau Gräfin Rietmannssegge-Schonberg.
Dr. Carl Constantin Krankling, Director d. hist. Museums.

Dr. C. H. Ludwig, Advocat.
Dr. v. Lüttichau, wickl. Geh. Rath u. General-Director.
Dr. Friedrich Matthäi, Gallerie-Director u. Professor.

Dr. Dr. Julius Meisen, Rechtsanwald.
Dr. Theobald Freiherr v. Der.
Dr. Dr. Adolf Peters, Lehrer d. Mathematik.
Dr. C. Rietchel, Bildhauer u. Prof. an der königl. Akademie der bildenden Künste.
Dr. Uz v. Schonberg auf Purschenstein.

Dr. Prof. M. Steinla.
Frau Elisabeth Gräfin Wisthum.
Dr. Hofrath Carl Winkler.

In der Grimmer'schen Buchhandlung:
Dr. Dr. G. G. Carus, Hof- u. Medicinalrath.
Dr. C. F. Grimmer, Buchhändler.
Dr. Dr. med. Hedenus.
Frau Henriette Koblischütter geb. Heydenreich.

Bei G. A. Wagner:
Dr. Dr. Hermann.

In der Walther'schen Hofbuchhandlung:
Die königl. öffentliche Bibliothek.

Düsseldorf.

Bei J. Buddeus:
Dr. C. Schnaase, Ober-Procurator.
Dr. A. Steifensand, Kupferstecher.
Dr. v. Voss, Landgerichts-Präsident.

Elberfeld.

Bei J. Löwenstein u. Comp.:
Dr. Oswald Kirchberg in Werdringen.

Erfurt.

Bei L. Hilfenberg:
Dr. Möller, königl. Consistorial- u. Schulrath und Superintendent.
Dr. v. Weisenborn, Oberlandesgerichts-Rath.

Frankfurt a. M.

Dr. M. L. St. Goar, Buchhldr. u. Antiq.

Bei G. Jügel:
Dr. Moriz v. Bethmann, Banquier.
Dr. Hauelsen.
Dr. Senator Dr. Neuburg.
Dr. Eduard Trewendt aus Breslau.

Bei J. D. Sauerländer:
Dr. Charles Roman, Kaufm. in Wesseling.

Bei S. Schmerber:
Dr. Siegmund Adolph Billing in Paris.
Dr. Dr. Böhmer, Senator.
Dr. Dr. jur. C. H. Häberlin.
Dr. de la Palun, franz. Consul in Nizza.
Signora C. Pescatori in Pisa.
Dr. Georg Schmerber.
Dr. Sigm. Schmerber, Buchhändler.
Dr. Ludw. Stephani auf Gemischhofen.

Bei F. Wilman:
Se. Erlaucht Graf Erwin zu Schonborn-Wiesentheid zu Reichardshausen.

St. Gallen.

Hrn. Huber u. Comp.
Bei G. P. Scheitlin:
Dr. L. Smür, Administrations-Raths-Präsident.
Die Stifts-Bibliothek.

Görlitz.

In der Heyn'schen Buchhandlung:
Die oberlausitzische Gesellschaft der Wissensch.

Bei A. Kobligh.
Dr. Gustav Köhler, Polizeirath.
Bei G. Köhler.

Dr. Rudolf Maria Bernhard Freiherr v. Stillfried-Rattonig.
Dr. Tschalschal, Oberlehrer an der höhern Bürgerschule.

Göttingen.

Bei R. Deuerlich:
Dr. G. F. L. Breusing, Stud. jur. aus Dösnabrück.

Grätz.

Hrn. Damian u. Sorge, Buchhändler.
Dr. Eduard Ludwig, Buchhändler.

Greifswalde.

Bei L. Bamberg:
Die Universitäts-Bibliothek.
Bei G. A. Koch:
Dr. Dr. Höfer, königl. Justizrath und Stadtgerichts-Director.

Güstrow.

Bei Dpiz u. Comp.:
Dr. Dr. med. Volger.

Halle.

Bei G. Anton:
Dr. Inspector Ziemann.
Bei Schwetschke u. Sohn.
Die königl. Universitätsbibliothek.

Hamburg.

Bei B. S. Berendssohn:
Dr. John Wohlers.
Bei J. P. Grieb:
Dr. J. H. de Schaepfl, Dr. med.
Dr. Herm. Stud. Löhr, Dr. d. R. u. Advoc.

Dr. Georg Dieblich Otten, Tonkünstler.
Dr. Detavio Rudolph Schröder, Kaufm.
Dr. Philipp Stürmer, Kaufm.

Bei J. G. Herold:

Dr. Georg Desaval.

Dr. F. W. Ulrich, Dr. u. Prof.

Bei Nestler u. Nette:

Madame Merk-Borgnis.

Bei Perthes, Besser u. Mauke:

Dr. Dr. A. B. v. Schröter, großherzogl. mecklenb. Ober-Appellations-Gerichtsrath in Parchim.

Hrn. Perthes, Besser u. Mauke.

Hamelu.

Bei H. Weichelt:

Dr. Amts-Assessor Einborn.

Dr. Pastor Pape in Dshen.

Dr. Dr. Freiherr v. Neden in Hannover.

Heidelberg.

Dr. J. G. B. Mohr.

Bei G. Winter:

Se. Durchlaucht Fürst Georg zu Löwenstein-Wertheim in Wertheim.

Hrn. H. u. G. Bender in Weinheim.

Dr. Bohnenberger, Kaufm.

Innsbruck.

In der Wagner'schen Buchhandlung:
Dr. Adolf Ritter v. Wolfesron, k. k. Beamter in Bozen.

Königsberg.

Bei J. H. Von:
Dr. Dr. J. F. A. Gillet, evang. ref. Prediger in Insterburg.

Bei Gräfe u. Unzer:

Dr. Dr. Burnebden.

Bei Th. Theile:

Dr. Dennstädt, Divisions-Auditeur d. königl. preuß. 1. Division.

Dr. Ludwig Funke, Kaufmann.

Dr. Dr. Jachmann.

Leipzig.

Dr. L. A. Bösenberg, Buchhändler.

Hrn. Breittkopf u. Härtel.

Bei F. A. Brockhaus:

Dr. Friedrich Brockhaus.

Dr. Heinrich Brockhaus.

Dr. August Weichardt.

Bei B. Engelmann:

Dr. Dr. Moldenhawer in Dessau.

Dr. C. L. Frißsche, Buchhändler.

Bei Gebhardt u. Reiskand:

Dr. Eduard Griesenbeck, Buchhandlungs-Gehilfe aus Cleve.

Bei F. L. Herbig:

Dr. Carl Reinhold Kersten.

Bei B. Hermann:

Dr. Jungmeister, Oberlands-Gerichtsrath in Naumburg.

Bei A. F. Köhler:

Hrn. Dulau u. Comp. in London.

Bei G. H. Neclam:

Dr. Dr. A. G. Rudelbach, Consistorialrath u. Superintendent in Glauchau.

In der Serig'schen Buchhandlung:

Dr. Moriz Eduard Cicorius.

Dr. Bernh. Tauchnitz jun., Buchhändler u. Buchdrucker.

Dr. Wilh. Ferd. Theod. Vogel, Buchhändler u. Buchdrucker.

Bei J. J. Weber:
Dr. C. W. Lorck, Buchhändler.

In der Weidmann'schen Buchhandlung:
Dr. Salomon Hirzel, Buchhändler.
Dr. Rudolph Weigel, Kunsthändler.

Bei Georg Wigand:
Dr. Prof. Gustav Droysen.
Dr. Dr. C. G. Förstmann, Conrector am
Gymnasium in Nordhausen.
Dr. Carl Künzel in Heilbronn.
Dr. Friedr. Meyer, Water in Düsseldorf.
Dr. Hofrath Dr. Volkmann in Dorpat.

Liegnitz.

Bei C. E. Reissner:
Dr. Baron v. Heguelin.
Dr. Zimmer, Gutbesitzer auf Vorhaus.

Linz.

Bei B. Fink:
Sr. Hochwürden u. Gnaden Joseph Gündel,
Sr. L. L. apostol. Majestät Rath, Mit-
glied d. Prälatenstandes unter d. Enns u.
Abt des Benedictinerstifts Sittenstüben.

London.

Bei G. u. S. Senior:
The right hon Lord Foley.
S. W. Singer, Esqr.

Luzern.

Bei K. Meyer:
Dr. Theod. Lüthel, Pr.-Lieutenant in sici-
lianischen Diensten.

Mainz.

Bei F. Kupferberg:
Die Stadtbibliothek.
Bei J. Birth:
Dr. Weg, Bürgermeister.
Bei Zabern:
Dr. Pfannebecker, Staatsprocurator.

Mannheim.

Bei Schwan u. Söb:
Dr. Runo Graf zu Rangau-Breitenberg in
Rauenheim bei Heidelberg.

Meiningen.

In der Kesselring'schen Hofbuchhandlung:
Die herzogl. öffentl. Bibliothek.

München.

Bei J. A. Finsterlin:
Dr. Rep. Theod. Daffner.
Bei C. A. Fleischmann:
Se. Exc. Dmitri v. Severin, kais. russ. au-
ßerordentl. Gesandter u. Bevollmächtigter.
Dr. Dr. Meinel, königl. Advocat.

Münster.

Bei J. H. Deiters:
Dr. Kotschhausen, Landgerichts-Assessor in Cöln.

Nördlingen.

In der Beck'schen Buchhandlung:
Dr. Schreiber, Cand. theol.

Nürnberg.

In der Campe'schen Buchhandlung:
Se. Durchlaucht Ernst, Fürst zu Hohenlohe-
Langenburg in Langenburg im Hohen-
lohe'schen.

Dr. Dr. Friedr. Abeken.
Dr. G. C. v. Forster, Marktvorsteher.
Dr. Dr. C. M. Rath, Hammergutsbesitzer,
Landrath, mehrerer Gesellschaften Mitglied
zu Neuenhammer in der Oberpfalz.
Dr. Johann Wilhelm Schnitzlein, Dekan
u. Stadtpfarrer zu Roth a. d. Rednitz in
Mittelranken.

Bei Kiegel u. Wiesner:
Dr. Herman Beckh.

Oldenburg.

In der Schulze'schen Buchhandlung:
Dr. Dr. Ad. Stahr.

Paris.

Bei Brockhaus u. Xenarius.
Dr. Eduard Xenarius.
Dr. Kugelmann, Typograph.
Dr. Gustav Otte.
Bei Didot freres.
Dr. Carl Reinwald.

Potsdam.

In der Stühr'schen Buchhandlung:
Dr. Alex. Buttman, Gymnasiallehrer.

Prag.

In der Calve'schen Buchhandlung:
Dr. Hermann Schmidt, Dr. med.
Bei Kronberger u. Kziwnah:
Dr. Albert Graf v. Rostk.

Regensburg.

In der Montag- u. Weiß'schen Buchhdlg.:
Dr. Friedr. Bertram, Kaufm.
Dr. Jos. Mayer, k. Landesgerichts-Assessor
in Memau.
Dr. Dr. Delschläger, fürstl. Thurn- u. Tar-
ris'scher Justizrath.

Bei Fr. Pustet:
Dr. Hermann Lehritter.

Riga.

Dr. C. Franzen, Buchhändler.

Rostock.

Bei F. L. Schmidtchen:
Dr. Prof. Kämmerer.
In der Stiller'schen Hofbuchhandlung:
Dr. A. H. Stempel, Buchhandlungsgeselle
aus Liegnitz.

Saarbrücken.

Bei F. Neumann:
Die Gymnasialbibliothek.

Schaffhausen.

In der Hurter'schen Buchhandlung:
Dr. Maurer-Constant, Bibliothekar.

Speyer.

In Reichard's Buchhandlung:
Die Bibliothek der Studien-Anstalt.
Dr. Jac. Heinr. Friedr., Historienmaler aus
Landau in der Rheinpfalz.
Dr. Phil. Hederer, königl. baier. Bezirks-
richter in Landau.

Straßburg.

Bei Schmidt u. Grucker:
Dr. Dr. C. Schmidt, Prof.
Bei Treuttel u. Würz:
Dr. Fr. Klincksieck aus Rinteln.

Stuttgart.

Bei Beck u. Fränkel:
Dr. v. Bannwarth, Regierungsrath in Sig-
maringen.
Dr. K. C. Göpel, Buchhändler.
C. G. Liesching's Verlagsbuchhandlung.

Tübingen.

In der Buchhandlung zu Gutenberg:
Dr. Prof. Gustav Schwab, Pfarrer zu So-
maringen.
Bei L. F. Fues:
Die freiherrl. v. Stempische Stiftung.
Bei H. Laupp:
Dr. Adelbert Keller, Dr. phil.
Dr. Albert Moll, Stud. med.

Villingen.

Bei Ferd. Förderer:
Dr. Carl Kaiser, Theilungs-Commissär in
Villingen.

Weilburg.

Dr. L. C. Lang, Buchhändler.

Wien.


In der Beck'schen Universitätsbuchhandlg.:
Dr. Benno, Abt des Stifts Admont.
Bei Braumüller u. Seidel:
Dr. F. Habel, Dr. med.
Dr. Anton Alexander Graf v. Auersperg in
Thurn.
Dr. Matthäus Kuppitsch, Ober-Lieutenant im
1. Bürgerregiment.
In G. Gerold's Buchhandlung:
Dr. Christ. Anton Geisler, Dr. phil.
Bei P. Rohrmann:
Dr. J. Bayer, Registratur-Adjunct der k. k.
Hofkammer.
Dr. Ritter Carl v. Kefau, k. k. Hofrath.
Bei Schaumburg u. Comp.:
Dr. v. Lasorell.
Bei Tendler u. Schäfer:
Dr. Ferdinand Ritter v. Dhms, k. k. östr.
Botschaftsrath am heil. Stuhle in Rom.


Wiesbaden.


Bei J. F. Hasloch:
Dr. Albrecht, Regierungsrath u. Director des
landwirthschaftl. Vereins für das Herzog-
thum Nassau.

Zürich.

Hrn. Meyer u. Zeller, Buchhändler.
Bei Drell, Füssli u. Comp.:
Die Stadtbibliothek.
Dr. Prof. Dr. Joh. Caspar v. Drell.







Es waz in Burgonden. ein vil edel magedin.
daz in allen landen. niht schoners mohte sin.
Chriemhilt geheizen. die wart ein schone wip.
dar umbe muosen degene. vil verliefen den lip.

Ir pflagen dri kunige. edel vnt rich.
Gunther vnt Gernot. die rechen lobelich.
vnt Giselher der iunge. ein wetlicher degen.
die frowe was ir swester. die helde hetens in ir pflagen.


Ein richiu chuniginne. frow Ute ir moter hiez.
ir vater der hiez Danerat. der in die erbe lies.
sit nach sine lebene. ein ellens richer man.
der och in siner iugende. grozer eren vil gewan.

Die herren waren milte. von arde hoh erborn.
mit kraft vnmazen chvone. die rechen vzerhorn.
daz in Burgonden. so was ir lant genant.
si frowten starchiu wunder. sit in Etzelen lant.

Ze Wormze bi dem Rine. si wonten mit ir chraft.
in dienten von ir landen. vil stolziu ritterschaft.
mit lobelichen eren. vnz an ir endes zit.
si sturben iamerliche. sit von zweier frowen nit.

Di dri kunige waren. als ich gesaget han.
von vil hohem ellen. in waren vndertan.
och die besten rechen. von den man hat gesaget.
starch vnt vil chvone. in scharpfen striten vnt verzaget.

Daz was von Tronege Hagene. vnt och der bruder sin.
Danchwart der snelle. von Metzzen Ortwin.
die zwene margraven. Gere vnt Ekkewart.
Volker von Alze. mit ganzem ellen wol bewart.



Kvomolt der chochen meister. ein v3 erwelter degen.
Sindolt vnt Gvnolt. dise herren wofin pflagen.
des hoves vnt der eren. der drier kunige man.
si heten noch manigen rechen. des ich genennen niemen kan.

Danchwart der was marschalch. do was der nefe sin.
Erhsetze des kuniges. von Mezen Ortwin.
Sindolt der was schenche. ein wetlicher degen.
Gvnolt was chameräre. si chunden hoher eren pflagen.


Von des hoves ere. vnt von ir witen chraft.
von ir vil hohen werdekeit. vnt von ir ritterschaft.
der die herren pflagen. mit freuden al ir leben.
des enchunde iw ze ware. niemen gar ein ende geben.

In disen hohen eren. tromte Chriemilde.
wie si wge einen valchen. starch schon vnt wilde.
den ir zwene arn erschrommen. das si das moeste sehen.
ir enkunde indire werlde. leider nimmer geschehen.

Den trovm si do sagete. ir mwoter Voten.
sine chundes niht beschaiden. baz der guten.
der valche den dv zivhest. das ist ein edel man.
in welle got behoten. dv moyst in schier vloren han.

Was saget ir mir von manne. vil liebiv mwoter min.
ane rechen minne. so wil ich immer sin.
sof schon ich wil beliben. vnz an minen tot.
das ich von rechen minne. sol gewinnen nimmer not.

None versprich ez niht zefere. sprach ir mwoter do.
solto immer hercenliche. zerwerlde werden vro.
das chomt von mannes minne. dv wirfst ein schone wip.
ob dir got gefuget. eins rehte guten ritters lip.



Die rede lat beliben. vil liebiv frowe min.
ez ist an manigen wiben. vil diche worden schin.
wie liebe mit leide. zeungest lonen chan.
ich sol si miden beide. sone chan mir nimmer misssegan.

Chriemhilt in ir mote. sich minne gar bewach.
sit lebete div uil gote. vil manigen lieben tac.
das sine wesse niemen. den minnen wolde ir lip.
sit wart si mit eren. eines vil werden rechen wip.


Der was der selbe valche. den si in ir troome sach.
den ir beschiet ir mvoter. wie fere si das rach.
an ir nehsten magen. die in slogen sint.
durch sin eines sterben. starp vil manich mvoter kint.



Don Sigride wie der erzogen wart.

II. Auenture.

Do whs in Niderlanden. einf edeln kuniges chint.
des vater der hiez Sigemont. sin moter Sigelint.
in einer richen burge. witen wol bechant.
nidene bi dem Rine. diu was ze Santen genant.



Sifrit was geheizen. der snelle degen gvot.
er versochte vil der riche. durch ellenthafsten mvot.
durch fines libes sterche. spochter fremidiv lant.
hey was er sneller degene. sit ze Guregonden vant.

E' daz der degen chvone. vol whse zeman.
do het er solhiv wnder. mit finer hant getan.
da von man immer mere. mac singen vnt sagen.
des wir indisen stunden. mozen vil von im gedagen.


Insinen besten ziten. bi sinen iungen tagen.
man mohte nichel wnder. von Sifriden sagen.
was eren an im whse. vnt wie schone was sin lip.
des heten in zeminne. div vil wetlichen wip.

Man zoh in mit dem vlize. als im daz wol gezam.
von sin selbes togenden. was zoh er an sich nam.
des wrden sit gezieret. fines vater lant.
daz man in zallen dingen. so rehte herlichen vant.

Vil selten ane hvote. man riten lie daz kint.
in hiez mit wäte zieren. sin moter Syngelint.
sin pflagen ovch die wifen. den ere was bekant.
des moht er wol gewinnen. beidiv lvot vnt lant.

Nu was er in der sterche. daz er wol waffen trvoch.
swes er da zo bedorste. des lag an im genvoch.
do begvnder sinnen. werben schoniv wip.
die trooten wol mit eren. den sinen wetlichen lip.

Do hiez sin vater Sigemvnt. chunden sinen man.
er wolde hochgecite mit lieben friunden han.
div märe man do furte. in vrender kunige lant.
den gesten vnt den chunden. gap man roffe vnt ovch gewant.



Swa man vant deheinen. der ritter solde sin.
von art der finen mage. diu edeln kindelin.
diu ladet man zu dem lande. durch die hochgecit.
mit samt dem iungen kunige. swert genamen si sit.

Von der hochgecite. man mohte wnder sagen.
Sigemont vnt Sigelint. die chunden wol beiagen.
mit gote michel ere. des teilte vil ir hant.
des sah man vil der fremden. zuzin riten indaz lant.


Vier hundert swert degene. di solden tragen chleit.
mit dem iungen kunige. vil manie schoniv meit.
mit werche was vnmozich. wande si in waren holt.
vil der edeln steine. di frowen leiten indaz golt.

Die si mit porten wolden. wrchen vf ir wat.
den stolzen swertdegenen. des enwas niht rat.
der wirt der hiez do sidelen. vil manigem chynen man.
zeinen sonewenden. da er die hochgecite wolde han.

Do gie zeinem monster. vil manie richer knecht.
vnt vil der edeln ritter. die wifen heten reht.
daz si den tumben dienten. als in was e' getan.
si heten korzwile. vnt oveh vil maniger vrovden wan.

Got man zen eren. ein messe sanc.
do wart von den loten. vil michel der gedranch.
da si zeritter wrden. nach ritterlicher e'.
mit also grozzen eren. daz wetlich immer me erge.

Si liefen da si funden. gesatelt manie march.
inhofe Sigemundes. der bohurt wart so starch.
daz man erdiezen horte. palas vnt sal.
die hochgemoten degene. heten vrolichen scal.



Von wifen vnt von tumben. man horte manigen stoz.
daz der schefste chrechen. gein dem luste doz.
trunzone sach man vliegen. fur den palas dan.
da sahen chorzewile. beidiv wip vnt och die man.

Der chunich bat is lasen. do zoch man dan div march.
man sach och da zebrochen. uil manige bukkel starch.
vil der edeln steine. geuellet vf daz graf.
an lichten schildes spangen. von hortten daz geschehen was.


Do giengens wirtes geste. da man in sitzen riet.
vil der edeln spise. si von der mwode schiet.
vnt win der aller beste. den man mit vollen trooch.
den vrenden vnt den kunden. bot man eren da genvoch.

Solcher kurzewile. si pflagen al den tac.
vil der varnden diete. rowe sich bewac.
si dienten nach der gabe. die man da riche vant.
des wart mit lobe gezieret. alles Sigemundes lant.

Der herre hiez do lihen. sinen son den iungen man.
lant vnt purge. als er e het getan.
den sinen swert genozzen. gab do vil sine hant.
do liebt in do div reise. daz si chomen indaz lant.

Div hochgecite do werte. vnz an den sibenden tac.
Sigelint div riche. nach alten siten pflac.
durch ir kindes liebe. geben rotes golt.
si kundez wol gedienen. daz si ir sunne warn holt.

Lutzel deheinen varnden. armen man da vant.
rosse vnt kleider. daz stvop in von der hant.
sam si zelebene heten. mer deheinen tac.
ich wene ic ingefinde. so grozzer mitte gepflac.



Mit lobelichen eren. schiet sich diu hochgecit.
von des landes herren. hort man wol sit.
das si den iungen wolden. zeime vogete han.
des enwolde in do niht volgen. Sifrit der wetlich man.

Sit das noch beide lebten. Sigemunt vnt Sigelint.
niht wolde tragen krone. noch ir liebez kint.
doch wolder wesen herre. fur allen den gewalt.
des in den landen vorhte. der degen kon vnt balt.

In dorste niemen schelten. sit do er wafen genam.
ia gerowete vil selten. der reche lobesam.
suchte niwan striten. sin ellenthastiv hant.
tet in zallen ziten. invremeden richen wol bekant.





Gernot Guntber Giseher

Wie Sirit ze Wormze chome.

III. Auentiure.

Den herren moten selten. deheiniv hercenleit.
 er horte sagen märe. wie ein schoniv mit.
 in Burgonden wäre. zewnsche wolgetan.
 da von er sit vil arbeit. vnt oveh fredden gewan.

Die ir vnmazen schone. was vil witen chunt.
vnt ir vil hochgemvte. 30 derselben stunt.
an der iunchfrowen. so manic helt ervant.
ez ladete vil der geste. indaz Guntheres lant.

Swaz man nach ir minne. der werbende sach.
Chriemhilt inir sinne. ir selber nie veriach.
daz si deheinen wolde. zeime treute han.
er was ir noch vil vremde. dem si wart sider vndertan.

Do gedaht vf hohe minne. daz Sigelinde chint.
ez was ir aller werben. wider in ein wint.
er mohte wol verdienen. schoner frowen lip.
sit wart die edel Chriemhilt. des starchen Sifrides wip.

Im rieten sine mage. vnt genoghe sine man.
sit daz er vf minne. vliessen sich began.
daz er eine name. die im mohte zemen.
do sprach der herre Sifrit. so wil ich Chriemhilt nemen.

Die edeln iunchfrowen. v3 Burgonden lant.
durch ir vil grozen schone. von sage ist mir bechant.
nie keiser wart so riche. der wolde haben wip.
im enzame wol zeminnen. der iungen kuniginne lip.

Disiu selben mare. vernam do Sigemvnt.
ez reite sin gefinde. da von wart im chunt.
der wille fines kindes. was im grimme leit.
daz er werben wolde. die vil herlichen meit.

Ez gefriesch ovch Sigelint. des edeln kuniges wip.
si hete groze sorge. vmb ir kindes lip.
den vorhte sie verliesen. von Gunthers man.
den gewerp man do dem degene. sere leiden began.

Do sprach der starche Sivrit. vil lieber vater min.
ane edeler frowen minne. wolde ich immer sin.
ich enworbe dar min herce. vil groze liebe hat.
swaz ieman reden chunde. des ist deheinerflachte rat.

Sit do niht wil erwinden. sprach der kunic do.
so bin ich dines willen. inneklichen vro.
vnt wil dirz helfen fugen. so ich beste chan.
doch hat der chunic Gunther. vil manigen obermoten man.

Obez ander niemen wære. wan Hagene der degen.
der chan mit obermote. der hochverte pslegen.
daz ich vil fere forhte. deiz vns werde leit.
ia ist mir solher märe. dicke vil von in geseit.

Waz mag vns daz gewerren. sprach do Sifrit.
swaz ich friwentliche. niht ab in erbit.
daz mac doch mit ellen. erwerben wol min hant.
ich trow im an ertwingen. bediv lot vnt lant.

Do sprach der furste Sigemont. din rede div ist mir leit.
wan wrden disiv märe. ze Rine geseit.
dyne dorstes nimmer. geriten indaz lant.
Gunther vnt Gernot. sint mir lange wol bekant.

Mit gewalt niemen. erwerben mac die meit.
so sprach der kunic Sigemont. daz ist mir wol geseit.
wellen aber wir mit rechen. riten indaz lant.
vnsern besten friwenden. sol div reise sin bechant.

Des en ist mir niht zemvorte. sprach do Sifrit.
daz mir soln rechen. ze Rine volgen mit.
durch deheine hervart. daz were mir leit.
da mit ich solde ertwingen. die vil herlichen meit.

Si mac svs wol erwerben. da min eines hant.
ich wil mit zwelf gesellen. in Gunthers lant.
dar sult ir mir helfen. vater Sigemunt.
do gap man sinen degenen. zekleiden gra vnt punt.

Do vernam och disiv märe. sin moter Sigelint.
si begunde tvren. umbe ir liebes kint.
ia vorhte si vil sere. die Guntheres man.
div edele kuniginne. dar umbe weinen began.

Do chom der herre Sivrit. da er die frowen sach.
wider sine moter. goetlicher sprach.
irn solt niht weinen. durch den willen min.
ia wil ich ane sorge. vor allen wiganden sin.

Nu helfet mir der reise. in Burgonden lant.
daz ich vnt mine rechen. haben solch gewant.
daz so stolze degene. mit eren mugen tragen.
des wil ich genade. iw mit triwen immer sagen.

Sit du niht wil erwinden. sprach do Sigelint.
so hilf ich dir der reise. min einiges kint.
mit der besten wäte. die ritter ie getrooch.
dir vnt den dinen degenen. ir sult ir suren genwoch.

Des neig ir mit zohnten. der vil chvne man.
er sprach ich wil zer verte. niemen mere han.
niwan zwelf gesellen. den sol man prufen wat.
ich wil versuchen gerne. wie ez umbe Chriemhilde stat.

Da sazen schone frowe. naht vnt tac.
luzzil deheiner mooze. ir deheiniv pflach.
vnze si geworhten. die Sifrides wat.
er wolde siner verte. han deheinerflachte rat.

Sin vater hiez im zieren. sin ritterlich gewant.
damit er varn wolde. in Burgonden lant.
die ir uil liechten brunne. die wrden och bereit.
vnt ir vil goten helme. ir schilde schon vnt breit.

Do nahet in ir reise. zen Burgonden dan.
sie heten vmbe in forge. wiez im solde ergan.
ob si immer wider solden. chomen indaz lant.
do sovmte man den degenen. von dannen waffen vnt gewant.

Ir roffe diu warn schone. ir gereite goldes rot.
lebt iemen vbermoter. des enwas niht not.
denne wäre Sivrit. vnt die sine man.
wie schone er vrloubes. gerte zen Burgonden dan.

In werte tvorechliche. der kunic vnt och sin wip.
er trofste minneklichen. do ir beider lip.
er sprach ir sult niht weinen. durch den willen min.
immer ane forge. mvget ir wol mines libes sin.

Ez was leit den rechen. ez weint och manie meit.
ich wän in hete rehte. ir herce daz geseit.
daz in sovil ir friwende. da von gelege tot.
von schulden si do klageteten. des gie in endeliche not.

An dem sehsten morgen. ze Wormze vf den sant.
riten die vil chunen. allez ir gewant.
was non rotem golde. ir gereite wol getan.
ir roff diu giengen ebene. des herren Sifrides man.

Ir schilde warn niwe. starc vnt breit.
vnt licht ir helme. da zehove reit.
Sivrit der vil chune. in Guntheres lant.
man gesach an heleden. nie so herlich gewant.

Die ort der swerte giengen. nider vf die sporn.
es furten scharpfe geren. die ritter v; erhorn.
Sifrit der furt ir einen. wol zweier spannen breit.
der ze sinen ekken. harte vreislichen sueit.

Die goldes roten zeume. furtens an der hant.
von siden furgebuge. sus chomens indaz lant.
daz volch si allenthalben. kapsen an began.
do liefen in engegene. des kunie Guntheres man.

Die hochgemoten rechen. ritter vnt knecht.
die sprungen in begegene. daz was michel reht.
vnt enpfingen dise geste. inir herren lant.
si namen in die möre. vnt ir schilde von der hant.

Die ross si wolden dannen. ziehen an ir gemach.
Sifrit der starche. zu den helden sprach.
lat uns noch die möre. eine wile stan.
wir wellen schiere hinnen. des ich goten willen han.

Man sol och unser schilde. ninder von uns tragen.
wa ich den kunie uinde. kan mir daz iemen sagen.
Gunthern den richen. v; Burgonden lant.
do sagetes im ir einer. dem iz rehte was bekant.

Welt ir den kunie uinden. daz mac vil wol geschehen.
vf ienem sal witen. han ich in gesehen.
bi den sinen degenen. welt ir zu zim gan.
ir muget da vor im vinden. manigen v; erwelten man.

Do waren och dem kunige. die märe nu geseit.
daz vf sinem hofe wären. ritter vil gemeit.
die furten lichte brunne. vnt herlich gewant.
si enkande niemen. inder Burgonden lant.

Den wirt des hete wnder. von wanne kōmen dar.
die herliche rechen. in wāte licht gevar.
vnt mit so schonen schilden. niwe vnt breit.
daz im daz niemen sagete. daz was im grōzliche leit.

Des antworte ein reche. der hiez Ortwin.
starch vnt chvone. mohter wol sin.
sit wir ir niht erchennen. so sult ir heizen gan.
nach mine hoheim Hagene. den sul wir si sehen lan.

Dem sint kunt div riche. vnt oveh div fremden lant.
mager si bekennen. daz tvot er uns bechant.
in hiez der chunic bringen. mit den sinen man.
sach man in zohtekliche. zehofe fur den chunic gan.

Waz sin der kunic wolde. des vragete Hagene.
ez sint in mine huse. vremde degene.
die niemen hie bekennet. ob ir si e' gesehen.
habt invremden landen. des solt ir Hagene mir veriehen.

Daz tvn ich sicherliche. zeinem venster er do gie.
sin ovge er do wenchen. zv den gesten lie.
wol behagete im ir geverte. vnt oveh ir gewant.
si warn im vil vremde. inder Burgonden lant.

Er sprach von swannen suren. die rechen an den Rin.
ez mohten selbe fursten. oder fursten boten sin.
ir ross div sint so sehone. ir chleider harte gvot.
swannen si ioch riten. si sint vil hohe gemvot.

Also sprach do Hagene. als ich mich kan verstan.
swie ich Sifriden. noh nie gesehen han.
so wil ich wol getrowen. swie ez sich gefuget hat.
so ist ez der reche. der dort so herlichen stat.

Er bringet niwe märe. her indizze lant.
die chunen Nibelunge. floch des heldes hant.
Schilbunc vnt Nibelunch. diu richen kuniges chint.
er frumte starchy wnder. mit siner grozen chreste sint.

Da der helt alleine. an alle helse reit.
er vant vor einem berge. daz ist mir wol gefeit.
bi Nibelunges horde. vil manigen kunen man.
die warn im e' fremde. vnz er ir chunde da gewan.

Hort der Nibelunges. der was gar getragen.
vz einem holn berge. nu horet wnder sagen.
wie in teilen wolden. der Nibelunge man.
daz sach der degene Sifrit. den helt es wndern began.

Er chom zu zin so nahen. daz er die rechen sach.
vnt och in die degene. ir einer drunder sprach.
hie chumt der starchy Sifrit. der helt von Niderlant.
vil seltseniv märe. er an den Nibelungen vant.

Den rechen wol enpfiegen. Schilbunc vnd Nibelunch.
mit gemeinem site. die edeln fursten inuch.
den schaz in baten teilen. den vil chunen man.
vnt batens in so lange. vnz er in loben began.

Er sach so vil gesteines. als wir horen sagen.
hundert chantz wägene. ez mohten niht getragen.
noch me des roten goldes. von Nibelunge lant.
daz solde in alles teilen. des chunen Sifrides hant.

Do gaben si im ze miete. daz Nibelunges swert.
si wrden mit dem dienste. vil vbele gewert.
den in da leisten solde. der vil chune man.
ern kundes niht verenden. do wart der helt von in bestan.

Den schatz er vngeteilet. beliben mose lan.
do begunden mit im striten. der zweier kunige man.
mit ir vater swerte. daz Palmonech was genant.
ez streit abin der chune. den hort vnt Nibelunglant.

Si heten da ir friunde. zwelf chune man.
die starch als risen warn. was chundes si vervan.
die swoch sit mit zorne. diu Sifrides hant.
vnt rechen sibenhundert. dwanger von Nibelunge lant.

Dar zu die richen kunige. die sluger beide tot.
er chom von Albriche. sit ingroze not.
der wande sine herren. rechen da zehant.
vnt er die grozen sterche. sit an Sifride vant.

Done chunde im gestriten. daz starche getwerch.
alsam die lewen wilde. si liefen an den berch.
da er die tarnkappen. Albrichen ane gewan.
do wart des hordes herre. Sifrit der vil chune man.

Die da getorsten striten. die lagen alle erlagen.
den schatz hiez er do balde. furen vnt tragen.
da in e' da namen. die Nibelunges man.
Albrich der vil starche. do die kameren gewan.

Er muos im swern eide. er dient im so sin knecht.
aller hande dienste. was er im gerecht.
so sprach von Tronege Hagene. daz hat er getan.
also grozer chrefte. nimere reche gewan.

Noch weiz ich an im mere. daz mir ist bekant.
einen lintrachen. swoch des heledes hant.
do badet er in dem blvete. des ist der helt gemeit.
von also vester hute. daz in nie wafen sit versneit.

No soln wir den rechen. enpfahen deste baz.
daz wir iht verdienen. den finen starchen haz.
sin lip der ist so chune. man sol in holden han.
er hat mit finen ellen. so mänigiv wnder getan.

Do sprach der chunich riche. du maht wol haben war.
no sich wie degenliche. er stet gein strites var.
er unt die sine degene. der wnder chune man.
wir suln im begegene. hin nider zu dem rechen gan.

Daz mozt ir sprach do Hagene. wol mit eren ton.
er ist von hohem chunne. eines richen kuniges son.
er stet inder gebäre. mich dunchet wisse christ.
ez enfin niht kleiniv märe. darvumbe er her geriten ist.

Do sprach der wirt des landes. no si vns willechomen.
er ist edel unt chvone. daz han ich wol vernomen.
des sol ovch er geniezen. in Burgonden lant.
do gie der chunic Gunther. da er Sifriden vant.

Der wirt vnt sine rechen. enpfiegen so den gast.
daz in an ir zohnten. wenich iht gebrast.
des begunde in nigen. der vil chune man.
man sah in zohtekliche. mit den finen rechen stan.

Mich wndert dirre märe. sprach der wirt zehant.
von wanne ir edel Sifrit. sit chomen indaz lant.
oder waz ir werbet. ze Wormez an den Rin.
do sprach der gast zem kunige. daz sol ich vverdaget sin.

Mir wart gesaget märe. inmins vater lant.
daz hie bi iv wären. daz het ich gern erkant.
die chunsten rechen. des han ich vil vernomen.
die ie kunic gewunne. darvumbe bin ich her bechomen.

Ouch hort ich iv selben. der degenheite ichen.
daz man kunic deheinen. chuner habe gesehen.
des giht iv vil der lute. vber elliv distiv lant.
none wil ich niht erwinden. vnz ez mir werde bechant.

Ich bin ouch reche. vnt solde chrone tragen.
ich wil daz gern fugen. daz si von mir sagen.
daz ich habe von rehte. lute vnt lant.
darvumbe sol min ere. vnt min hooht wesen pfant.

Nv ir sit so chune. als mir ist geseit.
iane roche ich ist iemen. liep oder leit.
ich wil an iv ertwingen. swaz ir mugt han.
lant vnt burge. daz sol mir wesen alles undertan.

Den chunic hete wnder. vnt sine man allesam.
vumbe distiv märe. die er hie vernam.
daz er des hete willen. er näme im finiv lant.
daz horten sine degene. do wart in zernen bechant.

Wie hete ich daz verdienet. sprach Gunther der degen.
des min vater lange. mit eren hat gepflegen.
daz wir daz solden vliessen. von iemannes kraft.
wir liezen vbel schinen. daz ouch wir pflegen ritterschaft.

Ich enwil es niht erwinden. sprach aber der chune man.
ez enmoge von dinem ellen. din lant den vride han.
ich wils alles walten. vnt ouch div erbe min.
erwirbestoz mit ellen. die soln von rehte wesen din.

Din lant vnt ouch daz mine. suln geliche ligen.
sweder unfer einer. am andern mac gesigen.
dem sol ez alles dienen. die lute vnt ouch div lant.
da wider redet aleine. der herre Gernot zehant.

Wir han des niht gedingen. sprach do Gernot.
daz wir iht lande irtwingen. daz iemen drumbe tot.
gelige vor rechen handen. wir haben richiv lant.
diu dienen vns von rehte. zenieman sint si baz bewant.

In vil grimmen moete. da stunden die friunde sin.
do was ovch dar vnder. der herre Ortwin.
der sprach disiv svone. ist mir von hercen leit.
iw hat der starche Sifrit. unverdienet wider seit.

Ob ir vnt iwer bruder. hetet niht die wer.
vnt ob er danne furte. ein michil kuniges her.
ich trowte wol erstriten. daz der chune man.
die grozen overmoete. von warn schulden wose lan.

Daz zvrnde harte fere. der helt von Niderlant.
sich enfol niht vermezzen. wider mich din hant.
ich bin ein kunic riche. so bistu kuniges man.
ia enzimt dir niht mit strite. deheinen minen genoz bestan.

Nach swerten rief do fere. von Metzen Ortwin.
er mohte Hagenen swester suon. von Tronege vil wol sin.
daz der so lange dagete. daz was dem kunic leit.
do vnderstunde; Gernot. der ritter kvene vnt gemeit.

Er sprach ze Ortwine. lat iwer zvrnen stan.
vns en hat herre Sifrit. solhes niht getan.
wir meigen es noch wol scheiden. mit zhten dest min rat.
vnt haben in zefrivnde. daz uns lobelicher stat.

Des antworte Hagene. vns mac wol wesen leit.
allen iweren degenen. daz er ie gereit.
durch striten her ze Rine. er soldez haben lan.
im heten min herren. solher leide niht getan.

Do sprach aber Sifrit. der chrestige man.
mote ouch daz her Hagene. daz ich gesprochen han.
so sol ich lazen chiesen. daz die hende min.
wellent vil gewaldech. hie zen Burgonden sin.

Daz sol ich eine wenden. sprach do Gernot.
allen sinen degenen. reden er verbot.
iht mit obermote. des im wäre leit.
do gedaht ouch Sifrit. an die vil herlichen meit.

Wie zäme vns mit iv striten. sprach aber Gernot.
swaz helde nu dar vnder. musen ligen tot.
wir hetens luzil ere. ob wir ez wolden toon.
des antwort Sifrit. des kunic Sigemundes sun.

Warumbe bitet Hagene. vnt ouch Ortwin.
daz er niht gahet striten. mit den frivonden sin.
der er also manigen. hie zelande hat.
si musin rede vermeiden. daz was Gernotes rat.

Ir sult vns wesen willechomen. sprach Giselher daz kint.
vnt iwer hergesellen. die hie mit iv sint.
wir soln iv gerne dienen. ich unt die mage min.
do hiez man den gesten. schenchen Guntheres win.

Do sprach der wirt des landes. allez daz wir han.
gerochet irs nach eren. daz si iv vndertan.
vnt si mit iv geteilet. lip unt gvot.
do wart der herre Sivrit. ein luzil fenster gemvot.

Do hiez man in behalten. alliz ir gewant.
man gab in herberge. die besten die man vant.
Sivrides knappen. man schvof in gvot gemach.
den gast man sit vil gerne. da zen Burgonden sach.

Man bot im michel ere. dar nach ze manigen tagen.
tusint stunden mere. danne ich ir kunde gesagen.
daz hete verscholt sin ellen. ir solt wol wizen daz.
in sach vil luzzil iemen. der im were gehaz.

Sich vlizzen kurzewile. die kunige vnt ovch ir man.
so was er ie der beste. swes man da began.
des chunde im volgen niemen. so michel was sin kraft.
so si den stein wrfen. oder schuzzen den schaft.


Swa so vor den frowen. durch ir hoffsheit.
churzewile pflagen. die ritter vil gemeit.
da sah man ie vil gern. den helt v; Niderlant.
er het vf hohe minne. sine sinne gewant.

Ze hofe die schonen frowen. vrageten mare.
wer der stolze vrende. reche ware.
sin lip der ist so schone. vil riche sin gewant.
do sprachen ir genwge. ez ist der chunic von Niderlant.

Swes iemen da begunde. des was sin lip bereit.
er trooch insinem mote. ein minnekliche meit.
vnt ovch in ein div frowe. die er noch niene gesach.
div im inheinliche. vil dicke gottliche sprach.

Swenne vofem hofe wolde. spilen da div kint.
ritter vnt knappen. daz sach vil dicke sint.
Eriemhilt durch div venster. div kuniginne her.
deheiner kurzewile. bedorste div kuniginne mer.

Vnt wesser daz in sehe. die er inhercen trooch.
da het er kurzewile. immer ane genwoch.
solt ovch er si sehen. ir sult geloben daz.
daz im indirre werlde. chunde nimmer werden baz.



Swenner bi den rechen. vñ dem hofe stont.
also noch die lute. durch kurzewile tvont.
so stont so minnekliche. daz Sigelinde chint.
daz in durch hercenliebe. trotte manic frowe sint.

Er daht och manige zite. wie sol daz geschehen.
daz ich die maget edele. mit ovgen moge gesehen.
die ich von hercen minne. vnt lange han getan.
diu ist mir vil vrende. des wvz ich dicke truric stan.

Swenne die kunige riche. riten inir lant.
so wvsn ie die rechen. mit in al zehant.
da mit reit och Sifrit. daz was den frowen leit.
er het durch hohe minne. dicke michel arebeit.

Sws wonter bi den herren. daz ist al war.
in Guntheres lande. volleklich ein iar.
daz er die minneklichen. die zite niene geschach.
von der im sit vil liebe. vnt och vil leide geschach.






Wie Sivrit mit den Sassen streit.

IV. Auentiure.

Do chomen vrendiv märe. in Guntheres lant.
 von boten die im verre. warn dar gesant.
 von vnhonden rechken. die in trugen haz.
 do si die rede vernamen. leit was in innekliche das.



Die wil ich in nennen. ez was Lodeger.
vzer Saksen lande. ein richter furste her.
vnt ouch von Tenemarche. der kunig Lodegast.
an dem sinen vruunden. ganzer helse nie gebraht.

Ir boten chomen warn. in Buregonden lant.
die ir widerwinnen. heten dar gesant.
do vragte man der märe. die unchonden man.
do braht man si balde. zehofe vor den konig stan.

Do sprach der kunig Gunther. nu sit willekomen.
wer inch her habe gesendet. des enhan ich niht vernomen.
daz solt ir lasen horen. sprach der ritter gvot.
do vorhten si vil fere. den grimmen Gunthers mvot.

Welt ir uns konig erlobben. daz wir in märe sagen.
diu wir in da bringen. sone soln wir niht verdagen.
wir nennen in die herren. die uns here habent gesant.
Lodegast vnt Lodeger. die wellent sochen iwer lant.

Ir habt ir haz verdienet. ir solt gelovben daz.
daz in die rechen beide. tragent grozen haz.
Si wellent herverten. ze Wormze an den Rin.
in hilfet vil der degene. des sult ir ane zwifel sin.

Inre zwelf wochen. ir reise sol geschehen.
habt ir iemen vruunde. daz lat vil balde sehen.
die in vriden helfen. die burge vnt iwer lant.
hie wirt von in verhowen. vil manic herlicher rant.

Oder welt ir mit in dingen. so entbietet ez in dar.
sone ritent in so nahen. niht die starchen schar.
ze Wormez zu dem Rine. of hercentlich in leit.
da von verderben mvzen. die goten ritter gemeit.

No bitet eine wile. sprach der kunic gnot.
vñ ich miß baz verfinne. ich kund iu minen woot.
han ich getriwer iemen. die sol ich niht verdagn.
disiu starchen märe. sol ich minen friwenden sagen.

Dem kunige disiu märe. warn leide genvōc.
die rede er tougenliche. insime hercen tvoc.
er hiez gewinnen Hagenen. vnt ander sine man.
vnt bat ovch harte balde. zehofe nach Gernote gan.

Do chomen im die besten. swaz man der da vant.
er sprach man wil uns svochen. her inunser lant.
mit starchen herverten. daz lat iu wesen leit.
ez ist gar ane scholde. daz si uns habent widerseit.

Daz wern wir mit swerten. sprach do Gernot.
da sterbent wan die veigen. die muosen ligen tot.
dar ombe ich niht vergezen. mac der eren min.
die unfer widerwinnen. suln vns willechomen sin.

Do sprach der starche Hagene. daz endunchet mich niht gnot.
Livdegast vnt Livdeger. die tragent obermoot.
wir muosen uns niht besenden. inso churzen tagen.
so sprach der chune reche. wan muoget irz Sifride sagen.

Die boten herbergen. hiez man in die stat.
swie uient man in wære. doch sehone ir pflegen bat.
Gunther der riche. daz was wolgetan.
vñ er eruant an vriunden. wer im wolde gestan.

Dem kunige insinen sorgen. was iedoch vil leit.
do sach in trourende. ein degen vil gemeit.
der niht wizen kunde. was im was geschehen.
do bat er im der märe. den kunic Gunther veriehen.



Mich wndert harte fere. sprach do Siurit.
wie habt ir so verkeret. die vroliche sit.
der ir nu mit uns lange. habt alher gepflegen.
des antwort im do Gunther. der vil zierlich degen.

Jane mag ich allen luten. die swere niht gesagen.
die ich mo; tougenliche. inmime hercen tragen.
man sol stäten frunden. chlagen hercen not.
div Sifrides varwe. wart beidiv bleich vnt rot.


Er sprach zu dem kunige. habt vff minen eit.
ich sol ir helfen wenden. elliv iweriv leit.
welt ir vriunde sochen. der sol ich einer sin.
vnt trowe ez wol mit eren. vol bringen an das ende min.

Nu lone ir got her Siurit. div rede mich dunchet got.
vnt ob mir nimmer helse. iwer ellen getvot.
ich frewe mich doch der märe. das ir mir sit so holt.
lebe ich deheine wile. ez sol werden wol verscholt.

Ich wil irch lazen horen. warvmb ich trurich stan.
von boten miner viende. ich das vernomen han.
das si mich sochen wellen. mit heruerten hie.
das getaten uns noch degene. her zu disen landen nie.

Das lat irch ahten ringe. sprach do Siurit.
vnt senftet iwer mvoete. tvot des ich irch bite.
lat mich ir erwerben. ere vnt och den frumen.
e' das iwer niende. her zedisen landen chymen.

Swenne iwer starche niende. zir helse mohten han.
drizzech tusint degene. so wold ich si bestan.
het ich niwan tusint. des lat irch an mich.
do sprach der kunic Gunther. das dien ich immer vmb dich.



So heizet mir gewinnen. tusint iwert man.
sit daz ich der minen. bi mir niht enhan.
niwan zwelf degene. so wer ich iover lant.
io sol immer dienen. mit triwen Sifrides hant.

Des sol uns helfen Hagene. vnt oveh Ortwin.
Danchwart vnt Sindolt. die lieben rechen din.
oveh sol da mit riten. Volcher der kune man.
der sol den vanen foren. baz ihs nieman engan.

Nu lat die boten riten. wider in ir lant.
daz si uns da sehen schiere. daz tv man in bekant.
so daz unser burge. vride mozen han.
do hiez der kunic besenden. beidiv mage vnt man.

Die boten Ludegeres. zehove giengen do.
daz si zelande solden. des warn si vil vro.
do bot in riche gabe. Gunther der kunic gvot.
vnt schuf in sin geleite. des stunt in hohe der mvot.

Nu saget sprach do Gunther. den vianden min.
si mugin mit ir reise. wol da heime sin.
wellent aber si mich sfoochen. her inminiv lant.
mirn zerinne miner frivnden. in wirdet arbeit erchant.

Den boten riche gabe. man do for truoch.
der het in zegebene. der riche chunic genvoch.
dine torsten niht versprechen. die Ludegeres man.
vrloov si do namen. vnt furen vrolichen dan.

Do die boten waren. ze Tenemarche komen.
vnt der kunic Ludegast. hete daz vernomen.
was si ze Rine redeten. als im daz wart geseit.
ir starchez obermveten. was im ane maze leit.



Man saget im daz si heten. manigen chunen man.
dar vnder sach man einen. vor Gunther stan.
der was geheizen Sifrit. ein helt vñ Niderlant.
ez leidete Kiodegaste. do er diu märe recht ervant.

Do die von Tenemarche. disse horten sagen.
do ilten si der helpe. deste me begagen.
so daz der kunic Kiodegast. finer mage vnt man.
wol zweinzich tusint degene. zu der reise gewan.

Do besande och sich von Saksen. der chone Kiodeger.
vñ si vierzech tusint. heten vnt mer.
mit den si wolden riten. in Guntheres lant.
do heten och sich hie heime. die drie kunige besant.

Mit den Suregonden. vnt ander ir hohen man.
die si durch vrlivge. furen wolden dan.
si ilten sich bereiten. des gie den helden not.
dar vnder wvsin degene. side chiesen den tot.

Si vliessen sich zer reise. do si wolden dane.
Volker dem chunen. bevolhen wart der vane.
do sie varen wolden. ze Wormze vber Rin.
Hagene der stanche. der wvos scharmeister sin.

Damit reit och Sindolt. vnt Hynolt.
die wol gedienen chunden. richer kunige golt.
Dancwart der snelle. vnt och Ortewin.
die mohten wol mit eren. inder heruerte sin.

Her kunic sit hie heime. sprach do Sivrit.
sit daz iwer rechen. mir wellen volgen mit.
belibet bi den frowen. vnt habet hohen wvot.
ich trowe io wol beherten. beidiu ere unt gvot.

Die iewch da wolden suchen. ze Wormze an den Rin.
daz sol ich wol behuten. daz si iw iht schade sin.
wir solen in geriten. so nahen inir lant.
daz in ir vbermweten. werde insorgen erwant.

Von Rine si durch Hessen. mit ir helden riten.
gegen der Saksen lande. da wart sit gestriten.
mit roobe vnt och mit brande. wuosten si daz lant.
daz iz den fursten beiden. wart mit arbeit bechant.


Si komen vf die marche. die knechte zogeten dan.
Sifrit der vil starche. vragen do began.
wer sol des gefindes. vns nu hoten hie.
iane wart den Saksen. geriten schedelicher nie.

Sie sprachten lat der tumben. huten vf den wegn.
den vil chunen marschalch. der ist ein sneller degen.
wir verliesen deste minre. von Liudegeres man.
lat in vnt Ortwinen. hie die nach hote han.

So wil ich selbe riten. sprach Siurit der degen.
vnt wil der warte. gein den nienden pflegen.
vnt ich vil rehte ervinde. wa die rechen sint.
do wart gewaffent balde. der schonen Sigelinde kint.

Daz volch bevalh er Hagene. da er wolde dan.
vnt och Gernote. dem vil kunem man.
do reit er eine dannen. inder Saksen lant.
da er diu rehten mare. wol mit eren sit erwant.

Do sah er here das grozze. daz uf dem velde lac.
daz wider siner helpe. mit vnfoge wach.
des was wol vierzech tusint. oder dannoch baz.
der helt in hohem mote. sach vil frolichen daz.



Do het ouch sich ein reche. von den vienden dar.
erhaben vf die warte. der was zvlize gar.
den sach der herre Sifrit. vnt in der chune man.
ietweder do des andern. mit nide govmen began.

Ich sage iv wer der wäre. der hie der warte pflach.
ein liechter schilt von golde. im vor der hende lach.
ez was der kunich Kivdegast. der hute finer schar.
dirre gast vil edele. ernante vil herlichen dar.


Nv hete ouch in her Kivdegast. vientlich erchorn.
ir roff si namen beide. zen siten mit den sporn.
sie neigten vf die schilde. die sehefte mit ir kraft.
des wart der kunic here. mit grozen sorgen behaft.

Div roff nach stiche trogen. div richen kuniges kint.
mit hurte fur ein ander. sam si wäte ein wint.
mit zovmen wart gewendet. vil ritterlichen dan.
mit swerten ez erfvhten. die zwen grimme starche man.

Do sluch der herre Sifrit. das aldaz velt erdoz.
do stoyp im v; dem helme. sam von brenden groz.
die heizen fivres vunchen. von des rechen hant.
da streit vil mähteklichen. der voget v; Niderlant.

Do sluoc ouch im her Kivdegast. vil manigen grimmen slach.
ir ietwederes ellen. vf schilden vaste lach.
do heten dar gehutet. wol drizzech finer man.
e' im der helpe chome. den sich doch Sivrit gewan.

Mit drin starchen wnden. die er dem kunige sluoc.
durch eine lichte brunne. div was gvot genvoch.
das swert an finen ecken. braht v; wnden bluot.
des gewan der kunic Kivdegast. einen trurigen mvot.



Er bat sich leben lazen. vnt bot im siniv lant.
vnt sagt im daz er wäre. Livdegast genant.
do chomen sine rechen. die heten wol gesehen.
was da von in beiden. vf der warte was geschehen.

Do er in danne furte. do ward er an gerant.
von drizzech sinen mannen. do wert des heledes hant.
sinen richen gisel. mit vngesugen flegen.
sit tet schaden mere. Sifrit der v; erwelte degen.

Die drizzech er zetode. vil werliche fvoch.
er liez ir leben einen. balde er reit genvoch.
vnt sagt hin div märe. was hie was geschehn.
ovch moht mans die warheit. an sinem rotem helme sehn.

Den von Tenemarche. was vil grimme leit.
ir herre was gefangen. do in daz wart geseit.
man seit es Livdegere. toben er began.
von ungesugem zorne. wand im was leide getan.

Livdegast der riche. was gefuret dan.
von Sifrides gewalte. zu Guntheres man.
er bevalh in Hagene. der chune reche guot.
do er vernam div märe. do ward er frolich gemvot.

Er hiez der Burgonden. ir vanen binden an.
wol vf so sprach Sivrit. hie wirt noch me getan.
e' sich der tac verende. sol ich habn den lip.
daz mvet in Salsen lande. etliches guten rechen wip.

Ir helde von dem Rine. ir sult min nemen war.
ich kan ivch wol geleiten. in Livdegeres schar.
da seht helme howen. von guter helede hant.
e' daz wir wider wenden. inder Burgonden lant.

Zen rossen gahte Gernot. vnt ouch sine man.
Volker der chune. den vanen zwochte dan.
der starcke videläre. do reit er vor der schar.
do was ouch das gesunde. ze strite herlichen gar.

Sine surten doch niht mere. niwan tusint man.
dar vber zwelf rechen. flieben do began.
diu molte von den strazen. si riten vber lant.
do sach man von in schinen. vil manigen herlichen rant.

Do waren ouch die Saksen. mit ir scharn chomen.
mit swerten wol gewahsen. als wir han sit vernomen.
diu swert diu sniten fere. den rechen an der hant.
do wolden si den gesten. wern burge vnt lant.

Der herren schar meister. das volch do surten dan.
da was ouch chomen Sifrit. mit den sinen man.
die er da mit im brahte. vzer Niderlant.
des tages wart in sturme. vil manic blutiger rant.

Sindolt vnt Hynolt. vnt ouch Gernot.
die vrumten indem strite. vil manigen helt tot.
e' si das recht erfunden. wie chune was ir lip.
das muose sit beweinen. vil manic wetliches wip.

Volker vnt Hagene. vnt ouch Ortwin.
die laseten im strite. vil maniges helmes schin.
mit vliezendem bluote. ez warn chune man.
da wart von Danchwarte. vil michel wnder getan.

Die von Tenemarche. versvohten wol ir hant.
do horte man von hurte. erdiesen manigen rant.
vnt ouch von scharspen swerten. der man da vil gestuoc.
die strit chunen Saksen. taten scaden ouch genvoch.

Do die von Burgonden. drungen inden strit.
von in wart verhowen. vil manic wnde wit.
do sahe man vber sätele. vliezen das bluot.
svs wrben nach den eren. die ritter chun vnde gvot.

Man horte da luot erhellen. den helden an der hant.
div vil scharpfen wafen. da die von Niderlant.
drungen nach ir herren. indie herten schar.
si chomen degenliche. mit samt Sifride dar.


Volgen der von Rine. niemen man im sach.
man mohte chiesen vliezen. den blötigen bach.
durch die vil lichten helme. von Sifrides hant.
vnz er Kivdegeren. von sinen hergesellen vant.

Drie widerchere. het er nv genomen.
des hers an ein ende. nv was ovch Hagene chomen.
der half im wol ervollen. instrite sinen mvot.
des tages mvse ersterben. von in vil manic ritter gvot.

Do der starche Kivdeger. Sifriden vant.
vnt das er so hohe. troge an siner hant.
das vil scharpfe wafen. vnt ir so manigen fluoc.
dar vumbe wart der chuene. vor leide zornich genvoc.

Do wart ein michel dringen. vnt groz der swerte klanch.
do ir ingesinde. zv zein ander dranch.
do versuhten sich die rechen. beidenthalben baz.
die schar begunden wichen. sich huop da groslicher has.

Dem vogete von den Saksen. was das wol geseit.
sin bruder was gevangen. das was im harte leit.
wol wesser das is tete. das Sigelinde kint.
man zeh is Gernoten. vil wol ervant er is sint.



Die flege Iuddegeres. die warn also storch.
daz im vnder satele. struchte daz march.
do sich daz roff erholte. der chune Siurit.
gewan indem sturme. einen vreiselichen sit.

Des half im wol Hagene. vnt ovch Gernot.
Ortwin vnt Volker. des lage ir vil da tot.
Sindolt vnt Hunolt. die zwene chune man.
von den vil manic frowe. schaden grozen da gewan.


Insturme vngescheiden. warn die kunige her.
do sah man ober helme. vliegen manigen ger.
durch die liechten schilde. von der degene hant.
man sach da var nach bluote. manigen herlichen rant.

Indem starchen sturme. erbeizte manic man.
nider von den rossen. ein ander liefen an.
Sifrit der chune. vnt ovch Iuddeger.
da striten wol nach eren. die helede chun vnt her.

Do sloveh daz schilt gespenge. von Sifrides hant.
den sig gedaht erwerben. der helt von Niderlant.
an den kunen Saksen. die dolten vngemach.
hei was da liechter ringe. der snelle Dancwart zbrach.

Do het der herre Iuddeger. vf eime schilde erkant.
gemalet eime chrone. vor Sifrides hant.
wol wesser daz iz wære. der obermvete man.
der helt zw sinen frunden. stanche rufen began.

Gelovbet iewch des sturmes. mage vnt man.
svn den Sigemundes. ich hie gefehn han.
von Niderlant den starchen. han ich hie bechant.
in hat der ubil tiöfel. her zen Saksen gesant.



Die vanen wrden lazen. indem sturme nider.
frides er do gerte. des wert man sider.
doch mufer werden gifel. in Guntheres lant.
daz het an im ertwongen. des chunen Sifrides hant.

Mit gemeinen rate. so liezen si den strit.
durchel vil der helme. vnt ooch der schilde wit.
si leiten von den handen. swaz so man der vant.
die trugen blutes varwe. von der Suregonden lant.

Si viengen swen si wolden. des heten si gewalt.
Gernot der herre. vnt Hagene ein degen balt.
die wunden hiezen baren. si furten mit in dan.
zu den Suregonden. funf hundert wetlicher man.

Die sigelosen rechen. ze Tenemarchen riten.
do enheten ooch die Saksen. so hoche niht gestriten.
daz man in lobes iähe. daz was den heleden leit.
do wrden ooch die veigen. von friunden sere gekleit.

Sie hiezen daz gewäsen. wider sovmen an den Rin.
ez hete wol geworben. mit den rechen sin.
Sifrit der starche. het ez gvot getan.
des im do iehen muosen. alle Guntheres man.

Gegen Wormez sande. der herre Gernot.
heime zu sine lande. den friunden er enbot.
wie im gelunge wäre. vnt den sinen man.
ez heten die vil chunen. wol nach eren getan.

Die garzwe liefen. von den wart ez geseit.
do frevten sich die schönen. die e' heten leit.
der vil lieben märe. die in waren chomen.
da wart von edeln frowen. uil michel fragen vernomen.

Wie gelunge wære. des richen chuniges man.
man hiez der boten einen. zo Chriemhilde gan.
daz geschach vil tougen. iane torstes oberlvot.
wan si hete dar vnder. ir vil liebes hercen tvot.

Do si den boten kvomenden. zir kemenaten sach.
Chriemhilt div uil schone. gottlichen sprach.
sagan liebiv märe. ia gib ich dir min golt.
tvstv; ane triegen. ih wil dir immer wefn holt.

Wie schiet v; dem strite. min bruder Gernot.
vnt ander mine friwende. ist mir iht maniger tot.
wer tet da daz beste. daz soltv mir sagen.
do sprach der bote biderbe. wir heten ninder deheinen zagen.

Ze vorderst am striten. reit niemen alse wol.
vil edeliv kuniginne. sit man; iv sagen sol.
so der gast vil chune. vzer Niderlant.
da worhte michel wnder. des herren Sivrides hant.

Swa; die rechen alle. instrite hant getan.
Danchwart vnt Hagene. vnt ander des kuniges man.
swa; iemen streit nach eren. daz ist gar ein wint.
wider Sifriden. des kunic Sigemundes kint.

Si frumten indem stvrme. der helde vil erschlagen.
doch enkund iv daz wnder. niemen wol gesagen.
wa; da worhte Sifrit. swenner zesturme reit.
den vrowen an ir magen. frumet er div gröslichen leit.

Ovch mo;ste da beliben. vil maniges wibes tvot.
sine flege man horte. vf helmen alse luot.
daz si von wunden brahten. daz vliezende blvot.
er ist in allen tugenden. ein ritter kvon vnt gvot.



Da hat och vil begangen. von Mezen Ortwin.
swaz er ir mohte erlangen. mit den handen sin.
die musen vnt beliben. oder meistich tot.
da tet iwer bruder. die aller grozisten not.

Die immer inden stürmen. chonde sin geschehn.
man mu; der warheite. den vzer welten ichn.
die stolzen Burgonden. die habent so gevarn.
daz si vor allen schanden. ir ere chunnen wol bewarn.


Man sach da vor ir handen. vil manigen satel bloz.
da von den liechten swerten. das velt vil lot erdos.
die rechen von dem Rine. die habent so gestriten.
daz ez ir vianden. wäre bezer vermiten.

Die chunen Tronegäre. die taten groziv leit.
da man mit volches chresten. zo zein ander reit.
da vrunte manigen toten. des chunen Hagenen hant.
des vil zefagene wäre. her zer Burgonden lant.

Sindolt vnt Hunolt. die Gernotes man.
vnt Romolt der vil chune. die hantz so gvot getan.
daz er Liddegere. mac immer wesn leit.
daz er den minen herren. het ze Rine widerseit.

Strit den aller hohsten. der inder da geschach.
ze iungest vnt zem ersten. den ieman gesach.
den tet vil willekliche. die Sifrides hant.
er bringet riche gisfel. indaz Guntheres lant.

Die twanc mit sinen ellen. der wätlich man.
des och der kunic Liddegast. schaden vil gewan.
vnt och von den Saksen. der chune Liddeger.
no horet miniv märe. vil edeliv kuniginne her.



Si hat gevangen beide. diu Sifrides hant.
ez enwart nie meniger gifel. braht indizze lant.
so nu von sinen schulden. chumet an den Rin.
ir enchunden disiu märe. nimmer lieber gesin.

Man bringet der gefunden. sunf hondert oder baz.
vnt der verch wunden. frowe wizzet daz.
wol ahzech roze bäre. in Burgonden lant.
die meistech hat verhowen. des chunen Sifrides hant.


Die durch ir obermweten. widersageten an den Rin.
die muosen nu gevangen. die Guntheres sin.
die bringet man mit freuden. her indizze lant.
da erblvet ir liehtiv varwe. do si diu märe recht ervant.

ez wart ir lieth antlyze. vor liebe rosen rot.
do mit liebe was gescheiden. v3 der grozen not.
der minneklich reche. Sivrit der iunge man.
si vrent oveh sich ir friunde. daz was von schulden getan.

Do sprach diu minnekliche. du hast mir wol geseit.
du solt haben dar umbe. ze miete richiv kleit.
vnt zehu march von golde. heiz ich dir tragen.
des mag man solchiv märe. richen frowen gern sagen.

Man gab im sine miete. daz golt vnt oveh diu ehleit.
do gie an diu venster. vil manic schoniv meit.
si warten vf die straze. riten man do vant.
vil der hochgemvten. inder Burgonden lant.

Da chomen die gefunden. die wunden taten sam.
sie mohten grozen horen. von vriunden ane scham.
der wirt gein sinen gesten. vil vrolichen reit.
mit vreden was verendet. daz sin vil grozliche leit.



Do enpfie er wol die sine. die vrenden tet er sam.
wan dem richen kunige. anders niht enzam.
wan danchen gvetliche. die im warn chomen.
das si den sig nach eren. in storme heten genomen.

Gunther bat im mere. von sinen frivnden sagen.
wer im an der reise. zetode wär irslagen.
do het er vlorn niemen. niwan sehzech man.
verklagen man die wofe. so sit nach heleden ist getan.


Di gefunden brahten. verhowen manigen rant.
vnt helme vil verschrotten. in Guntheres lant.
si stunden von den rossen. nider fur den sal.
zeliebem antpfange. man horte vrolichen schal.

Do hiez man herbergen. die wegemoden man.
der kunic sinen gesten. danchen vil began.
er hiez der wunden hveten. vnt schaffen in gemach.
wol man sine togende. an sinen vianden sach.

Er sprach ze Livdegere. nu sit mir willechomen.
ich han von iwern schulden. schaden vil genomen.
der wirt mir nu gebvzet. ob ich gelucke han.
got lone minen frivnden. si hant mir liebe getan.

Ir moigt in gerne danchen. sprach do Livdegere.
also hoher gifel. gewan nie kunic mere.
vmbe schone hote. wir bieten michel gvot.
das ir genädechliche. an mir vnt minen frivnden tvot.

Ich wil ivch ledech lasen. sprach der kunic gen.
das mine viande. hie bi mir besten.
des wil ich haben burgen. das si miniv lant.
iht rvomen ane hulde. des sichert do ir beder hant.



Man brahte si zerowe. vnt schyf in got gemach.
den wunden man gebettet. vil gotlichen sach.
man schancte den gefunden. met vnt goten win.
do chunde das gesunde. nimmer vrolicher sin.

Ir zerhowen schilde. man behalten trvoch.
blvtiger satele. der was da genwoch.
die hiez man ovch verbergen. das weinten niht div wip.
do chom her moede. vil maniges chunen ritters lip.


Der wirt pflac finer geste. vil grozliche wol.
der vremen vnt der chunden. was das lant so vol.
man hiez der fere wunden. vil gotliche pflegn.
do was ir obermoeten. vil harte ringe gelegn.

Die ercenie chunden. den bot man grozen scholt.
silber ane wage. dazvo das lichte golt.
das si die helde nerten. nach des strites not.
dar zvo der kunic den gesten. gabe grozlich bot.

Die wider heim zehofe. der reise heten mvot.
die bat noch beliben. also man friunde tvot.
der kunic gie zerate. wier lohte finen man.
si heten finen willen. nach grozen eren getan.

Do sprach der herre Gernot. man sol si riten lan.
ober sehs wochen. si in das chunt getan.
das si chomen widere. zeiner hochgecite.
so ist maniger geheilet. der nv vil fere wnd lit.

Do gert ovch vrloubes. der helt von Niderlant.
do der kunic Gvnther. den willen sin ervant.
er bat in minnekliche. noch bi im bestan.
wan durch Chriemhilde. so war ez nimmer getan.



Darzo was er zerihe. daz er iht nāme solt.
er het daz wol verdienet. der kunic was im holt.
sam waren sine mage. die heten daz gesehn.
was von sinem ellen. indem sturme was gesehn.

Durch der schonen willen. gedaht noch bestan.
die er vil gern sehe. sit wart ez getan.
al nach sinem mvote. si warde im wol bechant.
sit reit er vroliche. heim insines vater lant.

Der wirt hiez zallen eiten. ritterscheste pflegn.
daz tet do willechliche. vil manic iunger degn.
die wil hiez er sidelen. vor Wormze an den sant.
den die im chomen solden. zu der Burgonden lant.

Inden selben eiten. do si nu solden chomen.
do het die vrowe Chriemhilt. diu māre wol vernomen.
er wolde hochgeciten. mit magen vnt man.
do wart vil nichil vlißen. von schonen vrowen getan.

Mit wāte vnt mit gebende. daz si solden tragen.
Ute diu vil riche. diu māre horte sagn.
von den stolzen degenen. die da solden chomen.
do wart v; der valde. guter wāte vil genomen.

Durch ir kinde liebe. hiez si do sniden kleit.
da mit wart gezieret. vil frowen vnt manic meit.
vnt vil der iungen rechen. v; Burgonden lant.
da wart ovch vil der vrenden. bereitet herlich gewant.




Wie Sivrit Chriemhilt altreste ersach

V. Auentiure.

M

an sach si tägliche, nu riten an den Rin.
di zer hochgecite, gerne wolden sin.
die durch der chunige liebe, chomen indaz lant.
man gap da genvogen, bediv roff vnt ovch gewant.





In was ir gesidele. allen wol bereit.
den hohsten vnt den besten. als uns daz ist geseit.
zwein vnt drizzech fursten. da zer hohgecite.
da zierte sich engegene. uil manic iunefrowe sit.

Ez was vil vnmozzich. Gifelher daz chint.
die vrenden vnt ir mage. vil gvetliche sint.
enpfinger vnt Gernot. vnt ovch ir beider man.
ia grozten si die degene. als ez nach eren was getan.


Die golt varwen satele. si brahten indaz lant.
die zierlichen schilde. vnt herlich gewant.
durch des wirtes liebe. zo der hohgecit.
vil manigen vngesunden. sach man vrolichen sit.

Die inden peyen lagen. vnt heten wuden not.
die wofin des vergezen. wie herte was der tot.
die siechen vngesunden. die wofin si verklagen.
si frevten sich der mare. gein der hohgecite tagen.

Wie si lebn wolden. da zer wirtschafft.
wunne ane mase. mit frevden vberchraft.
heten al die lute. swaz man ir da vant.
des hoop sich nichil wunne. vber al daz Gunthers lant.

An einem pfienst morgen. sach man for gan.
gekleidet wunnekliche. vil manigen chunen man.
fouf tusint oder mere. da zer hohgecit.
der lop vil vollekliche. an den Burgonden lit.

Der wirt der het die sinne. im was wol bekant.
wie rehte hercenliche. der helt von Niderlant.
sine swester tvote. swier si niene gesach.
der man so grozer schone. vor allen iunefrowen iach.



Er sprach nu ratet alle. mage vnt mine man.
wie wir die hochgecite. so lobeliche han.
daz man vns drumbe iht schelte. her nach dirre cit.
ein ieflich lop vil stäte. ze iungeft an den werchen lit.

Do sprach vzer Mezen. der degen Ortewin.
welt ir mit vollen eren. zer hochgecite sin.
so solt ir lazen schowen. diu winneklichen kint.
die mit so vollen eren. hie zen Burgonden sint.


Waz were mannes winne. des freute sich ir lip.
ez entäten schone meide. vnt herlichiv wip.
ir lazet iwer swester. for iwer geste gan.
der rat was zeliube. vil manigem degene getan.

Des wil ich gern volgen. sprach der kunic do.
alle die ez erfunden. die warns harte vro.
man saget oveh daz frovn Vten. vnt ir tohter wolgetan.
daz si mit ir megeden. hin zehove solde gan.

Do wart v3 den chiften. gesuchet gvot gewant.
swaz man inder valde. der lichten wäte vant.
porten vnt pouge. des was in vil bereit.
sich ziert minnekliche. vil manic wätlichiv meit.

Vil manic reche tomber. des tages hete mvot.
daz er an zesehene. den frowen wære gvot.
daz er da for näme. niht eines kuniges lant.
si sahen die vil gerne. die si heten nie bekant.

Do hiez der kunic riche. mit siner swester gan.
die ir dienen solden. wol hundert siner man.
ir vnt siner mage. die trugen swert enhant.
daz was daz hofgesinde. vzer Burgonden lant.



Voten die vil richen. die sah man mit ir chomen.
die hete frowen schone. gesellechlich genomen.
wol hundred oder mere. die trogen richiv kleit.
no gie mit Chriemhilde. vil manic wätlichiv meit.

Von einer kemenaten. sach man si alle gan.
da wart vil michel schowen. von rechen gar getan.
die des gedingen heten. ob kunde daz geschehn.
daz si Chriemhilde. solden vrolichen sehen.


No gie die minnekliche. also der morgen rot.
trot v; den troben wolchen. da schiet von maniger not.
der si da trvg inhercen. vnt lange het getan.
er sach die minneklichen. no vil herlichen stan.

Ja luht ir von ir wäte. vil manic edel stän.
ir rosen rotiv varwe. vil minnekliche schein.
swer so wnschen solde. der enkünde niht geichn.
daz er indirre werlde. hâte schoners iht gesehn.

Sam der liechte mane. vor den stern stat.
des schin so lütterliche. ab den wolchen gat.
dem stvnt si vil geliche. vor maniger frowen gvot.
des wart vil wol gehöhet. den zieren heleden der mvot.

Die richen kameräre. die sach vor in gan.
die hochgemvten degene. dine wolden daz niht lan.
sine drungen da si sahen. die minneklichen meit.
Sivride dem edelen. was beidiv lieb vnt leit.

Er daht insinem mvote. wie kunde daz ergan.
daz ich dich minnen solde. als ich gedingen han.
sol aber ih dich vrenden. so wär ich sanfter tot.
er het von ir schulden. tovgen lieb vnt not.



Do stunt so minnekliche. daz Sigemundes kint.
sam er entworfen wäre. an ein permint.
von goter meister listen. als man im do iach.
daz man helt deheinen. so wätlichen nie gesach.

Die mit Chriemhilde giengen. die hiezen von den wegen.
wichen allenthalben. daz leiste manie degn.
div hohe tragenden hercen. freuten manigen lip.
man sach ingrozen zohnten. vil manie herliches wip.

Do sprach von Burgonden. der herre Gernot.
der iw sinen dieneft. so minnekliche bot.
Gunther lieber bruder. dem solt ir ton alsam.
vor allen disen degenen. des rats ich nimmer mich gescham.

Ir heizet Sifriden. den Sigemundes svon.
gen zw Chriemhilde. ob ir wol wellet twon.
div nie gegruozte rechen. div sol ingrozen pflegn.
da mit wir zeinem vriunde. habn den zierlichen degn.

Do giengens wirtes mage. da man den rechen vant.
si sprachen zw dem kunige. vzer Niderlant.
der wirt hat iw erlobbet. ir sult ze hove gan.
sin swester sol iwch grüzen. daz ist zen eren iw getan.

Do wart der degen gvote. der märe vil gemeit.
ia truger indem mvote. lieb ane leit.
daz er sehn solde. daz wnekliche kint.
mit minneklichen togenden. si grozte Sifriden sint.

Do si den hochgemvten. vor ir stende sach.
do enzvnde sich ir varwe. div schone magt sprach.
sit willekomen herre Sifrit. ein edel ritter gvot.
do wart im von dem grozze. vil wol gehöhet der mvot.

Er neigir vlißekliche. bi henden si in vie.
wie rehte minnekliche. der reche bi ir gie.
mit lieben ovgen blichen. ein ander sahen an.
der herre vnt och div frowe. daz wart tovgenlich getan.

Wart iht da frivntliche. getwungen wiziv hant.
von hercenlieber minne. daz ist mir vnbekant.
doch enmac ich niht gelovben. daz ez wrde lan.
si het im holden willen. harte schiere kunt getan.


Si der sumercite. vnt gein des meyen tagen.
chvnder insinem herzen. nimmer me getragen.
minneklicher freuden. denner ir do gewan.
do im div gie so nahen. die er zetröte wolde han.

Do gedahte manic reche. vnt wär mir sam geschehen.
daz ich ir gienge in hende. sam ich in han gefehn.
oder bi zeligene. daz liez ich ane haz.
ez gediente noch nie reche. nach einer kuniginne baz.

Von swelher kunige landen. die geste chomen dar.
die namen al gemeine. niwan ir zweier war.
ir wart erlobbet küssen. den wätlichen man.
im wart bi sinem lebene. nie so liebe getan.

Der kunic von Tenemarche. der sprach sa zestvnt.
diss vil hohen grvzes. lit maniger ungesvnt.
des ich vil wol enpfunde. von Sifrides hant.
got enlaze in nimmer mere. komen inminiv fursten lant.

Do hiez man allenthalben. wichen von den wegen.
den minneklichen frowen. vil manigen chvenen degen.
sach man gezogenlichen. ze hofe mit ir gan.
sit wart von ir gescheiden. der vil wätlich man.



Do gie si zu dem munster. ir volgete manie wip.
do was och so gezieret. der Chriemhilde lip.
daz da hoher wnsche. maniger wart verlorn.
si was da zovgen weide. vil manigen rechen geborn.

Vil chome erbeit Sifrit. daz man da gefanc.
er mohte sinen silden. immer sagen danc.
daz im div was so wäge. die er inhercen trooch.
och was er der schonen. holt von schulden genwoch.

Do si chom for daz munster. sam er e' hete getan.
man sahe in frivntliche. zu Chriemhilde gan.
do begvnde im danchen. div vil schoniv meit.
daz er vor ir magen. so rechte herlichen streit.

Nu lon iv got her Sifrit. sprach daz schone kint.
daz ir daz habt verdienet. daz iv die rechen sint.
so holt von warn schulden. als ich si hore ichn.
do begunder minnekliche. an vroun Kriemhilden sehn.

Ich sol in immer dienen. also sprach der degn.
vnt enwil min hovbet. nimmer e' gelegen.
ich engedien ir hulde. als ich des willen han.
des ist ein teil frow Chriemhilt. nach iuern hulden ergan.

Inre tage zwelfen. der tage al ieselich.
sach man bi dem rechen. die maget lobelich.
so si zehofe solde. vor den fursten gan.
div ere wart dem degene. durch groze liebe getan.

Drevde vnt wne. vil grozlichen schal.
sach man da tageliche. vor Guntheres sal.
dar vor vnt och dar inne. von manigem chvningen man.
Ortwin vnt Hagene. grozer wnder da began.



Swes iemen pflegen solde. des warn si bereit.
mit volleklicher mase. die helde vil gemeit.
des wrden von den gesten. die rechen wol bekant.
da von was gezieret. alles Guntheres lant.

Die e' da wnde lagen. die sach man fur gan.
si wolden chürzwilen. mit des chuniges man.
schirmen mit den schilden. vnt schiezen manigen schaft.
des hulfen in genwoge. si heten grosliche kraft.


Inder hochgecite. der wirt der hiez ir pflegn.
mit der besten spise. er hete sich bewegn.
aller hande schande. die ie kunie gewan.
man sach in minnekliche. zu den sinen gesten gan.

Er sprach ir guten degene. e' daz ir scheidet hin.
so nemt die mine gabe. also stet min sin.
daz ich ez immer diene. verfmächt niht min gnot.
daz wil ich mit ir teilen. des han ich willigen mwot.

Die von Tenemarche. sprachen sa zehant.
e' daz wir wider riten. heim in unser lant.
wir gern stäter swone. vnt gebn michel gnot.
vnt sezen ir des sicherheit. swie irch des selben dunchet gnot.

Livdegast geheilet. siner wunden was.
der vogt von den Saksen. nach strite wol genas.
ettesliche toten. si liezen dar enlant.
do gie der kunich Gunther. da er Sivriden vant.

Er sprach zu dem degene. nu rate wie ich tuo.
die unser widerwinnen. wellent riten swuo.
vnt gernt stäter swone. an mich vnt mine man.
nu rata degen chvone. was dich des got dunche getan.



Was mir die helde bieten. daz wil ich dir sagen.
swaz funshundert möre. goldes mugen tragen.
daz gäben si mir gerne. wold ich si ledich lan.
do sprach der herre Sivrit. daz wäre vil ubele getan.

Ir solt si ledeklichen. hinnen lazen varn.
vnt daz die rechen beide. mere wol bewarn.
daz si immer mer geriten. mit here in iwer lant.
des lat iv sicherheite. von der beider herren hant.


Des rates wil ich volgen. damite si giengen dan.
den sinen widerwinnen. wart daz kunt getan.
ir goldes gerte niemen. daz si da boten e.
da heime ir lieben frivnden. was nach den her muden we.

Vil manige schilde volle. man dar schazzes trooch.
er teiltes ane wage. den frivnden sin genvoch.
bi funshundert marchen. vnt eteslichen baz.
Gernot der vil chune. der riet Gvnthere daz.

Urlovp si alle namen. also si wolden dan.
do sach man die rechen. for Chriemhilde gan.
vnt ovch da frov Vote. div kuniginne saz.
ez enwart noch nie degenen. mere gevrlobbet baz.

Herberge wrden läre. do si von dannen riten.
noch bestont da heime. mit ritterlichen siten.
der kunich mit sinen magen. vil manic edel man.
die sach man nv tägliche. for frown Chriemhilde gan.

Vrlovp ovch nemen wolde. Sivrit der helet gvot.
ern tvrote niht verenden. des er da hete mvot.
der kunie daz sagen horte. daz er wolde dan.
Gifelher der iunge. den degn vlegen do began.



War woldet ir no riten. vil edel Sivrit.
belibet bi den degenen. tvot des ich ouch bite.
bi Gynthere dem kunige. vnt ouch bi sinen man.
hie ist vil schöner frowen. die sol man gerne ouch sehen lan.

Do sprach der starche Sivrit. diu roff diu lazet stan.
ich wolde hinnen riten. des wil ich abe gan.
vnt traget ouch hin die schilde. ia wold ich in min lant.
des hat mich her Gifelher. mit grozen triwen erwant.

Sof beleip der kune reche. durch friwende liebe da.
ia wär er inden landen. ninder anderswa.
gewesen also sanfte. da von no daz geschach.
daz er no swenner wolde. die schonen Chriemhilde sach.

Durch ir vnmazen schöne. der herre do beleip.
mit maniger kurcewile. man im die zit vertreip.
wan daz in twanch ir minne. diu gab im dicke not.
dar vmbe sit der chvene. lach vil iämerliche tot.

Iteniwe märe. sich hoben vmben Rin.
ez sprachen zo dem kunige. die hosten mage sin.
war vmbe er niht ennäme. ein wip zo finer e'.
do sprach der chunic riche. ine wil niht langer biten me.

Des wil ich beraten. wa ich die moze nemen.
diu mir vnt mine riche. ze frowen moze zemen.
an edel vnt ouch an schone. der gib ich miniv lant.
als ich die reht ervinde. si sol ir werden wol bekant.



Wie sich Günther gein Islande binze
 Brynhilt bereite.

VI. Auentiure.

Es was ein kuniginne. gesezen ober se.
 ir geliche enheine. man wesse ninder me.
 diu was vnmazen schöne. vil michel was ir chraft.
 si schoz mit snellen degenen. vmbe minne den schaft.



Den stein den warf si verre. dar nach si wite sprach.
swer an si wenden wolde. sinen gedanch.
driv spil moferr an behaben. der frowen wol geborn.
gebrast im an dem einen. er het daz houbet sin verlorn.

Des het div kuniginne. vnmazen vil getan.
do gevriesch ez bi dem Rine. ein ritter wolgetan.
der wande sine sinne. an daz herliche wip.
darumbe mofin helede. sit verliesen den lip.

Do si eines tages sazen. der kunic vnt sine man.
manigen ende si ez mazen. beidiv wider vnt dan.
welhe ir herre mohte. zeinem wibe nemen.
div in zefrowen tohte. vnt ouch dem lande mohte zemen.

Do sprach der vogt von Rine. ich wil nider an den se.
hin ze Prouenhilde. swie ez mir erge.
durch ir vnmazen schone. so wage ich minen lip.
den wil ich verliesen. sine werde min wip.

Daz wil ich widerraten. sprach do Sivrit.
ia hat div kuniginne. so vreisliche site.
swer umb ir minne wirbet. daz ez im hohe stat.
des muget ir der reise. haben wärlichen rat.

Do sprach der konich Gunther. nie geborn wart ein wip.
so starch unt ouch so chone. ine wolde wol ir lip.
in strite betwingen. mit min selbes hant.
swiget sprach do Sivrit. iw ist ir ellen unbekant.

Vnt wärn iwer viere. dine kunden niht genesn.
von ir vil grimmen zorne. ir lat den willen wesn.
daz rat ich iw mit triwen. welt ir niht ligen tot.
sone lat ouch nach ir minne. niht zefere wesn not.

So wil ich ir wol raten. sprach do Hagene.
ir bitet Sifride. mit ir zetragen.
die vil starcken forge. daz ist nu min rat.
sife im daz ist so kundich. wiez umbe Prionhilde stat.

Er sprach wiltu mir helfen. degen Sifrit.
die minnekliche erwerben. twostu des ich diu bite.
vnt wirt mir zeinem tvote. daz herliche wip.
ich wil durch dinen willen. wagen ere vnt lip.

Des antwete Sifrit. swie mir min dinc da chvom.
gistu mir din swester. so bin ich die from.
die schonen Chriemhilde. ein kuniginne her.
ine ger deheiner miete. nach minen arebeiten mer.

Daz lobe ich sprach do Gunther. Sivrit an dine hant.
vnt kvomt diu schone Prionhilt. her indize lant.
so wil ich die zwibe. die mine swester gebu.
so mahtu mit der schonen. immer vroliche lebn.

Des sworen si do eide. die rechen vil her.
des wart ir arebeiten. verre deste mer.
e' si die wolgetanen. brehten an den Rin.
des mosen die vil chvnen. starcke sorgende sin.

Von wilden getwergen. han ich gehoret sagen.
si sin in holn bergen. vnt daz si zescherme tragen.
einez heizet tarnkappen. von wunderlicher art.
swerz hat an sine libe. der sol vil gar wol sin bewart.

Vor flegen vnt vor stichen. in mvge och niemen sehen.
swenner si dar inne. beide horn vnt spehen.
mag er nach sinem willen. daz in doch niemen siht.
er si och verre stercher. als uns diu aenture giht.

Mit im fort Sifrit. die tarnkappen an.
die der helt vil kune. mit sorgen gewan.
ab einem getwerge. das hiez Albrich.
sich bereiten zu der verte. die degn chune vnt rich.

Also der starche Sifrit. die tarnkappen trech.
so het er dar inne. chreste genwoch.
zwelf ander manne sterche. als uns ist gefeit.
er gewan mit grozen listen. die vil herlichen meit.

Ovch was div selbe tarnhvot. also getan.
das dar inne worhte. ein ieslicher man.
swaz er selbe wolde. das in doch niemen sach.
so gewan er Prvonhilde. da von im leide sit geschach.

Do solt mir sagen Sifrit. e' unser vart erge.
das wir mit vollen eren. chomen an den se.
soln wir iht ritter foren. in Prvonhilde lant.
zwei tusint degene. die werdent schiere besant.

Swie vil wir volches forten. sprach do Sifrit.
ez pfliget div kuniginne. so enstlicher site.
die mosen alle ersterben. von ir obermvot.
ich wil ivch baz bewisen. degen chvne vnde gvot.

Wir soln inrechen wise. varn zetal den Rin.
die wil ich iv nennen. die das soln sin.
zu vns zwein noch zwene. vnt niemen me.
so erwerben wir die frowen. swiez vns dar nach erge.

Der gefellen sit ir einer. der ander sol ich wesen.
Hagene si der dritte. wir mogen wol genesen.
Danchwart si der vierde. der vil chvne man.
vns endurfen ander tusint. mit strite nimmer bestan.

Div märe ich wiste gerne. sprach der kunic do.
e' daz wir hinne schieden. des wäre ich harte vro.
was wir kleider solden. vor Prunhilden tragen.
div uns da wol gezämen. das solt ir mir bi site sagen.

Wat die allerbesten. die ieman bevant.
die treit man zallen cüen. in Prunhilde lant.
des suln wir richiv chleider. vor der frowen tragen.
daz wirs iht habn scande. so man div märe hore sagn.

Do sprach der degn guter. so wil ich selbe gan.
zv miner lieben moter. ob ich erwerben chan.
daz uns ir schone mägede. helfen prowen chleit.
die wir tragen mit eren. for die herlichen meit.

Do sprach von Tronege Hagene. mit herlichen siten.
wes welt ir iwer moter. solher dienste biten.
lat iwer swester horen. wes wir habn wot.
si ist so chonst riche. daz div chleider werdent gnot.

Do enbot er siner swester. daz er si wolde sehn.
vnt ovch der herre Sifrit. e' daz daz was geschehn.
do hete sich div schone. zewnsche wol gechleit.
daz si sie sehn wolden. des was si vro vnt ovch gemeit.

Do was ovch ir gesunde. gezieret als ir gezam.
die forsten chomen beide. do si daz vernam.
do stont si von dem sidadele. mit zuchten si do gie.
do si den gast vil edelen. vnt ovch ir bruder enpfie.

Willechomen si min bruder. vnt der gefelle sin.
div märe wist ich gerne. so sprach daz magedin.
was ir werben woldet. sit ir zehofe gat.
daz lat mich beide horen. wies iv hochgemvten stat.

Do sprach der chunic riche. frowe ich wilz iv sagen.
wir mozin michel sorgen. bi hohem mote tragn.
wir wellen hobeschen riten. verre inorendiv lant.
wir solden zu der reise. haben zierlich gewant.

No sizet lieber brooder. sprach das kuniges kint.
lat mich div märe hören. wer die frowen sint.
der ir da gert mit minnen. inander fürsten lant.
die vs erwelten beide. nam div frowe bi der hant.

Do gie si mit den degenen. da si selbe saz.
matraz div richen. ir solt gelobben daz.
lagen allenthalben. an dem vlezze nider.
si heten bi den frowen. gnot kurzvile sider.

Viel lieplicher bliche. vnt minnekliches sehn.
des mohte da in beiden. harte vil geschehen.
er troch si inme hercen. si was im so der lip.
er erwarp mit starchem dienste. daz si doch sider wart sin wip.

Do sprach der kunic Gunther. vil edel swester min.
ane dine helse. sone kundes niht gesin.
wir wellen kwercewilen. in Prunhilde lant.
da bedorsten wir zetragene. vor frowen herlich gewant.

Do sprach div kuniginne. vil lieber broder min.
swaz der minen helse. daran kan gesin.
des bringe ich ouch wol innen. daz ich iv bin bereit.
versagt iv ander iemen. daz wäre Chriemhilde leit.

Irn solt mich ritter edele. niht sorgende biten.
ia solt ir mir gebieten. mit herlichen siten.
swaz so iv gevalle. des bin ich bereit.
vnt tuon es willekliche. sprach div herliche meit.

Wir wellen liebiv swester. tragen got gewant.
daz sol helfen prveuen. iwer wiziv hant.
des vol ziehen iwer mägede. daz ez vns rehte stat.
wand ich dirre verte. han deheinerflachte rat.

Do sprach div iuncfrowe. ine wil iv niht versagn.
ich han selbe siden. nu heizet uns her tragen.
gestein of den schilden. so machen wir div kleit.
daz ir si traget mit eren. for die herlichen meit.

Wer sint die gesellen. sprach div kunigin.
die mit iv gekleidet. zehofe soln sin.
daz bin ich vnt Sifrit. vnt zwene miner man.
Danchwart vnt Hagene. die soln mit vns ze hofe gan.

No merchet liebiv swester. rehte was wir sagen.
daz wir vier gesellen. zevier tagen tragen.
ie drier hande kleider. vnt also gvot gewant.
daz wir ane scande. rvomen Prunhilde lant.

Daz lobte si den rechen. die herren schieden dan.
do hiez ir iuncfrowen. drizzech meide gan.
vz ir kemenaten. Chriemhilt div chunigin.
die vil werch spāhen. ze chvnste heten grozen sin.

Aller hande siden. vnt wiz so der sne.
von Bazamanc dem lande. grvn also der kle.
dar in si leiten steine. des wrden gotiv kleit.
selbe sneit si Chriemhilt. div vil minnekliche meit.

Von vremder vische hoten. bezoch wolgetan.
zesehn werden loten. swaz man der gewan.
die dache man mit siden. golt darin getragen.
man mohte michel wnder. von der lichten wāte sagen.

Von Marroch v; dem lande. vnt och von Libhan.
die aller besten siden. die ie mer gewan.
deheines kuniges chunne. der heten si genwoch.
diu frowe lie wol schinen. das si in holden willen trvoch.

Wande sis zehove reise. heten so gegert.
die herminen vedere. dohten si vnwert.
pfelle dar obe lagen. swarz alsam der chol.
das noch snellen degenen. stunde inhochgeciten wol.

V; Arabischem golde. vil gesteines schein.
der frowen vnnuze. diu en was niht klein.
inre sehs wochen. bereiten si diu kleit.
do was och ir gewäfen. den goten degenen bereit.

Do si bereitet waren. do was in vf den Rin.
bereitet vlikekliche. ein starchez schiffelin.
das si tragen solde. wol nider vf den se.
den schönen iunefrowen. tet ir arebeiten we.

Do sagt man den rechen. in wärn nu bereit.
diu si da fueren solden. ir zierlichen kleit.
also die helde gerten. das was nu getan.
done wolden si niht langer. bi dem Rine bestan.

Nach den hergesellen. wart balde do gesant.
ob si schowen wolden. niwez ir gewant.
ob iz den helden wäre. zerehte kurz vnt lanch.
des sageten si den frowen. von schulden groslichen danch.

For alle die si chomen. die musen in des ichen.
das si ze der werlde häten. schoners niht gefehn.
des mohten si sie gerne. da zehove tragen.
von bezzer helde wäte. chunde iv nieman niht gesagn.

Uisekliche danchen. wart da niht verdeit.
vrloubes von in gerten. die rechen vil gemeit.
inritterlichen zohnten. die herren taten das.
des werden lichtiv ovgen. weinens trwebe vnt nas.

Si sprach vil lieber broder. ir mohtet noch bestan.
vnt wrbet ander frowen. das hiez ich wol getan.
Da iv so fere enwage. stonde niht der lip.
ir muot hie naher vinden. ein also hochgeborn wip.


Ich wen in saget ir herre. das in da von geschach.
si weinten al gemeine. swaz ieman drombe sprach.
ir golt in vor den brusten. wart von trähnen sal.
die vielen in genote. von den ovgen hinze tal.

Sie sprach herre Sivrit. lat iv bevolhen sin.
vf triwe vnt vf genade. den lieben broder min.
das im iht gewerre. in Prvnhilde lant.
das lobt ir der herre. mit gotem willen indie hant.

Do sprach der degene chvene. ob mir min lip bestat.
so solt ir aller sorgen. frowe haben rat.
ich bringen iv gesunden. her wider an den Rin.
das habt vf mime libe. im reich das schone magedin.

Ir golt roten schilde. die trvg man vf den sant.
vnt braht in zu dem schiffe. allez ir gewant.
ir ross hiez man in ziehen. si wolden varn dan.
do wart von schonen frowen. vil michel weinen getan.

Do stonden inden venstern. die minneklichen kint.
ir sciff mit dem segele. das vvert ein hoher wint.
die stolzen hergesellen. vlossen zetal den Rin.
do sprach der kunich Gunther. wer sol nu schiff meister sin.



Do sprach der stanche Sivrit. ich kan ouch of der strot.
hinnen wol gesveren. das wizzet heledē gnot.
die rehte wazer strazen. die sint mir wol bekant.
mit freuden si do schieden. v; der Ouregonden lant.

Der kunich von Niderlanden. eine schalten genam.
von stade begunde schieben. der helt vil lobesam.
Gunther der chuene. selbe ein vvoder tvoc.
si hoben sich von lande. vnt warn vrolich genvoch.

Si forten riche spise. dar zu den besten win.
den man inder chunde. vinden vmben Rin.
Danchwart Hagene brvoder. der saz vnt zoch.
an eine stanchen vvoder. er troch den mvot vnmazen hoch.

Ir vil stanchen segel seil. wrden in gestraht.
si foren manige mile. e' das ez wrde naht.
mit freuden si do chomen. vol nider an den se.
ir stanche; arebeiten. tet sit den hochgemvten we.

Inre tage zwelven. so wir hörn sagen.
heten si die winde. verre dan getragen.
gein Isensteine. in Pronhilde lant.
das het von Tronege Hagene. e' vil selten bekant.



Wie Guntther ze Hlunde mit
sinen gesellen chom.



VII. Auentiure.

Do der chunic Gunther. so vil der burge sach.
vnt och die witen marche. wie balder do sprach.
sagt mir frivnt Sivrit. ist in das bechant.
wes sint dise burge. vnt och das herliche lant.

Ine han bi minen ziten. ine wolde luge ichn.
so wol erbowen burge. mere nie gesehen.
indeheimem ein lande. als ir hie vor uns stat.
er mach wol wesen riche. der si hie gebowen hat.

Des antwort Sifrit. ez ist mir wol bekant.
ez ist frown Prvnhilt. liot vnt lant.
vnt Isenstein diu veste. als ir mich hortet ichen.
da muget ir noch hivte. schoner frowen vil gefehn.


Vnt wil io helden raten. ir habt einen moot.
daz wir ichn geliche. ia dunchet ez mich goot.
swenne wir noh hivte. for Prvnhilde gan.
so muosen wir mit sorgen. for der kuniginne stan.

So wir die minneklichen. bi ir gefinde sehn.
so solt ir helede gvote wan einer rede ichen.
Gvnther si min herre. ich si sin eigen man.
so mag unfer wille. harte wol an ir ergan.

Des waren si bereite. swaz er si loben hiez.
durch ir obermwete. deheiner ez niht liez.
si iahen swes er wolde. da von in wol geschach.
do der kunic Gvnther. die schonen Prvnhilde sach.

Ich enlob ez niht so verre. durch den willen din.
so durch Chriemhilde. daz schone magedin.
diu ist mir sam min sele. vnt so min eigen lip.
ich wil daz gerne dienen. daz si werde min wip.

Inden selben citen. do was ir schiff gegan.
der burge also nahen. do sach der kunic stan.
oben inden venstern. vil manige schone meit.
do begunde vragen. der reche kvene vnt gemeit.



Saget mir frivnt Sifrit. durch den willen min.
bekennet ir die frowen. vnt och div magedin.
di dort her nider schowent. 3vo 3vns vf die swot.
si gebarent dem geliche. das si hohe sint gemvot.

Do sprach der chune Sifrit. ir solt von hinnen spehn.
tovgen indem mvote. vnt solt mir danne ichn.
welhe ir nemen woldet. hetet irf gewalt.
das ton ich sprach do Gunther. der ritter chven vnt balt.


So sihe ih vnder in eine. inienem venster stan.
in sine wizer wate. div ist so wolgetan.
die wellent miniv ovgen. vil schon ist ir der lip.
ob ich gewalt des hate. si moße werden min wip.

Dir hat erwelt vil rehte. diner ovgen schin.
ez ist div starche Pronhilt. das schone magedin.
die din herce minnet. der lip vnt och der mvot.
elliv ir geberde. div dohte Guntheren gvot.

Do hiez div kuniginne. vz den venstern stan.
ir minneklichen meide. sine solden niht da stan.
den vrenden ansefehene. des waren si bereit.
was do die frowen laten. das ist vns sider och geseit.

Gegen den vchunden. strichen si ir lip.
des ie site habeten. div wätlichen wip.
an div engen venster. chomen si gegan.
da si di rechen sahen. das wart durch schowen getan.

Ir waren niwan viere. di da chomen indaz lant.
Sifrit der starche. ein roßf zoch ander hant.
das sahen durch div venster. div minneklichen wip.
des wart sit getivret. des kunic Guntheres lip.



Er habt im da bi zovme. daz zierliche march.
goot vnt schone. vil michel vnt starch.
vnze der kunic Gvnther. inden satel gefaz.
also dient im Sifrit. des er doch sit vil gar vergaz.

Do zoh er ovch daz sine. von dem schiffe dan.
er hete solhen dieneft. selten e' getan.
daz er den stegereif. gehabt ie helede mer.
daz sahen durch div venster. die frowen schön vnt her.

Reht in einer maze. den rittern vil gemeit.
von sine blancher varwe. ir roff vnt ovch ir kleit.
ez waren vil geliche. ir schilde wol getan.
die luhten von den handen. den vil wätlichen man.

Ir sätele wol gesteinert. ir forbüge smal.
si riten herlichen. for Prvnhilden sal.
daran so hiengen schellen. von lichtem golde rot.
si chomen zu dem lande. als ez ir ellen in gebot.

Mit spern niow sliffen. mit swerten wol getan.
div uf die sporn giengen. den wätlichen man.
div forten die vil choenen. scharpf vnt dar zu breit.
daz sach allez Prvnhilt. div vil minnekliche meit.

Mit im chom ovch Danchwart. vnt Hagene.
nu höret disiv märe. wie die degene.
von raben swarzer varwe. truogen richiv kleit.
ir schilde waren schone. vil goot michel vnt breit.

Von India dem lande. man sach si steine tragen.
die chos man an ir wete. vil herliche wagen.
sie liezen ane hvote. ir schiffel bi der flvot.
svs riten zu der burge. die helde chün vnt goot.



Sehs vnt ahzech türne. si sahen drinne stan.
dri palas wite. vnt einen sal wol getan.
von edelm marmel steine. groen alsam ein gras.
dar inne div kuniginne. mit ir ingefinde was.

Div porte stont entslozen. div borch vf getan.
do liefen in engegene. die Prvnhilde man.
vnt enpfingen wol die chvenen. inir frowen lant.
ir ross man hiez behalten. vnt ir schilde von der hant.


Do sprach ein kameräre. ir solt uns geben div swert.
vnt ovch die lichten brvenne. des sit ir vngewert.
sprach Hagene der chüne. wir selbe wellens tragen.
do begunde in Sifrit. da von div rechten märe sagn.

Man pfligt indirre burge. daz wil ich iv sagen.
daz decheine geste. hie waffen soln tragen.
ir solt si lan behalten. daz ist wol getan.
daz tet do vil ungerne. Hagen der Gvntheres man.

Den gesten hiez man schenchen. vnt schaffen ir gemach.
vil manigen snellen rechen. man da zehove sach.
in forstenlicher wäte. allenthalben gan.
da wart michel schowen. an die vil chvenen getan.

Do tet man Prvnhilde. chvnt mit mären.
daz da vrende rechen. chomen wären.
in vil richer wäte. gevlozen vof der stvot.
da von begunde vragen. div magt schön vnd gvot.

Ir solt mich lazen hören. sprach div kunigin.
wer die vil vnevonden. rechen moigin sin.
die inminer bverge. so herliche stan.
vnt durch welhe schulde. die helde her gevorn han.



Do sprach ein ir gesunde. frowe ich mach wol iehn.
das ich ir deheinen. nimere habe gesehn.
wan geliche Sifride. einer drvnder stat.
den solt ir wol enpfahen. das ist mit twen min rat.

Der ander der gesellen. der ist so lobelich.
ob er gewalt des hete. wol wär er kunic rich.
ob witen fursten landen. ob er diu mohte han.
man siht in bi den andern. so rehte herliche stan.

Der dritte der gesellen. der ist vil gremlich.
vnt doch mit schome libe. kuniginne rich.
von swinden sinen blichen. der er so vil getvot.
er ist insinen sinnen. ich wän vil grimme gemvot.

Der der iungest ist dar vnder. der ist so lobelich.
in magtlichen zohnten. sihe ich den degen rich.
mit gutem geläze. so minnekliche stan.
wir mohten; forhten alle. het im hie iemen iht getan.

Swie blide er pflege der zohnte. vnt swie schön im si der lip.
er möhte wol erweinen. vil wällichiv wip.
swenn er begunde zvernen. sin lip ist so gestalt.
er ist in allen togenden. ein degn chvone vnt balt.

Do sprach diu kuniginne. nu brinch mir min gewant.
vnt ist der starche Sivrit. chomen indaz lant.
durch willen miner minne. ez gat im an den lip.
ine forht in niht so fere. das ich werde sin wip.

Do wart chuniginne. schiere wol gekleit.
do gie mit ir dannen. vil manie schoniv meit.
wol hundert vnt mere. gezieret was ir lip.
ez wolden sehen die geste. diu vil minneklichen wip.



Da mit giengen rechen. vzer Istant.
die Prunhilde degene. die trogen swert enhant.
fonshundert oder mere. daz was den gesten leit.
do stunden von dem sedele. die helde chven vnt gemeit.

Do die kuniginne. Sifriden sach.
die magt zohtekliche. zu dem rechen sprach.
sit willechomen Sivrit. her indize lant.
was iwer reise meine. gern het ich daz erkant.

Vil michel iwer genade. min vrvo Prunhilt.
daz ir mich rochet grozen. sversten tohter mit.
vor disem chonem rechen. der hie vor mir stat.
wander ist min herre. der even het ich gerne rat.

Er ist geboren von Rine. daz tvot er dir bechant.
er hat durch dinen willen. gesvchet dizze lant.
der wil dich gerne minnen. swaz im da von geschicht.
no bedenehe dihs bezite. min herre erlet dichs niht.

Er ist geheizen Gunther. vnt ist ein kunic her.
erwerber dine minne. sone engert er nihtes mer.
ia gebot mir her ze varne. der reche wolgetan.
wan daz ich entorste. ich hietez gerne verlan.

Si sprach ist er din herre. vnt bistu sin man.
die spil die ich im teile. vnt tarrer die bestan.
behabt er des die maisterschaft. so minne ich sinen lip.
anders muoz er sterben. e' ich werde sin wip.

Do sprach von Tronege Hagene. frow no lat vns sehen.
iwer spil die stachen. e' daz io muose ichen.
Gunther min herre. da muoses herte sin.
er mah noch wol gewinnen. ein also schone magedin.



Den stein den sol er werfen. vnt springen dar nach.
den ger mit mir schiesen. lat iw niht sin ze gach.
des bedenchet iwch vil ebene. sprach das vil schone wip.
gebristet im an dem einen. ez get iw allen an den lip.

Sifrit der stanche. zu dem kunige trat.
allen sinen willen. er in reden bat.
mit der kuniginne. ez kunde im geschaden niht.
ez wirt al anders gendet. des sich ir uermvot versiht.

Do sprach der kunich Gunther. kuniginne her.
nw teilt swaz ir gebietet. vnt wäre is danoch mer.
das bestonde ich alliz gerne. durch iwern schonen lip.
min houbet wil ich wagen. irn werdet min wip.

Do die kuniginne. sine rede vernam.
der spile bat si gahen. als ir do das gesam.
si hiez ir dar gewinnen. balde ir strit gewant.
eine veste bronne. vnt einen guten schildes rant.

Ein wafen hemde sidin. das leit an sich die meit.
das in deheime strite. wafen nie versneit.
von pfelle vzer Libia. ez was vil wolgetan.
von porten licht gewerhte. das sach man schinen daran.

Die zit wart disen rechen. harte vil gedrevot.
Danchwart vnt Hagene. die waren ungefrevot.
wiez dem kunige ergienge. des forget in der mvot.
si dahten unser reise. ist ons rechen niht zegvot.

Die wile was ovch Sivrit. der listige man.
e is iemen erfunde. indaz schiff gegan.
da er die tarnkappen. verborgen ligen vant.
darin slawf er vil schiere. do was er niemen bechant.



Er ilte hin widere. do vant er rechen vil.
da div kuniginne. teilte ir hohen spil.
dar gie er tougenliche. von listen daz geschach.
alle die da waren. daz in da niemen gesfach.

Der rinch der was bezeiget. da soldes spil geschehu.
vor manigem chvenem rechen. die daz solden sehn.
mer danne sibenhundert. die sah man waffen tragen.
swer daz spil gewinne. daz ez die helde solden sagen.

Da was nu komen Prvnhilt. gewaffent man die vant.
sam ob si striten solde. vmb elliv kuniges lant.
ia trooch si ob den siden. vil manigen stahel zein.
ir minneklichiv varwe. dar vnder herlichen schein.

Do chom ovch ir gesunde. die trugen dar zehant.
von vil rotem golde. einen liechten schildes rant.
mit stahel herten spangen. vil michel vnt breit.
darvnder spilen wolde. div vil herliche meit.

Der frowen schilt vezzel. ein edel porte was.
dar vffe lagen steine. grüner denne ein gras.
die luhnten maniger hande. mit schine wider daz gott.
der si solde minnen. der het iz hohe verfcollt.

Der schilt was nder bokelen. als uns daz ist geseit.
wol drier hende dicke. den tragen solde div meit.
von stale vnt ovch von golde. rich er was genvoch.
den ir kameräre. selbe vierder kome trooch.

Also der starche Hagene. den schilt dar tragen sach.
invil grozen unmvote. der helt von Tronege sprach.
wie nu kunic Gunther. wie vliessen wir den lip.
der ir da gert zeminnen. div ist des valandes wip.

Vernemt noch von ir wäte. der hete si genuoch.
von Azagovch der siden. einen waffenroch si trvoch.
vil edel unt vil riche. abdes varwe schein.
von der kuniginne. vil manic herlicher stein.

Do trvoch man dar der frowen. swäre unt dar zo groz.
einen ger vil starchen. den si alle zite schoz.
scarpf vnt ungesoge. michel vnt breit.
der ze sinen ecken. harte vreislichen sneit.


Von des geres swäre. höret wider sagen.
wol vierdehalbiw mäffe. was der zo geflagen.
in trogen chyme drie. Prvnhilde man.
Gonther der vil chüne. harte sorgen began.

Er daht insinem mvote. was sol disse wesen.
der tiwfel von der helle. wie kunder da vor genesen.
vnt wär ich da ze Rine. mit dem libe min.
si wveste hie vil lange. vri son miner minne sin.

Im was insinen sorgen. daz wizzet leit genuoch.
alles sin gewäfen. man im einen trvoch.
da wart der chunic riche. wol gewaffent in.
vor leide het Hagene. vil nach verwandelt den sin.

Do sprach von Burgonden. der chvone Danchwart.
mich moz immer riwen. disiw hovevart.
no hiezen wir ie rechen. wie verliesen wir den lip.
sulen vns indisen landen. no verderben div wip.

Mich mvet daz harte fere. daz ich chom indaz lant.
vnt hete min brooder Hagene. sin waffen an der hant.
vnt och ich daz mine. so mohten sanfte gan.
durch ir vbermvote. alle Prvnhilde man.



Ich sage iu bi den triwen. si solden; wol bewarn.
vnt het ich tusint eide. zeinem fride geswarn.
e das ich sterben sähe. den lieben herren min.
ia mvesen lip vertiesen. das vil schöne magedin.

Wir solden ungevungen. wol romen disse lant.
ich und min brovoder Dancwart. heten wir das gewant.
des wir zenot bedurfsen. vnt vnser swert vil goot.
so wrde wol gesenftet. der frowen starchiv obermoot.

Wol hort div kuniginne. was der degen sprach.
mit smielendem monde. si vber ahfel sach.
no er dunche sich so biderbe. so tragt in ir gewant.
vnt ir vil scharpsen waffen. gebt den rechen an die hant.

Mir ist als märe. das si gewaffent sint.
als ob si bloze stünden. so sprach div kunigin.
ihen fuhrte niemens sterche. den ich noh habe bechant.
ich getrowe wol gedingen. in strite vor sin eines hant.

Do si div swert gewinnen. also div magt gebot.
der vil chüne Dancwart. wart von freyden rot.
no spilen swes si wellen. sprach der snelle man.
Gunther ist vnbetwongen. sit das wir unser wafen han.

Div Prunhilde sterche. vil grözlichen schein.
man braht ir zwo dem ringe. einen swären mermilstein.
groz vnt ungesvoge. michel vnt wel.
in trogen chyme zwelfe. helde chven vnt snell.

Den warf si zallen citen. so si den ger verschos.
der Burgonden forge. wreden harte gros.
wafen sprach do Hagene. was hat der kunic zetroot.
ia soldes in der helle. sin des vbeln tivfels broot.

An vil wizen armen. si die ermil want.
si begunde fere vassen. den schilt an der hant.
den ger si hohe zochte. do gienges an den strit.
Gunther vnt Sivrit. die vorhten Prvnhilde nit.

Wär im der starche Sifrit. niht schiere zehelfe chomen.
so hete si dem kunige. sinen lip benomen.
er gie dar tovgenliche. vnt rvort im sine hant.
Gvnther sine liste. vil harte forekliche ervant.


Waz hat mich gerveret. gedaht der chvne man.
do sah er allenthalben. er vant da niemen stan.
er sprach ich bin ez Sivrit. der liebe frivnt din.
vor der kuniginne. soltu gar ane angeft sin.

Den schilt gib mir von hende. den la du mich tragen.
vnt merche mine lere. die du mich hörest sagn.
nv habe du die geberde. div werch wil ich began.
do er vernam div mere. der kunic trosten sich began.

Nv hil du mine liste. daz ist uns beiden goot.
sone mach div kuniginne. ir starche vbermvot.
andir niht verenden. des si doch willen hat.
nv sich wie angeftliche. si gein dir amme ringe stat.

Do schoz vil chrestlichliche. div vil starche meit.
den ger gein eime schilde. michel vnt breit.
den trvg an finer hende. daz Sigelinden kint.
daz fiwr sprach von stale. alsam ez wäte der wint.

Des starchen geres snide. so durch den schilt gebrach.
daz man daz fiwr lovgen. vz den ringen sach.
des schvzzes beide strvochten. die vil starchen man.
si ertwelten si so fere. daz si den lip nach heten lan.



Sivride dem vil chonen. von monde braßt daz bloot.
vil balde spranch er widere. do nam der helet gvot.
den ger den si geschozzen. im hete durch den rant.
den frumt ir do hin widere. sin vil ellenthastiv hant.

Er daht ich wil niht schiezen. daz schone magedin.
er kert des geres snide. hindern rocke sin.
mit der ger stangen. schoz si der chone man.
also chrestikliche. daz si strovochen began.


Daz sivr stavb v3 stale. sam iz tribe der wint.
den schvo3 schoz mit ellen. daz Sigelinde kint.
sine mohte mit ir chresten. des schozzes niht gestan.
ez enhet der chunic Gunther. entriwen nimmer getan.

Prvnhilt div schöne. wie balde si of spranch.
Gunther ritter edele. des schuzzes habe danch.
si wande daz erz hete. mit siner hant getan.
ir was dar nach geslichen. ein verre krestiger man.

Do gie si hin vil balde. zornich was ir mvot.
den stein den hvop si hohe. div schone maget gvot.
si swanch in krestekliche. so verre von ir dan.
daz sin die chone degene. sere wndern began.

Der stein der was gefallen. wol zwelf klasten dan.
den wrf prach do mit sprunge. div maget wol getan.
dar gie der herre Sifrit. da der stein gelach.
Gunther in do wegete. der helt in werfene pflach.

Sifrit was vil chune. dar 3vo starch vnt lanch.
den stein den warfer verrer. dar 3vo er witer spranch.
daz was ein michel wnder. vnt kunsteklich genvoch.
daz er mit dem sprunge. den kunic Gunther doch troch.



Der spronch der was ergangen. der stein der was gelegen.
do sah man ander niemen. wan Gunther den degn.
Prunhilt diu schone. wart in zorne rot.
Sifrit het geverret. des kunich Guntheres tot.

Zuo zir ingesinde. diu kuniginne sprach.
do si zent des ringes. den helt gefunden sach.
vil balde get her naher. ir mage vnt mine man.
ir solt dem kunech Gunther. alle wesen vndertan.


Do leiten die vil chvenen. diu wasen von der hant.
si boten sich zefvozen. v; Burgonden lant.
Gunthere dem richen. vil manic chvner man.
si wanden das er hete. diu spil mit siner chraft getan.

Er grooztes minnekliche. wander was tugentrich.
do nam in bi der hende. diu magt lobelich.
si erlobt im das er solde. haben da gewalt.
des freyte sich do Hagene. der reche chven vnt balt.

Si bat den ritter edele. mit ir dannen gan.
in einen palas witen. da was vil manic man.
durch vorhte man; dem degene. deste baz erbot.
von Sifrides ellen. si waren chomen vozer not.

Sifrit der snelle. wiser was genvoch.
die sinen tarnkappen. er aber behalten trooch.
do gie er hin widere. da vil der frowen saz.
er sprach zu dem chonige. vnt tet vil chundekliche das.

Wes bitet ir min herre. wan beginnet ir der spil.
der io diu kuniginne. teilet also vil.
vnt lazet vns das schowen. wie diu sin getan.
sam ob er ir niht ensähe. gebart der listige man.



Do sprach die küniginne. wie ist das geschehn.
das ir hat her Sifrit. der spil niht gesehn.
die hie hat errungen. die Guntheres hant.
des antwort ir Hagene. vzer Burgonden lant.

Da het ir also sere. getroebet vns den mout.
do was bi dem schiffe. Sifrit der helet got.
do der vogt von Rine. das spil an ir gewan.
des ist ez im vnkundich. sprach do der Guntheres man.


So wol mich diere märe. sprach Sifrit der degn.
das iwer hochverten. ist alsus gelegn.
das iemen lebt so chvne. der iwer meister muoge gesin.
nu solt ir maget edele. vns volgen hinnen an den Rin.

Do sprach die chüniginne. des enchan noch niht ergan.
ez muosen e' bevinden. mage vnt mine man.
iane mag ich also lihte. geromen minir lant.
di mine hohsten frivnde. muosen werden e' besant.

Do hiez si boten riten. allenthalben dan.
si besande alle ir frivnde. mage vnt man.
die bat si chomen balde. zehove in Islant.
vnt hiez in gebn allen. rich vnt herlich gewant.

Si riten tägeliche. spate vnt fruo.
der Prunhilde burge. scharhaste zwo.
iara ia sprach Hagene. was haben wir getan.
wir erbeiten hie vil vbele. der schonen Prunhilde man.

So si nu mit ir kreften. choment in das lant.
der Prunhilde wille. ist vns vnbechant.
was ob si also zornet. das wir sin verlorn.
so ist vns die maget edele. ze grozen sorgen geborn.



Do sprach der herre Sifrit. das sol ich understen.
des ir da habet sorge. des enlaz ich niht ergen.
ich sol iw helfe bringen. her indizze lant.
von v3 erwelten degenen. die iw noch wrden ie bechant.

Irn sult nach mir niht vragē. ich wil himen varn.
got mu3 iwer ere. di zite wol bewarn.
ich chym vil schiere widere. vnt bringe iw tofint man.
der aller besten degene. der iemen chynde gewan.

Sone sit et niht zelange. sprach der chunich da.
wir sin iwer helfe. vil pilliche vro.
er sprach ich chuom iw widere. in vil kurzen tagen.
das ir mich habt gesendet. das solt ir Prvnhilde sagen.






Wie Sifrit
nah den Nibelungen sinen rechen fuor.

VIII. Auenture.

Sifrit der vil chone. dannen gie zehant.
insiner tarnkappen. da er das schiffil vant.
dar an so stont vil toegen. das Sigemundes chint.
er fortez also balde. sam ob ez wäte der wint.



Der vergen sach doch niemen. wie sere; schiffel vloz.
von Sifrides chresten. di warn also groz.
man wande daz iz forte. ein sonder starker wint.
nein ez forte Sivrit. der schonen Sigelinde kint.

Si des tages cite. vnt in der einen naht.
chom er zeinem lande. mit grözlicher maht.
daz hiez zen Nybelunge. vnt wären sine man.
lant vnt burge. daz was im alle; vndertan.


Der herre for aleine. vf einen wert vil breit.
daz schiff gebant vil balde. der ritter vil gemeit.
do gie er zeinem berge. da ein burch stvont.
er sohte herberge. so noch die reisweden tvont.

Do chome er for die porten. verslozen im diu stvont.
ia хотen si ir eren. so noch die loten tvont.
anz tor begunde bozen. der vnhunde man.
daz was vil wol behvetet. do vant er inrethalben dran.

Einen vngefügen. der der porten pflach.
bi dem sin gewäffen. zallen eiten lach.
der sprach wer ist der bozet. vzen an daz tor.
do wandelt sine stimme. der chyne Sivrit da vor.

Er sprach ich bin ein reche. entsliezet vf die tver.
mir mo; eteslicher volgen. noch hio;te der fver.
der gerne sanfte läge. vnde hete sinen gemach.
do zvrnder portenäre. do daz Sifrit gesprach.

No het der rise chüne. sin wäfen an sich genomen.
sin helm vf sin hovbet. was im vil schiere chomen.
den schilt er balde zvehete. daz tor er vf do swanch.
wie rehte gremliche. er gegen Sivride sprach.



Wie er getorste wechen. so manigen chvonen man.
da wrde slege swinde. von siner hant getan.
do begunde im schirmen. der herliche gast.
do schvof der portenäre. daz sin schilt gespenge brast.

Von einer isen stangen. des gie dem helde not.
ein teil begunde forhten. Siurrit den tot.
do der portenäre. so tobelichen ssvoch.
dar vmbe was im wäge. sin herre Sifrit genvoch.


Si striten also sere. daz al div borch erdos.
wande ir beider sterche. was vnmazen gros.
er twanc den portenäre. daz er in sit gebant.
do erschullen disiv märe. vber al der Nibelunge lant.

Do hort daz grimme striten. verre dorch den berch.
Albrich der vil starche. ein chvone getwerch.
er wart gewaffent balde. do lief er da er vant.
disen gast vil edelen. der was in beiden vil vnbechant.

Albrich was vil grimme. darzvo starch genvoch.
helm vnt ringe. er an dem libe tvoch.
vnt eine geifel swere. von golde an siner hant.
do lief er harte sere. da er Sivriden vant.

Siben knopfe sware. die hiengen vor dar an.
da mit er von den hende. den schilt dem kunegen man.
svoch so bitterlichen. daz im des vil zebraft.
des chom ingroze sorge. do der wätlich gast.

Den scherm er von der hende. gar zebrochen swanch.
do warfer von im balde. sin wafen daz was lanch.
den sinen kameräre. wolder niht slahen tot.
er schonte siner zvhte. als im sin tvgent gebot.



Mit starcken sinen handen. lief er Albrichen an.
do vieng er bi dem parte. den alt grisen man.
er zogeten ungesuge. daz er vil lout ersere.
zohet des iongen rechen. diu tet Albriche we.

Lote rief der chone. nu lazzet mich genesen.
vnt moht ich iemens eigen. an einen rechen wesen.
dem swor ich des eide. ich wäre im vndertan.
ich diende iw e' ich storbe. so sprach der listige man.


Do bant er Albrichen. alsam den risen e'.
die Sifrides chreste. taten im vil we.
daz twerch begunde vragen. wie sint ir genant.
er sprach ich bin ez Sifrit. ich wande ich wäre iw wol bekant.

So wol mich dirre märe. sprach aber daz getwerch.
nu han ich wol erfonden. diu degenlichen werch.
daz ir von waren schulden. moget landes herre wesen.
ich twon swaz ir gebietet. daz ir lazet mich genesen.

Do sprach der herre Sifrit. ir solt balde gan.
vnt bringet mir der rechen. der besten der wir han.
twsint Nibelunge. daz mich die hie gesehn.
was er der aller wolde. des hort in niemen veriehn.

Dem risen vnt Albrichen. lost er do diu bant.
do lief er harte balde. da er die rechen vant.
er wacht in grozen sorgen. vil manigen chonen man.
er sprach wol vf ir helde. ir sult zw Sifride gan.

Si sprungen von dem bette. vnt waren vil bereit.
twsint sneller degene. wrden wol gekleit.
si chomen da si fonden. Sifriden stan.
da wart ein sehone grozen. ein teil mit vorhten getan.



Vil kerzen wart enzündet. man schancht im lutter tranch
daz si so balde chomen. des saget er in do danch.
er sprach ir muozet hinnen. mit mir ober flout.
des vant er vil bereit. die helde chven vnt gnot.

Wol driezech hundert rechen. die waren schiere komen.
vz den wrden tusint. der besten do genomen.
den braht man ir helme. vnt ander ir gewant.
do er si fveren wolde. in daz Prvnhilde lant.


Hort ir goten ritter. was ich ir welle sagn.
ir solt vil richiv chleider. da zehove tragen.
da wir sehen muozen. vil minnekliw wip.
dar umbe solt ir zieren. mit goter wäte den lip.

Nu sprichet liht ein tomber. ez mach wol loge wesen.
wie möhte so vil ritter. bi ein ander sin genesn.
wa namen si di spise. wa namen si gewant.
sine chvnden; niht verenden. vnt ob in dienten driizech lant.

Sivrit was so riche. als ir wol habt gehort.
im diene daz chunich riche. vnt Nibelunge hort.
des gaber sinen degenen. vil vollechlich genwoch.
wande sin wart doch niht minre. swie vil man von dem schazze trooch.

Vil frvo an einem morgen. huben sie sih dan.
was sneller geverten. Sivrit do gewan.
si forten ros div goten. vnt herlich gewant.
si chomen ritterliche. indaz Prvnhilt lant.

Do stonden in den venstern. div minneklichen kint.
do sprach div kuniginne. weiz iemen wer die sint.
die dort her gein vns vliezent. so verre vf ienem se.
si forent segel riche. die sint noch wizzer danne ein sne.



Do sprach der vogt von Rine. ez sint mine man.
die het ich an der verte. hie nahe bi verlan.
die han ich besendet. frowe die sint chomen.
der herlichen gesten. wart vil groze war genomen.

Do sach man Sifride. vor in eime scheffe stan.
in vil herlicher wäte. im volget manic man.
do sprach die kuniginne. her chonic ir solt mir sagen.
sol ich die geste enpfahen. oder sol ich grozen si verdagen.


Ir solt in begegene. sprach er mit zohnten gan.
ob wir si sehen gerne. das si wol das verstien.
do tet die kuniginne. das ir der kunic geriet.
Sifride mit dem grooze. von den andern si do schiet.

Man schvof in herberge. mit willen al zehant.
do was so vil der geste. chomen in das lant.
das si sich allenthalben. drungen mit den scharn.
do wolden die vil chvenen. zu den Burgonden varn.

Do hiez die kuniginne. teilen sa zehant.
golt vnt silber. ross vnt oveh gewant.
den vrenden vnt den chvnden. vil manigem werden man.
des ir ir vater hete. nach sine tode vil verlan.

Si hiez oveh sagen von Rine. den rechen also her.
das si des schazes nämen. minre oder mer.
das si das mit ir brechten. in Burgonden lant.
des antwort ir Hagene. in hohem mote sa zehant.

Vil edeliv kuniginne. iv si for war gesreit.
ez hat der kunic von Rine. golt vnt kleit.
also vil zegebene. das wir des habn rat.
das wir iht himmen foren. iwer golt oder iwer wat.



Nein durch mine liebe. sprach das magedin.
ich wil mit mir hinmen. fveren zweinzich schrin.
von golde vnt och siden. das gebn sol min hant.
so wir chomen vber. indaz Guntheres lant.

Do sprach die kuniginne. wem laz ich miniv lant.
di sol nu hie bestiften. vnser beider hant.
do sprach der kunic edele. nu heizet her gan.
swer iv dar zuo gevalle. den soln wir vogt wesen lan.


Ein ir hohsten mage. die frowe bi ir sach.
er was ir woter broder. zu dem die maget sprach.
nu lat iv sin bevolhen. die burge vnt och das lant.
vnze das hie rihte. des kunich Guntheres hant.

Do welt si ir gefundes. tofint choner man.
die mit ir ze Rine. solden varn dan.
zu ienen tofint rechen. von Nibelunge lant.
si rihten sich zer verte. man sach si riten of den sant.

Si forten mit ir dannen. sechs vnt ahzech wip.
dar zuo wol hondert magede. vil schone was ir lip.
sine sovmten sich niht langer. si ilten vaste dan.
die si da heime liezen. hej was der weinen began.

In tugentlichen zihten. si rvmt ir eigen lant.
si chost ir frivnt die nechsten. swaz si der bi ir vant.
mit gotem vrloube. si chomen of den se.
zu zir vater lande. chome die frowe nimmer me.

Do hort man of der verte. maniger hande spil.
aller kurzewile. der heten si vil.
do chome in zu zir reise. ein rechter wasser wint.
si foren von dem lande. vil harte vrolichen sint.



Jane wolde si den herren. niht minnen vf der vart.
er wart ir kurzwile. vnz insin hvs gespart.
ze Wormez zu der burge. zeiner hochgecit.
dar si vil freuden riche. chomen mit ir rechen sit.





Wie Siyrit
ze Wormez inbotsehefte fuor.

IX. Auentiure.

Do si gevarn warn, vollen niwen tage,
do sprach der chone Hagene, nu merchet was ih sage,
ir svomt ich mit den mären, ze Wormeze an den Rin,
die iwern boten solden, nu zen Burgonden sin.



Do sprach der kunich Gunther. ir habt mir recht geseit.
no bereitet ioch zer verte. ritter vil gemeit.
wande wir indisen ziten. ander niemen han.
der dar moege geriten. do sprach der obermwete man.

No wizzet lieber herre. ine bin niht bote gvot.
ich wil ioch eins bewisen. der ez doch gerne twot.
Sivrit den chynen. solt ir iz niht verdagen.
durch iwer swester liebe. getarret; iz nimmer versagen.


Er sande nach dem rechen. der herre chom zehant.
er sprach sit das wir nahen. heim in miniv lant.
so solde ich boten senden. der lieben swester min.
vnt ooch miner mwoter. das wir no nahen an den Rin.

Des bitte ich ioch her Sivrit. das ir die reise twot.
das ez mit mir verdiene. div edel maget gvot.
mit allen minen frivnden. ritter vil gemeit.
do sprach der degen chvne. der reise bin ich iz bereit.

No enbietet swaz ir wellet. des wirdet niht verdaget.
durch die vil minneklichen. so wirt ez gar gesaget.
zwiv solde ih dir verzihen. die ich in hercen han.
swaz ir durch si gebietet. das ist alles getan.

So sagt miner mwoter. vnt ooch der swester min.
das wir an dirre verte. inhohem mwote sin.
lat wizen mine brveder. wie wir erworben han.
vnt ander unfer frivnde. sol man div märe ooch horen lan.

Chriemhilde vnt mine mwoter. solt ir niht verdagen.
min vnt Pronhilt dienest. solt ir in beiden sagen.
vnt allem ir gesunde. vnt allen minen man.
dar nach ie ranc min herce. wie wol ich das erworben han.



Vnt sagt och minen brodern. vnt andern frivnden min.
das si mit grozem vliße. dar zu gewarnt sin.
vnt sol in vnfern landen. diu märe wizen lan.
ich wil mit Prvnhilde. vil groze hochgecite han.

Vnt bitet mine swester. so si das habe vernomen.
das ich mit minen gesten. si zelande chomen.
das si mit vliße enpfahē. die trvtinne min.
das wil immer mere. mit triwen dienende sin.

Do der vil chone reche. vrloupp von im genam.
vnt och von Prvnhilde. der ritter lobesam.
reit ingrozen frevden. ze Wormeze an den Rin.
ez enchunde in allen landen. ein bote bezzer niht gesin.

Mit vier vnt zweinzech rechen. ze Wormeze er do reit.
des choniges chom er ane. do das wart geseit.
alles das gedigene. vor iamer heten not.
si vorhten das ir herre. dort beliben wære tot.

Die helde erbeizet waren. vil hohe stvont ir mvot.
vil schier in chomen beide. die iwngē konige gvot.
vnt al das hofe gesinde. der herre Gernot sprach.
do er sinen broder. niht bi Sivride ensach.

Willechomen ritter edele. ir solt vns hören lan.
wair minen broder. den kunic habt verlan.
diu Prvnhilde sterche. in wän vns hat benomen.
so ist vns ir hohiv minne. harte schedelich chomen.

Do edeln rechen beiden. vnt al den magen sin.
enbivtet sinen dienest. der hergeselle min.
den liez ih wol gesunden. er hat mich her gesant.
zeboten mit den mären. das ich iv diu tâte bekant.



Ir solt daz ahten schiere. swie so daz geschehe.
daz ich iwer mvoter. vnt iwer swester sehe.
die sol ich lazen horen. was in enboten hat.
Gunther der chonic riche. des dinch inhohen eren stat.

Do sprach der ionge Gifelher. da solt ir dar gan.
da habt ir miner mvoter. vil liebe an getan.
div hat doch michel sorge. vmbe den brvoder min.
si sehent ivch beide gerne. des solt ir gar ane angeft sin.


Do sprach der herre Sivrit. swaz ich in dienen chan.
daz sol vil willechlichen. mit triwen sin getan.
wer sagt nu den frowen. daz ich wil dar gan.
daz tvon ich sprach do Gifelher. der vil wätlich man.

Der stolze chvone reche. zu siner mvoter sprach.
vnt ovch zu siner swester. da er si beide sach.
vns ist chomen Sivrit. der helt v; Niderlant.
in hat min brvoder Gunther. ze Kine her von im gefant.

Er bringet vns div märe. wiez vmben chunich ste.
nu solt ir im erlobben. daz er zehove ge.
er bringet div rechten märe. her von Islant.
noch was den edelen frowen. vil michel sorgen bechant.

Si sprongen nach ir wäte. do leiten si sich an.
si baten Sivride. do hin zehove gan.
daz tet er willechliche. wand er si gerne sach.
Chriemhilt div vil schone. zu zim do gvettlichen sprach.

Sit willechomen herre Sivrit. ritter lobelich.
war ist chomen min brvoder. Gunther der kunie rich.
von Pronhilde sterche. den wän wir haben verlorn.
owe mir armen meide. daz ih danne ie wart geborn.



Do sprach der ritter chvone. nu gebt mir boten brot.
ir edeln iwnefrowen. ir wänet ane not.
ich liez in wol gefunden. daz ton ich iv bechant.
er vnt div schone Prvnhilt. hant mich iv beiden her gesant.

Si enbietent iv ir dieneft. mit triwen in daz lant.
vil richiv kuniginne. daz tvon ih iv bechant.
nu lazet iwer weinen. si wellent schiere chomen.
sine het inlangen citen. so lieber märe niht vernomen.


Mit sne blanchen geren. ir ovgen wolgetan.
wifchte fi nah trehenen. danchen fi began.
dem boten dirre wære. div ir da waren chomen.
do was ir michel tvoren. vnt ovch ir weinen benomen.

Den boten bat man sizzen. des was er bereit.
do sprach div iwnefrowe. mir wære niht ze leit.
ob ich zeboten miete. iv folde gebn min golt.
dar zvo sit ir zeriche. ich wil iv svv immer wefn holt.

Ob ich nu eine hete. sprach er drizzech lant.
so enpfinge ich doch vil gerne. gabe v3 iwer hant.
do sprach div minnekliche. nu sol ez sin getan.
fi hiez ir kameräre. nach der boten miete gan.

Vier vnt zweinzich povge. mit gesteine gvot.
die gab fi im zemiete. do stvnt also sin mvot.
ern woldes niht behalden. er gab ez sa zehant.
ir nehstem ingefinde. die er zer chemenaten vant.

Ir moter bot ir dieneft. in gottlichen an.
ich sol iv sagen mere. sprach do der chvone man.
wes ivch der kunich bitet. svenner nu chvmet her.
daz weller immer dienen. daz ir leistet sinen ger.



Die sine richen geste. bitet er ouch wol enpfan.
des manter iwer vil sere. irn solt des ouch niht lan.
irn ritet im zegegene. for Wormez of den sant.
des sit ir von dem kunige. mit grozen triwen gemant.

Do sprach diu minnekliche. des bin ich vil bereit.
swaz ich im kan gedienen. daz ist im unverseit.
in vriuntlichen triwen. so sol es sin getan.
do merte sich ir varwe. die si vor liebe do gewan.


E; enwart nie bote enpfangen. deheines fursten bas.
getorste si in chossen. diu frowe tate daz.
wie rehte minnekliche. er von den frowen schiet.
do taten Burgonden. als in Siurit do geriet.

Sindolt vnt Honolt. vnt Romolt der degen.
die mosen vil unmuoze. wo den citen pflegen.
rihten daz gesidele. als in daz was bechant.
des kuniges ambellote. man do mit arebeiten vant.

Ortwin vnt Gere. des richen kuniges man.
die sanden allenthalben. nach den frivnden dan.
vnt chonten in die hochgeite. diu da solde sin.
da bereiten sich engegene. diu vil schönen magedin.

Der palas vnt die wende. was alles vberal.
gezieret gegen den gesten. der Gunthers sal.
wart vil wol bezimbert. durch manigen vremden man.
diu selbe groze hochgeite. hoop vil vrolichen an.

Do riten allenthalben. die wege durch daz lant.
der drier kunige mage. die het man besant.
daz si den solden warten. di in da wolden chomen.
do wart vs den chiften. richer wate vil genomen.



Do sagt man div märe. daz man nu riten sach.
den chonich mit sinen gesten. do hvoop sich vngemach.
von des volches chresten. in Burgonden lant.
hen was man sneller degene. bi frowen Prunhilde vant.

Do sprach div schone Chriemhilt. ir miniv mägedin.
di an dem antpfange. mit mir wellen sin.
die sprochen v3 den chisten. div aller besten chleit.
die si moegen finden. daz si den frowen oech geseit.


Do chomen oech die rechen. die hiezen tragen dar.
die herlichen sätele. nach rotem golde var.
die frowen solden riten. ze Wormeze an den Rin.
bezzir pferit gereite. chonde ninder gesin.

Hen was da lichtes goldes. von den moren schein.
oech lagen an den zovmen. vil manic edel stein.
die goldinen schemil. ob lichten pfellen gvot.
braht man dar den frowen. si waren hohgemvot.

Begortet mit den siden. vil schön vnt starch.
braht man den frowen. vil winneklichiv march.
div richen forbvege. sach man div more tragen.
von den besten siden. da von iv iemen chvnde sagen.

Sehs vnt ahzech frowen. hiez man chomen dan.
die gebende tvrogen. zv Chriemhilde stan.
chomen di vil schonen. vnt heten lichtiv chleit.
do wart oech wol gezieret. vil manich minneklichiv meit.

Fvnszech vnt viere. von Burgonden lant.
so waren ez die beste. die man zehove vant.
di sah man vale vahse. vnder lichten porten gan.
des Gvnther an si gerte. daz wart mit vli3e getan.




Von lichten richen pfellen. verre vo; heiden lant.
si trogen vor den gesten. so manic gvot gewant.
daz ir genvoqe schone. ze rehte wol gezam.
er wære inswachem moote. der ir deheiner wære gram.

Von zobel vnt ovch von harme. vil chleider man da vant.
da wart vil wol gezieret. manic arm vnt hant.
mit bougen ob den siden. die si da solden tragen.
iw enchynde disse vlizen. zende niemen gesagen.

Vil manigen gortel spähen. gvot vnt lanch.
ober vil richiv kleider. manic wizi vnt hant do swanch.
ober roche Ferrans. vnt pfelle v; Arabin.
daz si in al der werlde. bezzer nimmer chvonden sin.

Ez wart in fver gespenge. manic schoniv meit.
genät vil minnekliche. ez möht ir wesen leit.
der ir vil lichtiv varwe. niht wohte gegen der wat.
so schones ingesundes. nu niht kuniges chvonne hat.

Do die vil minneklichen. nu trogen ir gewant.
di si da foren solden. die chomen al zehant.
der hochgemoten rechen. ein vil michel chraft.
man trog ovch dar mit schilden. vil manigen effchinen schaft.



Wie der Künec Günther ze Wormze
mit frow Brynhilt protte.

X. Auentiure.

B

nderthap des Kines. sach man mit grozen scharn.
den chunic mit sinen gesten. zu dem stade varn.
ouch sach man da bi zovmen. leiten manige mit.
die si enpfahen solden. die waren alle bereit.

Do die von Islande. zen schiffen chomen dan.
vnt och von Nibelungen. Sivrides man.
si gahen zu dem lande. vnnwzich wart ir hant.
da man des chvniges frivnde. des stades anderthalben vant.

No hört och disiv märe. von der chunegin.
Vten der vil richen. wie si diu mägedin.
gefvrnte von der burge. dar si do selbe reit.
da gewan ein ander chvnde. vil manic ritter vnt mit.

Der margrave Gere. Chriemhilde zovnte dan.
niwan v; der burge. Sivrit der chvne man.
dient ir do minnekliche. si was ein schöne kint.
des wart im wol gelonet. von der ivncfrowen sint.

Ortwin der chvne. bi fron Voten reit.
vil gefellechlichen. manic ritter vnt mit.
ze solhem antphange. des mach man wol veriechen.
wart nie so vil der frowen. bi ein ander gefehn.

Vil manic bohrt richen. sach man dan getribn.
von helden loblichen. niht wol wär ez beliben.
vor Chriemhilde der schönen. al zu den schiffen dan.
do hvop man von den mören. manige frowen wol getan.

Der chunich was chomen selbe. vnt manic werder gast.
hen was starcher schefste. vor den frowen brast.
man hort da hvrteklichen. von schilden manigen stoz.
hen was da richen bvckelen. von gedrange tvot erdoz.

Die vil minneklichen. die stvnden an der habe.
Gunther mit sinen gesten. gie von den schiffen abe.
er svorte Prvnhilde. selbe an siner hant.
da lohnen wider ein ander. die edeln stein. vnt och das gewant.

In vil grozen zuchten. frow Chriemhilt do gie.
da si Prvnhilde. mit ir gefinde enpfie.
da wart gervechet hoher. mit minneklicher hant.
vil manic schapel riche. do si sie enpfingen in daz lant.

Do sprach gezogentliche. Chriemhilt die choniginne.
ir solt zu disen landen. groz willechomen sin.
mir vnt miner mvoter. vnde allen die wir habn.
dar nach wart von den vrowen. mit troten choffen niht verlan.

Do Prvnhilde frowen. vol chomen vf den sant.
da wart vil minneklichen. genomen bi der hant.
von herlichen rechen. manich wip wol getan.
man sah die schonen megede. vor den choniginnen stan.

E' daz ir groz ergienge. das was ein langiu stont.
ia wart da gechoffet. manic rosen varwer mvont.
noh stonden bi ein ander. die kuniges tochter rich.
daz liebet an zesehene. vil manigen rechen lobelich.

Do speheten mit den ougen. die e' horten ichn.
daz si so minnekliches. heten niht gesehn.
so die frowen beide. des iach da manic man.
daz si den pris an schone. in manigen landen wofen han.

Die frowen spehen chonden. vnt herlichen lip.
die lobten durch ir schone. daz Guntheres wip.
doch sprachen da di wifen. di heten baz ersehn.
man mohte Chriemhilt. wol for Prvnhilde ichn.

Wider ein ander giengen. beide magt vnt wip.
man sach da wol gezieret. vil manigen schonen lip.
da warn sidin hutten. vnt manich rich gezelt.
der was da vil gespannen. vor Wormez vber al daz velt.

Von des chuniges magen. wart dringen niht verlan.
man hiez die chuniginne. beide dannen gan.
vnt mit in al die frowen. da man den scaten vant.
dar brahten si die degene. vzer Burgonden lant.

Do waren och die geste. zen rossen alle chomen.
vil manic richiv tioste. durch schilde wart genomen.
daz velt begunde stovben. sam ob al daz lant.
mit louge enbrunnen wære. da wrden degene bechant.

Wes da die helde pflägen. daz sach vil manic meit.
man sagt daz her Sivrit. mit sinen helden reit.
manige wider chere. for die hutten dan.
er fort der Nibelunge. tofsint wätlicher man.

Do chom von Tronege Hagene. als im der wirt geriet.
den bohrt frivntliche. do der helt geschiet.
daz si ungestovbet liezen. div minneklichen kint.
des wart do von den gesten. gevolget zohtekliche sint.

Do sprach der herre Gernot. div roff no lazet stan.
vnz ez beginne chvolen. so solen wir ane van.
dienen schönen wiben. for den palas wit.
so der chunic welle riten. daz ir bereite denne sit.

Vor der vesperzite. do div sunne nider gie.
vnt ez begunde chvolen. niht langer man daz lie.
in die stat sich hoben. man. magt. vnt wip.
mit ovgen wart getrotet. vil maniger iwnefrowen lip.

Da wart von guten rechen. vil ehleider ab gerieten.
von den hochgemvten. nach ir lande siten.
vnz for den palas witen. der chynich da nider stont.
da wart gedienet frowen. so helde hoch gemvotet twont.

Do wrden ovch gescheiden. die richen kunigin.
frov Vote vnt ovch ir tohter. die giengen beide hin.
vnt mit ir ingefinde. in ein vil witez gadem.
do hort man allenthalben. vil harte groslichen chradem.

Serihet wart gesidele. der chunic wolde gan.
zetische mit den gesten. do sach man bi im stan.
die schonen Prvnhilden. chrone si do trvoch.
in des chvniges lande. div was spähe vnt rich genvoch.

Vil manic her gesidele. mit gvoten taveln breit.
vol spise wart gesezet. als vns daz ist geseit.
des si haben solden. wie wenich des gebraft.
do sach man bi dem kunige. vil manigen herlichen gast.

Des wirtes kameräre. inpechen goldes rot.
daz wazzer fvor trvogen. des wäre luzzil not.
ob iv daz iemen seite. daz man diene baz.
ze kuniges hochgeciten. ich gelovbe moliche daz.

E daz der vogt von Rine. wazzer do genam.
do tet der herre Sivrit. als im do gezam.
er mant in siner triwe. wes er im veriach.
e' daz er Prvnhilde. da heim in Islande sach.

Er sprach zu dem chvnege. ia swor mir iwer hant.
swenne daz frov Prvnhilt. chome indizze lant.
ir gäbt mir iwer swester. war sint die eide chomen.
ich han an iwer reise. vil michel arebeit genomen.

Do sprach der chunic riche. ir habt mich recht ermant.
iane sol niht meineide. werden des min hant.
ich wilz iv helfen fugen. so ich beste chan.
do hiez man Chriemhilt. sehove zu dem chvnige gan.

Mit ir schonen meiden. si chom vor den sal.
do sprach von einer stiegen. Gifelher zetal.
do hiez er wider wenden. ir schonen mägedin.
niwan min swester eine. div sol mit vns zehove sin.

Do brahter sine swester. da man den chunic vant.
da stonden ritter edele. von maniger forsten lant.
in dem sal enmitten. hiez man si stille stan.
do was div frowe Prvnhilt. an ir sedel nu gegan.

Sine wesse niht der märe. was man da wolde tvon.
do sprach zu sinen magen. der Danchrates son.
helfet mir daz min swester. Sivriden neme zeman.
do sprachens al geliche. si mag in wol mit eren han.

Do sprach der chunic Gvnther. la dirz niht wesen leit.
min vil liebiv swester. vnt löse minen eit.
ich swor dich eine rechen. vnt wirdet er din man.
so hastv minen willen. mit grozen triwen getan.

Do sprach div magt edele. vil lieber broder min.
irn solt mich niht vlehen. ia wil ich immer sin.
swie ir mir gebietet. daz sol sin getan.
ich sol in loben gerne. den ir mir herre gebt zeman.

Von lieber ovgen weide. wart Sivrides varwe rot.
zedienest sich der meide. do der reche bot.
man hiez si zu ein ander. indem ringe stan.
vnt vragtes ob si wolde. den vil wätlichen man.

In magtlichen zvehnten. si schamte sich ein teil.
iedoch so was gelucke. vnt Sivrides heil.
daz si in niht versprechen. wolde da zehant.
ovch lobte si zewibe. der edel chunic von Niderlant.

Do si in gelobte. vnt oveh er die meit.
gottlich umbe vohen. daz was da vil bereit.
von Sivrides armen. daz minnekliche chint.
nach siten wart geschuffet. div schone choniginne sint.

Sich teilte daz gesunde. als schiere daz geschach.
an daz gegen sidade. man Sivride sach.
mit Chriemhilde sizen. dar dient im manic man.
man sach die Nibelunge. nach im an den sedel gan.

Oveh was der wirt gesezen. vnt Pronhilt div meit.
do sach si Chriemhilde. do wart ir nie so leit.
bi Sivride sizen. weinen si began.
ir vielen heize trähene. ober lichtiv wange dan.



Do sprach der wirt des landes. waz ist iv frowe min.
daz ir so lazet troben. liechter ovgen schin.
ir mohtet sanfter lachen. wan iv ist vndertan.
min lant vnde riche borege. vnt manic wätlicher man.

Ich mac wol balde weinen. sprach die schone meit.
vmb die swester. ist mir so grimme leit.
die sich ich sitzen nahn. dem eigen holden din.
das muoz mich immer riwen. vnt sol si also verstozen sin.

Do sprach der chunich Gvnther. ir muozt wol stille dagn.
ich wil ir zandern citen. disiu märe sagn.
warombe ich mine swester. dem rechen han gegeben.
ia mac si mit dem degene. immer vroliche lebn.

Si sprach mich iamert immer. ir schone vnt och ir zoht.
vnt wesse ich war ich solde. ich hete gerne vluht.
das ich ir nimmer wolde. geligen nahen bi.
ir saget mir wa von Chriemhilt. die wine Sivrides si.

Do sprach der kunic riche. ich tuoz ir wol bechant.
er hat als wol burge. als ich vnt witiu lant.
das wizzet sicherlichen. er ist ein chunic rich.
des gan ich im zeminnen. die schonen magt lobelich.

Swaz ir der chunic sagete. si hete trobin muot.
do gahete von den tiffchen. vil manic ritter gvot.
ir bohurt wart so herte. das al die burch erdoz.
den wirt do bi den gesten. da zewesene verdros.

Er daht er läge sanfter. der schonen frowen bi.
do was er des gedingen. niht inhercen vri.
im muose von ir minne. ein hohez liep geschehen.
er begunde vrvntliche. an die magt dicke sehen.

Ir ritterschafft die geste. hiez man do ab lan.
der chunic mit sine wibe. zebette wolde gan.
vor des sales stiegen. die frowen schieden sich.
in zuechten minnekliche. als ich wol verwäne mich.

Do chom ir ingesinde. die sovnten sich des niht.
ir richen chameräre. die brahten in div licht.
sich teilten do die rechen. der zweier kunige man.
do sach man vil der degene. dan mit Sivride gan.

Die herren chomen beide. alda si solden ligen.
do gedaht ir ieslicher. mit minnen an gesigen.
den minneklichen frowen. daz trost in wol den mvot.
Sivrides kurzewile. div wart vil grosliche gvot.

Do der herre Sivrit. bi Chriemhilde lach.
vnt er so minnekliche. der iuncfrowen pflach.
mit sinen edeln minnen. si wart im so der lip.
daz chvnde och si verdienen. als ein togende riche wip.

Ine sage iv niht mere. wie er der frowen pflac.
nv horet och disiv märe. wie Gunther gelach.
bi der sinen brvte. der vil märe degene.
was vil diche sanfter. bi andern frowen gelegn.

Daz volch was im entwichen. frowen vnt man.
do wart div kemenate. balde zv getan.
er wande er solde tvoten. ir minneklichen lip.
ez was noch vil vnnahen. e' daz si wrde sin wip.

In saben wizem hemedede. si an ein bette gie.
do daht der ritter edele. nv han ihz alles hie.
des ich ie da gerte. in allen minen tagn.
si mvos im dvrch ir schone. von grozen schulden wol behagn.

Div licht begunde bergen. div Gunthers hant.
do gie der chunic riche. da er die frowen vant.
er leite sich ir nahen. sin freude div wart groz.
die vil minneklichen. der helt mit armen vnbefloz.

Minnekliche troten. des chvnder vil began.
ob im des div frowe. gegunnet wolde han.
do wrnde si so fere. daz in gemvete daz.
er wande vinden frivnde. do vand er vintlichen haz.

Si sprach ritter edele. ir soltez lazen stan.
des ir da habt gedingen. iane mages niht ergan.
ich wil noch magt beliben. ir solt wol wizen daz.
vnz ich div rehten märe. ervinde an allen dingen baz.

Do ranger nach ir minne. daz was der frowen leit.
do greif nach eime gortel. div herliche meit.
daz was ein starker porte. den si alle cite trvoch.
wie luzil si dem kunige. fines willen do vertrvoch.

Die fveze vnt ovch die hende. ze samne si im bant.
si trvge in zeinem nagele. vnt hienge in an die want.
daz enchunder niht erwenden. vil chrestlich wart sin not.
ia het er von ir sterche. vil nach gewinnen den tot.

Do begvnde vlegen. der meister wande sin.
nv loset min gebende. vil edeliv kunigin.
ine trow iv frowe nimmer. mit minnen an gefigen.
vnt sol ovh harte selten. iv so nahen mer geligen.

Sine rvchte wie im wäre. wande si vil sanfte lach.
dort mvoser alles hangen. die naht vnz an den tach.
vnze daz der morgen. durch div venster schein.
des kuniges kurcewile. was die wile harte chlein.

Nv sagt mir her Gunther. wer iv daz iht leit.
ob ivch gebunden fonden. so sprach div schone meit.
die iuern kameräre. von einer frowen hant.
do sprach der ritter edele. daz wrde iv vbel bewant.

Ouch hete ichs luzzel ere. sprach der chvenc man.
durch iwer selber zohte. so lat mich zuo zu gan.
sit daz io min minne. sint so grimme leit.
iane sol ich nimmer roeren. mit miner hant an iwer chleit.

Do si daz gehorte. zehant si in verlie.
wider an daz bette. er zu der frowen gie.
er leite sich so verre. daz er ir schone wat.
niht mohte gereichen. des wolde ouch si do haben rat.

Do chom ir ingesinde. vnt brahten in diu kleit.
der was in an dem morgen. harte vil bereit.
swie man da gebarte. trvrich was genvoch.
der edel wirt des landes. swier des tages chrone trvoch.

Nach siten der si pflagen. vnde man durch recht begie.
der chunic mit siner frowen. niht langer daz enlie.
si chomen zu dem mwenster. da man die messe sanch.
ouch chom der herre Sivrit. sich hoop da groslich gedranch.

Nach chunichlichen eren. was in dar bereit.
swaz si habn solden. ir chrone vnt ouch ir gekleit.
do wrden si gewihet. do daz was getan.
do sah mans alle viere. vnder chrone lobeliche stan.

Vil knappen swert da namen. vier hundert oder baz.
den kunigen zen eren. ir solt geloben daz.
sich hoop vil michel freude. indes kuniges lant.
man horte schefte bresten. an der swert degene hant.

Do sazen inden venstern. diu schonen magedin.
si sahen vor in gleston. vil maniges schildes schin.
do het sich gesundert. der chunic von sinen man.
swes anders iemen pfläge. man sah in tvrende stan.

Im vnt Siuride. vngeliche stont der mvot.
wol wesse sine swäre. der chune degn gnot.
do gienger zu dem konige. vragten er began.
wie ist iw hint gelungen. des wolt ich gerne chunde han.

Do sprach der wirt zem gaste. ich chlag iw minen schaden.
ich han den vbeln tiöfel. heim zehvs geladen.
do ich si wande minnen. vil sere si mich bant.
si troge mich zeime nagele. vnt hie mich hohe an ein want.

Da hienge ich angefllichen. die naht vnz an den tac.
e' daz si mich enbunde. vnsanfte si min pflac.
daz sol iw friwentliche. vf genade sin gechleit.
do sprach der herre Siurit. daz ist mir grozliche leit.

Des bringe ich iwch wol innen. vnt lat irz ane nit.
ich schaffe daz si noch hint. so nahen bi iw geleit.
so daz si iwch ir minne. gesvmet nimmer mer.
der rede was do Gunther. nach sinen arebeiten her.

No schowe mine hende. wie di geswollen sint.
die twanc si mir so sere. als ob ich wäre ein kint.
daz mir blvot zen nagelen. allenthalben dranch.
ich het zemime lebene. harte chleinen gedanch.

Do sprach der stanche Siurit. dv maht noch wol genesn.
vns zwein ist vngeliche. hinte gewesn.
mir ist din swester Chriemhilt. als min selbes lip.
es woz diu frowe Pronhilt. noch hinte werden din wip.

Ich chvom ze naht vil tovgen. zer kemenate din.
inminer tarnkappen. des soltu sicher sin.
so daz sich miner liste. mach niemen wol verstan.
so heiz die kameräre. zu zir herbergen gan.

So lesche ovch ich den kinden. diu lieht an der hant.
bi disem wortzeichen. sol dir sin bechant.
daz ich bi dir si nahen. ia twing ich dir din wip.
daz du si hint minnest. oder ich verliose den lip.

Ane daz du iht trottest. sprach der chunic do.
die mine lieben frowen. anders bin ich vro.
so tuo ir swaz du wellest. vnt nãmstu ir den lip.
daz solde ich wol verchiesen. si ist ein vngheivres wip.

Daz nim ich so sprach Sivrit. vf die triwe min.
daz ich ir niht en minne. diu schöne swester din.
diu ist mir vor in allen. die ich noch ie gesach.
des frowete sich do Gunther. do das Sivrit sprach.

Da was von churzewile. in gedrange not.
den bohvort vnt schallen. alles man verbot.
da die frowen solden. inden palas gan.
do hiezen die kameräre. die lote von dem wege stan.

Von rossen vnt von loten. geroumet was der hofe.
der frowen iesliche. fort ein bisscose.
do si vor den kunigen. zetische solden gan.
in volgte zu dem sidade. vil manic reche wolgetan.

Der chunic ingotem wane. bi sime wibe saz.
daz im gelobte Sivrit. wol gedahter an daz.
der eine tac in dohte. wol drizzech tage lanc.
an Prvnhilde minne. stunde im aller sin gedanc.

Wander erbeite chvome. daz man zenaht von tische gie.
die schonen Prvnhilde. man do chomen lie.
vnt ovch Chriemhilde. si bede an ir gemach.
hen was man chuner degene. bi den schonen frowen sach.

Sivrit vnt Chriemhilt. ie baz vnt baz.
durch liebe ein ander trooten. ir solt gelouben daz.
swaz si im gedienen chynde. wie luzzil si des lies.
do mos ouch leisten Sivrit. alser Gunther gehiez.

Er stal sich von den frowen. vil tovgen chom er dan.
da er vil kameräre. vant mit lichten stan.
div begunde leschen. den chinden an der hant.
daz es Sivrit wäre. daz wart do Gunther bechant.

Wol wesser waz er wolde. do hiez er dannen gan.
mägede vnt frowen. do daz wart getan.
er besloz mit vlize. selbe do die tor.
starcker rigete zwene. die warfer snelle der for.

Div licht verbarger schiere. vnder die bette wat.
eines spils begunde. des was do niht rat.
Sivrit der vil starcke. vnt ouch div schone meit.
daz was do dem chunige. beide lieb vnt leit.

Der helt sich leite nahen. der iuncfrowen bi.
si sprach nu lat ez Gunther. als liep als iv daz si.
daz ir niht arebeite. lidet alsam e'.
sit getet div frowe. dem chunige Sifride we.

Do hal er sine stimme. daz er niht entsprach.
der kunic ez alles horte. swie er sin niht ensach.
daz heimlicher dinge. von im da niht geschach.
si heten an dem bette. harte kleinen gemach.

Er gebarte sam es wäre. Gunther der chunic rich.
er umbesloz mit armen. die magt lobelich.
si warfen v; dem bette. da bi vf einen banch.
daz im sin houbet tvote. an eime scamel erchlanh.

Wider vf mit chrestin. sprach der vil snelle man.
er wolde; baz versvochen. do er des began.
daz ers im wolde twingin. dem erz gelobet e'.
solch wer deheiner frowen. wein ich immer mer erge.

Do er niht wolde erwinden. diu magt balde vf sprach.
irn solt mir niht zefveren. min hemedede also blanch.
mit iwer groz vnsoge. wandez ist mir leit.
des bringe ich iwech wol innen. sprach do diu minneklichiv meit.

Mit ir vil starchen armen. besloz si den degn.
do wolde si in gebunden. alsam den kunic legen.
daz si an ir bette. mohte habn gemach.
daz er ir wat zersverte. diu frowe ez grozliche rach.

Waz half sine groziv sterche. vnt och sin michel chraft.
si erzeigete wol dem degene. ir libes meisterchaft.
si troge in mit gewalte. da wart ir ellen schin.
vnt trochtin ungesvoege. zwischen der wende. vnt einen schrin.

Owe gedaht der reche. sol ich nu minen lip.
von einer magt verliesen. so mugen elliv wip.
her nach immer mere. hohe tragen den mvot.
so versvocht ez vil manegiv. diu ez svs nimmer getvot.

Do schamte sich vil fere. der vil chüne man.
ob ir gelingen solde. zornen er began.
mit ungesvoget chreste. sazter sich ir wider.
er versvochte; angestlichen. an der chyniginne sider.

Swie vaste si vf im läge. sin zorn in do twanch.
vnt och sin starches ellen. daz er an ir danch.
sich wider vf gerichte. sin angest diu was groz.
si taten in dem gademe. her vnt dar vil manigen stoz.

Och was der chunic Gonther. niht an angeft gar.
er moſe dicke wenchē. vor in her vnt dar.
ſi rungen alſo ſtarcke. daz ez groz wider was.
daz ir ieſliches. vor dem andern ie genas.

Den kunich muete ſere. beidenthaly diu not.
doch vorhter michels mere. den Siwrides tot.
wande ſi het dem degene. den lip nach benomen.
wan daz er niht getorſte. er were zehelſe im gerne chomen.

Ja werte harte lange. vnder in der ſtrit.
do braht er die frowen. wider an daz bette ſit.
ſwie waſte ſi ſich werte. ir wer wart ze iungeſt chranch.
der chunic inſinen ſorgen. hete manigen gedanch.

Ez dohte in harte lēge. e' daz er ſi betwanch.
ſi drucht im ſine hende. daz v3 den nageln ſpranch.
daz blvot im von ir chreſten. daz was dem helede leit.
ſit brahter an ein lougen. die vil herlichen meit.

Ir vngefoges willen. des ſi e' da iach.
der chunic iz alles horte. ſwier doch niht enſprach.
er druchtes an daz bette. daz ſi vil lot erſchre.
ir taten ſine chreſte. do vil grozlichen we.

Do greif ſi nach dem porten. da ſi den ligen vant.
vnt wold in da mit binden. do wert ez ſo ſin hant.
daz ir diu lit erchrachten. do verzagt ir lip.
des wart der ſtrit geſcheiden. do wart ſi Gontheres wip.

Si ſprach kunie edele. ir ſolt mich lebū lan.
ez wirt vil wol verſonet. ſwas ich iv han getan.
ich gewer mich nimmer mere. der edeln minne din.
wand ich han wol erfunden. daz do chanſt frowen meifter ſin.

Sivrit der stont dannen. ligen liez er die meit.
sam er von sinem libe. ziehen wolt div ehleit.
er nam ir e' ein vingerlin. von golde wol getan.
daz wolde got von himele. daz er daz hete verlan.

Dar zuo nam er ir gortel. daz was ein porte gvot.
ine weis ob er daz tate. durch sinen hohen mvot.
er gab ez sine wibe. daz wart im sider leit.
do lagen bi ein ander. Gunther vnt Prunhilt div meit.

Er pflag ir minnekliche. als in daz beiden zam.
do moeste si verchiesen. ir zorn vnt ovch ir scham.
von finer heinliche. si wart ein luzzil bleich.
hen was ir von der minne. ir vil grozen chrefte entweich.

Done was ovch si niht stercher. dann ein ander wip.
er troote vil minnekliche. den ir vil schonen lip.
ob si versvochte mere. was chonde daz vervan.
daz het ir der kunic Gunther. mit sinen minnen getan.

Wie rehte minnekliche. si im nahen lac.
mit vrvntlicher liebe. vnze an den liechten tac.
ovch was der herre Sivrit. nu hin wider gegan.
da warde wol enpfangen. von einer frowen wol getan.

Er vnderstunt ir vrage. der si doch hete mvot.
vnt hal si harte lange. der chune degn gvot.
dis ehleinot er ir da heime. doch ze iungest gap.
daz frumte vil der degene. mit samt im selben in daz grap.

Der wirt wart an dem morgen. verre baz gemvot.
denner da vor ware. des wart div fröwde gvot.
in allen sinen landen. von manigem hohen man.
die er zohuse ladete. den wart do dienste vil getan.

Div hochgecite do werte. vnz an den zwelften tac.
daz in al der wile. der scal da nie gelac.
von aller hande vreden. der iemen solde pflegen.
do wart des chuniges chofte. vil harte hohe gewegn.

Des edeln wirtes mage. als ez der kunie gebot.
si gaben richiv chleider. dar zo daz golt vil rot.
ross vnt dar zo silber. vil manigem varnden man.
die gabe nemen wolden. die schieden vrolichen dan.

Sivrit der herre. vzer Niderlant.
mit tofint sinen rechen. alles daz gewant.
daz si ze Rine brahten. daz wart gar hin gegeben.
vnt ovch div ross mit sätelen. si chunden miltekliche lebn.

E' man die richen gabe. alle da verswanch.
die wider zelande wolden. die duhte des zelanch.
ezn wart nie geste. mere baz gepfegn.
svs endet sich div hochgecit. daz wolde Gunther der degen.






Wie Sifrit sin wip heim zelande forte.

XI. Auenture.

S

von der Sigemundes. mit gotlichem site.
 sprach zu sinen heleden. twot des ich ouch bite.
 nu bereit vns die möre. ia wil ich inmin lant.
 liep was ez sine wibe. do si diu märe an im ervant.



Si sprach zu dem herren. sit wir von himmen varn.
daz ich so harte gahe. daz heiz ich wol bewarn.
mir suln e' mine brüder. teilen mit dir lant.
leit was ez Sivride. do erz an Chriemhilt ervant.

Die fürsten zu zim giengen. vnt sprachen alle dri.
nu wizzet daz herre Sivrit. daz iw immer si.
mit triwen vnser dienest. bereit vns in den tot.
des neiger do den degenen. do manz im so wol erbot.


Wir suln och mit iw teilen. sprach Giselher daz kint.
lant vnt burge. die vnser eigen sint.
swaz der witen erbe. vns ist undertan.
der solt ir teil vil goten. mit samt Chriemhilde han.

Zu sinen chonemagen. do der reche sprach.
do er den goten willen. an den herren sach.
got laze iw iwer erbe. immer selic sin.
vnt och die lute drinne. ia tvot dir wine min.

Des teiles wol zerate. den ir ir woldet gebn.
da si da sol tragen chrone. vnt soln wir daz gelebn.
si muoz werden richer. dann iemen lebender si.
swaz ir svz gebietet. sten ich iw dienstlichen bi.

Do sprach dir frowe Chriemhilt. habt ir der erbe rat.
vmbe Suregonden degene. ez so lichte niene stat.
sine muoge ein chunich gerne. svren insin lant.
ia sol si mit mir teilen. miner lieben bruder hant.

Do sprach der herre Gernot. nu nim dir swen do wil.
die mit dir gerne riten. der vindestu vil.
von drizech hundert rechen. so habe dir tusint man.
die sin din heim gesinde. daz was ir liebe getan.



Si bereite sich zir verte. als ir vil wol gesam.
ir edeln ingefindes. frow Chriemhilt do nam.
zwo unt drizzech mägede. dar zwo funshundert man.
Egewart der grave. for mit finer frowen dan.

Urlopp si alle namen. beide ritter vnt knecht.
mägede unt frowen. daz was vil michel reht.
mit chossen gescheiden. wrden si zehant.
si roumten minnekliche. do der Ouregonden lant.


Do beleiten si ir mage. vil verre vf den wegen.
man hiez in allenthalben. ir nahtfelde legn.
swa si si gerne namen. durch der chunige lant.
do wrden boten balde. dem kunige Sigemont gesant.

Daz er daz wizen solde. vnt oech Sigelint.
daz Siurit chomen wolde. vnt oech frown Voten kint.
Chriemhilt diu vil schone. von Wormez vber Rin.
done kunden in diu mere. nimmer lieber gesin.

Nu wol mich sprach do Sigemont. daz ich gelebt han.
daz hie diu schone Chriemhilt. sol gehronet stan.
des mwezen wol getivret. sin diu erbe min.
Siurit der vil chuene. sol hie nu selbe voget sin.

Do gap diu frowe Sigelint. vil manigen samyt rot.
silber vnt golt daz swere. daz was ir botenbrot.
si vrote sich der mäere. vnt mit ir manie man.
alles ir gesunde. mit vlize chleiden sich began.

Man seit ir wer da chöme. mit Siuride indaz lant.
do hiezen si gesidele. rihten alzehant.
dar zo er vnder chrone. vor forsten solde gan.
do riten im engegene. des kunich Sigemundes man.



Ist iemen baz enpfangen. daz ist vns vnbechant.
denne die heledē wuden. ze Sigemundes lant.
Sigelint sin muoter. Chriemhilt engegen reit.
mit maniger schonen frowen. ir volgeten ritter gemeit.

In einer tageweide. da man die geste sach.
die vremenē vnt die chunden. die dolten vngemach.
vnz daz si chomen. zerburge wol bechant.
riche vnt märe. diu was ze Santen genant.

Mit lachendem munde. Sigelint vnt Sigemont.
chusten Chriemhilt. mit vrodēn sa zehant.
darnach ir vil liebez kint. ir leit in was benomen.
alles ir gesinde. was in groz willechomen.

Do brahte man die geste. for Segemundes sal.
die schone iunefrowen. hoben man da zetal.
nider von den mören. da was vil manie man.
do man den edeln frowen. mit vliße dienen began.

Swie groz ir hochgeciten. bi Rine was bechant.
noch gab man hie den heleden. richer gewant.
danne si ie getreuen. noh bi allen ir tagen.
man mohte michel wunder. von ir richteitē sagn.

Do si inir wurde sazē. vnt heten genoch.
was golt varwer geren. ir ingesinde troch.
vnt vil der edeln steine. verwieret wol dar in.
svs pflag ir vlißekliche. Sigelint diu konigin.

Do sprach vor sinen magen. der herre Sigemont.
allen minen frivnden. sol daz wesen chunt.
daz Sivrit mine chrone. himmen for sol tragn.
diu märe horten gerne. die von Niderlanden sagn.

Do bevalhe er im die chrone, geriht vnt ovch div lant.
sit was er ir aller meister, die er inder vant.
vnt da er rihten solde, daz wart so getan.
daz man von schulden vorhte, der schonen Chriemhilt man.

In disen hohen eren, lebt er daz ist war.
vnt riht ovch vnder chrone, vnz in daz zwelfte iar.
daz div schone Chriemhilt, einen son gewan.
daz was des kuniges magen, nach ir willen wol ergan.


Den ilte man do tavschen, vnt gab im den namen.
Gunther nach sinem oheim, des dorfter sich niht schamen.
geriet er nach den magen, er wrde ein choner man.
man zoh in wol mit vlize, daz wart von schulden getan.

In den selben citen, do starp frov Sigelint,
do het den gewalt mit alle, der edeln Voten kint.
der so richer frowen, ob landen wol gezam.
di mohten ir do dienen, mit grozen eren ane scham.

Nu het ovch dort bi Rine, so wir horen sagen,
bi Gunther dem richen, einen son getragen.
Prunhilt div schone, in Burgonden lant,
durch des rechen liebe, so wart er Sivrit genant.

Wie rehte vlizekliche, man sin hoten hiez,
Gunther der vil riche, im magtzogen liez,
diez chunden leren tugende, gewhs ez zeinem man,
hen was im ungelvche, sit der mage an gewan.

Märe zallen citen, wart wider vnt dar geseit,
wie rehte wnekliche, die helde vil gemeit,
lebten zallen stunden, in Sigemundes lant,
daz selbe tet ovch Gunther, mit sinen magen v3 erchant.



Daz lant ze Nibelunge. Siuride nu diene hie.
reicher siner mage. wart deheiner nie.
dar zu sins vaters erbe. er was ein degn gnot.
des troch der vil chune. deste hoher den mvot.

Gort den aller meisten. den ie kunie gewan.
ane die ez e' pflagn. hete nu der chune man.
den er vor einem berge. mit siner hant erstreit.
dar umber sluoc zetode. vil manigen ritter gemeit.

Er het den wnsch der eren. vnt wäref niht gescheln.
so moße man von schulden. Siuride iehn.
er ware ein der beste. der ie vf ors gesaz.
man vorhte sine sterche. vnt tet vil pilliche daz.






Wie Gunther Siuriden vnt
Chriemhilt ze Wormeze mit bete brukte.

XII. Auenture.

Nv daht och alle cite. daz Gunthers wip.
wie treit et also hohe. Chriemhilt den lip.
nu ist doch vnser eigen. Siurit ir man.
daz er vns niht endienet. des wolde ich gerne ein ende han.

Dis trooch si in ir hercen. vnt wart doch wol verdeit.
daz si ir so vrende warn. daz was der frowen leit.
daz si niht zinses hete. von des fursten lant.
wa von daz chomen wäre. daz het si gerne bechant.

Sie versuchte manigen ende. ob chunde daz geschehn.
daz si Chriemhilde. mohte noch gesehn.
si reite heinliche. des si da hete mvot.
done duht den chunic riche. der frowen bete niht zegvot.



Wie chunden wir si bringen. sprach der lobes rich.
her zu disen landen. das wäre vnmogelich.
si sint vns gar zeverre. ich getar sis niht gebiten.
des antwort im Prvnhilt. in vil listigen siten.

Swie hohe riche wäre. deheines kuniges man.
swaz im gebote sin herre. wie torster das verlan.
des ersmielte Gunther. do si das gesprach.
ern iach sin niht zedienste. swie dicker Siuriden sach.


Si sprach vil lieber herre. durch den willen min.
so hilf mir das noch Siurit. mit der swester din.
chom zu disem lande. das wir si hie geschn.
sone chunde mir zerwerlde. nimmer lieber geschehn.

Diner swester gvete. vnt ir vil zhtich mvot.
als ih daran gedenche. wie sanfte mir das tvot.
vnt ir vil wert enpfahen. do ich chom indaz lant.
es enwart nie antphanc richer. zerwelde niemen bechant.

Si gertes also lange. vnz das der chunic sprach.
ir mvget mich sanfte vlegen. wand ich gerner nie gesach.
deheiner slachte geste. inden landen min.
ich wil in boten senden. das si zuns komen an den Rin.

Do sprach div chuniginne. nu solt ir mir sagen.
wenne ir si welt besenden. oder in welhen tagen.
soln vnser frivnde. chomen indaz lant.
die ir dar senden wellet. die lat werden mir bechant.

Das ton ich sprach do Gunther. drizech miner man.
wil ich dar lazen riten. die hiez er für sich gan.
bi den enbot er märe. in Siurides lant.
seliebe gab in Prvnhilt. vil harte sierlich gewant.



Do sprach do Gvnther. ir rechen ir solt sagen.
swaz ich bi ir enbiete. des solt ir niht verdagen.
Sivrit mine fründe. vnt och die swester min.
daz enchan inder werlde. niemen holder gesin.

Vnt bite si von vns beiden. leisten ane strit.
daz si chomen rochen. vnser hochgecit.
gein disen sunwenden. sol er mit sinen man.
sehen hie vil manigen. der im vil grozer eren gan.


Sime vater Sigemunde. sagt och den dieneft min.
daz ich mit minen magen. im immer wäge sin.
vnt saget och miner swester. daz si niht laze daz.
sine chom zir frivnde. irn gesam nie hoegeciten baz.

Frov Vote vnt al die frowen. die man zehove vant.
enbuten och ir dieneft. in Sivrides lant.
den minneklichen meiden. vnt manigem chonem man.
Gere der vil chune. sich hoop mit den mären dan.

Sie foren reisliche. ir psarit vnt ir gewant.
daz was in chomen allen. do roomten si daz lant.
in zougte wol der reise. dar si da solden varn.
der kunie mit geleite. bat die boten wol bewarn.

Inre tagn zwelfen. si chomen in daz lant.
ze Nibelunges burge. dar warn si gesant.
da vunden si mit frevden. den vil chonen degn.
div roff den boten waren. mvede von den langen wegn.

Dem kunige vnt sine wibe. wart zehant geseit.
in wärn chomen geste. die trogen solhiv chleit.
als man zen Burgonden. do der site pflach.
Chriemhilt sprach von dem bette. dar an si bi ir liebe lach.



Si bat an ein venster. ir magede eine gen.
diu sach den chunen Geren. an dem hove sten.
mit sinen hergesellen. die warn dar gesant.
gein ir herceleide. wie liebiv mare si bevant.

Si sprach zu dem konige. ir solt vs sten.
ich sihe den starchen Geren. her zehove gen.
in hat min broder Gunther. wätlich her gesant.
was der reche werbe. das het ich gerne bechant.


Allez das gesinde. dar lief vnt gie.
invil grozen vreden. man die geste enpfie.
vnt taten in das beste. das si chunden do.
wande si ir chunfte. inir hercen warn vro.

Gere wol enpfangen. wart mit sinen man.
ir ross man hiez behalten. die helde braht man dan.
da der herre Sivrit. bi Chriemhilde saz.
si sahen in vil gerne. das solt ir wizen ane haz.

Gegen den lieben gesten. si stonden vs zehant.
wol wart enpfangen Gere. von Burgonden lant.
vnt sine hergesellen. bi der hende dan.
Chriemhilt foorte Geren. das wart durch liebe getan.

Si bat in zu zir sizen. er sprach wir suln sten.
erlobet vns die boteschafft. e' das wir sizen gen.
vnt horet disiv mare. was iv enboten hat.
Gunther vnt Prunhilt. der dine an eren hohe stat.

Vnt was iv iwer muoter. min frowe her enbot.
Giselher der iunge. vnt oech Gernot.
vnt iwer besten mage. die hant vns hergesant.
vnt enbietent iv ir dieneft. vzer Burgonden lant.



No lon in got sprach Sivrit. ich getrow in allen wol.
triven vnt gvotes. also man frivnden sol.
das selbe twot ir swester. wie si gehabn sich.
die unfern lieben frivnde. das sult ir lasen horen mich.

Sit das wir von in schieden. hat ieman iht getan.
den minen chonemagen. das lazet mich verstan.
das wil ich in mit triven. immer helfen tragen.
vnze das ir viende. den minen dieneft mozen klagen.


Do sprach der margraue. Gere ein reche gvot.
si sint inallen togenden. mit freuden wol gemvot.
si ladent ivch ze Kine. zeiner hochgecit.
wande si ivch gerne sahen. das ir des ane zwifel sit.

Vnt bitent mine frowen. si soln mit iv chomen.
swenne so der winder. ein ende habe genomen.
gein disen sonewenden. so wolden si ivch sehen.
do sprach der herre Sivrit. das chunde mvulich gesehn.

Do sprach aber Gere. vos Burgonden lant.
iwer mvoter Vote. div hat ivch gemant.
vnt iwer brueder beide. ir solt in niht versagen.
das ir in sit so verre. das hore ich si vil dicke klagen.

Prvnhilt min vrowe. vnt alle ir magedin.
die fröwent sich der gegene. ob das chunde sin.
das si ivch gesehen noch. so si des habent mvot.
do dohten disiv märe. die schonen Chriemhilde gvot.

Gere was ir sippe. der wirt in sizen hiez.
den gesten hiez man schenchen. niht langer man das lies.
do was ovch chomen Sigemvnt. do er die boten sach.
der herre minnekliche. zo den Burgonden sprach.



Sit willechomen ir rechen. ir Gunthers man.
sit Chriemhilde zeman. Sivrit minen svon gewan.
so solde man ouch degene. dicker bi ons sehn.
ob ir ons mit triwen. woldet frivntschefte ichn.

Si sprachen swenner wolde. si solden gerne chomen.
in wart ir michel mvode. mit frevden vil benomen.
die boten bat man sizen. spise man in trooch.
der wart den lieben gesten. gegeben volleklich genvoch.


Man gab in herberge. vnt schof in gvot gemach.
der herre zu den gesten. minneklichen sprach.
lat ouch niht betragen. darvmbte ir sit gefant.
her von vnsern frunden. wir solens io schiere tvon bechant.

Ich mooz mihs noch beraten. mit den frunden min.
er gie zeiner sprache. mit den rechen sin.
er sprach min frivnt Gunther. hat nach uns gefant.
zeiner hochgecite. nu ist zeverre mir sin lant.

Vnt bitent mine frowen. daz si mit var.
nu ratent liebe vriunde. wie sol si chomen dar.
vnt solde ich herverten. durch si indrisech lant.
da moze in gerne dienen. hin diu Sivrides hant.

Do sprachen sine rechen. habt ir der reise mvot.
so wellen wir io raten. daz io wirdet gvot.
ir solt mit tofint rechen. riten anden Rin.
so mvgt ir wol mit eren. da zehochgecite sin.

Do sprach von Niderlanden. der herre Sigemont.
welt ir zir hochgecite. wan tvot ir mir daz kunt.
ob es io niht versmahet. so rite ich mit io dar.
vnt bringe io hundert degene. da mit mer ich iwer sehar.



Sit ir welt mit uns riten. vil lieber vater min.
sprach der herre Sivrit. vro sol ich des sin.
inre tage zwelfen. so room ich miniv lant.
die si do furen wolden. den gap man roff vnt och gewant.

Do der chunic edele. der reise hete moot.
do hiez man wider riten. die snellen boten goot.
den sinen chonemagen. enbot er an den Rin.
das er gerne wolde. da zir hochgecite sin.


Sivrit vnt Chriemhilt. als wir horen sagen.
so vil den boten gaben. das ez niht mohten tragen.
ir möre heime zelande. er was ein richer man.
ir starchen sovmäre. si triben vrolichen dan.

Ir volche das kleite. Sivrit vnt och Sigemont.
Ecgewart der grave. der hiez do an der stont.
frowen chleider swochen. die besten die man vant.
oder iemen vinden chunde. ober alles Sivrides lant.

Sättil vnt schilde. bereiten man began.
rittern vnt frowen. die mit im wolden dan.
den gab man swaz si wolden. wie wenich in gebraht.
do brahter sinen freunden. manigen herlichen gast.

Den boten zogete sere. wider vf den wegn.
do chome wol zelande. Gere der degen.
er wart vil wol enpfangen. do stonden si zetal.
nider von den mören. for den Gunthers sal.

Der chunic durch groze liebe. von dem sedele sprach.
das so snelle chomen. des bat si haben danch.
Prvnhilt diu schone. der kunich zen boten sprach.
wie vert min freunt Sivrit. von dem mir liebes vil geschach.



Do sprach der chune Gere. da wart er freuden rot.
er vnt iwer swester. nie friunden baz enbot.
so friontlicher märe. deheinerflachte man.
als iw der herre Siwrit. vnt och sin vater hat getan.

Do sprach zem maregraunen. des edeln kuniges wip.
nw sagt mir chymet Chriemhilt. hat noch ir schoner lip.
behalten iht der zehete. der si wol chunde pflegen.
er sprach si choment beide. vnt mit in manic kuner degn.


Frov Vate bat do drate. die boten zwu zir gen.
das mac man an ir vrage. harte wol versten.
das si vil gerne horte. was Chriemhilt noch gesunt.
er sagete wie er funde. vnt das si chome in churzer stunt.

Och wart von in diu gabe. zehove niht verdeit.
die in dort gab Siwrit. golt. silber. vnt kleit.
das brahte man zesehene. der drier kunige man.
der ir vil grozen milte. wart in do danches vil getan.

Er mac wol gebn ringe. sprach Hagene der degn.
ern chundes niht verfwenden. vnt solt er immer lebn.
hort der Nibelunge. beslozen hat sin hant.
hen solden wir den teilen. noch in Suregonden lant.

Allez das gedigene. freote sich der zwu.
das si chomen solden. spate vnt froo.
warn vil vnmozich. des fursten ambtman.
was richer her gesidele. man da rihten began.

Ortwin vnt Sindolt. die zwene chune degn.
die warn vil vnmozich. di zit si moosin pflegen.
der trohseze vnt der schenche. rihten manigen banch.
des hulfen ir vndertanen. des sagete in Gvnther do danch.



Kvomolt der chuchen meister. vil wol berihte sit.
di sinen vndertanen. vil manigen kezzil wit.
häfene vnt pfannen. hej waz man der da vant.
da bereite man den spise. die da chomen indaz lant.

Der frowen arebeiten. waf och niht kleine.
da si bereiten ir chleider. die edeln steine.
mit glanze verre gleston. verwieret indaz golt.
do si sie ane leiten. daz in die lute wrden holt.





Wie Chriemhilt mit ir man
zer hochgeite for.

XIII. Auenture.

A

lle ir vnmuze. die lazen wir no sin.
vnt sagen io wie Chriemhilt. vnt och ir magedin.
zer hochgeite foren. von Nibelunge lant.
nie getruzen möre. so manic herlich gewant.

Vil der leit schrine. man schiete zu den wegen.
do reit mit sinen frivndin. Sivrit der degen.
vnt ovch div kuniginne. vñ hoher freuden wan.
ir freude moße leider. mit grozem iamer sit zergan.

Daheime si do liezen. ir beider kindelin.
beliben inir landen. daz moos et also sin.
von ir hove reise. erstunden starchiv ser.
vater vnt mooter. gesach daz kindel nimmer mer.

Da mite reit der herre. der kunic Sigemunt.
solder der getrowen. wie ez im nach der stunt.
zer hochgecite ergienge. ern het ir niht gesehen.
ia chunde im inder werlde. leider nimmer geschehen.

Goten man for sande. die div märe sagten dar.
do reit ovch in engegene. mit maniger liechten schar.
vil der goten degene. der Gunthers man.
der wirt sich gegen den gesten. fere vlißen began.

Er gie zu Prunhilde. da er si sizzen vant.
wie enpfie et ovch min swester. do ir chomet indaz lant.
sam solt ovch ir enpfahen. daz Sivrides wip.
daz ton ih sprach div frowe. daz hat verschuldet wol ir lip.

Do sprach aber Gunther. si choment vns morgen fruo.
nu ir si welt enpfahen. da griset balde zuo.
daz wir ir inder bürge. niht erbiten hie.
mir chom inmanigen ziten. so rehte lieber geste nie.

Ir meide vnt ovch ir frowen. die hiez si do zehant.
suchen gotiv chleider. die besten die man vant.
die si wol mit eren. vor gesten mohten tragen.
wie gern si daz täten. daz mac man lihte gesagen.



Ouch ilten in do dienen. die Guntheres man.
alle sine degene. der wirt zo sich gewan.
da reit die kuniginne. mit ir frowen mite.
gegen den lieben gēsten. al nach fruntlichem site.

Mit wie getanen eren. man die geste enpfie.
si dohte das frow Chriemhilt. Prunhilt nie.
so rehte wol enpfienge. in Burgonden lant.
die si e' niene gefahen. den wart vil hoher mvot erchant.


Nu was ouch kōmen Sivrit. mit den sinen man.
man sach die helde wenden. wider vnt dan.
des veldef allenthalben. mit vngefogen scharn.
dringen vnt stovben. chunde niemen da bewarn.

Do der wirt des landes. Sivriden sach.
vnt ouch Sigemunden. wie gutlicher sprach.
nu sit mir groze willechomen. vnt al den vruunden min.
der iwer hovereise. soln wir hochgemvte sin.

Nu lone iv got sprach Sigemunt. der ere gernder man.
sit das ouch min sun Sivrit. zefruonde gewan.
do rieten mine sinne. das ich ouch solde sehn.
do sprach der wirt zem gaste. nu ist mir liebe dran geschen.

Sivrit wart enpfangen. als im das wol gezam.
mit vil grozen eren. im was da niemen gram.
des half mit grozen zvhten. Giselher vnt Gernot.
ich wāne man ez gēsten. nie so minneklich erbot.

Do nahten zo zein ander. der zweier kunige wip.
da wart vil sättil läre. maniger schonen frowen lip.
wart von rechen handen. erhaben vf das gras.
die frowen gerne dienten. was der mit vnuozen was.



Do giengen zo zein ander. div minneklichen wip.
des was ingrozen freuden. vil maniges rechen lip.
daz ir beider grozen. so schone wart getan.
do sahe man vil der degene. mit zohten bi den frowen stan.

Daz herrentlich gesinde. sich uiengen bi der hant.
inzohnten groze nigen. des man vil da vant.
vnt chussen minnekliche. von frowen wolgetan.
daz was liep zesehene. den kunigen vnt ir beider man.

Sine biten da niht langer. si riten zo der stat.
der wirt den sinen gesten. daz wol erzeigen bat.
daz man si gerne sahe. in Suregonden lant.
vil manigen pvenez richen. man vor den iunefrowen vant.

Vzer Tronege Hagene. vnt ovch Ortewin.
daz si gewaltich waren. daz wart da vil wol schin.
swaz si gebieten wolden. daz torste niemen lan.
von in wart michel dieneft. den edeln gesten getan.

Vil schilde hort man schellen. da zem burgetor.
von stichen vnt von stozen. vil lange habt der vor.
der wirt mit sinen gesten. e' daz si komen drin.
ia gie in div stunde. mit vil grozen vreuden hin.

Fur den palas richen. mit freuden si do riten.
vil manigen pfellel spähen. rich vnt wol gesniten.
sach man vber sätele. den frowen wolgetan.
allenthalben hangen. do chomen Guntheres man.

Die hiezen si do foren. balde an ir gemach.
vnder wilen blichen. man Prvnhilde sach.
an frowen Chriemhilt. div schone was genvoch.
ir varwe gegen dem glanze. den schin vil herlichen trovch.

Allenthalben schallen. ze Wormez in der stat.
hort manz gesinde. der wirt den marschalch bat.
Danchwart Hagenen broder. er solde ir selbe pflegen.
do begunder das gesinde. harte gotliche legen.

Da vze vnt ovch dar inne. spisen man si lie.
ez enwart deheiner geste. baz gepflegen nie.
alles das si wolden. des was man in bereit.
der chunich was so riche. das da wart niemen niht verseit.


Man dient in friuntliche. vnt ane allen haz.
der wirt do zetische. mit sinen gesten saz.
do mose sizen Sivrit. als er e' het getan.
mit im gie zetische. vil manic wätlicher man.

Einluse hundert rechen. an dem ringe sin.
mit im zem ezzen sazen. Prvnhilt die kunigin.
gedaht das eigen holde. niht richer chunden wesen.
si was im noch so wäge. das si in gerne lie genesin.

Alda der wirt mit freuden. mit sinen gesten saz.
vil der richen chleider. wart von wine naz.
da die schenchen solden. zu den tischen gan.
da wart vil voller dienest. mit grozem willen getan.

So man zehochgeciten. lange hat gepflegen.
frowen vnt meide. hiez man schone legen.
von swannen si dar chomen. der wirt in willen trooch.
mit vil grozen zhten. man gab in allen gewoch.

Do die naht het ende. vnt das der tac erschein.
vz den leit schrinen. vil manic edel stein.
erluht inguter wäte. die rvorte frowen hant.
do wart dar for gesuochet. vil manic herlich gewant.



E' daz ez vol ertagete. do chomen for den sal.
vil ritter vnt knechte. do hoop sich aber schal.
vor einer fruo messe. die man dem kunige sanch.
da riten iunge degene. daz mans in mofe sagen danch.

Kvot vnt ane mase. manic pufvon erdoz.
von trumben vnt flonten. wart der schal so groz.
daz Wormez div vil wite. darnach vil lote erschal.
die hochgemvoten degene. zen rossen chomen vber al.


Do hoop sich indem lande. harte hoh ein spil.
von manigem guten degene. der was da harte vil.
den ir tombiv hercen. rieten hohen mvot.
der sah man vnder schilde. manigen zieren rechen gvot.

Indiv venster sazzen. div herlichen wip.
vnt vil der schonen magede. gezieret was ir lip.
si sahen kurcewile. von manigem chonem man.
der wirt mit sinen degenen. selbe riten da began.

Also vergie ir wile. div dohte si niht lanc.
do horte man zem tvome. vil maniger glocken chlanch.
do chomen in die more. die frowen riten dan.
den edeln kuniginnen. volget vil manic chune man.

Si stunden vor dem mvnster. nider vf daz gras.
Prunhilt ir gesten. dannoch vil wäge was.
si giengen vnder chrone. indaz mvnster wit.
div liebe wart sit gescheiden. daz frumte grözlicher nit.

Do si gehorten messe. si suoren wider dan.
mit vil grozen zohnten. man sach si sider gan.
zetische minnekliche. ir freude nie gelach.
da zer hochgecite. vnz an den einlisten tac.



Do gedaht die kuniginne. ine mac niht langer dagn.
swie ich das gefuge. Chriemhilt muoz mir sagen.
warumbe vns also lange. den zins versezzen hat.
ir man derst unser eigen. der vrage han ich cheinen rat.

Svs warte si der wile. als ez der tiwffel riet.
die froode vnt ouch die hohgecit. mit iamer si do schiet.
daz ir lach amme hercen. zelicht ez muose chomen.
des wart inmangen landen. von ir iamers vil vernomen.





Wie die choniginne mit ander zerrissen.

XIV. Auenture.

D

or einer vespercite. man vsem hove sach.
ze rossen manigen rechen. hofir vnt dach.
was alle; vol durch schowen. von luten vberal.
do warn och die frowen. zen venstern chomen inden sal.

Ze samene do gefazen. die kuniginne rich.
si reiten von zwein rechen. die wären lobelich.
do sprach die frowe Chriemhilt. ih han einen man.
das elliv diu riche. zu sinen henden solden stan.

Des antwort ir Prunhilt. das mohte vil wol sin.
ob niemen mere enlebte. wan sin vnt din.
so mohten im die riche. wol wesen vndertan.
die wile aber lebt Gunther. so chundez nimmer ergan.

Do sprach aber Chriemhilt. nu sihestu wier stat.
wie rehte herrenliche. er vor den rechen gat.
alsam der liechte mane. vor den sternen stat.
des mu; ich wol von schulden. tragen vrolichen muot.

Do sprach die hofsfrowe. swie wätlich si din man.
swie schone vnt swie biderbe. so muostu vor im lan.
Gunthern den rechen. den edeln pruder din.
der mu; vor allen kunigen. mit lobe wätliche sin.

Des antwort ir Chriemhilt. so tiwer ist wol min man.
das ich in ane schulde. niht gelobet han.
an vil manigen togenden. ist sin ere gros.
gelobest du des Prunhilt. er ist wol Gunthers genoz.

Jane soltu mir ez Chriemhilt. zarge niht vervan.
wande ich doch ane schulde. die rede niht han getan.
ich hort si ichn beide. do ihf alkerste sach.
vnt da des kuniges wille. an mine libe geschach.

Vnt da er mine minne. so ritterlich gewan.
do iach des selbe Sivrit. er wäre skuniges man.
des han ich in for eigen. sit ihf in horte ichn.
do sprach die frowe Chriemhilt. so wär mir vbel geschehn.

Wie heten so geworben. die edeln bruder min.
daz ich eigen mannes. wine solde sin.
des wil ich dich Prunhilt. vil vruuntlichen biten.
daz du die rede lazeft. mit vil minneklichen siten.

Ine mag ir niht gelazen. sprach do des kuniges wip.
zwiv sold ich verchiesen. so maniges rechen lip.
der uns mit dem kunige. ist dienstlich undertan.
mich muete daz ich so lange. niht zinsse von im gehabt han.

Do muost in von im verchiesen. daz er dir nimmer bi.
wone deheiner dienste. er ist tiwrrer danne si.
Gunther min bruder. do solt nimmer daz gelebn.
daz er dir zinsf deheinen. von sinen landen muose gebn.

Do zivhest dich zehohe. sprach aber des kuniges wip.
nw wil ich sehn gerne. ob man den dinen lip.
habe zesolthen eren. als man den minen twot.
die frowen waren beide. harte zornich gemvot.

Do sprach div frowe Chriemhilt. daz muose et nw geschehn.
sit du mines mannes. for eigen hast veriehn.
nw muosen hiove chiesen. der zweier kunige man.
ob ich vor kuniges wibe. twore zwo der kirchen gan.

Ich laze dich wol schowen. daz ich bin adel vri.
min man ist verre tiwerr. danne der dine si.
da mite wil ich selbe. niht bescholten sin.
du muoste das hinte chiesen. wie div eigene div din.

Ze hove ge vor rechen. in Suregonde lant.
ich wil selbe wesn edeler. danne iemen habe bechant.
deheine kuniginne. div chrone ie her getvoch.
do hvop sich vnder den frowen. groses nides genvoch.

Do sprach aber Prunhilt. wilto niht eigen sin.
so muostu dich scheiden. von den frowen min.
mit dinem ingesinde. da wir zem munster gan.
entriwen sprach do Chriemhilt. daz sol werden getan.

Nu kleidet ouch min magede. sprach Siwrides wip.
ez muoz ane schande. beliben hie min lip.
ir solt daz lazen schowen. vnt habt ir riche wat.
si mac sin lovgen gerne. des Prunhilt veriehn hat.

Man moht in lihte raten. sie suchten richiu chleit.
da wart vil wol gezieret. manic frowe vnt meit.
do gie mit ir gesinde. des edeln wirtes wip.
zewnsche wart gechleidet. der schonen Chriemhilt lip.

Mit drin unt vierzech meiden. di brahtes an den Rin.
die trugen lichte pfellel. geworht in Arabin.
sus chomen zu dem munster. die meide wolgetan.
ir warten vor dem hause. alle Siwrides man.

Die lute nam des wnder. wa von daz geschach.
daz man die kuniginne. nu gescheiden sach.
daz si niht bi ein ander. giengen alsam e'.
da von wart manigem degene. sit vil forchlichen we.

Hie stont vor dem munster. daz Guntheres wip.
do hete kurzewile. vil maniges rechen lip.
mit den schonen frowen. der si da namen war.
do chome diu edel Chriemhilt. mit maniger herlichen schar.

Swas kleider ie getrugen. edeler ritter kint.
wider ir gesinde. was iz gar ein wint.
si was so rich des gotes. daz drizech kunige wip.
niht mohten wol erzivgen. daz tet der Chriemhilt lip.

Ob iemen wnschen solde. der chunde niht gesagn.
daz man so richer chleider. gesehe ie mer getragn.
als inder wile troogen. ir meide wolgetan.
wan zeleide Prunhilde. ez hete Chriemhilt verlan.

Ze samne si do chomen. vor dem munster wit.
ez tet diu huffrowe. durch einen grozen nit.
die edeln Chriemhilde. hiez si stille stan.
ia sol vor kuniges wibe. nimmer eigen diu gegan.

Do sprach diu frowe Chriemhilt. zornic was ir mvot.
chundest noch geswigen. daz wære dir gvot.
du hast geschendet selbe. den dinen schonen lip.
wie mac immer chebse. mit rehte werden chuniges wip.

Wen hastu hie verchebset. sprach des kuniges wip.
daz ton ich dich sprach Chriemhilt. den dinen schonen lip.
minnet erste Sivrit. min vil lieber man.
ia enwas ez niht min brooder. der dir den magetvorn an gewan.

War chomen dine sinne. ez was ein arger list.
zwiv lize du in minnen. sit er din eigen ist.
ich hore dich sprach Chriemhilt. ane alle schulde klagn.
entriwen sprach do Prionhilt. daz wil ich Gunthere sagn.

Dich hat din obermvete. sprach Chriemhilt betrogen.
du hast mich zedienste. mit rede dich an gezogen.
daz wisse inrechten triwen. ez ist mir immer leit.
getriwer heinliche. wurde ich dir nimmer mer bereit.

Prionhilt do weinde. Chriemhilt niht langer lie.
vor des kuniges wibe. in; munster si do gie.
mit ir ingefinde. do hoop sich grozer has.
des wrden lichtiv ougen. vil starche troebe vnt naz.

Swaz man gote gediente. oder iemen da gesanch.
des duhte Prunhilde. diu wile gar zelanch.
wand ir was vil trvebe. der lip vnt al der muot.
des muosin sit engelten. rechen chvone vnt gvot.

Prunhilt mit ir frowen. gie for daz munster stan.
si gedahte mich muos Chriemhilt. mere horen lan.
des mich so lute zihet. daz wort hoerte wip.
vnt hat er sichs gervemet. ez gat Sivride an den lip.

No chome diu frowe Chriemhilt. mit manigem chvonen man.
do sprach diu huffrowe. ir solt mich ez lan verstan.
ir iahet min zechesfen. daz sult ir lasen sehn.
vnt sult ez hie bewären. wa mir daz laster si geschehen.

Do sprach diu sehone Chriemhilt. ir möht mich lasen gan.
ich erzogez mit dem golde. daz ich an der hende han.
daz brahte mir min vriedel. do er erste bi dir gelach.
nie gelebte Prunhilt. deheinen leidern tach.

Dis golt ich wol erchenne. ez wart mir verstoln.
sprach diu kuniginne. vnt ist lange mich verholn.
ich chom es an ein ende. wer mirz habe genomen.
die frowen beide waren. ingroz vngemvete chomen.

Do sprach aber Chriemhilt. ine wilf niht wesn diep.
du mohtes wol gedaht han. vnt wäre dir ere liep.
ich erzogez mit dem gurtel. den ich hie vmbe han.
daz ich ez niht enlioge. ia wart min Sivrit din man.

Von Ninnive der siden. si den porten trvoch.
von edelem gesteine. gvot was er genvoch.
do den Prunhilt gesach. weinen si began.
daz moose vreisichen Gunther. vnt alle Buregonde man.

Do sprach die kuniginne. heizet her gan.
den fursten vom Rine. ich wil in horen lan.
wie mich hat gehonet. siner swester lip.
si sagt hie offentliche. ich si Sivrides wip.

Der kunic chome mit rechen. weinen er do sach.
die sinen trütinne. wie gotlich er sprach.
saget mir liebiv frowe. was ist ir getan.
si sprach vil lieber herre. von schulden moꝛ ich trurich stan.

Von allen minen eren. mich die swester din.
gerne wolde scheiden. dir sol geklaget sin.
si giht mich habe gechebset. Sivrit ir man.
do sprach der kunic Gunther. so hetes vbele getan.

Si treit hie minen gurtel. den ich lange han verlorn.
vnt oꝛch min guldin vingerlin. daz ich ie wart geborn.
daz moꝛ mich immer riwen. dꝛne beredest mich.
kunic der grozen schanden. daz diene ich immer vmbē dich.

Do sprach der kunic Gunther. nu lat in her gan.
hat er sichs gervemet. daz sol er horen lan.
oder sin moꝛ loꝛgen. der helt vꝛ Niderlant.
den Chriemhilde vriedel. hiez man bringen sa zehant.

Do der herre Sivrit. die ungemvoten sach.
ern wiste niht der märe. wie balde er do sprach.
was weinent dise frowen. daz het ich gerne erchant.
oder von welhen schulden. der kunic habe nach mir gesant.

Do sprach der chunic Gunther. daz ist mir durch dich leit.
mir hat min frowe Prunhilt. ein märe hie geseit.
du habst dich des gervemet. daz do ir schonen lip.
erste habest geminnet. daz seit frowe Chriemhilt din wip.

Do sprach der herre Sivrit. unt hat si das geseit.
e' das ich erwinde. ez sol ir werden leit.
unt wil dir das enpfuren. vor allen dinen man.
mit minen hohen eiden. das ichs ir niht gesaget han.

Do sprach der kunich von Rine. das soltu lasen sehen.
das gerichte das du biwest. vnt mac das hie gesehn.
aller valschen dinge. wil ich dich ledic lan.
man hiez zu zeime ringe. die stolzen Suregonde gan.

Sivrit gein dem eide. hohe bot die hant.
do sprach der kunic riche. mir ist so wol erchant.
iwer groz vnschulde. ich wil ioch ledic lan.
des ioch min swester zihet. das ir des nine habt getan.

Do sprach aber Sivrit. geniozet es min wip.
das si so hat betrubet. den Prunhilde lip.
das ist mir sicherlichen. ane mase leit.
do sahen zu zein ander. die guten ritter gemeit.

Man sol so frowen ziehen. sprach Sivrit der degn.
das si vppekliche spruche. lasen vnder wegen.
verbivt ez dine wibe. der minen twon ich sam.
ir grozen vnsfoge. ich mih wärlichen scam.

Mit rede was gesehiden. manic schone wip.
do trovet also fere. der Prunhilde lip.
das ez erbarmen moose. die Gunthers man.
do chom von Tronege Hagene. zu siner frowen gegan.

Er vragte was ir wäre. weinende er si vant.
do sagtes im die märe. er lobt ir sa zehant.
das ez erarnen moose. der Chriemhilden man.
oder ern wolde nimmer. dar vmb vrolich gestan.

So der rede chom Ortwin. vnt och Gernot.
da die helde rieten. den Sivrides tot.
dar zo chom och Giselher. der edeln Vten kint.
do er ir rede gehorte. er sprach vil gutlichen sint.

Owe ir guten knechte. warumbe tvot ir daz.
iane gediente Sivrit. nie alsolhen haz.
daz er darumbe solde. verliesen sinen lip.
ia ist es harte lihte. darumbe zornent div wip.

Soln wir govche ziehen. sprach aber Hagene.
des habent lozzil ere. so gute degene.
daz er sich hat gervemet. der lieben frowen min.
darumbe wil ich sterben. ez enge im an daz leben sin.

Do sprach der kunic Gunther. ern hat uns niht getan.
wan getriwer dienste. man sol in lebn lan.
was toug ob wir dem degene. wärn no gehaz.
er was vns ie getriwe. vnt tet vil willechliche daz.

Do sprach vzer Mezen. der degene Ortwin.
iane kan in niht gehelfen. div groze sterche sin.
erlobt mirz min herre. ez mooz im werden leit.
do heten im die degene. ane schulde widerseit.

Do liezen siz beliben. spilen man do sach.
hey was man starcher schefste. vor dem munster brach.
vor Sivrides wibe. al zo dem sale dan.
do wrden in vnmvete. genvge Gunthers man.

Sin gevolgete niemen. niwan daz Hagene.
riet alle cite. Gunther dem degene.
ob Sivrit niht enlebte. so wrde in vndertan.
vil der kunige lande. der helt do trooren began.

Er sprach nu lat beliben. den mortlichen zorn.
er ist uns zefelden. vnt zen eren geborn.
ovch ist so grimme chvene. der vil starche man.
ob er sin innen wrde. sone torst in niemen bestan.

Nein ich sprach do Hagene. ir muot wol stille dagn.
ich kanz heinliche. wol also an getragen.
daz Prunhilde weinen. sol im werden leit.
ia muoz im von Hagene. immer wesn widerseit.

Do sprach der kunic Gunther. wie mohte daz ergan.
des antwt im Hagene. ich wilz ouch horen lan.
wir heizen boten riten. zu zuns indaz lant.
wider sagen offenliche. die hie niemen sin bechant.

So ichet vor den gesten. daz ir vnt iwer man.
wellet herverten. also daz ist getan.
so lobt er indie reise. des vliuset er den lip.
da man in mac verhowen. diu märe saget mir sin wip.

Der kunic gevolget vbele. Hagene sinem man.
vil michel vntriwe. begunden tragen an.
e' iemen daz erfunde. die rechen v3 erhorn.
von zweier frowen bagen. wart vil der degene verlorn.




Wie ze Wormze widersaget.

W

XV. Auenture.

n dem vierden morgen. zwen vnt drizzech man.
 sach man ze hove riten. do wart es kunt getan.
 Gunther dem vil richen. im wære widerseit.
 von lwoge erstunden frowen. diu aller grozisten leit.



Verloyp si gewinnen. si solden for gan.
vnt iahen daz si wären. die Kivdegers man.
den e' da het betwngen. div Sivrides hant.
vnt in ze gisfel brahte. indaz Gunthers lant.

Die boten er do grozte. vnt hiez si sizzen gan.
ir einer sprach dar vnder. herre lat uns stan.
vnz wir sagn div märe. die iv enboten sint.
ia habt ir zevinde. daz wizzet manich moter kint.


Iv widersagt Kivdegast. vnt Kivdeger.
den ir da wilen tatent. div gremlichen ser.
die wellent zuo ziv riten. mit her indizze lant.
do begunde zornen Gunther. als ob ez wære im vnbechant.

Man hiez die trogenäre. zen herbergen varn.
wie chunde sich Sivrit. do da vor bewarn.
er oder ander iemen. daz si trugen an.
daz wart sider in selben. zegrozem leide getan.

Der konic mit sinen frivnden. rönende gie.
Hagene von Tronege. in nie gerowen lie.
noch heten ez gescheiden. gnvoege skuniges man.
done wolde Hagene. nie des ratesf abe gan.

Eines tages Sivrit. si rönende vant.
do begunde vragen. der helt von Niderlant.
wie get so tvrekliche. der konic unt sine man.
daz sol ich immer rechen. hat im iemen iht getan.

Do sprach der konic Gunther. mir ist von schulden leit.
Kivdegast unt Kivdeger. di hant mir widerseit.
si wellent nu offenliche. riten in min lant.
do sprach der degen chüne. daz sol div Sivrides hant.



Wol nach iweren eren. mit vliße vnderstan.
ia geton ich den degenen. als ich han e' getan.
ich gelege in wste. ir burge vnt ovch ir lant.
e' daz ich erwinde. des si min hovbet iwer psant.

Ir unt iwer rechen. ir sult hie bestan.
vnt lat mich zo zin riten. mit den vnt ich hie han.
daz ich ir gerne diene. daz laz ich ir gesehn.
do begunde im Gunther. darvumbe groz genade ichn.


Do schicten sie die reise. mit den knechten dan.
Sivride unt sinen degenen. zesehn ez was getan.
do hiez er sich bereiten. die von Niderlant.
die v; erwelten degene. die sohten stritlich gewant.

Do sprach der herre Sifrit. min vater Sigemunt.
ir solt hie beliben. ich chvorn inkurcer stont.
git uns got gelucke. her wider an den Rin.
ir sult bi dem kunige. hie vil vroliche sin.

Div zeichen si an bunden. also si wolden dan.
do waren da genuge. Gunthers man.
dine wessen niht der märe. wa von ez was geschehn.
man mohte groz gefinde. do bi Sivride sehn.

Ir helm vnt ovch ir prünne. si bvnden of div march.
do wolde von dem lande. vil manich reche starch.
do gie von Tronege Hagene. da er Chriemhilde vant.
vnt bat im gebn vrlouy. si wolden rvmen daz lant.

So wol mich sprach do Chriemhilt. daz ich ie gewan den man.
der minen lieben frivnden. so tar vor gestan.
also min herre Sivrit. tvot den frivnden min.
des mvo; ich hohes mvtes. sprach div kuniginne sin.



Vil lieber frivnt Hagene. nu gedenchet an das.
das ich iw gerne diene. vnt nie noch wart gehaz.
des lazet mich geniezen. an minen lieben man.
ern sol des niht engelten. hab ich Prunhilde iht getan.

Das hat mih sit gerowen. sprach das edel wip.
ovch hat er so zerblowen. dar umbe minen lip.
das ich ie beswarte. ir mit rede den mvot.
das hat vil wol errochen. der helt chune vnt gvot.


Ir werdet wol gefrivnde. her nach disen tagen.
Chriemhilt liebiv frowe. ia sult ir mir sagen.
wie ich iw moze gedienen. an Sifride iwerm man.
das tvon ich frowe gerne. baz ihf niemen gan.

Ich wär an alle forge. sprach das edel wip.
das im niemen näme. instvrme sinen lip.
ob er niht volgen wolde. finer ober mvot.
so wär ovch immer sicher. der helt chüne vnt gvot.

Do sprach aber Hagene. frowe habt ir wan.
ob man in moze versniden. ir solt mich wizen lan.
mit wie getanen listen. ich das svel vnderstan.
ich wil im zehvot. immer riten vnt gan.

Si sprach dv bist min mag. sam bin ich der din.
ich bevilhe dir mit triwen. den holden wine min.
das dv mir behvtest. den minen lieben man.
si seit im kundiv märe. das bezzer wäre verlan.

Sie sprach min man ist chvne. dar zo starch genvoch.
do er den lintrachen. an dem berge ssvoch.
da batte sich indem blvot. der reche vil gemeit.
da von in sit instvremen. nie dehein wafen versneit.

A decorative border with intricate floral and vine patterns surrounds the text. The border is composed of repeating motifs of leaves, flowers, and scrolling vines, creating a frame for the central text.

Idoch so han ich forge. swenner instorme stat.
vnt vil der gere schpze. von rechen handen gat.
daz ich da verliese. den minen lieben man.
hen was ich grozzer leide. dicke umbe minen frivnt han.

Ich meldez vf genade. vil lieber frivnt dir.
daz du dine triwe. behaldest ane mir.
da man da mach verhowen. den minen lieben man.
daz laz ich dich wol høre. dest vf genade getan.


Do von des trachen wuden. vloz daz heize blvot.
vnt sich dar inne badete. der chüne reche gvot.
do gehafte im zwischen herten. ein linden blat vil breit.
da mac man in verhowen. des ist mir sorgen vil bereit.

Do sprach der ungetriwe. vf daz sin gewant.
ne't ir ein kleinez zeichen. mit iwer selbes hant.
wa ich in sole behoten. daz ich daz moze verstan.
si wanden helt do vristen. ez was vf sinen tot getan.

Si sprach mit kleinen siden. nâ ich vf sin gewant.
ein tovgenliches cruce. da sol helt din hant.
den minen man behvoten. soz an die herte gat.
vnt er instarchen sturmen. vor sinen vianden stat.

Daz tvn ich sprach do Hagene. vil liebiv frowe min.
do wande ovch des div frowe. ez solde ir frvom sin.
da mite was verraten. der vil chune man.
vrlooy nam do Hagene. do gie er vroliche dan.

Daz er revarn hete. bat im sin herre sagen.
mvget ir die reise wenden. so suln wir riten iagen.
ich han nv gar div mâre. wie ich in gewinnen sol.
mvget ir nv daz gefüge. daz tvon ich sprach der kunic wol.



Des kuniges ingesinde. was alles wol gemvot.
ich wän immer rechen. deheiner mer getvot.
so grozer meinrete. so von im ergie.
do sich an sine triwe. Chriemhilt diu kuniginne verlie.

An dem dritten morgen. mit tofint siner man.
reit der herre Sivrit. vröliche dan.
er wande solde rechen. siner friunde leit.
Hagene im reit so nahen. daz er geschowet diu kleit.


Als er gesach daz pilde. do schieter tougen dan.
die sagten ander märe. zwene siner man.
daz vride habn solde. Gunthers lant.
si het der herre Kuddeger. zw dem kunige gesant.

Wie ungerne Sivrit. do hin wider reit.
ern getätes kuniges ninden. eteflichiv leit.
wande in vil chyme erwanden. die Gunthers man.
do reit er zw dem kunige. der wirt im danchen began.

No lon iv got des willen. frivnt Sivrit.
daz ir so willechlichen. tvot des ich ivch bite.
daz sol ich immer dienen. als ich von rehte sol.
vor allen minen frivnden. so getrowe ich iv wol.

No wir der hereverte. ledie worden sin.
so wil ich iagen riten. von Wormez ober den Rin.
vnt wil kurcewile. zem Otewalde han.
iagen mit den hunden. als ich vil dicke han getan.

Allen minen gesten. den sol man daz sagen.
daz ich vil frvo rite. die mit mir wellen iagen.
daz si sich bereiten. die hie wellen bestan.
hoffschen mit den frowen. da si mir liebe getan.



Do sprach der herre Sivrit. in herlichem site.
swenne ir iagen ritet. da wil ich gerne mite.
so solt ir mir lihen. einen svochman.
vnt eteslichen brachen. so rite ich mit iw inden tan.

Gedurfet ir niht eines. sprach der kunic zehant.
ich lihiv welt ir viere. den wol ist bechant.
der walt vnt ovch die stige. swa div tiere hine gant.
die ivch vrwise. nach vns riten niht enlant.

Do die vil vngetriwen. vf geleiten sinen tot.
si wisten; al gemeine. Giselher vnt Gernot.
wolden niht iagen riten. ine weiz durch welhen nit.
das si in niht en warenden. idoch erarneten si; sit.






Die Sivrit's ermordt wart.

XVI. Auentiure.



vnther vnt Hagene, die rechen vil balt,
lobten mit vntriwen, ein pirsen inden walt,
mit ir scharpfen geren, si wolden iagn swin,
pern vnt wisende, waz mohte kuners gesin.





Da mite reit och Sivrit. in vrolichem site.
herrenliche spise. die furte man in mite.
zeinem kalten brunnen. namens im den lip.
das het geraten Prunhilt. des kunie Guntheres wip.

Do gie der degene chone. da er Chriemhilde vant.
ez was nu vf gesornet. sin edel pirsgevant.
vnt ander der gesellen. si wolden ober Rin.
done dorste Chriemhilde. leider nimmer gesin.


Die sinen trotinne. die chuster an den mont.
got laze mich dich frowe. gefehn noch gesvnt.
vnt mich div dinen ovgen. mit holden magen din.
solto kurcewilen. ine mac hie heime niht gesin.

Do gedahtes an div märe. sine torst ir niht gesagen.
da von si Hagen e' vragte. do begunde klagen.
div edele kuniginne. das si ie gewan den lip.
do weinte ane mase. des kunen Sivrides wip.

Si sprach zu dem rechen. lat iwer iagen sin.
mir troumte hinte leide. wie ouch zwei wildiv swin.
iagent ober heide. da wrden blomen rot.
das ich so fere weine. das toot mir armem wibe not.

Da forhte ich herre Sivrit. eteslichen rat.
ob man der deheinen. missedienet hat.
die vns gefvgen chunnen. eteslichen haz.
belibet herre Sivrit. mit triwen rate ich iv das.

Er sprach liebiv frowe. ich chum in kurzen tagn.
ine weiz hie niht der uinde. die uns iht hazes tragen.
alle dine mage. sint mir gemeine holt.
ouch enhan ich an den degenen. hie niht anders verscholt.



Nenna herre Sivrit. ia vurht ich dinen val.
mir troumte hinte leide. wie ob dir zetal.
vielen zwene berge. ich ensach dich nimmer me.
wiltu nu mir scheiden. daz twot mir innekliche we.

Er umbe vie mit armen. daz tugende riche wip.
mit minneklichen chussen. tvoot er ir schonen lip.
mit vrloube er dannen. schiet inhurcer stunt.
sine gesach in leider. dar nach nimmer mer gefont.


Do riten si von dannen. ineinen walt.
durch kurcwile willen. vil manic degen balt.
riten mit dem wirte. man fort ovch mit in dan.
vil der edeln spise. die di helede solden han.

Geladen vil der roffe. chom vor in ober Rin.
die den iegeren trogen. brot vnt win.
vleisc vnt nische. vnt anders manigen rat.
den ein konic so riche. harte billechin hat.

Sie hiezen herbergen. for den grunen walt.
da si da iagn solden. ¶ vf einen wert vil breit.
do chom der herre Sivrit. daz wart dem kunige gefeit.

Von den iagt gefellen. wrden gar bestan.
die warte an allen enden. do sprach der chune man.
Sivrit der stanche. wer sol vns durch den walt.
wissen vor den bergen. ir rechen chven vnt balt.

Ja mozen wir vns scheiden. sprach do Hagene.
e daz wir beginnen. hie ze iagene.
da bi wir bechennen. ich unt der herre min.
wer die besten iägere. an dirre walt reise sin.





Kvot vnt ovch gehvende. wir suln teilen gar.
so cher iestlicher. swar er gerne var.
der danne iage daz beste. des sage man im danch.
do wart ir biten. niht zen herbergen lanch.

Do sprach der herre Sivrit. ich han der hunde rat.
niwan einen braehen. der so genozzen hat.
daz er die verte erchenne. der there durch den tan.
do schopf der kunic Gunther. zwo zim den er wolde han.


Do nam er einen iäger meister. einen goten spvchunt.
er brahte den herren. in einer kurcen stunt.
da si vil there funden. swaz der von legere stont.
die er iageten die gesellen. so noh gute iägere tont.

Swaz ir der brache ersprancte. die sluoc mit finer hant.
Sivrit der vil chvene. der helt v3 Niderlant.
sin roff daz liof so fere. daz ir im niht entran.
daz lop an dem geiägede. er vor in allen da gewan.

Er was an allen dingen. biderbe genvoch.
sin there was daz erste. daz er zetode sluoch.
ein vil starches halpfwol. mit der finen hant.
dar nach er harte schiere. einen grimmen lewen vant.

Do der wart ersprenget. den schoz er mit dem bogen.
eine scharpfe stralen. het er dar in gezogen.
der lewe lief nach dem schuzze. wan drier sprunge lanch.
die finen iagt gesellen. die sagten Sivride danch.

Dar nach sloger schiere. einen wisent vnt elch.
starcher vore viere. unt einen grimmen schelch.
sin roffs trvg in so balde. daz ir im niht entran.
hirz oder hinden. chund im wenic iht engan.



Einen ebyr grozen. den sach der spurehont.
als er begunde vlihen. do chom an der stont.
des selben geiägedes meister. der bestunt in vf der sta.
daz swin vil zornikliche. lief an den chunen rechen sa.

Do slog in mit dem swerte. der Chriemhilde man.
ez hete ein ander iägere. so sanfte niht getan.
do er in het ervellet. man vie den spurehont.
do wart sin iagt daz riche. wol den Suregonden kunt.


Do sprachen sine iägere. mages mit hulden wesn.
so lat uns herre Sivrit. der thyr ein teil genesn.
ir tvot uns hviote läre. den berch unt oveh den walt.
des begunde smielen. der degn chune vnt balt.

Do hortens allenthalben. lodem unt doz.
von loten vnt oveh von hunden. der schal was so groz.
daz in da von antwrte. berge vnt oveh der tan.
vier vnt drizzech rvore. die iägere heten verlan.

Do wuse vil der there. verliesen da daz lebn.
do wanden si daz svegen. daz man in muste geben.
den pris an dem geiägede. des enchunde niht geschehn.
do der starche Sivrit. wart zer viwer stete geschn.

Daz pirsen was ergangen. vnt idoch niht gar.
die zem viwer wolden. di brahten mit in dar.
vil maniger hande there. vnt wildes genvoch.
hey was man des zer chuchen. des kuniges ingesinde tvoch.

Do hiez der kunic künden. den iägern v; erhorn.
daz er enbizen wolde. do wart vil tvot ein horn.
zeiner stunt geblasen. da mit in wart erchant.
daz man den fursten edele. da zen herbergen vant.





Ein Siurides iägere. sprach ich han vernomen.
von eines hornes duzze. daz wir nu suln chomen.
zu den herbergen. antworten ich des wil.
do wart nach den iägeren. gevraget blasfende vil.

Do sprach der herre Siurit. nu ruomen och wir den tan.
sin ros daz truogin ebene. si ilten mit im dan.
si ersprancten mit ir scalle. ein tyer vil gremilich.
daz was ein ber wilde. do sprach der degn hinder sich.


Welt ir uns hergesellen. kurcwile wern.
den brachen sult ir lazen. ia sih ich einen bern.
der sol zen herbergen. mit uns himmen varn.
swie ubel er gebare. ern chan sihs nimmer bewarn.

Der brache wart verlazen. der ber sprach von dan.
do wolde in eriten. der Chriemhilde man.
er chom in ein gevelle. done chundes niht wesen.
daz starche tyer do wande. vor dem iägere genesin.

Do sprach von sinem rosse. der stolze ritter gvot.
er begunde laufen sere. daz there was vnbehvot.
ez enchunde im niht entrinmen. do vienger ez zehant.
ane allerflachte wunden. der helt ez schiere gebant.

Chrazzen noch gebizen. chundes niht den man.
er bandez zu dem satele. gewaltklichen dan.
braht erz an die fivstat. durch sinen hohen mvot.
zeiner kurcwile. der reche kvone vnt gvot.

Wie rehte weigerliche. er zen herbergen reit.
sin gere was vil michel. starch vnt breit.
im hienge ein starchez waffen. nider an den sporn.
von vil rotem golde. forter ein herliches horn.



Von bezzerem bief gewäte. gehört ir nie gesagen.
einen roch von swarzem pfellel. den sah man in tragen.
unt einen hvot von zobele. der riche was genvoch.
hey was er goter porten. an sinem chochäre trooch.

Ein hvot von einem pantel. dar vber was gezogn.
durch richteite vnt durch sveze. och furter einen bogu.
den man ziehen moße. mit antwerche dan.
der in spannen solde. ern hete iz selbe getan.

Von einer lodemes hyle. was alles sin gewant.
von hovpte vnz an das ende. gestreute man droße vant.
vz der lichten roße. vil manic goldes zein.
zebeiden sinen siten. dem kuonin iäger meister schein.

Och furter Palmungen. ein ziere wasen breit.
so starch unt och so scherpfse. wie vreislich es sneit.
swa man ez stvoch vf helme. sin ecke warn gvot.
der hereliche iäger. der was vil hohgvot.

Sit das ich ivch der märe. gar bescheiden sol.
im was sin gvot chocher. vil gvoter stralen vol.
mit guldinen tullen. div sahs wol spannen breit.
ez moße bald ersterbn. swaz er mit schiezen versneit.

Do reit der ritter edele. vil weidenlichen dan.
in sahen zwo zin chumende. die Gunthers man.
si liefen im engegene. vnt enpfingen im das march.
do furter bi dem satele. einen bern gros vnt starch.

Als er gestvnt von roffe. do lofter im div bant.
von svezen vnt von munde. do erlutte da zehant.
vil groze das gehunde. swaz des den bern sach.
das tner ze walde wolde. die lute heten vngemach.



Der ber von dem schalle. durch die chuchen geriet.
hen was er chuchen knechte. von dem siure schiet.
vil chezil wart gevoret. zerforet manic brant.
hen was man goter spise. in der aschen ligen vant.

Do sprungen von dem sedele. die herren vnt ir man.
der ber begunde zornen. der kunic hiez do lan.
alles daz gehunde. daz an seilen lach.
wâr iz wol verendet. si heten vrolichen tach.


Mit bogen vnt mit spiezen. niht langer man daz lie.
do liefen dar die snellen. da der ber gie.
so vil was der hunde. daz da niemen schoz.
von dem grozen schalle. beidiv berech vnt walt erdoz.

Der ber begunde vlihen. vor den hunden dan.
im enchunde niht gevolgen. wan Chriemhilde man.
der erliefen mit dem swerte. zetode er in do sloech.
hin wider zu der chuoehen. man den bern sider trovoch.

Do sprachen die daz sahen. er wâr ein chrestic man.
die stolzen iagt gesellen. hiez man zen tischen gan.
vf einen schonen anger. saz ir da genvoc.
was man do richer spise. den iagt gesellen dar trovoc.

Die schenchen chomen seine. die tragen solden win.
ez enchunde baz gedienet. nimmer heleden sin.
heten si dar vnder. niht so valschen mvot.
so wâren wol die degene. vor allen schanden behvot.

Done hete niht der sinne. der chuene veige man.
daz er sich ir untriwe. chunde han verstan.
er was inganzen tugenden. alles valsches bloz.
sinf sterbes mvose engelten. sit der sin nie niht genoz.



Do sprach der herre Sivrit. wnder mich des hat.
sit man vns von der chuchen. git so manigen rat.
durch was uns die schenchen. bringen niht den win.
man enpflege baz der iägere. ine wil niht iagt gefelle sin.

Ich hete wol gedienet. daz man min nāme war.
der chunic ob dem tische. sprach in valsche dar.
man solz io gerne buzen. swes wir gebresten han.
wir sin von Hagene schulde. hiot ane trinchen bestan.


Do sprach der von Tronege. vil lieber herre min.
ich wande daz diz pirsen. hiohte solde sin.
da zem Spehtsharte. den win den sande ich dar.
sin wir hie vngetrunchen. wie wol ihz immer mer bewar.

Do sprach der herre Sivrit. ir lip der habe vndanc.
man solde mir siben savme. win und luttertranc.
habn her gefveret. do des niht mohte sin.
do solde man vns naher. han gesidelt an den Rin.

Do sprach aber Hagene. ir edeln ritter balt.
ich weiz hie vil nahen. einen brunnen der ist chalt.
daz ir niht enzvornet. da soln wir hine gan.
der rat wart manigem degene. ze grozen sorgen getan.

Den helt von Niderlanden. dwanch des durstes not.
den tische er destte ziter. rochen dan gebot.
er wolde for die berge. zu dem brunnen gan.
do was der rat mit meine. von den degenen getan.

Div tyer man hiez vf wägenen. fveren indaz lant.
div da verhowen hete. div Sivrides hant.
man iah im grozer eren. swer es ie gesach.
Gunther sine triwe. vaste an Sivride brach.



Do si dannen wolden, zu der linden breit.
do sprach aber Hagene, mir ist dicke das geseit.
das niht gevolgen chunne, dem Chriemhilde man.
swenner wolde gahen, hej wolde vns das sehn lan.

Do sprach von Niderlanden, der herre Sivrit.
ir mozt ez wol versuchen, welt ir mir lofsen mite.
ze wette zu dem brunnen, so das si getan.
der sol han gewinnen, den man siht zevorderst stan.


No welle och wirz versuchen, sprach Hagene der degn.
do sprach der stanche Sivrit, so wil ich mich legn.
fur die iuern fveze, nider an das gras.
do Gunther das gehorte, hej wie lieb im das was.

Do sprach der degn chone, ich wil in mare sagn.
alles min gewate, wil ich an mir tragn.
den ger zu dem schilte, vnt al min pirsgevant.
den chocher zu dem swerte, vil schier er umbe gebant.

Do zogen si die chleider, von dem libe dan.
in zwein wizen hemedem, sach man si beide stan.
sam zwei wildiv pantel, sie liefen durch den kle.
doch sah man bi dem brunnen, den snellen Sivriden e'.

Den pris an allen dingen, troger vor manigem man.
das swert er loste balde, den chocher leit er dan.
sinen ger den stanchen, leinter an der linden ast.
bi des brunnen vlozze, stunt der herliche gast.

Di Sivrides tugende, warn harte gros.
den schilt leit er nidere, al da der brunne vloz.
swie harte so in durste, der helt doch niene tranch.
e' das der kunic chome, das dohte Sivriden lanch.



Der brunne was vil chyele. lutter vnt goot.
Gunt her sich do legete. nider zu der svoot.
daz wazzer mit dem munde. er von der svote nam.
si gedahten daz ovch Sivrit. nach im wese tvon alsam.

Do engalt er siner zehete. den bogen vnt daz swert.
daz tvog allez Hagene. von im dane wert.
do spranger hin widere. da er den ger da vant.
er sach nach eime cruce. an des kuniges gewant.

Da der herre Sivrit. ob dem brunnen tranch.
er schoz in durch daz chruce. daz v3 der wunden spranc.
daz blut im von dem hercen. an die Hagene wat.
so groze missewende. ein helt nu nimmer mer begat.

Den ger gegen dem hercen. stechen er im lie.
also angestlichen. zeflohten Hagene nie.
gelief noch inder werlde. vor decheinem man.
do sich der herre Sivrit. der starchen wunden versan.

Der reche tobliche. von dem brunnen spranch.
im ragete von dem hercen. ein gerstange lanch.
der forste wande vinden. bogen oder swert.
so muse wese Hagene. nach sine dienste gewert.

Do der sere wude. des swertes niht envant.
done het et er niht mere. wan des schildes rant.
den zohter von dem brunnen. do lief er Hagene an.
done chunde im niht entriunen. der vil vngetriwe man.

Swie wnt er was zem tode. so chresteklich er svoc.
daz v3er dem schilde. drate genvoc.
des edeln gesteines. der schilt vil gar zebraft.
sich hete gerne errochen. der vil herlich gast.



Hagene muose vallen. von siner hant zetal.
von des slages chrefte. der wert vil lote erhal.
het er daz swert enhende. so wär ez Hagenen tot.
der helt entran vil chome. v; der angestliche not.

Sin chraft was im geschwichen. ern kunde niht gestan.
sines libes sterche. diu muose gar zergan.
wander des todes zeichen. bi lichter varwe truoc.
sit wart er beweinet. von schoenen vrowen genvoc.


Do uiel indie blvomen. der Chriemhilde man.
daz blvot von sinen wunden. sach man vaste gan.
do begvnder schelten. des twanch in michel not.
die vf in geraten heten. den ungetriwen tot.

Do sprach der fere wnde. ia ir vil bose zagn.
waz hilfet mich min dieneft. daz ir mich habt erlagen.
ich was iw ie getriwe. des ich engolten han.
ir habt an iwern magen. leider vbel getan.

Die sint da von bescholten. swaz ir wirt geborn.
her nach disen ziten. ia habt ir iwern zorn.
vil vbele gerochen. an dem libe min.
mit laster ir gescheiden. solt von guten rechen sin.

Die lote liefen alle. da er reflagen lac.
ez was ir genvgen. ein frevdeloser tac.
die iht triwe heten. von den wart er bekleit.
daz het wol gedienet. der ritter chven vnt gemeit.

Der kunic von Burgonden. klagete sinen tot.
do sprach der verch wnde. daz ist ane not.
daz der nach schaden weinet. der in da hat getan.
der dienit michel schelten. ez wäre bezzet verlan.



Do sprach der grimme Hagene. iane weis ich was er kleit.
ez hat nu alles ende. vnser sorge vnt vnser leit.
wir vinden ir vil kleine. die turren vns bestan.
wol mich deich siner herschaft. han zerate getan.

Ir mocht ouch lihte roemen. sprach do Sivrit.
het ich an ir erkennet. den mortlichen sit.
ich hete wol behalten. vor ir minen lip.
mich enriwet niht so fere. so frow Chriemhilt min wip.

Nu moze got erbarmen. deich ie gewan den sun.
dem solch itewizen. sol nach den ziten tuon.
daz siner mage iemen. mit morde habn erflagn.
moht ich so sprach Sivrit. daz solt ich billiche klagu.

Der werlde wart nie mere. grozer mort began.
sprach er zu dem kunige. denne an mir ist getan.
ich behielt ir lib vnt ere. in angestlicher not.
ich hans engolten fere. daz ihz ir ie so wol erbot.

Do sprach vil seneliche. der verch wunde man.
welt ir kunic riche. triwen iht began.
in der werlt an iemen. lat ir bevolhen sin.
vof triwe vnt vof genade. die lieben truttinne min.


Vnt lat si des geniezen. daz si ir swester si.
durch aller fursten togende. wont ir mit triwen bi.
mir mozen warten lange. min vater vnt mine man.
ez enwart nie frowen mere. an frivnde leider getan.

Er rampf sich bitterliche. als im diu not gebot.
vnt sprach do iamirliche. der mortlich tot.
mag ouch wol geriwen. her nach disen tagen.
gelobbt an rechten triwen. daz ir ouch selben habt erflagn.

Die blumen allenthalben. von bloote warn naz.
do ranger mit dem tode. vnlange tet er daz.
wande in des todes wafen. al zefere sneit.
do mohte reden niht mere. der reche chwen unt gemeit.



Do die herren sahen. daz der helt was tot.
si leiten in vf einen schilt. der was von golde rot.
vnt wrden des zerate. wie daz solde ergan.
daz man iz verhele. daz iz het Hagene getan.



Do sprachen ir genwoge. vns ist vbele geschehn.
ir sult ez heln alle. vnt sult geliche iehn.
da er rite iagn eine. der Chriemhilde man.
in slozen schachäre. da er fore durch den tan.

Do sprach der ungetriwe. ich foren in das lant.
mir ist vil vnmäre. vnt wirt ez ir bechant.
div so hat getrubet. miner frowen mvot.
ez ahtet mih vil ringe. swaz si weinens getvot.

Von dem selben brunnen. da Sivrit wart erflagen.
sult ir div rehten märe. von mir hörn sagn.
vor dem Otenwalde. ein dorf lit Otenhaim.
da vliuzet noch der brunne. des ist zwifel dehein.





Wie Chriemhilt ir man klagte.

XVII. Auentiure.

Do erbiten si der nahte. vnt foren vber Rin.
 von heleden chunde nimmer. wirs geiaget sin.
 ein tyer daz si da slugen. daz weinten edeliv kint.
 ia mo sin sin engelten. vil gote wigande sint.

Von grozer obermüete. mußt ir nu horen sagn.
vnt von starker rache. do hiez Hagen tragn.
Sivride den herren. von Nibelunge lant.
for eine kemenaten. da man Chriemhilde vant.

Er hiez in also toten. legn an die tor.
daz si in da solde vinden. so si der gienge for.
hin zer mettine. e' daz ez werde tac.
der diu frowe Chriemhilt. deheine selten verlac.


Man wote da zem munster. nach gewonheit.
do wachte diu frowe. vor ir manige meit.
si bat ir balde bringen. licht unt ir gewant.
do chom ein kameräre. da er Sivriden vant.

Er sach in bloten roten. sin wat was elliv naz.
daz ez sin herre wäre. niht enwesser daz.
hin zer kemenaten. daz licht trovog an der hant.
von dem vil leider mäere. sit prov Chriemhilt ervant.

Do si mit ir vrowen. zem munster wolde gan.
do sprach der kameräre. ia sult ir stille stan.
ez lit vor dem gademe. ein ritter tot erslagn.
da begunde Chriemhilt. harte unmäzliche klagn.

E' daz si recht erfunde. daz ez wäre ir man.
an die Hagenen vrage. denchen si began.
wier in wolde vristen. do wart ir erste leit.
ir was alle ir freuden. mit sime tode wider seit.

Do seich si zo der erden. daz si niht ensprach.
die schonen freudelosen. ligen man do sach.
der edeln frowen iamer. wart unmazen groz.
do erschre si nach unchreste. daz al diu kemenate erdos.



Do sprach ir gefinde, was ob es ist ein gast.
das blvot ir vjem munde, von hercen iamer brast.
si sprach es ist Sivrit, der min vil lieber man.
es hat geraten Prunhilt, das es hat Hagene getan.

Div frowe bat sich wisen, da si den rechen vant.
si hoop sin sehone houbet, mit ir wizen hant.
swie rot er was von blvot, si het in schier bechant.
do was missewarwe, des chunen degenes gewant.

Do rief vil iamerliche, div kuniginne milt.
owe mir miner leide, wone ist dir din schilt.
mit swerten niht verhowen, dv list ermorderot.
vnt wesse ich wer das tate, ich riet im immer sinen tot.

Allez ir gefinde, chlagt unt schre.
mit ir vil lieben frowen, wande in was starche we.
vmbe ir vil edeln herren, den si da heten verlorn.
do het gerochen Hagene, harte Prunhilde zorn.

Do sprach div iamerhaste, man sol hin gan.
† vnt wechen die Sivrides man,
vnt sol och Sigemunde, disiv mare sagen.
ob er mir helfen welle, den herren Sivriden chlagen.

Do lief ein bote balde, da er ligen vant.
die Sivrides heled, von Nibelunge lant.
mit disen leiden maren, wachter manigen man.
die sprungen ane sinne, vil balde von ir betten dan.

Och kom der bote schiere, da der kunic lac.
Sigemunt der herre, des slafes niht enpflac.
ich wan sin herce im sagete, das im da was gesehn.
ern mohte sinen lieben svon, lebnden nimmer me gesehn.

Wachet herre Sigemunt. wande ir sult balde gan.
ze Chriemhilt miner frowen. der ist ein leit getan.
daz ir vor allen leiden. an ir herce gat.
daz sult ir klagen helfen. wande; ouch sere bestat.

Dof rihte sich do Sigemunt. er sprach was sint diu leit.
der schonen Chriemhilt. di du mir hast geseit.
der bote sprach mit iamer. si muoz von schulden chlagen.
ia ist von Niderlanden. der chüne Sivrit erslagn.

Do sprach der herre Sigemunt. lat daz schimpfen sin.
vnt also bosiv märe. von dem sone min.
daz ir daz saget iemen. daz er si erslagn.
wande ich en chunde in nimmer. vnz an min ende verklagn.

Vnt welt ir niht gelouben. daz ir mich höret sagn.
ir muogt wol selbe hören. Chriemhilde klagn.
vnt alle; ir gesinde. den Sivrides tot.
vil sere erschrach do Sigemunt. des gie im grözliche not.

Mit hundert sinen mannen. er von den betten sprach.
si wochten zu den handen. diu scharpsen wafen lanch.
si liefen zu dem wose. vil seneliche dan.
do chomen tusint rechen. des chunen Sivrides man.

Do si so iamerliche. die frowen horten chlagen.
do wande sumeliche. si solden chleider tragn.
iane mohten si der sinne. vor leide niht gehabn.
in was vil starchiv swere. in ir hercen begrabn.

Do chom der kunic Sigemunt. da er Chriemhilt vant.
er sprach owe der reise. her inditzee lant.
wer hat mich mines kindes. vnt ouch iwers man.
bi so guoten frunden. vergebne ane getan.



Heu solde ich den bechennen. sprach daz edel wip.
holt enwrde im nimmer. min herce vnt ovch der lip.
ich getät im als leide. daz die mage sin.
mit iamer wvesen weinen. daz wizzet von den schulden min.

Sigemunt mit armen. den fursten umbesloz.
do wart von sinen frivnden. der iamer also gros.
daz von dem starchen wose. palas vnt sal.
vnt ovch diu stat ze Wormz. von ir weinen erschal.

Done chunde niemen trosten. daz Sivrides wip.
man zoch v; den chleidern. den sinen schonen lip.
den edeln kunich riche. si leiten vf den re.
do was von grozem iamer. sinen luten allen we.

Do sprachen sine rechen. von Nibelunge lant.
in sol immer rechen. mit willen unfer hant.
er ist indirre burege. der iz da hat getan.
do ilten nach gewesen. alle Sivrides man.

Die v; erwelten rechen. mit schilden chomen dar.
einlief hundert rechen. die het an siner schar.
Sigemunt der herre. den Sivrides tot.
den wolde gerne rechen. des gie im wärliche not.

Sine wessen wen si solden. mit strite bestan.
sine tätens Gunther. vnt sine man.
mit den der herre Sivrit. an daz geiägede reit.
Chriemhilt si sach gewafent. do was ir grosliche leit.

Swie starch ir iamer wäre. vnt swie gros ir not.
do vorhte si so sere. der Nibelunge tot.
von Gunthers mannen. daz si ez vnterstunt.
si warnt si gütliche. so frivnt noch liebe frivnde tvont.

Do rief diu iamerf riche, min her Sigemunt.
wes welt ir beginnen, ir enist niht rehte chunt.
ez hat der chunich Gunther, so manigen chunen man.
ir sit verlorn alle, welt ir mit strite si bestan.

Mit vf erburten schilden, ze strite was in not.
Chriemhilt diu frowe, bat vnt och gebot.
daz si miden solden, die rechen vil gemeit.
ob si niht wenden chunde, daz wäre ir bedenthalben leit.


Si sprach herre Sigemunt, ir solt iz lazen stan.
vnz iz sich baz gesuege, so wil ich minen man.
immer mit ir rechen, der mir in hat benomen.
wirde ich des bewiset, ich sol im schädliche komen.

Ez ist der obermoeten, hie bi Rine vil.
da von ich ir des strites, raten niene wil.
si habent wider einen, ie wol driizech man.
nu laz in got gelingen, als si an vns gedienet han.

Ir sult hie beliben, vnt dolt mit mir diu leit.
so ez tagen beginne, ir helde vil gemeit.
so helfet mir besarchen, den minen lieben man.
do sprach die degene, daz sol werden getan.

Nune chuondiv niemen, daz wnder wol gesagn.
von rittern vnt frowen, wie man die horte klagn.
do wart man des wofes, inder stete gewar.
vil der burgäre, die chomen gahende dar.

Si klagten mit den gesten, wande in was starche leit.
die Siorides schulde, in niemen het geseit.
wa von der edele reche, verlorn den sinen lip.
do weinten mit den frowen, der guten chavslote wip.



Smide hiez man gahen. bewrchen einen sarch.
von edelm märmelsteine. vil michel vnt starch.
man hiez in vaste binden. mit gespenge gvot.
do was al den loten. harte trurich der mvot.

Dir naht dir was zergangen. man sagt iz wolde tagen.
do bat dir edele frowe. zu dem munster tragen.
den vil edeln toten. ir vil lieben man.
swaz er da frivnde hete. die sah man weinende gan.

Do man in zem munster brahte. vil der glocken chlan.
man horte von den psaffen. vil michel gefanc.
do chom der chunic Gunther. mit den sinen man.
mit im der grimme Hagene. zu dem wofe gegan.

Er sprach vil liebiv swester. owe der laide din.
daz wir der starchen leide. niht mohten ober sin.
wir mvzen klagn immer. den sinen schonen lip.
daz tvot ir ane schulde. sprach do daz iamerhafte wip.

Wär io dar umbe leide. sone wär es niht geschehn.
ir hetet min vergezen. des mage ich wol nu ichn.
da ich da wart gescheiden. von mine lieben man.
daz wolde got von himele. wär ez mir selber getan.

Dir ist von minen loten. leides niht geschehen.
sprach der kunic Gunther. des wil ich dir veriechn.
die wellen sin vnschuldich. die heizet naher gen.
sprach si zu der bare. daz wir die warheit versten.

Daz ist ein michel wnder. vil dicke ez noch geschiht.
swa man den mort meilen. bi dem toten siht.
so blotent im die wunden. als oveh da geschach.
da von man die seulde. da ze Hagene gefach.

Die wunden vluzzen sere. also si taten e'.
die e' da sere chlageten. des wart nu michel me.
do sprach der kunich Gunther. ich wilz ouch wizen lan.
in slogen schachäre. Hagene hat es niht getan.

Si sprach die selben schach man. sint mir wol bechant.
got laz iz noch errechen. siner friunde hant.
Gunther vnt Hagene. ia habt ir ez getan.
die Sivrides rechen. heten do zestrüte wan.


Do sprach aber Chriemhilt. nu dolt mit mir die not.
do chomen dise beide. da si in funden tot.
Gernot ir bruder. vnt Giselher daz kint.
in triwen si in chlageten. mit den andern sint.

Si weinten innekliche. den Chriemhilde man.
man solde messe singin. zu dem munster dan.
giengen allenthalben. man. wip. vnt kint.
die sin doch lihte enbaren. die weinten Sivriden sint.

Gernot vnt Giselher. sprachen swester min.
nu troste dich nach tode. als ez doch muoz nu sin.
wir wellens dich ergezen. die wil unt wir gelebn.
done chunde ir trost decheinen. zer werlde niemen gegeben.

Sin sarch der was bereitet. umben mitten tac.
man hub in von der bare. da er vof lac.
noch enwolde si den rechen. lazen niht begraben.
des muosen al die lute. vil michel arebeite habn.

In einen richen pfellel. man den toten want.
ich wäne man da iemen. ane weinen vant.
do chlagete hercenliche. Vote ein edel wip.
vnt alles ir gesinde. den sinen wätlichen lip.



Do man daz gehorte. daz man zem munster sanc.
vnt in gesarchet hete. vil groz wart der gedrane.
durch willen siner sele. was opfers man do truoch.
er hete bi den vinden. gvoter frivnde doch genvoch.

Do man da gote gediente. daz volch hvop sich von dan.
do sprach div kuniginne. irn solt niht eine lan.
mich hinte bewachen. den voz erwelten degn.
ez ist an sine libe. al min freude gelegn.


Dri tage unt dri nahte. wil ich in lazen stan.
vnz ich mich wol geniete. mins vil lieben man.
was ob daz got gebivtet. daz mich ovch nimt der tot.
so wære wol verendet. min armer Chriemhilde not.

Ben herbergen giengen. die lote von der stat.
pfaffen vnt mweniche. si beliben bat.
vnt alles sin gesinde. daz sin von rechte pflac.
si heten naht vil arge. vnt ovch vil mvlichen tac.

Ane ezzen vnt ane trinchen. beleip da manic man.
die ez nemen wolden. den wart daz chunt getan.
man gabes in den vollen. daz schvof Sigemunt.
do was den Nibelungen. michel arebeiten chunt.

Die drie tagecite. so wir horn sagn.
di da singen chunden. da si mvsn tragen.
vil michel arebeite. durch ir hercen ser.
si baten vmbe die sele. des rechen chven und her.

Urbor vf der erden. div teiltes indiv lant.
swa so man div chloster. vnt gute lote vant.
ovch hiez si gebn den armen. der sinen habe genvoch.
si tet dem wol geliche. daz si im holden willen truoch.



An dem dritten morgen. ze rechter messe zit.
so was bi dem munster. der chirchof also wit.
von den lant loten. weinens harte vol.
si dienten im nach tode. als man lieben frivnden sol.

In den tagen vieren. ist uns gesagt daz.
ze drizzech tusint marchen. oder dannoch baz.
wart durch sine sele. den armen da gegeben.
do was gelegn ringe. sin groziv schone. vnt ovch sin lebn.


Do gote wart da gedienet. vnt daz man da gesanch.
mit vngesugem leide. vil des volches ranch.
man hiez in v; dem munster. zu dem grabe tragn.
die sin doch liht enbaren. die sah man weinen vnt klag.

Vil wote schriende. daz volch gie mit im dan.
vro enwas da niemen. weder wip noch man.
e' er begrabn wrde. man sanch unt las.
hen was der wifen psaffen. bi siner bivilde was.

E' daz zem grabe chome. daz Sivrides wip.
do ranch mit solhem iamer. der ir getriwer lip.
daz man si mit wazzer. vil dicke da begoz.
ez was ir ungemvete. hart vnmazlich groz.

Ez was ein michel wnder. daz si ie genas.
mit klage ir helfende. vil manie frowe was.
do sprach diu kuniginne. ir Sivrides man.
ir sult durch iwer triwe. dise genade an mir began.

Lat mir nach mime leide. daz chleine liep geschehn.
daz ich sin schone hovbt. noch eines moze sehn.
do bat sis also lange. mit iamers siten starch.
daz man wider vf brechen. mwose den herlichen sarch.



Do brahte man die frowen. da si in ligen vant.
si hvoop sin schöne hovbet. mit ir wizen hant.
do chustes also toten. den edeln ritter gvot.
ir vil liechten ovgen. vor leide weinten do blvot.

Ein iämerliches scheiden. wart do da getan.
man trooch die frowen dannen. sine mohte niht gegan.
do lac in unfinne. daz herliche wip.
vor leide moht ersterben. der ir vil wnekkliche lip.

Do man den edeln herren. hete nu begrabn.
leit ane maze. sah man die alle habn.
die mit im chomen waren. von Nibelunge lant.
vil selten wol gemvten. man do Sigemunden vant.

Do was der etelicher. der drier tage lanc.
vor dem starchen leide. niht az noch entranch.
doch enmohten si dem libe. so gar geschwichen niht.
si nerten sich nach iamer. so noch genvogen geschiht.

Chriemhilt unversunnen. in vnchresten lac.
den tac unt den abent. vnz an den andern tac.
swaz iemen sprechen chonde. daz was ir gar vnchunt.
inden selben nöten. lage ovch der kunich Sigemunt.

Vil chume wart der herre. wider zesinnen braht.
von dem starchen leide. chranch was gar sin maht.
daz enwas niht wnder. do sprachen sine man.
herre ir sult zelande. wir mugen niht langer hie bestan.



Wie Chriemhilt da bestont.
vnt ir sygeher dannen reit.

XVIII. Auenture.

Do brahte man den herren. da er Chriemhilt vant.
er sprach zer koniginne. wir soln inuwer lant.
wir wän vnmäre geste. hie ze Rine sin.
min vil liebiv frowe. nu vart ir zu den landen min.

Sit daz vns untriwe. ane hat getan.
hie indisen landen. des ivren edeln man.
des enstolt ir niht engelten. ich wil iv wäge sin.
durch mins sons liebe. des solt ir gar ane angeft sin.

Ir solt ovch haben frowe. allen den gewalt.
den iv e' tet kunde. der chüne degn balt.
daz lant vnt ovch die chrone. daz si iv vndertan.
iv soln gerne dienen. alle Sivrides man.

Do sagte man den knechten. si solden riten dan.
do wart ein michel gahen. nah rossen getan.
bi ir starchen uinden. was in zewesen leit.
der frowen unt ir mägeden. hiez man sochen div kleit.

Do der kunic Sigemunt. wolde sin geriten.
do begunden Chriemhilt. ir besten frivnde biten.
daz si bi ir frivnden. solde da bestan.
do sprach div kuniginne. daz chunde molich ergan.

Wie moht ich den mit ovgen. immer an gesehn.
von dem mir armem wibe. so leide ist gesehn.
do sprach ir bruder Giselher. vil liebiv swester min.
dv solt durch dine triwe. hie bi diner mvoter sin.

Die dir da hant betrvbet. den lip unt ovch den mvot.
der bedarftu vil chleine. zer min eines gvot.
si sprach zu dem degene. wie chunde daz gesehn.
vor leide mvos ich sterben. swenne ich Hagenen solde sehn.

Des tvon ich dir zerate. vil liebiv swester min.
dv solt bi dinem bruder. Giselhere sin.
ich wil dich ergezen. dines mannes tot.
do sprach die kuniginne. des wär mir armen wibe not.

Do ez ir der iunge. so gootlich erbot.
si begunden vlegen. Vnt vnt Gernot.
vnt ir getriwen mage. si baten da bestan.
si hete luzil frivnde. bi den Sivrides man.

Si sint iv alle fremede. so sprach Gernot.
niemen lebt so starker. ern moze ligen tot.
daz bedenchet swester. vnt getrostet ivren mvot.
belibet bi den friunden. ez wirt iv wärlichen gvot.

Do lobte si ir magen. si wolde da bestan.
div ross bereitet warn. den Sigemundes man.
also si wolden riten. heim in Niderlant.
sie heten vf gesovmet. al der rechen gewant.

Do gie der herre Sigemunt. zu Chriemhilde stan.
er sprach zu der frowen. die Sivrides man.
iv wartent bi den rossen. wir soln riten hin.
wande ich vil vngerne. bi den Suregonden bin.

Do sprach div frowe Chriemhilt. mir ratent frivnde min.
swaz ich han der getriwen. ich sole hie bi in sin.
ich habe luzel mage. in Nibelunge lant.
leit was ez Sigemunde. do er div märe an ir ervant.

Do sprach der kunic Sigemunt. daz enlat iv niemen sagen.
vor allen minen magen. solt ir chrone tragen.
alsam gewaltekliche. als ir e' habt getan.
irn solt des niht engelten. daz wir den helt verlorn han.

Vnt vart ovch mit vns widere. durch iwer kindelin.
daz ensolt ir so niht frowe. verweistet lazen sin.
swenne iwer suon gewähset. der trostet iv den mvot.
die wile sol iv dienen. von rechen manic helt gvot.

Si sprach herre Sigemunt. ine mac geriten niht.
ich muoz hie beliben. swaz halt mir geschiht.
bi den minen magen. daz si mir helfen klagn.
do begunde diu märe. den goten rechen misschagn.

Sie sprachen al geliche. so mohten wir wol gehn.
daz uns aller erste. wäre leit geschehn.
ob ir beliben woldet. bi vnsern uinden hie.
so geriten hove reise. noch helde forchlicher nie.

Ir sult ane alle forge. gote bevolhen varn.
ich schaffe ir got geleite. vnt heiz irch wol bewarn.
zu Sigemundes lande. min liebes kindelin.
daz sol ir genade. ir rechen wol bevolhen sin.

Do si daz vernamen. daz si niht wolde dan.
do weinten al gemeine. die Sivrides man.
wie rehte iämerliche. sich schiet Sigemunt.
von der kuniginne. do was im vngewete chunt.

Wie geschehe der hochgeite. sprach der kunic her.
es geschicht von churcewile. leider nimmer mer.
deheinen kuniges magen. danne uns ist geschehn.
man sol uns nimmer mere. hie zen Burgonden sehn.

Do sprachen offenliche. die Sivrides man.
es mohte noch ein reise. indizze lant ergan.
so wir den reht erfunden. der uns den herren erstloch.
si hant von sinen magen. der starchen vinde genoch.

Er chuste Chriemhilde. wie iämerlich er sprach.
do si niht riten wolde. vnt er daz reht ersach.
nu riten vreden ane. heim in unser lant.
alle mine forge. sint mir erste nu bechant.

Si riten vngelitet. von Wormez zetal den Rin.
si mohten sicherlichen. wol des motes sin.
ob si in vintscheffe. wrden an gerant.
daz sich wern wolde. der chunen Nibelunge hant.

Sine gerten vrlobes. da ze cheinem man.
do sah man Gernoten. vnt Giselhern gan.
zwo zim minneklichen. in was sin schade leit.
des brahten in wol innen. die helde kon vnt gemeit.

Do sprach gezogenliche. der kunic Gernot.
got weiz daz wol von himele. an Sivrides tot.
gewan ich nie die schulde. daz ich daz horte sagn.
wer im hie vint were. ich sol in pilliche klagen.

Do gab in sin geleite. Giselher daz kint.
er brahte sorgende. v3 dem lande sint.
den kunic mit sinen rechen. heim ze Nidertant.
wie luzzil man der mage. dar inne vroliche vant.

Wie si nu gefüren. des enkan ich niht gesagn.
man horte zallen citen. hie Chriemhilde klagn.
daz ir niemen troste. daz herce vnt oveh den mvot.
ez entät ir broder Giselher. der was getriwe unt gvot.

Prvnhilt diu schone. mit obermote saz.
swaz Chriemhilt geweinte. vnmäre was ir daz.
sine wart ir rehter triwen. nimmer me bereit.
sit geriet oveh ir vrov Chriemhilt. ich wän als ungesvegiv leit.



Wie der Mibelünge hort
ze Wormze bracht wart.

XIX. Auentiure.

Do die minnekliche, also verwitewet wart.
bi ir inne lande, der grave Eckewart.
beleip mit sinen mannen, sin triwe im daz gebot.
er diente siner frowen, mit willen vnz an sinen tot.

Ze Wormze bi dem munster. ein gezimber man ir sloz.
von holze harte michel. wit vnt gros.
da si mit ir gesinde. sit ane freude saz.
si was zer chirchen gerne. vnt tet vil willechliche daz.

Da man begrovop ir vriedel. wie selten si daz lie.
mit trorigem mvote. si allecite dar gie.
si bat got den richen. der sinen sele pflegn.
vil dicke wart beweinet. mit grozen triwen der degn.

Vote vnt ir gesinde. si trosten zaller stont.
do was ir daz herce. so grosliche vnt.
ez chunde niht vervahen. swaz man ir trostes bot.
si hete nach ir frivnde. die allergrosisten not.

Die nach liebem manne. ie mere wip gewan.
man moht ir starche togende. chiesen wol dar an.
si chlaget unz an ir ende. die wile wert ir lip.
sit rach sich harte swinde. ingrozen triwen daz wip.

Svs saz si inir leiden. daz ist al war.
nach ir mannes tode. vnz indaz vierde iar.
daz si zir broder Gunther. dehein wort nie gesprach.
vnt ovch ir vint Hagenen. inder zite niene gesach.

Hagene sprach zem chunige. mohten wir daz tragen an.
daz ir iwer swester. hulde mohtet han.
so chöm z disen landen. daz Nibelunges golt.
des wrde vns vil zeteile. wär uns div kuniginne holt.

Daz schuln wir versuchen. sprach der kunic sa.
ich wil ez mine broder. hinze ir werbn lan.
daz si mir daz svogen. daz si vns gerne sehe.
ine trowes niht sprach Hagene. daz ez immer geschehe.

Do hiez er Ortwinen. hin zehove gan.
vnt den marchrauin Geren. do daz was getan.
man braht ouch Gernoten. vnt Giselher daz kint.
si verfohten; vrvontliche. an frowen Chriemhilde sint.

Do sprach von Buregonden. der chüne Gernot.
frowe ir chlaget zelange. den Siurides tot.
nu wil der kunich ir rihten. daz ers niht hat erflagen.
man hört ouch zallen ziten. so rehte grözliche klagn.

Si sprach des zihet niemen in. in slooch div Hagenen hant.
wa man in verhowen möhte. do er daz an mir ervant.
solt ich des getrowen. daz er im trevege haz.
ich hete wol behvetet. sprach div kuniginne daz.

Daz ich niht vermeldet. hete sinen lip.
so liez ich nu min weinen. ich vil armez wip.
holt wirde ich in nimmer. die ez da habent getan.
do begunde vlegen. Giselher der vil wätlich man.

Si sprach ich mooz in grvezen. irn weltz mich niht erlan.
der habt groze funde. der kunie hat mir getan.
so vil der hereen swäre. gar ane mine scholt.
min muot im giht der svone. im wirt daz herce nimmer holt.

Dar nach wirt ez bezzer. sprachten ir mage do.
waz ob er ir an verdienet. daz si noch wirdet vro.
er mac si wol ergezen. sprach Gernot der helt.
do sprach div iamerfrieche. seht nu tuon ich swaz ir welt.

Si wolden kunie grvzen. do si in des veriach.
mit sinen besten frivonden. ers in ir huse sach.
done torste Hagene. fur si niht gegan.
wol wesser sine schulde. er het ir leide getan.

Do si verchiesen wolde. vf in den grozen haz.
Gunther gezogenliche. gie gegen ir dar naher baz.
durch des hordes liebe. was der rat getan.
dar umbe riet die svone. der vil vngetriwe man.

Ez enwart nie svone. mit so vil trähnen me.
mit valsche gefoget. ir tet ir schade we.
si verchos vf si alle. wan vf den einen man.
in het erlagen niemen. het ez niht Hagene getan.


Dar nach vil unlange. do trugen si daz an.
daz diu kuniginne. den grozen hort gewan.
von Nibelunge lande. vnt fort in an den Rin.
ez was ir morgen gabe. er solt ir wol von rehte sin.

Dar nach si beide foren. Giselher unt Gernot.
zwelf hundert mannen. Chriemhilt do gebot.
die in da holn solden. da er verborgen lac.
da sin der degn Albrich. mit sinen besten frunden pflac.

Do die von Rine chomen. in Nibelunge lant.
do sprach zu sinen magen. Albrich al zehant.
wir muogen ir des hordes. vor gehabn niht.
sit sin ze morgengabe. diu edele kuniginne giht.

Doch enwurde ez nimmer. sprach Albrich getan.
niwan daz wir vbele. da verlorn han.
mit dem vil edeln rechen. die goten tarnhvot.
die trvoch von allem rechten. der schonen Chriemhilde trvot.

Nu ist ez leider vbele. Sivride chomen.
daz vns die tarnkappen. het der helt benomen.
vnt daz im muose dienen. mit vorhten disse lant.
do gie der chameräre. da er des hordes sluzel vant.



Ez stonden vor dem berge. die Chriemhilde man.
vnt ovch ein teil ir mage. den schazze man truge dan.
nider zu den unden. an die schiffelin.
den fort man of dem sewe. vof zeberge vnz inden Rin.

No mvgt ir von dem horde. wnder horn sagn.
swaz zwelf kanzwägene. meiste mohten tragen.
viere tage lange. von dem berge dan.
ovch mvof ir ieslicher. des tages niunstunden gan.

Ezen was niht anders. wan gesteine vnt golt.
vnt ob man die werlt alle. het da von gefolt.
sine wrde nimmer minre. einer marche wert.
iane hete if Hagene. ane schulde niht gegert.

Der wnsch der lac dar vnder. von golde ein rotelin.
der daz het erchunnen. der mohte meister sin.
wol in aller werlde. vber ieslichen man.
der Albriches mage. chom mit Gernote vil dan.

Do sich der herre Gernot. vnt Giselher daz chint.
des hordes vnderwunden. do vnderwunden si sich sint.
des landes unt der burge. vnt maniges rechen balt.
daz mvof in sider dienen. bediv durch vorht vnt gewalt.

Do si den hort behielten. in Guntheres lant.
vnt sihs die kuniginne. alles underwant.
kamern vnt torne. sin wrden vol getragn.
man gehort daz wnder. von gote mere nie gesagn.

Vnt wär sin tusint stunden. noch also vil gewesn.
vnt solt der herre Sivrit. gesvnder sin gewesn.
bi im wære Chriemhilt. hende bloz bestan.
getriwer wibes kunne. ein helt nie mere noch gewan.

Do si den hort nu hete. do brahtes indaz lant.
vil der vrenden rechen. ia gab der frowen hant.
daz man so grozer milte. mere nie gesach.
si pflac vil grozer togende. des man der kuniginne iach.

Den armen vnt den richen. begunde si do geben.
daz daz reite Hagene. ob si solde leben.
noch deheine wile. daz si so manigen man.
ze dienste ir gewinne. daz si des angeft mofen han.

Do sprach der chunic Gunther. ir ist lip unt gvot.
zwiv solde ich daz wenden. swaz si da mit getvot.
ich erwarbez vil chume. daz si mir wart fider holt.
nune rochen war si teile. bediv ir silber vnt ir golt.

Hagene sprach zem chunige. ez ensolde ein fromer man.
deheinem einem wibe. niht des hordes lan.
si bringet ez mit gabe. noch unz vf den tac.
daz vil wol geruwen. die chvonen Burgonden mac.

Des antwort im Gunther. ich swor ir einen eit.
daz ich ir getate. nimmer mere leit.
vnt wil es forbaz hveten. si ist div swester min.
do sprach aber Hagene. lat mich der schuldige sin.

Ir fomelicher eide. waren vnbehvot.
do namen si der witewen. daz vil groze gvot.
Hagen sich der fluzel. aller underwant.
vil sere ez zvrnde Gernot. daz er daz rehte ervant.

Do sprach der herre Gifelher. miner swester hat getan.
Hagene so vil der leide. ich soldez understan.
vnt war er mir niht sippe. ez gienge im an den lip.
iteniwez weinen. tet do Sivrides wip.



Do sprach der herre Gernot. e' daz wir immer sin.
gemvet mit disem golde. wir solden in den Rin.
alles heizen senchen. daz immer wrde man.
si gie vil klageliche. fuer Giselher ir broder stan.

Si sprach vil lieber bruder. du solt gedenchen min.
des libes unt des gotes. soltu min vogt sin.
er sprach vil liebiv swester. daz sol sin getan.
als wir chomen widere. wir han zeriten wan.

Der chunic unt sine mage. rvmten do daz lant.
mit in die besten drunder. die man inder vant.
niwan aleine Hagene. der beleip da durch den haz.
den er trvoch der frowen. unt tet vil willechliche daz.

Die herren sworen eide. vnz si möhten leben.
daz si den schatz niht zeigen. noch niemen solden geben.
wan mit gemeinem rate. so si des duhte gvot.
des mosen si in vliessen. durch ir giteklichen mvot.

E' daz die chunige widere. ze Rine wären chomen.
die wile hete Hagene. den grozen hort genomen.
er sancten da zem loche. allen inden Rin.
er wande in niesen eine. des enchunde sider niht gesin.

Erne mohte des hordes. sit gewinnen niht.
daz den ungetriwen. vil dicche noch geschicht.
er wande in niesen eine. die wil er möhte lebn.
sit moht ers im selben. noch ander nieman gegeben.

Die forsten chomen widere. mit in vil manic man.
Chriemhilt ir schaden grozen. chlagen do began.
mit meiden unt mit frowen. in was harte leit.
do gebarten die degene. sam si im heten widerseit.

Do sprachen si gemeine. er hat vbele getan.
er entweich der fuersten zorne. also lange dan.
vnz er gewan ir hulde. si liezen in genesn.
doch enchunde im Chriemhilt. nimmer vinder gewesn.

Mit iteniwem leide. beswäret was ir mvot.
vmbe ir mannes ende. unt do si ir daz gvot.
also gar genamen. do gestunt ir iamers chlage.
des libes immer mere. vnz an ir iungeste tage.


Nach Sivrides tode. daz ist al war.
was si inmanigen leiden. vnz in daz zwelste iar.
daz si des rechen todes. mit chlage nie vergaz.
si was triwen stäte. vnt tet vil willechliche daz.

Eine riche fursten apten. stifte vrov Vote.
nach Danchrates tode. von ir gvote.
mit starchen richen vrborn. als ez noch hivte hat.
daz kloster da ze Lorse. des dinch vil hohe an eren stat.

Dar zo gab och Chriemhilt. sit ein michel teil.
durch Sivrides sele. vnt vmb aller sele heil.
golt unt edel steine. mit williger hant.
getriwer wip decheine. ist uns selten e' bechant.

Sit daz div frowe Chriemhilt. ovf Gunther verchos.
vnt doch von sinen schulden. den grozen hort verlos.
do wart ir hercenleide. tusint stonde mer.
do ware gerne dannen. div frowe edel vnt her.

Do was der frowen Voten. ein sedelhof bereit.
ze Lorse bi ir chloster. mit grozer richteite.
dar zoch sich div witewe. von ir chinden sit.
da noch div frowe here. begrabn in eime sarche lit.



Do sprach die kuniginne. vil liebiv tochter min.
sit du hie niht maht beliben. so soltu bi mir sin.
ze Korse innime hause. vnt solt din weinen lan.
des antwort ir Chriemhilt. wem liez ich danne minen man.

Den laz et hie beliben. sprach frow Vode.
nune welle got von himele. sprach aber die gvote.
min vil liebiv mvoter. daz sol ich wol bewarn.
wander mooz son hinnen. mit mir wärlliche varn.

Do schvof die iamerf riche. daz er wart ouf erhabn.
sin edelez gebeine. wart an der stont begrabn.
ze Korse bi dem munster. vil werdechlichen sit.
da der helt vil chüne. in eime langen sarche lit.

In den selben ziten. do Chriemhilde solde.
varn mit ir mvoter. dar si doch wolde.
do mvoste sie beliben. als ez solde sin.
daz understonden märe. vil verre chomen vber Rin.





Wie der chunic **E**zele nah **C**hriemhilt
ze Wormeze sinen boten sande.

XX. Auentiure.

Das geschah inden geciten. do frov Helche erstarp.
vnt das der chunic Ezele. ein ander wip warp.
do rieten sine frivnde. in Burgonden lant.
zeiner werden witewen. diu frov Chriemhilt genant.



Sit daz erstorben ware. der schönen Helchen lip.
si sprachen welt ir immer. gewinnen edel wip.
die höchsten unt die besten. die ie kunich gewan.
so nemt die selben witewen. der starche Sivrit was ir man.

Do sprach der chunich riche. wie chunde daz ergan.
sit ich bin ein heiden. vnt toofes nine han.
so ist die frowe christen. vnt toot es lihte niht.
ez muoz sin ein wuder. ob ez immer geschiht.


Do sprachen aber die snellen. was ob si lihte toot.
durch iweren namen den hohen. vnt iwer michel got.
so sol manz doch versvochen. an daz vil edel wip.
so muogt ir gerne minnen. den ir vil wnneklichen lip.

Do sprach der kunic Ezele. wem ist under io bechant.
bi Rine aller beste. lute vnt oveh daz lant.
do sprach von Sechelaren. der gote Kudeger.
ich han irkant von kinde. die edeln kuniginne her.

Gunthern vnt Gernoten. die chunen ritter got.
Giselher der iunge. ir ieslicher toot.
swaz er der hohen eren. mit tugenden mac began.
oveh hant ir alten mage. al daz selbe her getan.

Do sprach der kunich riche. frivnt do solt mir sagn.
ob si ob minen landen. chrone solde tragn.
ist ir lip so schöne. so man mir hat geseit.
des antwort im Kudeger. der reche chvone vnt gemeit.

Si gelichet sich mit schöne. wol der frowen min.
Helchen der vil richen. vnt chunde niht gesin.
indire werlde schoner. deheines kuniges wip.
den si lobt zefrivnde. der mac wol trofsten den lip.



Er sprach so wirbez Rodeger. so lieb als ich dir si.
vnt sol ich Chriemhilde. immer geligen bi.
des wil ich dir lonen. so ich beste chan.
so hastu minen willen. mit grozen triwen getan.

Daz miner chameren. so heiz ich dir gebn.
daz du vnt dine geverten. vroliche mogt lebn.
von chleidern von rossen. des nime swaz du wil.
des gib ich dir zware. zu der boteschefte vil.


Des antwrte Rodeger. der maregrave rich.
gert ich dines gvotes. daz ware vnlobelich.
ich wil din bote gerne. wesn an den Rin.
mit min selbes gvote. des soltu gar ane angeft sin.

Do sprach der kunic Ezele. nu wenne welt ir varn.
nach der vil minneklichen. got sol iuch bewarn.
der reise an allen eren. vnt ooch die frowen min.
des helfe mir gelucke. daz si vns genedic mvese sin.

Do sprach aber Rodeger. e' ich rume dizze lant.
wir mozin e' bereiten. waffen unt gewant.
schilde vnt satele. des wir ere han.
ich wil ze Rine fveren. sonshundert miner chünen man.

Swa man invremden landen. mih unt die mine sehe.
daz ir ieslicher. denne dir des iche.
daz nie kunic deheiner. also manigen man.
so verre baz gesande. danne du ze Rine habst getan.

Ob duz kunich riche. dar vmbe niht wellest lan.
si was ir edeln minne. Siwride vndertan.
dem Sigemundes kinde. den hastu hie gesehn.
man moße im grozer eren. mit rechter wahrheite ichn.



Dar umbe ich si niht vrende. was si des rechen wip.
ia was wol also tiore. sin vil edel lip.
daz ich niht versmahen. die kuniginne sol.
durch ir grozen schone. so gewellet si mir wol.

So wil ich in die wareheit. sprach Rodeger do sagn.
daz wir hinnen riten. in vier vnt zweinzich tagen.
ich enbiot ez Gotelinde. der vil lieben frowen min.
daz ich nach Chriemhilde. selbe bote welle sin.


Hinze Bechelaren. sande Rodeger.
boten sine wibe. der marcravinne her.
vnt enbot ir daz er solde. dem kunige werbn wip.
si gedahte frivntliche. an der goten Helchen lip.

Do die marcgravinne. die boteschafft vernam.
der mare si sich freote. doch weinens si gezam.
ob si gewinnen solte. noch frowen alsam e'.
so si gedaht an Helchen. daz tet Gotlinde we.

Vzer Hunin lande. der marcgrave reit.
des was der kunich Ezele. vro vnt ovch gemeit.
da zer stat ze Wiene. bereite man in wat.
die er foren solde. als man vns gesagt hat.

Da ze Bechelaren. im warte Gotelint.
die ionge marcgravinne. daz Rudegeres kint.
sah ir vater gerne. vnt ovch sine man.
do wart ein liebez biten. von schonen kinden getan.

Do der marcgrave. ze Bechelaren reit.
do was in mit vlize. ir gewesen vnt ir kleit.
bereitet gar zewnsche. im unt sinen man.
ir sovmer vf der straze. sah man mit in zogen dan.



Do si ze Gechelaren. chomen indie stat.
di sinen reisgesellen. herebergen bat.
der wirt vil minneklilchen. vnt schvof in gvot gemach.
Gotelint div riche. den wirt si niht zungerne sach.

Sam tet sin liebiv tohter. div ionge maregravin.
div enchunde ir vater chynfte. niht hoherf mvotes sin.
die von Hynen landen. wie gerne si die sach.
mit lachendem monde. div soeze iunchfrowe sprach.


Uv si vns groze willechomen. min vater unt sine man.
do wart vil groze danchen. mit vlize getan.
des maregraven kinde. von manigem rechen gvot.
vil wol erchande Gotelint. des guten Rodegeres mvot.

Do si des nahtes nahen. bi Rodegere lach.
vil minnekliche vragen. in div frowe pflach.
war in gesendet hete. der konic von Hynin lant.
er sprach min liebiv frowe. daz sol werden dir bechant.

Ich sol mine herren. werben vmbe ein wip.
sit daz ist erstorben. miner frowen lip.
ich wil nach Chriemhilde. riten an den Rin.
div sol hie zen Hynen. gewaltech kuniginne sin.

Daz wolde got sprach Götelint. moht uns daz heil geschehn.
sit daz wir ir hören. so grozer eren ichen.
si ergast uns miner frowen. liht in alten tagen.
mit ir hohen togenden. daz wir mvsin si verchlagen.

Do sprach der maregrave. trutinne min.
di mit mir soln riten. hinnen an den Rin.
den solt ir frivntliche. bieten iwer gvot.
so helde varent riche. so sint vrölich gemvot.



Si sprach ez ist deheiner. derz von mir gerne nimt.
ine geb ir iefellichem. swaz im wol gezimt.
e' daz ir hinnen scheidet. mit den iuern man.
daz si dem wirt lobte. daz wart mit vlize getan.

Hey was man do von kamere. der richen pfellil trvoch.
der wart mit den rechen. geteilet do genvoch.
erfollet vlisekliche. von halse vn; vf den sporn.
die im da zwo behageten. die het im Rodeger erhorn.

An dem sibnden morgen. von Bechelaren reit.
der wirt mit sinen degenen. wasen vnt chleit.
forten si den vollen. durch der Gaier lant.
si wrden vf der strazen. durch robben selten an gerant.

Da die helede svoren. niemen niht in nam.
man möht in dannen dienen. als in wol gezam.
ritter unt knechte. die waren wol gechleit.
der gote marcgrave. alsvs von Bechelaren reit.

Inre tagen zwelfen. si chomen an den Rin.
done chunden disiv märe. niht verholn sin.
man sagte dem chunige. vnt ovch sinen man.
da chomen hohe geste. der wirt do vragen began.

Ob iemen si bechande. daz man; im solde sagn.
man sah ir sovmer. so rehte swäre tragn.
daz si vil riche wären. daz wart da wol bechant.
man hiez si herbergen. da ze Wormez al zehant.

Do die geste waren. zen herebergen chomen.
do wart ir gevertes. vaste war genomen.
si wundert wannen svoren. die rechen an den Rin.
der wirt nach Hagene sande. ob ez im chundich mohte sin.



Do sprach der von Tronege. nu lat mich si sehn.
als ich si nu geschowe. ich chan iw wol veriehn.
von swannen si gesendet. sin indizze lant.
si soln sin vil vrenden. ine habe si schiere bekant.



In lende heten. die geste nu genomen.
in vil richiv chleider. was der bote chomen.
mit sinen hergesellen. ze hove si do riten.
si forten gotiv chleider. wol vnt spähe gesniten.

Do sprach der snelle Hagene. als ich mich chan verstan.
wande ich die helde lange. niht gefehn han.
si varnt dem geliche. als ez si Rodeger.
von Hunischen richen. der degu chvne vnt her.


Wie solde ich des getrowen. sprach der chunich zehant.
daz der von Bechelaren. chöme indizze lant.
e' daz der chunich riche. die rede vol sprach.
Hagene der chvne. den goten Rodegern sach.

Mit sinen besten frivnden. lief er zu zim dan.
man sach funshundert degene. von den rossen stan.
do wrden wol empfangen. die von Hunin lant.
boten nie getrogen. also herlich gewant.

Do sprach inhoher stimme. der herre Hagene.
nu sin groze willechomen. dise degene.
der vogt von Bechelaren. vnt alle sine man.
daz grozen wart mit eren. den snellen Hunin getan.

Des kuniges nehsten mage. chomen da man si sach.
Ortwin von Mezzin. zu Rodegere sprach.
wir habn inaller wile. mere nie gefehn.
geste hie so gerne. des wil ich wärlliche ichn.

Des grozes si do danchten. den helden vberal.
mit dem hergesinde. si giengen inden sal.
da si den chunich fonden. bi manigem chvnen man.
der wirt do von dem sedele. gie gegen Rodegere dan.



Wie rehte frivntliche. er den gast enpfie.
vnt alle sine degene. Gernot do niht enlie.
ern enpfienge in ovch mit eren. vnt alle sine man.
der chunic Kudegere. forte bi der hende dan.

Er braht in zu dem sedele. da er selbe saz.
den gesten hiez man schenchen. mit willen tet man daz.
mete den vil guten. vnt den besten win.
den iemen uinden chvnde. indem lande al umben Rin.

Gifelher vnt Gere. die bede warn komen.
Danchwart vnd Volker. die heten wol vernomen.
von den werden gesten. si waren hochgemvot.
si enpfienge vor dem kunige. die ritter edel vnde gvot.

Do sprach zu sine herren. der degen Hagene.
ez solden immer dienen. alle iwer degene.
daz vns der margrave. zeliube hat getan.
des solde man enpfahen. wol den Gotelinde man.

Do sprach der kunic Gvnther. ine chan niht langer dagn.
wie si sich gehaben beide. daz solt ir mir sagn.
Ezele vnt Helche. vzer Hvinin lant.
do sprach der margrave. ich solz ir sagn hie zehant.

Do stont er von dem sedele. mit allen sinen man.
er sprach zu dem chunige. lat mih vrloup han.
ze sagene solhiv mare. dar vmb ich bin gesant.
von deme chunic Ezele. her zu der Buregonden lant.

Er sprach swaz man vns mare. bi ir enboten hat.
dir erlobb ich ir ze sagene. ane frivnde rat.
ir solt si lazen horen. mich vnt mine man.
wande ich ir aller eren. hie zewerbene gan.



Do sprach der bote here. iv enbietet an den Rin.
getriwelichen dieneft. der groze voget min.
vnt allen iuern frivnden. die ir moget han.
vnde wizet difiv botefchaft. ift intriwen gar getan.

Iv bat der chunic edele. chlagen fine not.
finiv lant fint verweifet. min frowe div ift tot.
Gelche div vil riche. ein kuniginne her.
nach der min herre lidet. daz wizet vngefugiv fer.


Kint der edeln forften. div fi gezogen hat.
dar an es inne lande. vil iamertlichen stat.
die enhant nu leider niemen. der ir mit triwen pflege.
des wen oveh sich vil chleine. des kuniges forge gelege.

Nu lon im got sprach Gunther. daz er den dieneft fin.
fo willechlich enbotet. mir unt den frivnden min.
finen groz ich gerne. hie vernomen han.
den mir enbietet Ezele. des fol er groz genade han.

Do sprach von Burgonden. der herre Gernot.
die werlt mac wol riwen. der schonen Gelchen tot.
dorch ir manige togende. der fi wol chunde pflegn.
der rede gefvnt im Hagene. der vil zierliche degn.

Do sprach aber Rodeger. der edel bote her.
fit ir mir chunic erlaubet. ich fol iv fagen mer.
waz iv min lieber herre. her enboten hat.
fit im nach miner frowen. fin dinch fo chumberlichen stat.

Man fagt mine herren. iwer fwefter fi ane man.
Sivrit fi erftorben. ift daz also getan.
fo fol min frov Chriemhilt. die richen chrone tragn.
vor den Ezelen rechen. diz bat iv der chunic fagn.



Do sprach der chunic riche. wol gezogen was sin mvot.
so höret minen willen. ob si gerne tvot.
den wil ich in chunden. indisen siben tagen.
e' ihz an ir erfoere. zwiv solde ich Ezelen versagn.

Die wile man den gesten. hiez schaffen gvot gemach.
in wart da so gedienet. das Rodeger des iach.
das er da frivnde hate. bi Gunthers man.
Hagene im diente gerne. ez hete im alsam getan.


Alsos beleip do Rodeger. vnz an den vierden tac.
der kunich nach rate sande. wie wiselich er pflach.
vragen sine mage. ob si dvhte gvot getan.
das Chriemhilt nemen solde. den chunich Ezelen zeman.

Si rieten; al gemeine. wan eine Hagene.
der sprach ze Gunther. dem degene.
habt ir rehte sinne. so wirt ez wol behvot.
ob sis ioch volgen wolde. das irz nimmer getvot.

Warumbe sprach do Gunther. solde ihs volgen niht.
swaz der kuniginne. liebes geschilt.
des sol ich ir wol gonnen. si ist div swester min.
wir solden; selbe werben. ob ez ir ere mohte sin.

Do sprach aber Hagene. nu lat die rede stan.
vnt het ir Ezelen chunde. als ich sin chvnde han.
solte si in danne minnen. als ich ioch höre ichn.
so wäre in aller erste. von schulden sorgen geschehn.

Warumbe sprach do Gunther. ich behvete wol immer das.
das ich im chome so nahen. das ich deheimen haz.
von im mvese dolden. vnt wrde si sin wip.
do sprach aber Hagene. ez gerätet nimmer min lip.



Man hiez nah Gernote. vnt Gifelhere gan.
ob der frowen brueder. dohte guote getan.
daz Chriemhilt nemen solde. den richen chunic her.
noch widerreit ez Hagene. vnt ander niemen mer.

Do sprach von Burgonden. Gifelher der degn.
nu muot ir frivnt Hagene. noch der triwen pflegn.
ergetzet si der leide. vnt ir ir habt getan.
swar an ir wol gelunge. daz solt ir vngevehet lan.


Ja habt ir miner swester. getan so starchiv leit.
so sprach aber Gifelher. der degn vil gemeit.
daz si des hete schulde. ob si iw wäre gram.
nie man deheiner frowen. mere freuden noch genam.

Daz ich da wol bechenne. daz ton ich iw chvnt.
sol si nemen Ezze. gelebt si an die stvnt.
si getvot uns leide. swie siz getraget an.
ia gewinnet si ze dienste. daz wizzet manigen chvnen man.

Des antwort Hagene. der herre Gernot.
ez mag also beliben. vnz an ir beider tot.
daz wir geriten immer. in Ezelen lant.
wir soln ir leisten triwe. daz ist zen eren vns gewant.

Do sprach aber Hagene. mir chan niemen wider sagn.
vnt sol div frowe Chriemhilt. Helchen chrone tragn.
si getvot vns leide. swie si gefvaget daz.
ir solt ez lan beliben. daz chvmt iw rechen michel baz.

Mit zorne sprach do Gifelher. der edeln Voten svon.
wir ensolen niht alle. meinliche ton.
swaz liebes ir geschehe. vro solten wir des sin.
swaz ir geredet Hagene. ich dien ir durch die triwe min.



Do das Hagene horte. do wart er vngemvot.
Gernot vnt Giselher. die stolzen ritter gvot.
vnt Gunther der riche. gerieten sider das.
ob siz loben wolde. das siz liezen ane haz.

Do sprach der choene Gere. so wil ich hine gan.
vnt wil mine frowen. die rede wizen lan.
waz ir der kunich Ezele. her enboten hat.
ob si in nemen welle. das si mit triwen vnser rat.

Do gie der snelle reche. da er Chriemhilde sach.
si enpfie in minnekliche. wie balde er do sprach.
ir muot mich gerne grozen. vnt gebn botenprot.
iwch wil gelucke scheiden. vzir aller iwer not.

Ez hat durch iwer minne. frowe her gesant.
ein der aller beste. der ie kuniges lant.
besaz mit vollen eren. oder chrone solde tragn.
ez werbent boten edele. das hiezen io die kunige sagn.

Do sprach diu iamerfliche. io sol verbieten got.
vnt andern minen frivonden. das si deheinen spot.
an mir armen vben. waz soldich einem man.
der ie hercen liebe. von gvtem wibe gewan.

Si widerreit iz fere. do chomen aber sint.
Gernot ir brooder. vnt Giselher das kint.
di baten minnekliche. trosten si den mvot.
ob si den chunic name. ez war ir wärlichen gvot.

Überwinden niemen. chunde do das wip.
das si minnen wolde. deheines mannes lip.
do baten si die rechen. nu lazet doch geschehn.
ob ir niht anders wellet tvon. so sult ir Rvdegeren sehn.



Das enwil ich niht versprechen. ine welle in gerne sehn.
den guten Rodegeren. das laz ich wol geschehn.
durch sine manige togende. wär er niht her gesant.
swerz ander boten wären. den wär ich immer vnbechant.

Si sprach ir solt in morgen. heizen her gan.
zo miner chemenaten. ich wil in hören lan.
wes ich mich habe beraten. wil ich im denne sagn.
ir wart criteniwet. das ir vil grözlich chlagh.


Do engert ovch nihtes mere. der edel Rodegere.
niwan das er gesähe. die kuniginne here.
er wiste sich so wisen. das er wol an getragen.
mohte swaz er wolde. ir rede im wose wol behagen.

Des andern morgens. do man fremesse sanch.
die edeln boten chomen. do wart da groz gedranch.
die mit Rodegere. zehose solden gan.
der sach man wol gekleidet. manigen wätlichen man.

Chriemhilt diu vil arme. diu trvrich gemvot.
si warte Rodegere. dem edeln boten gvot.
der vant si inder wäte. die si alle cite tvoch.
da bi het ir gesinde. richer chleider genvoch.

Si gie im hin beegene. zo der tvere stan.
vnt enpfie vil liepliche. den Ezelen man.
niwan mit zwelf gesellen. man in dar in verlie.
man bot im michel ere. ir chom ein hoher bote nie.

Man bat den herren sizzen. vnt sine man.
die zwene maregraven. sach man vor in stan.
Gern vnt Egewarten. das schvof diu kuniginne.
die selben boten chunden. nimmer baz gewirdet sin.



Do si da wol gesaz. vnt sahn manich wip.
do pflach niwan weinens. der Chriemhilde lip.
ir wat was vor den brusten. der heizen trähene naz.
daz sach der maregrave. der helt niht langer do da saz.

Er sprach ingrozen zohnten. vil edel kuniges chint.
mir vnt minen geverten. di mit mir chomen sint.
solt ir frow erlobben. daz wir for ioch stan.
vnt sagen io div märe. durch waz wir her geriten han.


No si io erlobbet. sprach div kunigin.
zefagen iwer märe. also stat min sin.
sprechet swaz ir wellet. des ioch dunche got.
di boten an ir wol sahen. ir vil trozigen mvot.

Do sprach von Bechelaren. der forste Rodeger.
dienst unt triwe. Ezel ein kunic her.
hat io enboten frowe. her indizze lant.
er hat nach iwer minne. vil gute degene gesant.

Vnt enbivtet io innekliche. freude ane leit.
der stäten frivntschefste. si er io bereit.
als Helchen miner frowen. div im zeheren lach.
ir sult no tragen chrone. der min frowe wilen pflach.

Do sprach div kuniginne. vil edel Rodeger.
wâr ieman der bechande. div minen scharpsen ser.
der riete mir niht troten. noch deheinen man.
wan ich vlos ein den besten. den ie frowe mer gewan.

Waz mag ergezen leides. sprach do der chone man.
wan vrvntliche liebe. swer die chan began.
vnt dann der einen chiofet. der im zerehte chomet.
for hercenliche swäre. niht so grosliche fromet.



Vnt rochet ir ze minnen. den hohen voget min.
zwelf richer chrone. solt ir frowe sin.
dar zo git ir min herre. wol drizech forsten lant.
diu hat er betwungen. mit siner ellenthafsten hant.

Ir solt och werden frowe. vber manigen chynen man.
die och miner frowen. waren vndertan.
vnt vil der schonen magede. der si hete gewalt.
vnt hoher rechen magen. edel. chynen. vnt balt.


Dar zo ir min herre git. daz heizet er ir sagen.
ob ir gerochet chrone. bi dem chunige tragen.
gewalt den aller hohsten. den helche ie gewan.
den solt ir gewaldechliche. han ob allen sinen man.

Do sprach diu kuniginne. wie mohte minen lip.
immer des gelosten. deich wrde heledes wip.
mir hat der tot an einem. so rehte leit getan.
des ich vnz an min ende. mo; iriwen immer stan.

Do sprachen aber die hynin. kuniginne rich.
iwer leben wirt bi Ezele. so rehte lobelich.
daz ir des wol vergezset. ist daz ez ergat.
wan der kunic riche. vil manigen zieren degen hat.

Die miner frowen magede. vnt iwer magedin.
soln die bi ein ander. ein gesunde sin.
da bi so mohten rechen. werden wol gemvot.
lat ez ir frowe raten. ez wirt ir werlichen gvot.

Si sprach in ir zuehten. nu lat die rede stan.
vnt morgen frueie. so solt ir her gan.
so wil ich ir antworten. des ir da habet mvot.
des musen do gevolgen. die rechen chone unt gvot.



Do si zen herbergen. alle chomen dan.
do hiez die frowe Chriemhilt. nach Giselhere gan.
vnt ouch nach ir muoter. si saget in beiden daz.
daz si gezäme weinen. vnt niht anders baz.

Do sprach ir bruder Giselher. swester mir ist geseit.
vnt wilz ouch gelouben wol. daz elliv diniv leit.
Ezel der chunic swende. vnt nimstv in zeman.
swaz ander iemen rate. so dunchet ez mich gvot getan.


Er mac dich wol ergezen. sprach aber Giselher.
vonne Koten zu dem Rine. uf bi Elbe vnz an das mer.
so ist ir deheiner. also gewaltich niht.
du maht dich frevn balde. for din zekuniginne giht.

Si sprach zu zir bruder. zu ir rätetv mir daz.
chlagen unt weinen. mir immer zäme baz.
wie solde ich vor rechen. da zehove gan.
wart min lip ie schone. des bin ich ane getan.

Vote ir beider muoter. sprach ir tohter zu.
swaz dine bruder raten. vil liebez chint daz zu.
nu volge dinen frivnden. so mach dir wol geschehen.
ich han dich doch so lange. ingrozem leide geschn.

Do bat si got den riche. svgen ir den rat.
daz si ze gebene hete. golt. silber. vnt wat.
sam bi ir ersten manne. do der noch was gesvnt.
si gelebte doch nimmer mere. sit so vroliche stont.

Do gedahtes in ir sinne. sol ich minen lip.
gebn einem heiden. ich bin ein christen wip.
des muose ich von der werlde. groz itewize han.
geb er mir elliv riche. so ist ez immer vngetan.



Da mite si lie beliben. die naht un; an den tac.
die frowe in vil gedanchen. an ir bette lac.
die ir vil liechten ovgen. wrden trochen nie.
vnsze si aber den morgen. hin zer mettine gie.

Ze rechter messcite. die herren waren chomen.
si heten aber ir swester. vnder hende genomen.
ia rieten si ir minnen. den chunic v; Honen lant.
die frowen ir deheiner. vil luzzil vroliche vant.


Si baten dar gewinnen. die Ezelen man.
Kodeger der riche. biten do began.
die frowen minnekliche. was si no wolde tvon.
ob si zemanne wolde. des kunic Gotelunges son.

Si iach das si geminnen. nimmer mere wolde man.
do sprach der marcgrave. das wäre missetan.
zwiv woldet ir verderben. also sconen lip.
ir muget noch mit eren. werden hohes rechen wip.

Niht half das si gebaten. vnsze Kodeger.
sprach in heinliche. die kuniginne her.
er wolde si ergezen. swaz ir ie geschach.
ein teil begundir fensten. ir vil vnsefste; vngemach.

Er sprach frowe here. lat iwer weinen sin.
ob ir zen Honin hetent. niemens danne min.
getriwer miner frivnde. vnt ovch der minen man.
er muesses sere engelten. vnt het iv iemen iht getan.

Da von ein teil geringet. wart do der frowen muot.
si sprach so swert mir Kodeger. swaz mir iemen tvot.
das ir mir sit der nähste. der reche miniv leit.
do sprach der marcgrave. des bin ich frowe bereit.



Mit allen sinen mannen. swor ir do Rodeger.
mit triwen immer dienen. vnt das die rechen her.
ir nimmer niht versageten. v3 Ezelen lant.
des si ere habn solde. des sichert ir Rodegeres hant.

Do gedahte diu getriwe. sit das ich frionde han.
also vil gewinnen. nu sol ich reden lan.
die lute swaz si wellen. ich iamerhastez wip.
was ob noch wirt errochen. mins vil lieben mannes lip.

Si gedahte sit das Ezele. der rechen hat so vil.
sol ich den gebieten. so ton ich swaz ich wil.
er ist och wol so riche. das ich ze gebene han.
mich hat der mordär Hagene. des minen ane gar getan.

Si sprach ze Rodegere. het ich das vernomen.
das er niht wäre ein heiden. so wolde ich gerne chomen.
swar er hete willen. vnt nāme in zeinem man.
do sprach der marcgrave. die rede solt ir frowe lan.

Ern ist niht gar ein heiden. des solt ir sicher sin.
ia was vil wol becheret. der liebe herre min.
wan das er sich widere. vernogieret hat.
wolt ir in frowe minnen. so mohte sin noch werden rat.

Och hat er so vil rechen. inchristenlicher e'.
das ir bi dem kunige. nimmer wirdet we.
ir muogt och lihte erwerben. das der sverste gnot.
wider zegote wendet. beide sele vnt muot.

Do sprachen aber ir broeder. lobt ir swester min.
iwer vngemvete. solt ir nu lazen sin.
si gertens also lange. das ir vil trurich lip.
lobte vor den degenen. si wrde Ezelen wip.



Sie sprach ich mu; ir volgen. ih armiv kunigin.
daz ih var zen Honin. so daz nu mac gesin.
swenne ich die frivnt gewinne. die mich foren insin lant.
des bot div kuniginne. vor den degn ir hant.

Do sprach der maregrave. habt ir zwene man.
dar zu han ich ir mere. ez wirdet wol getan.
daz wir irch mit den eren. bringen ober Rin.
ine laze irch nu niht langer. hie zen Ouregonden sin.


Fonshundert miner manne. vnt ovch der mage min.
die soln ir hie dienen. vnt ovch da heime sin.
swie ir in gebietet. ich selbe tvon alsam.
so ir mich ermant der märe. daz ihs nimmer mich gescham.

Nu heizet ir bereiten. iwer pferit chleit.
die Rodegeres räte. ir nimmer werdent leit.
vnt sagetes iweren mägeden. die ir da foren welt.
ia chumet vns begegene. vil manic v; erwelter helt.

Si heten noch gesmide. daz man da vor reit.
bi Sivrides ziten. daz si vil manige leit.
mit eren mohten foren. so si wolden dan.
hen was man goter sätete. den schonen frowen gewan.

Ob si da vor getrogen. deheiniv richen chleit.
der wart in zu der verte. vil maniges nu bereit.
wande in von dem chunige. so vil gesaget wart.
si sluzzen of die kisten. die e' stunden wol bespart.

Si heten gros vnmvoze. vnz an den zwelften tac.
si svochten v; den valden. des vil dar inne lach.
Chriemhilt hiez entfliezen. balde ir chameren dan.
si wolde machen riche. alle Rodegeres man.



Si hete noch des goldes. von Nibelunge lant.
si wande ez da zen Hvinin. teilen solde ir hant.
daz iz sehs hundert möre. ninder chunden tragen.
div märe horte Hagene. da von Chriemhilde sagen.

Er sprach sit mir Chriemhilt. doch nimmer wirdet holt.
so mooz och hie beliben. daz Sivrides golt.
zwiv solde ich minen vinden. lan so michel gvot.
ich wäiz wol daz div frowe. wnder mit dem schazze getvot.


Und brächte si in zen Hvinin. ich wil gelouben daz.
er wrde doch zerteilet. niwan vf minen haz.
sine habent och niht der roffe. die in solden tragen.
in wil behalten Hagene. daz sol man Chriemhilde sagen.

Do si vernam div märe. do wart ir grimme leit.
ez wart och den kunigen. allen drin geseit.
si woldenz gerne wenden. do des niht geschach.
Kvodeger der edele. dar zwo herliche sprach.

Vil richiv kuniginne. zwiv chlaget ir daz golt.
iv ist der chvnic Ezele. inder maze holt.
gesehent ivch siniv ovgen. er git iv also vil.
daz irz zerteilet nimmer. des ich iv eide swern wil.

Do sprach div chviginne. vil edel Kvodeger.
ez gewan nie kuniges tohter. die richte mer.
denne der mich Hagene. ane hat getan.
do chome der starche Gernot. hin zer chameren gegan.

Mit gewalt des chvuniges slozzil. stiez er an die toer.
golt daz Chriemhilde. reichte man der fver.
ze drizzech tofsint marchen. oder dannoch baz.
hieze er nemen die geste. liep was Gunthere daz.



Do sprach von Bechelaren. der Gotelinde man.
ob es min frowe Chriemhilt. alles möhte han.
swaz sin ie wart gefveret. von Nibelunge lant.
sin gevret nimmer marche. min noch der kuniginne hant.

Lat es nemen frowe. swerz gerne haben wil.
ich brahte v; mine lande. des minen also vil.
daz wir es vf der straze. habn goten rat.
vnt unfer chofte hinnen. mit vollen herlichen stat.


Da vor in aller wile. erfüllet zwelf schrin.
des aller besten goldes. daz inder mohte sin.
heten noch ir meide. daz forte man von dan.
mit der chuniginne. daz ander musin si da lan.

Gewalt des vbelen Hagenen. der duhte si zestarch.
si het ir opfer goldes. noch wol tusint march.
daz teilte si der sele. irs vil lieben man.
daz dvohte Kudegere. ingrozen triwen getan.

Do sprach die frowe Chriemhilt. wa nu frionde min.
die durch mich ellende. zen Hvinin wellen sin.
vnt mit mir soln riten. in Ezelen lant.
die nemen golt daz mine. vnt chauffen rosse vnt ovch gewant.

Des antwrte ir schiere. der margrave Ekkewart.
sit ich iwer gefinde. ie von erste wart.
so entweich ich iw nie triwen. sprach der chune degn.
vnt wil iw immer dienen. die wile wir beide lebn megn.

Ich wil ovch mit mir sveren. hundert miner man.
der ich iw zedienste. wol mit triwen gan.
wir sin vngescheiden. es entwö der tot.
der rede neig im Chriemhilt. daz irz der helt so wol erbot.



Do zoh man dar die möre. si wolden varn dan.
da wart vil michel weinen. von frivnden getan.
frov Vote div gvote. vnt manie schöne meit.
die zeigeten daz in wære. nach der kuniginne leit.

Hundert schöner megede. div frowe mit ir nam.
die wrden so gechleidet. als in daz wol gezam.
vf ir vil lichten bouge. die trähene vielen nider.
si gelebten vil der freude. dort bi Ezelen sider.


Ir brvoder chomen beide. Giselher unt Gernot.
mit ir ingesinde. als in ir zohyt gebot.
do wolden si beleiten. ir liebe swester dan.
ovch forten si ir degene. mit in wol tvsint chune man.

Do chom der snelle Gere. vnt ovch Ortewin.
Kunolt der chuchen meister. da mite mose sin.
si schosfen die naht selde. der frowen vf den wegn.
Volcher was ir marschalch. der solde ir herberge pflegen.

Nach chuffen michel weinen. wart da vil vernomen.
e' daz si von der burge. ze velde wärn chomen.
vz riten vnt giengen. die sis niene gebat.
do reit der chunic Gunther. mit ir ein wenich fver die stat.

E' si von huse fveren. si heten fver gesant.
ir boten harte snelle. inder Hynin lant.
die dem chunige sageten. daz im Rodeger.
zewibe hete gewnnen. die edeln chuniginne her.

Die boten strichen fere. in was der reise not.
durch die grozen ere. vnt durch richiv potentbrot.
do si ze lande waren. mit den mären chomen.
do het der chunic Ezele. nie so liebes niht vernomen.



Durch disiv lieben märe. hiez der chunich gebn.
den boten solhe gabe. daz si wol mohten lebn.
mit freyden immer mere. dar nach vnze an ir tot.
mit liebe was verswunden. des chuniges chumber unde not.





Wie
 Chriemhilt von Wormze schiet.

XXI. Auenture.

Die boten lazen riten. vnt ton in das erchant.
 wie die koniginne. fore durch das lant.
 oder wa von ir cherten. ir bruder beide wider.
 si heten ir so gedienet. das sis in mose danchen sider.



Uelobes von ir gerte. do vil manic degen.
si muosin sich ze Vergen. der reise hine bewegn.
do si wider wolten. riten an den Rin.
done mohtez ane weinen. von lieben frivnden niht gesin.

Gifelher der snelle. sprach zer swester sin.
swenne daz do frowe. bedurfen wellest min.
ob dir iht gewerre. daz tuo mir bechant.
so rite ich dir ze dienste. indaz Ezelen lant.

Die ir sippe waren. die chustes an den munt.
vil minneklichez scheiden. chof man an der stvnt.
die snellen Burgonden. von Rodegeres man.
do fort diu kuniginne. manige magt wolgetan.

Hundert vnt viere. die trugen pfawen chleit.
von genagelten richen pfellen. vil der schilde breit.
man forte bi den frowen. nahen vf den wegn.
do nam och vrloup Volker. der vil zierliche degn.

Do si vber Ewonowe. chomen in Beyerlant.
do wrden disiu mere. witen bechant.
daz zen Hunin svære. Chriemhilt diu kunigin.
des frevt sich ir oeheim. ein bisschof der hiez Pilgerin.

Inder stat ze Pazzowe. was er bisschof.
die herberge wrden läre. vnt och des forsten hof.
si ilten gegen den gesten. vf in Bajerlant.
da der bisscuf Pilgerin. die schonen Chriemhilde vant.

Sinem ingesinde. was daz niht zeleit.
daz si ir volgen sahen. so manige schone meit.
da tvote man mit ovgen. der edeln ritter chint.
vil riche herberge. gap man den edeln gesten sint.

Da ze Pledelingen. schof man in gemach.
daz volch man allenthalben. 300 zin riten sach.
man gab in willekliche. des si bedorften da.
si namen; wol mit eren. als tet man sider anderswa.

Div frowe mit ir oheim. ze Pazzowe reit.
ez was den burgären. darinne niht zeleit.
daz dar chomen solde. des fursten swester chint.
si wart vil wol enpfangen. von den kovfloten sint.


Daz si beliben solden. der bisscof hetes wan.
do sprach der maregrave. es enmac niht ergan.
wir mozin nider riten. inder Honin lant.
vns wartet vil der degene. wande ez in allen ist bechant.

Disiv märe och wiste. div schone Götelint.
si bereite sich mit vlize. gein ir frowen sint.
ir het enboten Kvedeger. daz in daz dohte gvot.
daz si der kuniginne. da mite troste den mvot.

Daz si ir rite engegene. mit den sinen man.
vf 300 der Ense. do daz wart getan.
do sah man allenthalben. vil vnmvze pflegn.
durch der geste liebe. si mozin rowe sich bewegn.

Si was der nächten nahte. ze Everdingen chomen.
gvoge v; Bajerlande. solden si han genomen.
den rovp vf der straze. nach ir gewonheit.
so heten si den gesten. erboten eteslichiv leit.

Daz hete wol behvetet. der edel Kvedeger.
er foerte twsint ritter. vnt dannoch mer.
do was och chomen Götelint. des maregraven wip.
mit ir foor herrenliche. vil maniges chvnen rechen lip.



Do si vber die Ervone chomen. bi Ense vf das velt.
do sah man vf gespannen. hvetten vnt gezelt.
da die geste solden. die nahtfelde han.
von Rodegeres frivnden. wart in dienste vil getan.

Gotelint dir schöne. die herberge lie.
hinder ir beliben. vf den wegn gie.
mit chlingenden zoomen. die möre wolgetan.
der antfanch wart vil schöne. liep was iz Rodegere ir man.

Di in zebeden siten. chomen vf den wegen.
die riten vroliche. der was vil manic degen.
si pflagen ritterschefte. das sach vil manic meit.
ovch was der helede dienest. den schonen frowen niht zeleit.

Do zo den gesten chomen. die Rodegeres man.
vil der trvonzone. sach man ze berge gan.
von der rechen handen. mit ritterlichen siten.
da wart wol zeprise. vor den frowen geriten.

Das liezen si beliben. do grozte manic man.
vil gotlich ein ander. do forten si von dan.
die schonen Gotelinde. da si Chriemhilde sach.
die frowen dienen chunden. die musin liden vngemach.

Der voget von Bechelaren. zo sine wibe reit.
der edeln marcgrauinne. was das niht zeleit.
das er so wol gesunder. was von Rine chomen.
ia was ir vil ir sorgen. mit grozen vreden benomen.

Do si in het empfangen. er si hiez vf das gras.
erbeizen mit den frowen. swaz ir da mit ir was.
mit dienste was vnmvzich. da vil manic man.
der wart den schonen frowen. mit grozem vlize getan.

Do sach die kuniginne, hie Gotelinde stin.
mit ir ingesinde. si lie niht naher gen.
daz pferit mit dem zowme. zuchen si began.
si bat sich heben balde. nider von dem satel dan.

Den bisscof sach man wisen. siner swester chint.
in vnt Ekkewarten. zu Gotelinde sint.
da wart vil michel wichen. an der selben stont.
do chofte die ellende. an der margrauinne munt.


Do sprach vil minnekliche. daz Rodegeres wip.
nu wol mich liebiv frowe. deich iuern schonen lip.
han indisen landen. mit freuden hie gesehn.
mir enchunde in disen citen. nimmer lieber geschehen.

Nu lon ir got sprach Chriemhilt. vil edel Gotelint.
sol ich gesvnt beliben. vnt Gotelunges chint.
ez mag ir chomen zeliebe. daz ir mich habt gesehn.
in beiden was unchunde. daz sieder muose gesehn.

Mit zohnten zu zein ander. si sazen vf den chle'.
die gerne frowen sahen. den was da niht ze we.
ir swesiv ovgenweide. braht in hohen muot.
den wiben sam den mannen. als ez noch vil dicke tvot.

Man hiez den gesten schenchen. ez was wol mitter tac.
daz edel ingesinde. da niht langer lac.
si riten da si fonden. vil manige hotten breit.
da was den werden gesten. vil groziv wirtschafft bereit.

Die naht si heten rowe. vnz an den morgen fruo.
die von Bechelaren. bereiten sich dar zu.
wie sie behalden solden. vil manigen werden gast.
wol het geschaffen Rodeger. daz in vil wenich iht gebrast.



Div venster an den mworen. sah man offen stan.
div gvote Bechelaren. div was vf getan.
dar ine riten geste. die man vil gerne sach.
den het der wirt vil edele. schaffen richen gemach.

Div Rodegeres tohter. mit ir gesinde gie.
da si die koniginne. vil minneklich enpfie.
da bi was ovch ir mwoter. des marcgraven wip.
mit liebe wart gegreuzet. vil maniger ioncfrowen lip.

Si viengen sich bi henden. vnt giengen dan.
in einen palas witen. der was vil wolgetan.
da div Ewonowe. vnden hine vloz.
si sazzen gegen dem loofte. vnt heten churcewile groz.

Wes si no mere pslegen. des enchan niht gesagn.
daz in so vbele zogete. daz horte man do chlagen.
die Chriemhilde rechen. wandez was in leit.
hen was guter degene. mit ir von Bechelaren reit.

Vil minneklichen dieneft. der marcgrave in bot.
do gab div kuniginne. zwelf ponge rot.
der Gotlinde tohter. vnt also gvot gewant.
daz si niht bezzers brahte. indaz Etzelen lant.

Swie ir genomen wäre. der Nibelunge golt.
alle die si gefahen. die machte si ir holt.
noch mit dem chleinem gvote. daz si da mohte han.
des wirtes ingesinde. wart michel gabe getan.

Da widere bot do ere. div frowe Gotelint.
den gesten von dem Rine. so minnekliche sint.
daz man do der fremden. harte wenich vant.
sine trogen ir gesteine. oder ir vil herlich gewant.

Do si enbizen waren. vnt das si solden dan.
von der hvoßfrowen. wart geboten an.
getriwelicher dieneft. das Etzelen wip.
do wart ooch vil getrötet. der schonen iunefrowen lip.

Si sprach zer kuniginne. swenne ioch nu dunchet guot.
ich weiz wol das iz gerne. min lieber vater tvot.
das er mich zuo ziv sendet. in der Hunin lant.
das si ir getriwe wäre. vil wol das Chriemhilt ervant.


Div ros bereitet waren. for Bechelaren chomen.
ooch het div kuniginne. vrloupp nu genomen.
von Rodegeres wibe. vnt von der tohter sin.
do schiet ooch sich mit grooze. vil manic schone magedin.

Ein ander si vil selten. gefahen nach den tagen.
vzer Medeliche. vf handen wart getragen.
manic golt was riche. dar inne braht man win.
den gesten vf die straze. vnt bat si willechomen sin.

Ein wirt was da gesezen. Astolt was der nant.
der wiste si die straze. nider in Osterlant.
gegen Alotaren. die Ewonowe nider.
da wart vil wol gedienet. der richen kuniginne sider.

Der bisschhof minnekliche. von siner nisteln schiet.
das si den kunic becherte. wie vast er ir das riet.
vnt das si ir ere choofte. sam Helche het getan.
hen was si grozer eren. sit da zen Hunin gewan.

Zuo der Erensem brahte. man die geste dan.
ir pflagen vliizekliche. die Rodegeres man.
vnt das die Hunin. riten vber lant.
do wart der chuniginne. vil michel ere bechant.



Bi der Trenssem hete. der konic von Hunin lant.
eine burch vil riche. diu was wol bechant.
geheizen Trenssemovre. frov Helche saz da e'.
vnt pflach so grozer tugende. deiz wetlich nimmer mer erge.

Ezen tate danne Chriemhilt. diu also chonde gebn.
si mohte nach ir leide. daz liep vil wol gelebn.
daz ir iahen ere. die Etzelen man.
der si sit grozen vollen. bi den helden gewan.

Diu Etzelen herschaft was so wit erchant.
daz man zallen citen. in sime hofe vant.
die aller besten rechen. von den ie wart vernomen.
vnder kristen unt vnder heiden. die waren gein der brote chomen.

Bi im was zallen citen. daz wätlich mer erge.
kristenlicher orden. vnt ovch der heiden e'.
inswie getanem lebene. sich ieslicher trooc.
daz schvof des kuniges milte. daz man allen gap genvoch.





Wie Chriemhilt mit Ezze braten
in der stat ze Biene.

XXII. Auenture.

S

i was ze Erensmoere, vnz an den vierden tac.
diu molte oof der straze, die wile nie gelac.
sine stobe sam iz brunne, allenthalben dan.
da riten durch Osterriche, des kunic Ezelen man.

Do waren och dem kunige. div märe no geseit.
des im von gedanchen. swnden siniv leit.
wie herrenlichen Chriemhilt. da chome durch div lant.
er begunde vaste gahen. da er die minneklichen vant.

Von vil maniger sprache. sah man vf den wegn.
vor Ezelen riten. vil manigen chönen degen.
kristen vnt heiden. vil manic witiv schar.
da si ir frowen fonden. si foren vrolichen dar.

Von Ruzzen vnt von Chriechen. reit da vil manic man.
Polanen vnt Vlachen. den sah man ebene gan.
ir pferit vnt ros div guten. da si mit chrestin riten.
swas si site habeten. der wart vil wenich iht vermiten.

Von dem lande v; Chyewen. reit och da manic man.
vnt die wilden Pescenäre. da wart des vil getan.
mit den bogen schiesen. zen vogelen die da fluogen.
ir pfile si vil sere. mit chraft vn; an die wende zuogen.

Ein stat bi Tvonowe. lit in Osterlant.
div ist geheizen Colme. da wart ir sit bechant.
vil manic site vrende. den si nie da vor gefach.
si enpfiengen da genvge. den leide sit von ir geschach.

Vor Ezele dem richen. ein gesinde reit.
vro inhochem mvote. hobesch vnt och gemeit.
wol vier vnt zweinzech forsten. rich unt her.
das si ir frowen sehen. da von negerten si niht mer.

Der herzoge Ramuneh. vzer Vlachen lant.
mit sibenhundert mannen. chom er for si gerant.
sam die wilden vocele. so sah man si varn.
do chome der forste Sibeche. mit vil herlichen scharn.

Hornboge der snelle. wol mit tusint man.
kerte vonne kunige. gein finer frowen dan.
vil lute wart geschallet. nach des landes siten.
von den Hunin magen. wart och da fere geriten.

Do chom von Tenemarche. der chvene Hawart.
unt Irinch der stanche. vor valsche wol bewart.
unt Irnsfrit von Doringen. ein fverste lobesam.
die enpfienge Chriemhilt. als es ir eren wol gezam.


Mit zwelf hundert mannen. die hetens inir schar.
och chom der herre Blödelin. mit tusint helden dar.
der Etzelen brooder. v; der Hunin lant.
der ilte mit den finen. da er die kuniginne vant.

Do chom der kunic Ezele. unt och herre Dietrich.
mit allen finen degenen. da was vil lobelich.
manic ritter edele. biderb unt gvot.
des wart der choniginne. ein teil gesenftet der mvot.

Do sprach von Bechelaren. der herre Rodeger.
frowe ouch wil enpfahen. hie der kunic her.
swen ich ir rate chossen. daz sol sin getan.
iane mvgt ir niht geliche. gvzen alles kuniges man.

Do hyp man von dem möre. die kuniginne her.
Ezele der riche. enbeite och do niht mer.
er stont von sinem rosse. mit manigem chonen man.
man sah in vroliche. gein Chriemhilde gen.

Zwen forsten riche. als vns daz ist geseit.
bi der frowen giengen. unt habten ir div kleit.
do ir der kunic Ezele. hin begegene gie.
da si den forsten edele. mit chusse gotlich enpfie.



Vf rihte si ir gebende. ir varwe wolgetan.
diu lohte ir vzem golde. da stont vil manic man.
die iahen das frow Heleche. niht schoner chunde sin.
da bi stont vil nahen. des wirtes broder Blödelin.

Den hiez si chuffen Ruedeger. der marcgrave rich.
vnt den kunic Eibechen. da stont och her Dietrich.
der rechen chuste zwelfe. daz Ezelen wip.
do enpfie si sos mit grooze. vil maniges chonen rechen lip.


In der selben wile. vnt Ezele bi ir stont.
do gebarten da die tumben. so noch die lote tvont.
vil manigen ponez langen. sah man da geriten.
daz taten kristen degene. vnt och die heiden nach ir siten.

Wie rehte hurteklichen. die Dietriches man.
die schefte liezen vliegen. mit tromzonen dan.
vil hohe vber schilde. von guter ritter hant.
die si da gerne sahen. die wrden schiere bechant.

Da wart von schefte brechen. vil michel chrach vernomen.
do waren von dem lande. die rechen alle chomen.
vnt och des chuniges geste. vil manic edel man.
do gie der kunic riche. mit der kuniginne dan.

Si sahen bi in stende. ein vil herlich gezelt.
von hutten was erfollet. alumbe gar daz velt.
da si vnder solden roowen. nach ir arebeit.
von helden wart gewiset. vil manic wätlichiv meit.

Mit Chriemhilde dannen. da si sit gesaz.
vf riche gesidele. der marcgrave daz.
hete so geschaffen. daz man ez vant vil gvot.
do stont dem kunige Ezelen. harte hohe der mvot.



Was si ze samne redeten. daz ist mir vnbechant.
wan zwiffchen sinen handen. was ir wiziv hant.
si gefazen minnekliche. da Rodeger der degen.
den kunic niht lazzen wolde. der frowen heinliche pflegen.

Do hiez man lan beliben. den kuhvort vberal.
mit eren wart verendet. da der groze schal.
do giengen zo den hutten. die Ezelen man.
man gab in herberge. vil witen allenthalben dan.

Den abent zo der nahte. si heten gvot gemach.
vnz man den lichten morgen. aber schinen sach.
do was gefatelet Ezelen. vnt allen sinen man.
vil maniger churcewile. man im zen eren da began.

Der chunic ez lobeliche. die Hunin schaffen bat.
do riten si von Colme. ze Wiene zo der stat.
da was vil wol gezieret. vil maniger frowen lip.
si enpfingen wol mit eren. des kunic Ezelen wip.

Mit vil grozem vollen. so was in bereit.
swaz si haben solden. vil manie helt gemeit.
entrosten riche satele. die Ezelen man.
sich hyp mit grozen eren. des kuniges hochgezeiten an.

Sine mohten niht beliben. ze Wiene inder stat.
die niht geste waren. Rodeger die bat.
von der burege dannen. herbergen indaz lant.
ich wän man alle cite. bi frowen Chriemhilde vant.

Den herren Dietrichen. vnt anders manigen degn.
si heten sich der rowe. mit arebeite bewegn.
durch daz si den gesten. getrosten wol den mvot.
der kunic mit sinen friwonden. hete churcewile gvot.



Die hochgecete was gevallen. an einen pfinxtach.
do der kunic Ezele. bi Chriemhilde lach.
inder stat ze Wiene. si wän so manigen man.
bi ir ersten vriedel. nie zediensste gewan.

Si chonte sich mit gabe. dem der si nie gefach.
vil maniger darvnder. zo den gesten sprach.
wir wanden daz frov Chriemhilt. niht gvotes mohte han.
nv ist hie michel wnder. von ir gabe getan.

Die hochgecete do werte. wol sibenzehn tage.
ob chunic ie deheiner. mit warheit oder nach sage.
deheine grozer gewinne. daz ist vns gar verdeit.
alle di da waren. die trogen iteniwe chleit.

Si wän in Niderlanden. da vor nie gesaz.
mit so manigem rechen. da von gelovbe ich daz.
was Sivrit rich des gvotes. daz er doch nie gewan.
so manigen rechen edelen. als si zen Hvnin mohte han.

Ouch gab ir nie deheiner. zo sin selbes hochgecit.
so manigen richen mantel. lanch. tief. vnt wit.
noch so richer chleider. der si vil mohten han.
so si durch Chriemhilt. alle heten hie getan.

Die chunden unt die geste. die heten einen moot.
daz si da niht sparten. deheinerflachte gvoot.
swes ieman an si gerte. daz gaben si bereit.
des stvnt da vil der degene. von milte bloz ane chleit.

Wie si ze Rine säze. si gedaht an daz.
bi ir vil edelem manne. ir ovgen wrden naz.
si hetes vaste häle. deiz iemen chunde sehn.
ir was nach manigem leide. so vil der eren hie geschehen.

Swaz iemen tet mit milte. daz was gar ein wint.
vns an Dietrichen. swaz Gotelunges chint.
im gegeben hete. daz was gar verswant.
ovch tet da michel wnder. des milten Rodegeres hant.

Vzer Ungerlande. der forste Glödelin.
der hiez da machen läre. vil manigiv leitfchrein.
von silber vnt von golde. daz wart gar hin gegeben.
man gefach nie kuniges degene. so rehte vroliche lebn.

Swemmel vnt Werbel. die Ezelen spileman.
ich wän ir iestlicher. zer hochgecete da gewan.
wol zetsint marchen. oder dannoch baz.
da div frowe Chriemhilt. bi Ezelen vnder chronen saz.

An dem ahtzehenden morgen. von Wiene si do riten.
da wart inritterscheffe. schilde vil versniten.
von spern die da forten. die rechen an der hant.
svs chome der kunic Ezele. mit freuden inder Hunin lant.

Ze Heimburch der alten. si waren vber naht.
done chunde niemen wizen. wol des volches aht.
mit wie getaner chrefte. si riten durch daz lant.
hen was man schoner frowen. inir heymvete vant.

Ze Miesenburg der richen. da schiften si sich an.
daz wasser wart verdecket. von roff vnt ovch von man.
sam ez erde wäre. swaz man sin vbersach.
die wege muede frowen. heten fenste vnt ovch gemach.

Ze samne was gebunden. manie schif vil gvot.
daz in niht schaden chunde. die venden noch div flvot.
dar vber was gespannen. vil manie gvot gezelt.
sam ob si noch heten. bediv lant vnt velt.



Ze Ezelen bürge. div märe chomen dan.
do frevten sich dar inne. wibe vnt man.
daz Helchen ingesinde. des e' div frowe pflac.
gelebte bi Chriemhilde. sit manigen frölichen tach.

Do stont inlieber warte. vil manic edel meit.
die von Helchen tode. heten manigiv leit.
siben chunige tohter. Chriemhilt noch da vant.
von den was wol gezieret. alles Ezelen lant.


Div iuncfrowe Herrat. noch des gesindes pflac.
div Helchen swester tohter. an der vil tugende lac.
div gemahle Dietriches. eins richen chuniges chint.
div tohter Nantwines. div hete vil der eren sint.

Von der geste chunfte. so troste sich ir mvot.
ovch was dar zu bereitet. vil chrestechliches gvot.
wer chunde iv daz bescheiden. wie sit der kunic saz.
sine gelebten da zen Hunin. mit deheiner choniginne baz.

Do der wirt mit sine wibe. von dem stade reit.
wer ieslichiv wäre. daz wart zehant geseit.
der edeln kuniginne. si gvoytes deste baz.
hen wie gewalteckliche. sit an Helchen stat gefaz.

Mit triwen hoher dienste. wart ir vil bechant.
do teilte div frowe Chriemhilt. golt vnt ovch gewant.
silber unt gesteine. swaz si des vber Rin.
mit ir zen Hunin brahte. daz mose gar zerteilet sin.

Ovch wrden ir mit dienste. sider vndertan.
al des chuniges mage. vnt alle sine man.
daz nie div frowe Helche. so gewaldechlich gebot.
so si no mofin dienen. vnz an den Chriemhilde tot.



Do stont mit solhen eren. der hof vnt oveh das lant.
das man da zallen ziten. die churzewile vant.
swar nach ieslichem. das herce troch den mvot.
durch des kuniges liebe. vnt oveh die koniginne gvot.





Wie Ezele vnt Chriemhilt
nach ir freunden sunden.

XXIII. Auentiure.

In also hohen eren. daz ist alwar.
si wonten bi dem kunige. vnz indaz sibende iar.
di zit diu kuniginne. eines sones was genesen.
des chunde der chunic Ezele. nimmer vrolicher gewesn.

Sine wolde niht erwinden. sine wrbe sint.
das getoufet wrde. das Ezelen chint.
nach christenlichem rehte. Ortlied wart ez genant.
si wolden han zeherrn. ober ellio Ezelen lant.

Swaz ie gvoter tugende. an froun Helchen lac.
des vlez sich frou Chriemhilt. dar nach vil manigen tac.
die site si lerte Herrat. diu ellende meit.
diu hete tougenliche. nach ir frouen groziv leit.


Die fremden vnt die chunden. die iahen da zehant.
das nie milter frowe. besäze ein kuniges lant.
noch deheiniv tivrer lebte. des iach man ir for war.
si erwarv ir lop vil grozen. zen Hunin indaz zwelfte iar.

Si hete nu wol erchonnen. das ir niemen widerstont.
als iz noch fursten wibe. kuniges rechen toont.
vnt das si alle cite. zwelf kunige vor ir sach.
do gedahtes maniger leide. der ir da heime geschach.

Sie gedaht ovch maniger eren. von Nibelunge lant.
der si da was gewaltech. vnt die ir Hagenen hant.
mit Sivrides tode. hete gar benomen.
si gedaht ob im das immer. noch zeleide möhte chomen.

Si wnschte das ir mvoter. wäre in Hunin lant.
ir trovnte das ir Giselher. gienge an der hant.
bi Ezele dem chunige. si chosten zaller stvont.
vil diche in senstem slase. sit wart in arebeiten chvnt.

Sine chvnde ovch nie vergezen. swie wol ir anders was.
ir starchen herren leide. in ir herren si ez las.
mit iamer zallen stvonden. das man sit wol bevant.
do begvnde ir aber salwen. von heizen trahen ir gewant.



Ez lac ir an dem hercen. spat unt frvo.
wie man si ane schulde. brahte der zo.
daz si moose minnen. einen heiden man.
daz het ir frivnt Hagene. vnt ovch Gunther getan.

Daz si daz rechen möhte. des wnschtes alle tage.
ich bin nu wol so riche. swem iz ovch misschage.
daz ich wol minen vinden. mac gefvegen leit.
des wär et ich von Tronege. Hagene gerne bereit.

Nach den getriwen iamert. dichez herce min.
die mir da leide taten. möht ich bi den gesin.
so wrde noch errochen. mines mannes lip.
des ich vil chyme erbite. sprach daz iamerhafte wip.

Ze liebe si do heten. alle skuniges man.
die Chriemhilde rechen. daz was wol getan.
der kamern der pflac Ekkewart. da von er frivnt gewan.
den Chriemhilde willen. mohte niemen verstan.

Si gedahte zallen citen. si wolden kunic biten.
daz er ir des gunde. mit goetlichen siten.
daz man ir frivnde brähete. inder Hunin lant.
den argen willen niemen. an frown Chriemhilt ervant.

Do si eines nahtes. bi dem kunige lac.
mit armen umbevangen. als er vil dicke pflac.
die edelen frowen troveten. si was im so der lip.
do gedahte an ir vinde. daz vil herliche wip.

Si sprach zo dem kunige. vil lieber herre min.
ich wolde ouch biten gerne. möht ez mit fvoege sin.
daz ir mich sehn liezet. wie ich hete daz versolt.
ob ir minen frivnden. wäret innechlichen holt.

Do sprach der kunich riche. getriwe was sin moot.
ich bringe iwch des wol innen. swa lieb vnt goot.
den helden widerfvere. des moef ich freude han.
wande ich von wibes minne. bezzer frivnde nie gewan.

Do sprach die kuniginne. iw ist daz wol geseit.
ich han vil hoher mage. darvmb ist mir so leit.
daz mich die so selten. rouchent hie gesehn.
ich hore min die lute. niwan for ellende ichn.


Do sprach der kunic Ezele. vil liebiv frowe min.
dohtez si niht zeverre. so ladet ich ober Rin.
swelh ir da gerne sah. her imminiv lant.
die rede ir wol behagete. da si den willen sin ervant.

Si sprach welt ir mir triwe. leisten herre min.
so solt ir boten senden. von vns ober Rin.
sone biote ich minen magen. des ich da habe moot.
so chomt vns her zelande. vil manic edel ritter goot.

Er sprach swenne ir gebietet. so lazet ez gesehn.
irn dorstet iwer frivnde. nie so gerne sehn.
als ich hie gesähe. der edeln Voten chint.
mich moet daz harte fere. daz si vns so lange fremde sint.

Er sprach ob do ez ratest. vil liebiv frowe min.
di mine videlere. nach den frivnden din.
wil ich zeboten senden. in Burgonden lant.
die Ezelen videläre. hiez man bringe sa zehant.

Die knappen chomen beide. da ir herre saz.
bi der kuniginne. der kunic in sagte daz.
si solden boten werden. insiner frivnde lant.
do hiez man in bereiten. harte schiere goot gewant.



Vnt ir vart gesellen. vier unt zweinzech man.
di mit in varn solden. zen Burgonden dan.
in tet der chonich Ezele. chont den willen sin.
wie si laden solden. Gonthern mit den frivnden sin.

Do sprach der kunich riche. ich chondiv minen moot.
ich enbiot minen frivnden. lieb vnt alles gvot.
daz si gervchen riten. her inminiv lant.
ich han so lieber geste. harte selten noch bechant.

Vnt ob si mines willen. wellen iht began.
die mine chonemage. daz si des niht lan.
sine chomen mir zeliebe. zvo miner hochgecit.
wande vil der minen wne. an miner frowen magen lit.

Do sprach der knappen einer. der hiez Swämmelin.
benennet vns die hochgecit. wenne sol div sin.
daz miner frowen frivnde. dar zvo mogen chomen.
des wart der kuniginne. ir leides harte vil benomen.

Do sprach der kunic here. die minen hochgecit.
solt ir ze Rine chonden. daz ir gewis des sit.
ze nächsten sonewenden. so wil ich si han.
die vns mit triwen minnen. daz si die reise niht enlan.

Wir tvon swaz ir gebietet. sprach do Wärbelin.
inir kemenaten. bat si div kunigin.
bringen tovgenlichen. da si die boten sprach.
da von sit manigem degene. harte leide geschach.

Si sprach zen boten beiden. ir dienet michel gvot.
ob ir minen willen. tovgenlichen tvot.
so sagt swaz ich enbiote. heim invnser lant.
ich mache ivch gotes riche. vnt gibe iv herlich gewant.

Swaz ir der minen frivnde. immer muget geschn.
ze Wormze bi dem Rine. den solt ir niht verichn.
daz ir noch ie gefahet. betrebet minen mvot.
vnt saget minen dieneft. den heleden chven. vnt gvot.

Gitet daz si leiften. daz in der kunic enbot.
vnt mich da mite scheiden. von aller miner not.
die Hynen mvogen wänen. deich ane frivnde si.
ob ich ein ritter hieze. ich wär in eteswenne bi.


Ir saget ovch Gernote. dem lieben brooder min.
daz im zer werlde niemen. holder mvege sin.
vnt bitte in daz er svore. mit im indizze lant.
die vnser besten frivnde. deiz vns zen eren si gewant.

Vnt sagt ovch Gifelhere. er denche wol daran.
daz er von minen schulden. nie leides niht gewan.
des sehen in vil gerne. hie div ovgen min.
daz wolde ich immer mere. hinz im diende sin.

Nu sagt ovch miner mvoter. die ere die ich han.
vnt ob von Tronege Hagene. welle dort bestan.
wer si danne solde. wifen durch div lant.
dem sint die wege von kinde. her zen Hynin wol bekant.

Die boten niene wessen. wa von daz was getan.
daz Hagene der chvene. solde niht bestan.
hinder in Rine. daz wart in fider leit.
mit im was manigem degene. zem grimmen tode widerseit.

Goteschaft vnt brieve. daz was nu gegeben.
si svoren gvotes riche. vnt mohten schone lebn.
vrlopp gab in Ezele. vnt ovch des kuniges wip.
in was mit richet wäte. vil wol gezieret der lip.



Do der kunic Ezele. von im gefande.
sine boten zu dem Kine. von manigem lande.
braht er vil der rechen. zu finer hochgecit.
der deheiner nimmer mere. chom zu sine lande sit.





Wie die boten ze **R**ine quamen.

XXIV. Auentiure.

Die boten dannen foren. ober Honin lant.
 zu den Burgonden. dar waren si gesant.
 nach drin edeln kunigen. vnt ovch nach ir man.
 die solden chomen Ezelen. des man gahen do began.

Hinze Bechelaren. chomen si geriten.
da diente man in gerne. das wart niht vermiten.
sin dienst enbot do Rodeger. vnt ovch Gotelint.
bi in hin ze Rine. vnt ovch des marcgraven kint.

Sine liezens ane gabe. von in niht scheiden dan.
das deste baz gesveren. die Ezelen man.
Vten vnt ir kinden. enbot do Rodeger.
sine heten in so wäge. deheinen marcgraven mer.

Si enboten ovch Prunhilde. dienste vnt goot.
triwe unt minne. vnt willigen mvot.
do si die rede gehorte. die boten musin varn.
si bat div marcgrauinne. got von himele bewarn.

E das die boten chomen. vol dorch Banerlant.
Wärbel der vil snelle. den guten bisschhof vant.
was der do sinen frivnden. hinze Rine enbot.
das ist mir vngewizzen. niwan sin golt also rot.

Das gab er in zeminne. riten er si lie.
do sprach der bisschhof Pilgerim. solde ich si sehen hie.
mir wäre wol zenvote. die swester sone min.
ich mach leider selten. zo zin chomen an den Rin.

Welhe wege si sveren. ze Rine dorch div lant.
des enchan ich niht bescheiden. ir golt vnt ir gewant.
das ennam in niemen. man vorht ir herren haz.
Ezel was vil gewaltich. man erchande in allen landen das.

Inre tagen zehenen. si chomen an den Rin.
ze Wormze zo der veste. Wärbel vnt Swämmelin.
do sagte man div märe. den kvnigen vnt ir man.
da chömen boten vrende. Gunther vragen do began.

Do sprach der vogt von Rine. wer tvot vns bechant.
von disen vrenden rechen. die choment indaz lant.
daz enwesse nieman. vnze si gesach.
Hagene der chvone. der helt zu Gunthere sprach.

Uns choment niwe märe. des wil ich iv veriehn.
die Ezeln videläre. die han ich hie gesehn.
si hat iwer swester. gesendet an den Rin.
durch die Ezelen liebe. si soln vns willechomen sin.

Si riten vil bereite. fver den palas dan.
ez gefvoren herrenlicher. nie forsten spileman.
des chuniges ingesinde. enpfie si sa zehant.
ir ros man herbergen. vnt hiez behalten ir gewant.

Ir reisechleider waren. rich vnt so getan.
daz si mit eren mohten. for den kunic gan.
der enwolden si niht mere. da zehove tragn.
obf iemen nemen wolde. die boten hiezen daz sagn.

In der selben mase. man ovch lote vant.
die ez vil gerne namen. den wart ez gesant.
do leiten an die geste. verre richer wat.
als ez boten kuniges. zetragen herlichen stat.

Do gie mit vrlouve. da der kunic saz.
daz Ezelen gesinde. vil gerne sah man daz.
Hagene von den sedele. gein den boten spranch.
vnt lief in engegene. des sagten im die chnappen danch.

Durch div chvonden märe. vragen er began.
wie sich gehabte Ezele. vnt ovch sine man.
do sprach der videläre. daz lant gestvnt nie baz.
noch wrden vro die lvote. ich sag iv endeckliche daz.

Er brahtes zu den wirt. der palas der was vol.
do enpfie man die geste. so man von rehte sol.
minnechliche groezen. in ander konige lant.
Swämmil vil der degene. da bi Gunthere vant.

Der chunic gezogenliche. groezen si began.
sit willechomen beide. ir Ezelen spileman.
vnt iwer hergesellen. hat ioch her gesant.
der kunic von den Hunin. zu der Burgonden lant.

Mit zucht si nigen beide. do sprach Wärbelin.
iw enbietet sinen dienest. der liebe herre min.
vnt Chriemhilt iwer swester. her indisse lant.
si habent ons iw heleden. ingroezen triwen her gesant.

Do sprach der forste riche. der märe bin ich vro.
wie gehabt sich Ezelen. so sprach der chunic do.
vnt Chriemhilt min swester. vzer Hunen lant.
do sprach der videläre. diu märe twn ich iw bechant.

Sich gehabt chunige. ir solt wol wizen das.
indeheimem lande. vrolicher noch bas.
vnt allez ir gedigene. die mage vnt och ir man.
si freuten sich der reise. do wir schieden von in dan.

Gnade siner dienste. die er mir enboten hat.
vnt och miner swester. mir ist liep das also stat.
das si so lebnt mit vreden. der chunic vnt sine man.
wande ich doch der märe. gevraget sorgende han.

Die zwene iungen chunige. waren och nu chomen.
wande si diu märe. heten erst vernomen.
durch ir swester liebe. die boten gerne sach.
Eifelher der iwng. der zu sin goetlichen sprach.

Ir boten soldet groze. vns willechomen sin.
ob ir dicker woldet. zvnf riten an den Rin.
ich wän ir frivnde fondet. die ir gerne möhtet sehen.
ir folde von vns degenen. luzzil leides gescheln.

Wir getrowen ir aller eren. sprach do Swämmelin.
ine chond ir niht bewären. mit den sinnen min.
wie minneklich ir Ezele. her enboten hat.
vnt iwer edeliv swester. der dinch inhoher wurde stat.

Gnade vnt triwe. mant ich des kuniges wip.
vnt daz ir ie was wäge. iwer herce vnt iwer lip.
vnt zevorderst dem kunige. sin wir her gesant.
daz ir gervchet riten. zwo zin inder Honin lant.

Ez sol och mit ir riten. der herre Gernot.
Ezele der riche. ir allen daz enbot.
ob ir ich iwer swester. niht sehn woldet lan.
so wolde er gerne wizen. was er ir rechen hete getan.

Daz ir also vrendet. in vnt siniv lant.
ob ir diu kuniginne. wäre nie bechant.
so möht er doch verdienen. daz in ir rochet sehn.
swenne daz geschehe. so wär im liebe gescheln.

*Do sprach der chvnech Gvnther ober dise siben naht.
so chvend ich diu märe wof ich mich han bedaht.
mit den minen frivnden di wile solt ir gan.
in iwer herberge vnt svelte vil gvote rove han.

Do sprach aber Wärbelin vnt moecht daz geschehen.
daz wir mine frowen. chonden e' gesehen.
Vten di vil richen e' wir schveffen vns gemach.
Giselher der edele do vil zvehtechlichen sprach.

Das sol iw niemen wenden welt ir sver si gan.
ir habt miner moter willen gar getan.
want si sihet ioch gerne durch di swester min.
vroun Eriemhilden ir solt ir willechomen sin.

Gifelher si brahte da er di vrowen vant.
di boten sach si gerne von der Hivnen lant.
si grvztes minnechliche durch ir tugende mot.
do sagten ir div märe di boten hoffsh vnde got.

Ja enbietet iw min vrowe so sprach Swemmelin.
dienest vnde trivve mohte daz gesin.
daz si ioch diche sähe ir solt gelovben daz.
so wär in der werlde mit deheinen vreden baz.

Do sprach div chveneginne des enmach niht gesin.
swie gerne ich dicke sähe di lieben tohter min.
so ist mir leider ce verre des edeln chveneges wip.
nw si immer sälich ir vnd Eceln lip.

Ir solt mich lazen wizen e' ir; gerumet hie.
wenne ir wider wellet ine gesach so gerne nie.
boten in langen ziten denne ich ioch han gesähen.
di chnappen ir do lopten daz si daz liezen geschehen.

Zen herbergen foren di von Hivnen lant.
do het der kvenech riche nach frivnden sin gesant.
Ewenther der edele vragte sine man.
wi in div rede geviele vil maniger do sprechen began.

Das er wol mochte riten in Eceln lant.
daz rieten im di besten di er da vnder vant.
ane Hagen eine dem was ez grimme leit.
er sprach zem kvenige tovgen ir habt iw selben wider seit.

Nu ist iw doch gewizen waz wir haben getan.
wir muogen immer forge zu Eriemhilde han.
wand ich sloch ze tode ir man mit miner hant.
wie getorste wir riten in daz Eccln lant.

Do sprach der kvnech riche min swester lie den zorn.
mit chuffe minnecliche si hat of vns ver chorn.
daz wir ir ie getaten e' si von hinnen reit.
ezen si et Hagen danne iw einem wider seit.

Nu lat ioch niht betragen sprach Hagene swes si iehen.
di boten von den Hivnen welt ir Eriemhilde sehen.
ir muogt da verliesen di ere vnt ovch den lip.
ia ist vil lanch räche des kvnech Eccln wip.

Do sprach zu dem rate der forste Gernot.
sit ir von schulden fuerchtet da den tot.
in Hivnisschen richen solde wirz dar umbe lan.
wir ensehen vnser swester daz wäre vil vbele getan.

Do sprach der fuerste Giselher zu dem degene.
sit ir ioch schuldech wizet frivnt Hagene.
so solt ir hi beliben vnt ioch wol bewarn.
vnt lazet diu getverren zu miner swester mit vns varn.

Do begonde zuernen von Tronege der degene.
ine wil daz ir iemen fuerchtet of den wegen.
der getverre riten mit iw ee hove baz.
sit ir niht welt erwinden ich sol iw wol erzeigen daz.

Do sprach der cuchen meister Kvmolt der degene.
der vrenden vnt der chunden mohtet ir wol heizen pflegen.
nach iwer selbes willen wand ir habet vollen rat.
ich wäne niht daz Hagene ioch noch ver gifelt hat.

Welt ir niht volgen Hagene ir rätet Romolt.
wand ich ir bin mit triuwen vil dienstlichen holt.
daz ir solt hi beliben durch den willen min.
vnde lat den kvenech Ecel dort bi Eriemhilde sin.

Wi chynde ir in der werlde immer sanfter wesen.
ir moegt vor iuvern finden harte wol genesen.
ir solt mit goten chleidern zieren wol den lip.
trinchet win den besten vnt minnet wätlich ir wip.

Dar zu git man ir spise di besten di e' gewan.
in der werlt kvenech deheiner ob des niht moecht ergan.
ir soldet noh beliben durch irer schöne wip.
e' ir so chintliche soldet wagen den lip.

Des rat ich beliben rich sint iuwer lant.
man mach ir baz erlösen hie heime diu pfant.
danne da en hynnen wer weiz wie ir da gestat.
ir solt beliben herren daz ist der Romoldef rat.

Wir wellen niht beliben sprach do Gernot.
sit daz vns min swester so minnechlich enbot.
vnt Ecel der riche zu ir solde wir daz lan.
der dar niht gerne wolle der mach hi heime bestan.*

Nu lat ir vnbilden. sprach do Hagene niht.
mine rede darvmb. swie halt ir geschicht.
ich rat ir an den triuwen. welt ir irch wol bewarn.
so solt ir zu den hynnen. vil gewärliche varn.

Sit ir niht welt erwinden. so besendet irer man.
die besten die ir vinden. oder inder moegt han.
so wel ich vor in allen. tosent ritter got.
sone chan vns niht gewerren. der argen Chriemhilde muot.

Des wil ich gerne volgen. sprach der kunic zehant.
do hiez er boten riten. witen in sin lant.
do brahte man der helde. driu tofint vnt mer.
si wanden niht erwerben. also gremelichiu ser.

Si riten willechliche. in Gunthers lant.
man hiez in gebn allen. roffe vnt oveh gewant.
die mit in varn wolden. zu den Hunen dan.
der kunic in gotem willen. der vil manigen gewan.

Do hiez von Tronege Hagene. Danchwart den brooder sin.
ir beider rechen schzich. bringen an den Rin.
die chomen ritterliche. harnasch vnt gewant.
des brahten vil der degene. in das Gunthers lant.

Do chom der herre Volker. ein koene spileman.
hinze hove nach eren. mit driizech siner man.
die heten solch gewate. ez moht ein kunic tragen.
das er zen Hunin wolde. das hiez er dem chonige sagen.

Wer der Volker ware. das wil ich wizen lan.
er was ein edel herre. im was oveh vndertan.
vil der gvoten rechen. in Burgonden lant.
durch das er videln kunde. was er der spileman genant.

Evsent welt Hagene. die hete er wol bechant.
vnt was instarchen stvremen. hete gefrvemt ir hant.
vnt swaz si ie begiengen. des het er vil geschn.
in chonde oveh anders niemen. niwan frvemeite iehn.

Die boten von den Hunen. vil sere da verdroz.
wande ir vorht zir herren. div was harte groz.
si gerten tageliche. vrloubes von dan.
des engunde niht Hagene. das was durch liste getan.

Er sprach zu sine herren. wir soln das wol bewarn.
das wir si iht lazen riten. e' das wir selbe varn.
dar nach intagen sibenen. wider in ir lant.
treit vns iemen argen moot. das wirt vns deste baz bechant.

Gone chan och sich vrov Chriemhilt. bereiten niht dar zu.
das vns durch ir räte. iemen schaden tuo.
hat aber si den willen. ez mag ir leide ergan.
wande wir fveren hinnen. manigen v; erwelten man.

Sättil vnt schilde. vnt ander ir gewant.
das si fveren solden. in Ezelen lant.
das was nu gar bereitet. vil manigem chvenem man.
die Ezelen videläre. hiez man do ze hove gan.

Do si die forsten sahen. do sprach Gernot.
der chonic wil nu leisten. das Ezel vns enbot.
wir wellen chomen gerne. zu siner hochgezit.
vnt sehn unser swester. das ir des anc zuwivel sit.

Do sprach der kunic Gonther. ir solt vns wizen lan.
wenne si die hochgezit. zen Hunen wellen han.
des antwertem kunige. der bote Swämmelin.
ze nächten svnewenden. so sol si sicherlichen sin.

Der chynich in erlobte. des was noch niht geschehn.
ob si gerne wolden. Prvnhilde sehn.
das si for si solden. mit sine willen gan.
das vnderstont do Volker. das was ir liebe getan.

Dan ist so sprach Volker. ein edel ritter gvot.
Prvnhilt min frowe. nu niht wol gemvot.
bitet vnze morgen. so lät mans ivch sehn.
do si sie wanden schowen. done chundes niht geschehen.

Do hiez der chonic riche. der was den boten holt.
durch fines hercen togende. tragen dar sin golt.
vf den breiten schilden. des er vil mohte han.
ovch wart in richiv gabe. von sinen friunden getan.

Gernot vnt Gifelher. Gere vnt Oertwin.
daz ovch si milte wären. daz wart da vil wol schin.
also riche gabe. si sie boten an.
daz si ir vor ir herren. deheine torsten enpfan.

Do sprach zo dem chunige. der bote Wärbelin.
her chonic lat iwer gabe. inivrem lande sin.
wir mugen ir niht geforen. min herre ez vns verbot.
daz wir iht gabe enpfingen. ovch ist es decheinerflachte not.

Des wart der chonic here. sere vngemvot.
daz si versprechen wolden. so riches koniges gvot.
doch moften si enpfahen. sin golt vnt sin gewant.
daz si mit in brahten. sit in Ezelen lant.

Si wolden sehen Vten. e' daz si schieden dan.
Gifelher der snelle. braht die spileman.
zehove for sine mvoter. div frowe endot do dan.
swaz si eren hete. daz wäre ir liebe getan.

Do hiez div kuniginne. ir porten unt ir golt.
gebn durch Chriemhilde. wan der was si holt.
vnt durch den kunec Ezelen. den selben spileman.
si mohtenz wol enpfahen. ez was mit triwen getan.

Urloov genomen heten. von wibe vnt von man.
die boten Chriemhilde. mit frevden si do dan.
svorn vnz in Swaben. dar hiez si Gernot.
sine lute leiten. daz ez in niemen missebot.

Do sich die von in schieden. die ir solden pflegn.
div Ezelen herschaft. si vridet of allen wegn.
des ennam in niemen. ir ros noch ir gewant.
si begonden vaste gahen. wider inder Hynen lant.

Swa si ir frivnde iht wisten. daz taten si den chvnt.
daz die Burgonden. invil chvrccer stont.
zetal von Kine fveren. inder Hynen lant.
dem bisschofe Pilgerine. div märe wrden ovch bechant.

* Da si fver Bechelaren di straze nider ritten.
man saget es Kvedger daz enwart niht ver mitten.
vnde Gotelinde des margraven wip.
daz si si sehen solde des wart vil vrölich ir lip.

Gahen mit den mären sah man di spilman.
Eceln si funden in der stat ze Gran.
dienest vber dienest der man im vil en bot.
sageten si dem kvenige vor liebe wart er frevden rot.

Do div chveneginne div märe recht ervant.
daz ir broder solden chomen in daz lant.
do was ir wol ze mote si lonte den spileman.
mit vil grozer gabe daz was ir ere getan.

Si sprach nu sagt beide Wärbel vnt Swemmelin.
welhe mine mage cer hochit wellen sin.
der besten di wir ladeten her in dize lant.
nu sagt was redete Hagene do er div märe bevant.

Er sprach der chom cer sprache an einem morgen frv.
lvecel guter sprveche redet er der zv.
do si di reise lobten her in Hynen lant.
daz was dem grimmen Hagene gar cem tode genant.

Ez choment iower broder di chvenige alle dri.
in herlichem mwote swer mer da mite si.
der märe ich endechlichen wizen nine chan.
ez lobt mit in riten Volker der chvene spileman.

Des en bär ich harte lihte sprach des koeneges wip.
deich immer sähe den Volkeres lip.
Hagenen bin ich wäge der ist ein helt vil got.
daz wir in sähen mwesen des stat mir hohe der mot.

Do gie div chveneginne da si den kvenech sach.
wi rehte minnechliche Eriemhilt do sprach.
wi gevallent iv div märe lieber herre min.
des ie min wille gerte daz sol nu ver endet sin.

Din wille deist min vrede sprach der kuenich do.
ine wart min selbes mage ni so rehte vro.
ob si iemer chomen solden her in miniv lant.
durch liebe diner frivnde so ist min sorge ver swant.

Des chveneges ammetliote di hiezen veber al.
mit gesidele rihten palas vnt sal.
gegen den lieben gesten di in da solden chomen.
sit wart von in dem chvenege vil michel weinen benomen.






Wie die herren alle zen Hiinnen
fuoren.

XXV. Auentiure.

No laze wir beliben wi si geforen hie.
hochgemote rechen die geforn nie.
so rechte herliche in deheines chveneges lant.
si heten swaz si wolden beidiv waffen ont gewant.



Der vogt von dem Rine chleidete sine man.
sehzech vnt tosent als ich vernomen han.
vnt niuven tosent chnechte gegen der hohgecit.
di si da heime liezen die beweineten; sit.

Do troch man div gereite ce Wormez veber den hoff.
do sprach da von Sphre ein alter bisshoff.
zo der schönen Vten vnser frivnde wellent varn.
gegen der hohgecite got moez ir ere da bewarn.


Do sprach zo zir chinden div edel Vte.
ir soldet hie beliben helde gute.
mir ist getroumet hinte von angestlicher not.
wi alle; diz gefvegele in disem lande wäre tot.

Swer sich an troume wendet sprach do Hagene.
der en weiz der rechten märe niht ze sagene.
wenn ez im ze eren vollechlichen ste.
ich wil daz min herre ze hove nach verlovbe ge.

Wir soln gerne riten in Eceln lant.
da mach wol dienen chvenegen guter held hant.
da wir da schovven moezen Eriemhilde hohgecit.
Hagen riet di reise iedoch gerov ez in sit.

Er hetez wider raten want daz Gernot.
mit ungesvegen worten im also missebot.
er mant in Sifrides vrown Eriemhilden man.
er sprach da von wil Hagene di grozen hove reise lan.

Do sprach von Tronege Hagene durh vorhte ich nine tuo.
swenne ir gebietet helde so solt ir griffen zo.
ia rit ich mit iv gerne in Ecelen lant.
sit wart von im verhovven vil manich helm vnde rant.



Div schiff bereitet waren da was vil manech man.
swaz si chleider heten div troch man dar an.
si waren vmmvezech vor abendens zit.
si hvoben sich von hose vil harte vröliche sit.

Gezelt vnde hvetten spien man an daz gras.
anderthalp des Rines do daz geschehen was.
der kvnech bat noch beliben daz sin vil schöne wip.
si tvote noch des nahtes den sinen wätlichen lip.


Posunen slontieren hov sich des morgens frv.
dar si varn solden da bereiten si sich zv.
swer liep heten arme der tvote frivndes lip.
des sehete sit vil mit leide des kvnech Ecelen wip.

Div chint der schönen Vten di heten einen man.
chvone vnt getrivve do si wolden dan.
do sagt er dem kvnege tovgen sinen mot.
er sprach dez mvze ich tvoren daz ir di hove reise tot.

Er was geheizen Romolt vnt was ein helt eer hant.
er sprach wem welt ir lazen liote vnt ovch div lant.
daz niemen chan erwenden iv recken ivvern mot.
div Eriemhilden märe nie gedvhten mich got.

Daz lant si dir bevolhen vnt min kindelin.
vnt diene wol den provven daz ist der wille min.
swen du shefst weinen dem tröste sinen lip.
iane getvt vns nimmer des kvnech Eceln wip.

Div rossf bereitet waren den kvnegen vnt ir man.
mit minnechlichem chvessen schiet vil maniger dan.
dem in hohem mote lepte da der lip.
daz mvse sit beweinen manich wätliches wip.



Do man di snellen recken cen rossen sah gan.
do chos man vil der vrowen tvrechlichen stan.
daz ir vil lange; scheiden sagt in vil wol ir mot.
vf grozen schaden ce chomene daz herce niemen sanfte tvt.

Di snellen Obergonden sich v; hvoben.
do wart in dem lande ein michel voben.
beidenthalp der berge weinte wip vnt man.
swi dort ir volch getäte si foren vroeliche dan.


Di Nibelunges helde chomen mit in dan.
in tosent halpbergen ce hvs si heten lan.
vil manige schöne vrowen di gefahen si nimmer me.
di Sifrides vonden taten Criemhilde we.

Do schicheten si ir reise gegen dem Meovne dan.
vf durch Ostervranchen di Sventheres man.
dar leite si do Hagene dem was ez wol bechant.
ir marschalk was Danchwart der helt von Obergonden lant.

Do si von Ostervranchen gegen Salvelde ritten.
do mohte man si chiesen an herlichen siten.
di foersten vnt ir mage di helde lobesam.
an dem zwelften morgen der kvenich an di Conovve quam.

Do reit von Tronege Hagen zaller vorderost.
er was den Nibelungen ein helflicher trost.
do der beizte der degene chvone nider vf den sant.
sin roff er harte balde zv zeinem bovme gebant.

Daz wazer was engozen div sciff verborgen.
ez ergie den Nibelungen ze grozen sorgen.
wi si chomen vebere der wach was in ze breit.
do erbeizte zv der erden vil manich ritter gemeit.



Leide sprach do Hagene mach dir wol hi geschehen.
voget von dem Rine nu maht do selbe sehen.
daz wazer ist engozen vil starck ist im sin swot.
ia wāne wir verliesen noch hivte hie manigen helt got.

Waz wizet ir mir Hagene sprach der kvenech her.
durh iover selbes togende vntroestet vns niht mer.
den fort solt ir vns suchen hin veber an daz lant.
daz wir von hinnen bringen beidiv roff vnd ovch gewant.


Ian ist mir sprach Hagene min leben niht so leit.
daz ich mich welle er trenchen in disen venden breit.
e' sol von minen handen ersterben manich man.
in Eeeln landen des wil ich goten willen han.

Gelibet bi dem wazer ir stolzen ritter got.
ich wil di vergen sochen selbe bi der swot.
di vns bringen vebere in Gelfrates lant.
do nam der starcke Hagene sinen goten schildes rant.

Er was vil wol gewaffent den schilt er dannen troch.
sinen helm vsgbunden licht was er genoch.
do trug er ob der broenne ein waffen also breit.
daz er beden eken harte vreislichen sneit.

Do socht er nah den vergen wider vnd dan.
er horte wazer giesen losen er began.
in einem schönem brunnen daz taten wisiv wip.
di wolden sih da chvelen vnd badeten ir lip.

Hagen wart ir innen er fleich in toggen nach.
do si daz versonnen do wart in dannen gach.
daz si im entronnen des waren si vil her.
er nam in ir gewäte der helt en schadete in niht mer.



Do sprach das eine merewib Hadeborch was si genant.
edel ritter Hagene wir ton in hie bechant.
swenne ir vns degen chvone gebet wider vnser wat.
wi in ze den Hivnen disiv hove reise ergat.

Si swebten sam di vocele vor im vof der slot.
des dvhten in ir sinne starch vnd got.
swaz si im sagen wolden er gelovbte; deste baz.
des er do hinz in gerte vil wol bescheideten si im das.


Si sprach ir moegt wol riten in Eecln lant.
des setze ich in ee boergen mine trivve hi ee hant.
das helde nie gefvoren in deheiniw riche baz.
nach also grozen eren nu gelovbet wärliche das.

Der rede was do Hagene in sinem hercen her.
do gap er in ir chleider vnt somte sich niht mer.
do si do angeliten ir wonderlich gewant.
do sagten si im rehte di reise in Eecln lant.

Do sprach das ander merewip diu hiez Sigelint.
ich wil dich warnen Hagen das Aldrianes chint.
durch der wäte liebe hat min mvome dir gelogen.
chvemestv hincen Hivnen so bistv sere betrogen.

Da sol tv cheren widere das ist dir an der zit.
wand ir helde chvone also geladet sit.
das ir sterben moezet in Eecln lant.
swelhe dar geritent di habent den tot an der hant.

Do sprach aber Hagene ir triaget anc not.
wie möhte; sich gefvegen das wir alle tot.
solden da beliben durch iemens haz.
si begonden im diu märe sagen chventlicher baz.



Do sprach aber diu eine ez mu3 also wesen.
daz iuwer deheiner chan da niht genesen.
niwan des chvoneges kappelan daz ist vns wol bechant.
der chvemet gesunt widere in daz Euentheres lant.

Do sprach in grimmem mvote der chvone Hagene.
daz wære minen herren mvelich ee sagene.
daz wir alle en Hivnen solden verliesen den lip.
noch zeige vns vber3 wazer daz aller wifeste wip.


Si sprach sit du der verte niht welles haben rat.
swa obene bi dem wazer ein herberge stat.
da inne ist ein verge vnd niender ander swa.
der mære der er vragte der gelovbet er sich da.

Dem vngemveten rechen sprach diu eine nach.
nu bitet noch her Hagene ia ist iu gar ze gach.
ver nemet noch diu mære wir chvomet veber lant.
dirre marcherre der ist Else genant.

Sin brooder ist geheizen der degen Gelpfrat.
ein herre in Oener lande wi mvelich ez iu stat.
welt ir durch sine marche ir solt iu wol bewarn.
vnd solt ovch mit dem vergen vil bescheidenliche varn.

Der ist so grimmes mvotes er lat ioch niht genesen.
iren welt bi dem helde mit gvoten sinnen wesen.
welt ir daz er ioh svere so gebet im den solt.
er hvetet diffes landes vnt ist Gelpfrade holt.

Vnde chvom er niht bezite so rufet veber flot.
vnd icht ir heizet Amelrich der was ein helt got.
der dorch fientschepste rvomte disse lant.
so chvmt iu der verge swenne im der nam wirt genant.



Der uebermote Hagen der vrowen do neich.
ern redete niht mere wan daz er vaste sweich.
do gie er bi dem wazer fver sich an den sant.
da er anderthalben ein herberge vant.

Er begonde vaste ruoffen hin ueber den flot.
nw hol mich hi verge sprach der degene got.
so gip ich dir ce miete einen bouch von golde rot.
ia ist mir dirre verte daz wizeft wärliche not.

Der verge was so riche daz im niht dienen zam.
da von er lon vil selten von iemen da genam.
ovch waren sine chnechte vil harte hohgemot.
noh stont alles Hagen eine dischalp der flot.

Do roffte er mit chreffte daz al der wag er doz.
wan des heldes sterche was michel vnd groz.
nw hol mich Amelrichen ich pin der Elsn man.
der durch starche fintschafft disem lande entran.

Vil hohe an dem swerte einen bouch er im bot.
licht vnd schöne was er von golde rot.
daz man in ueber forte in Gelpfrades lant.
der uebermote verge nam selb daz roder an die hant.

Ovch was der selbe verge niulich gehit.
diu gof nach grozem gote vil böse ende git.
do wold er ver dienen daz Hagenen gold so rot.
dez leid er von dem degene den swert grimmigen tot.

Der verge ilte genote hin vber an den sant.
den er dannen horte do er des niht envant.
do zornete er ernslichen als er Hagenen sach.
vil harte grimmechlich er zu dem degene sprach.



Ir moget wol sin geheizen benamen Amelrich.
des ich mich hie ver wane dem sit ir ungelich.
Von vater vnd von muter was er der bruder min.
nu ir mich betrogen habt ir moezet dischalp sin.

nein durch got den richen sprach do Hagene.
ich bin ein recke vremde vnt sorge vff degene.
Nu nemet hin vrvntliche hute minen solt.
das ir mich ober foret ich bin in wärlichen holt.


do sprach abe der verge des mach niht gesin.
ez habent fiande di lieben herren min.
Darumbe ich niemen vremden foere in dis lant.
so liebe dir si ee lebene so trit vil balde v3 an den sant.

nune totes niht sprach Hagene wan treuech ist min mot.
nemet von mir ee minne dis golt vil got.
vnt foret vns veber tosent ross vnt also manigen man.
do sprach der grimme verge ez wirdet nimmer getan.

Er hob ein starchez ruder michel vnd breit.
er sloch v3 Hagenen des wart er vngemeit.
das er in dem schiffe stochte an siniv chnie.
so rechte grimmer verge der chom dem Troneger nie.

Do wolde er baz erzornen den obermoten gast.
er sloch im einen schalten das diu gar cer brast.
Hagen ober das houbet er was ein starcher man.
da von der Elfen verge grozen schaden da gewan.

Mit grimme gem mote greif Hagen ze hant.
vil balde ze siner scheiden da er ein waffen fand.
er sloch im ab das houbet vnd warf ez an den grvnt.
diu märe wrden schiere den stolzen Borgonden chvnt.



In den selben stonden do er den schifman sloch,
daz schiff daz vloz en ovve daz was im leit genwech,
e' erz gerichte widere moeden er began,
do zo h vil crefteliche dez chvonech Ewentheres man.

Mit wegen harte swinden chert ez der gast,
vuz im daz starche roder in der hende brast,
er wolde zu den recken vuz an einen sant,
da was deheinez mere hej wi schier erz da gebant.


Mit einem schilt vuzel daz was ein porte smal,
gegen einem walde chert er hinze tal,
do vant er sinen herren an dem stade stan,
do gie im hin engegen vil manich wällicher man.

Mit grooze in wol enpfienge di snellen ritter got,
do sahens in dem schiffe riechen daz blot,
von einer starchen vonden die er dem vergen sloch,
do wart von den degenen gevraget Hagen genwech.

Do der kvenich Ewenther daz heize blot er sach,
swiben in dem schiffe wi balde er do sprach,
wan sagt ir mir Hagene war ist der verge chomen,
ivver starchez ellen ich wän im daz leben hat benomen.

Do sprach er lovgentliche da ich daz schif da vant,
bi den wilden widen da lost ez min hant,
ich han deheinen vergen hiote hie gesehen,
ez ist ovch niemen leide von minen scholden hi geschehen.

Do sprach von Borgonden der herre Gernot,
hiote muz ich sorgen of lieber frivnde tot,
sit wir der schiffliote bereite nine han,
wi wir chomen vever def muz ich tvrende stan.



Vil lute rief do Hagen leit nider vf das gras.
ir chnechte diu gereite ich gedenche das ich was.
der aller beste verge den man bi dem Kine vant.
ia getrove ich ouch wol bringen hin veber in Gelpfrades lant.

Das si dester balder chömen veber flot.
diu roff si ansvogen das swimmen das wart got.
wand in diu starch vende deheinez da benam.
etelichez oovete verre als ez mveden began.

Do trogen si cem scheffe ir golt vnd ooh ir wat.
sit das si der verte niht mohten haben rat.
Hagen was da meister des furt er vff den sant.
vil manigen richen recken in das vchvnde lant.

Zem ersten braht er veber tosent ritter her.
dar nach sine recken dan noch was ir mer.
niuntosent knechte furt er an das lant.
des tages was vnnvezech des Tronegeres hant.

Do er si wol gesunde brahte veber den flot.
do gedahte vremder märe der suelle degen got.
diu im e' da sageten diu wilden merwip.
des het des choneges kapelan nach ver lorn sinen lip.

Bi dem kappelsavme er den psaffen vant.
ob dem heilehtvme er leinte an finer hant.
des moht er niht genizen do in Hagen sach.
der gotes arme priester mvose liden vngemach.

Er swang in v; dem schiffe dar zu wart im gach.
do rieffen ir genoge nu vaha herre vach.
Gifelher der iunge zvernen erz began.
ern wolt iz doh niht lazen ir deheinen vnderstan.



Do sprach von Borgonden der herre Gernot.
was hilffet ioh nu Hagene des kappelanes tot.
tät ez ander iemen das sold iw wesen leit.
umbe welhe scholde habt ir dem priester wider seit.

Der pfaffe swam genote er wolde sin genesen.
ob im iemen hvelse des mohte da niht wesen.
wan der starche Hagene vil zornech was gemot.
er stiez in zu dem grunde das duhte niemene got.


Do der arme pfaffe der helpe nime sach.
do chert er wider vebere des leid er ungemach.
swi er niht swimmen chvnde im half diu gotes hant.
das er wol chom gesunder hin wider v; an das lant.

Do stunt der arme priester vnde schotte sine wat.
da bi sach wol Hagen das sin niht wäre rat.
das im fver war sageten diu wilden merewip.
er dahle dise degene mwesen verliesen den lip.

Do si das schif entluden vnd gar getrogen dan.
swaz dar vf heten der drier chvnege man.
Hagen stoch ez ce stochen vnd warf ez an den stot.
des het michel wunder di recken chvne vnde got.

Zwiv tot ir das brvder so sprach Danchwart.
wi sol wir veber so wir di wider vart.
riten von den Hivnen ze lande an den Rin.
sit do sagete in Hagene das des chvnde niht gesin.

Do sprach der held von Tronege ich ton iz vf den wan.
ob wir an dirre reise deheinen zagen han.
der vns entrinnen welle durch zägeliche not.
der mv; an disem wäge doch liden schameliche tot.



Si forten mit in einen v3 Borgonden lant.
einen helt ze sinen handen der was Volker genant.
der redete späheliche allen sinen mot.
swaz ie begie der Hagene daz duht den videläre got.

Ir ross bereitet waren di sovmer wol geladen.
si heten an der verte noch deheinen schaden.
genommen der si mvete wan des chuneges chappelan.
der mose vffe sinen svezzen hin wider zu dem Rine gan.



8



Wie Dankwart
Gelfraten schwach

XXVI. Auentiure.

Do si nu waren chomen alle offe den sant.
der kvenech begonde vragen wer sol vns durch daz lant.
di rechten wege wifen daz wir niht irre varn.
do sprach der starche Volker daz sol ich eine bewarn.



Nu enthaltet ioch sprach Hagene ritter unde chnecht.
man sol frivnden volgen ia dvnchet ez mich reht.
vil vngefvegiu märe diu ton ich iw bechant.
wir enchomen nimmer in Borgonden lant.

Das sageten mir zwei merwip hivte morgen fru.
daz wir niht chomen widere nu rat ich was man tu.
daz ir ioch waffent helde ir solt ioch wol bewarn.
wir han hie starche fiende daz wir gewärliche varn.


Ich wande an logen finden diu wilden merwip.
si iahen daz gesvnder vnser deheines lip.
wider ze lande chöme niwan der kappelan.
dar umb ich in wolde so gerne hivt ertrenchet han.

Do slogen diu märe von schare ce schar.
des wrden snelle helde vor leide missevar.
do si begonden sorgen vf den herten tot.
an dirre hove reise des gie in wärliche not.

Da ze Möringen si waren veber chomen.
da dem Elsen vergen der lip was benomen.
do sprach aber Hagene sit daz ich fiende han.*
an dirre vart erworben. wir werden sicherlich bestan.

Ich slooch der herren vergen. hivte morgen fruo.
si wizen wol diu märe. nu griset balde zvo.
ob Else vnt Gelpfrat. noch hivte hie bestat.
vnser ingesinde. daz ez in schedelich erge.

Ich erchenne si so chvne. ez wirdet niht verlan.
diu ros diu solt ir lazen. destie sanfter gan.
daz des iemen wäne. wir vlihen vf den wegen.
des rates soln wir volgen. sprach da vil maniger chvner degen.



Wer sol nu daz gefinde. wifen ober lant.
si sprachen daz tuo Volker. dem sint hie wol bechant.
stige vnt straze. der chune spileman.
e' daz manz gespräche. do sah man wol gewasent stan.

Den snellen videläre. den helm er vf gebant.
in herlicher varwe. was al sin wich gewant.
er bant och zeime scafte. ein zeichen daz was rot.
sit chom er mit den chonigen. in eine grosliche not.

Do was tot des vergen. nu Gelpfrate chomen.
mit eime waren märe. do het iz och vernomen.
sin brvoder Else. ez was in beiden leit.
si sanden nach ir degenen. die waren schiere bereit.

In vil churcen citen. als wir vernomen han.
sah man da zo zin riten. die heten scaden getan.
instarchem vrlivge. vil vngesogiv ser.
der chomen Gelpfrate. wol siben hundert oder mer.

Do si ir grimmen vinden. begunden riten nach.
ia leiten si ir herren. den was ein teil zegach.
nach den chvenen gesten. si wolden anden zorn.
des wart der herren frivnde. sider mere verlorn.

Do het der wise Hagene. wol gesoget daz.
wie mohte siner frivnde. ein helt gehuten baz.
er pflac der nach hvote. mit sehzech siner man.
vnt Danchwart sin brvoder. daz was vil wislich getan.

In was des tages zervonnen. des heten si niht mer.
er vorht an sinen frivnden. leit vnt ser.
si riten vnder schilden. durch der Geyer lant.
dar nach inchurcen stonden. die helde wrden an gerant.



Beidenthalp der strazen. vnt hinden vaste nach.
hvosslege si horten. dem volche was zegach.
do sprach der chone Danchwart. man wil hie vns bestan.
nv binden of die helme. das ist ratlich getan.

Si hielten ab ir verte. als ez do moose sin.
si sahen inder vinsten. der liechten helme schin.
done wolde Hagene. niht langer si verdagen.
wer iagt vns of der straze. das mvos im Gelpfrat do sagen.


Do sprach der maregrave. vzer Geyrlant.
wir haben vnsern vinden. da her nach gerant.
ine weiz niht wer mir hote. minen vergen svoc.
der was ein helt zen handen. das ist mir leide genvoc.

Do sprach von Tronege Hagene. was der verge din.
der enwolde uns niht foren. des ist dir schulde min.
do svog ich dinen vergen. deiswar des gie mir not.
ich hete von dem degene. vil nach gewinnen den tot.

Ich bot im mine miete. golt silber vnt gewant.
das er vns ober forte. her iniuwer lant.
das mote in harte fere. inzorne er mich do svoc.
mit einer starchen schalten. vil wenic ich im do vertrvoc.

Do kom ich zvo dem swerte. vnt wert im sinen zorn.
mit einer starchen wuden. des wart der helt verlorn.
das bringe ich iv zsvone. swie iwch nv dunchet gvot.
do giengez an ein striten. si werden zornic gemvot.

Ich wistez wol sprach Gelpfrat. do hie svor gereit.
Gynther mit den sinen. das vns geschehe leit.
von Hagen vbermvete. nv ensol er niht genesen.
svr des vergen ende. sol er pfant hie wesen.



Si neigten vber schilde. ze stiche diu starchen sper.
Gelpfrat vnt Hagene. in was zein ander ger.
Else vnt Danchwart. ovch ze samne riten.
in vil hohem mvote. da wart grimme do gestriten.

Wie chunden sich versuchen. immer helde baz.
von eime starchen schafte. hinder orf gefaz.
Hagene der chvone. vor Gelpfrates hant.
im braft daz fverbvege. do wart im vallen bechant.


Von ir ingesinde. der chrach der schefste schal.
do erhalt ovch sich dort Hagene. der e' des was zetal.
chomen von der tioste. nider an daz gras.
er wän vnsänstes mvotes. wider Gelpfrate was.

Wer in diu ros behielte. daz ist mir vnbechant.
si warn von den sätelen. chomen vf den sant.
Gelpfrate vnt Hagene. ein ander liefen an.
des holfen ir gefellen. da wart striten getan.

Swie chrestechlichen Hagene. wo Gelpfrate sprach.
der edel marcgrave. des schiltes hin im swanch.
wol gegen einer ellen. daz fiure dräte dan.
des was vil nach erstorben. des kunich Gunthers man.

Do begunder rvesen. Danchwarten an.
hilfa lieber brooder. ia hat mich bestan.
ein rechter helt zen handen. ern lät mich niht genesn.
do sprach der chvone Danchwart. des schol ich scheidere wesen.

Do spranger dar vil balde. vnt slog im einen slac.
da von der herre Gelpfrat. vor im tot gelac.
Else wolde gerne. rechen do den man.
sit mvser schedeliche. mit den sinen cheren dan.



Im was erlagen der brooder. selbe was er wnt.
wol ahzech siner degene. beliben an der stvnt.
mit dem vil grimme tode. Else muße dan.
slohtechliche wenden. daz heten geste getan.

Do die von Bajerlanden. wichen vf dem wege.
do horte man noch hellen. die vreislichen flege.
do iageten die von Tronege. ir vianden nach.
die ez niht engelten wanden. den was allen zegach.

*Do sprach an der flochte Danchwart der degen.
wir soln wider wenden balde vf disen wegen.
vnd laze wir si riten si sind von blote naz.
gahe wir cen frivnden ich rate wärlichen daz.

Do si hin wider chomen da der shade was geschehen.
do sprach von Tronege Hagene helde ir solt beschen.
wes vns hi gebreste oder wen wir han verlorn.
hi in disem strite dorh den Gelpfrades zorn.

Si heten vloren viere di mußen si ver chlagen.
di waren wol ver goltten da wider was erlagen.
der von Bajerlande hondert oder baz.
des waren den von Tronege ir schilde trebe vnd blotus naz.

Ein teil schein v; den wolchen des liechten manen prehen.
do sprach aber Hagene niemen sol veriehen.
den minen lieben herren was wir hi han getan.
lant siv onse morgen ane forge bestan.

Do si nw nach in chomen di dort striten e'.
do tet dem in gefinde div muede harte we.
wi lange sol wir riten sprach manich man.
do sprach der chvone Danchwart wir muogen niht herberge han.

Ir moezet alle riten vnz ez werde tach.
Volker der snelle der des gefindes pflach.
bat den marschalch vragen wa sol wir hinte sin.
da geraften vnser möre vnd och di liebn herren min.

Do sprach der chvone Danchwart ine chans iv niht gesagen.
wir en moegen niht geroven e' iz beginne tagen.
sua wirz danne vinden da legen vns an ein gras.
do si diu märe horten wie leit in svemelichen was.

Si beliben unvermeldet des heizen blotef rot.
vnz das diu sonne ir lichte; schinen bot.
dem morgen veber berge das es der kvenich sach.
daz si gestriten heten der helt vil zornechlichen sprach.

wi nu frivnt Hagene iv wän versmahet daz.
daz ich pi iv wäre da iv di ringe naz.
svs wrden von dem blote wer hat daz getan.
er sprach daz tet Else der hat vns nehten bestan.

Dorch den sinen vergen wir wrden an gerant.
da sloch Gelpfraten mins brvder Danchwarten hant.
sit entran vns Else des twang in michel not.
in hondert vnd vns viere beliben in dem strite tot.

Wir chonen niht bescheiden wa si sich leiten nider.
alle di landliote di gevieffhen sider.
daz ze hove svren der edeln Vten chint.
si wrden wol enpfangen da ze Pazovve sint.

Der edeln chvonege oheim der bisshoff Pilgrin.
dem wart vil wol ze mvte do di neven sin.
mit also vil recken chomen zv zim in daz lant.
daz er in willech wäre daz wart in schier bechant.



Si wrden wol enpfangen von vriunden vf den wegen.
da ze Pazovve man chonde ir niht gepflegen.
si mwfen veberz wazzer da si funden velt.
da wrden vf gespannen hotten vnde gecelt.

Si mwfen da beliben allen einen tach.
vnt och di naht mit vollen wi schon man ir pflach.
dar nach si mwfen riten in Rvedegeres lant.
dem wrden och diu märe dar nach vil schiere bechant.

Do di wegemveden rovve genamen.
vnde si dem lande naher quamen.
do fundens vf der marche slaffende einen man.
dem von Tronege Hagen ein starchez waffen an gewan.

Ja was geheizen Eckewart der starche ritter got.
er gewan dar umb einen trovigen mot.
da er verlos das waffen von der helde vart.
di march Rvedegeres di fundens vebele bewart.

O we mir dirre schande sprach do Eckewart.
ia rivvet mich vil sere der Gorgonden vart.
sit ich Sifride vlos sit was min freude cer gan.
owe herre Rvedger wi han ich wider dich getan.

Do hort vil wol Hogene des edelen recken not.
er gab im wider sin waffen vnd sehs pouge rot.
di habe dir helt ce minnen das dv min frivnt sifst.
dv bist ein degen chvne swie eine dv vffe der marche list.

Got lon iv ivver pouge sprach do Eckewart.
doch rivvet mich vil sere zen Hivonen ivver vart.
ir sloget Sifriden man ist iv hie gehaz.
das ir ivch wol behvetet an triwen rat ich das.



Nu moese vns got behveten sprach do Hagene.
ian hant niht mere forge dise degene.
wan umb di herberge di choenige vnd oveh ir man.
wa wir in disem lande noch hinte naht selde han.

Die ross sint vns ver dorben vf den herten wegen.
vnt der spise ce runnen sprach Hagen der degen.
wir finden iz ninder veile vns wære wirtes not.
der vns noch hinte gäbe durch sine togende sin brot.

Do sprach aber Eckwart ich zeih io einen wirt.
daz ir ze huse selten so wol bechomen birt.
in deheinem lande als io hi mach gesehehen.
ob ir vil snelle degene wellet Kvedgern sehen.

Der sizet vf der straze vnd ist der beste wirt.
der ie chom ce huse sin herce togende birt.
also der sweze mene daz gras mit blumen tot.
swenne er sol helden dienen so ist er vrölich gemot.

Do sprach der kvenech Ewenther welt ir min bote sin.
ob vns welle enthalten durch den willen min.
min lieber frivnt Kvedger mine mage vnd vnser man.
daz wil ich immer dienen so ich aller beste chan.

Der bote pin ich gerne sprach do Eckwart.
mit vil gotem willen hub er sich an di vart.
vnd sagete do Kvedgere als er het vernomen.
im was in manigen ziten niht so lieber märe chomen.

Man sah ce Bechelaren ilen einen degen.
selbe erchande in Kvedger er sprach vf disen wegen.
dort her gahet Eckwart ein Eriemhilde man.
er wande daz die viende. im heten etewaz getan.



Do gie er for die porte. da er den boten vant.
daz swert er von im gorte. vnt leit ez von der hant.
er sprach zu dem degene. was habt ir vernomen.
daz ir also fere. hat vns iemen iht genomen.

Vns hat geschadet niemen. sprach Eckewart zehant.
mich habent dri kunige. her zuo zu gesant.
Günther von Burgonden. Gifelher vnt Gernot.
der rechen ieslicher. in sinen dieneft her enbot.


Daz selbe tvot her Hagene. vnt och Volker.
ir dieneft willechliche. noch sage ich in mer.
daz in des kuniges marschalch. Dancwart daz enbot.
daz den guten degenen. wer iwer herberge not.

Mit lachendem munde. sprach do Rodeger.
nu wol mich dirre mäere. daz die kunige her.
miner herberge rouchent. diu wirt in niht verseit.
chöment si mir zehuse. mit dienste bin ich in bereit.

Och hat des kuniges marschalch. heizen wizen lan.
wen ir zeherbergen. noch hinte muoet han.
sehzech chüner rechen. vnt tosent ritter goot.
vnt niun tosent knechte. do wart er vrölich gemvot.

So wol mich dirre geste. sprach do Rodeger.
daz mir choment zehuse. die rechen also her.
den ich noch vil selten. iht gedienet han.
nu riten in begegene. mine mage vnt man.

Von gahen zu den rossen. hvoop sich da michel not.
von rittern vnt von knechten. der wirt do gebot.
den sinen ambtloten. si schoffen; deste baz.
noch enwist es niht frov Gotelint. diu in ir kemenaten saz.



Do gie der maregrave. da er die frowen vant.
sine wip vnt sine tohter. do sagter in zehant.
div vil lieben märe. div er hete vernomen.
daz ir frowen brvder. ir zehuse solden chomen.

Vil liebiv trvtinne. sprach do Rvdeger.
ir solt vil wol enpfahen. die edeln kunige her.
so si mit ir gesinde. for ivch zehove gan.
ir solt och schone grvzen. Hagenen Gunthers man.

Mit in chvmt och einer. der heizet Dancwart.
der ander heizet Volker. an zvhten wol bewart.
die sehse solt ir chussen. ir vnt div tohter min.
vnt solt och bi den degenen. in zveheten grözliche sin.

Das lobten do die frowen. vnt warens vil bereit.
si sohnten v; den kisten. div maniger hande chleit.
dar inne si begegene. den rechen wolden gan.
da wart vil michel vlizen. von schonen frowen getan.





Wie der Marchrave die Künige mit ir
rechen in sin hus empfie.



XXVII. Auentiure.

In solhen umvzen. soln wir die frowen lan.
hie wart vil michel gahen. ober velt getan.
von Rodegeres frivnden. da man die geste vant.
si wrden wol empfangen. indes marcgraven lant.

Do si der marcgrave. zo zim chomen sach.
Rodeger der snelle. wie vrolich er sprach.
sit willechomen ir herren. vnt oveh iwer man.
hie indifem lande. wie gern ich ioch gesehn han.

Do danchten im die rechen. mit triwen ane haz.
daz er in willechomen wäre. vil wol erzeichter daz.
sonder groozter Hagenen. den het er e' bechant.
sam tet er Volkeren. den helt von Burgonden lant.

Do sprach zem marcgraven. Danchwart der degen.
sit ir vns welt hervochen. wer sol vns danne pflegen.
des vnfern ingesinde. von Wormez ober Rin.
do sprach der marcgrave. die angeft solt ir lazen sin.

Ez wirdet wol behalden. swaz ir indaz lant.
habt mit ir geforet. ros silber vnt gewant.
dem schaffe ich solhe hote. daz sin wirt niht verlorn.
daz ir zeschaden bringe. gegen einem halben sporn.

Spannet vf ir knechte. die hotten an daz velt.
swaz ir hie verliefet. des wil ich wesen gelt.
vnt ziehet abe die zovne. div ros div lazet gan.
daz het in wirt deheiner. da vor vil selten getan.

Des frevten sich die geste. do daz geschaffen was.
die herren riten dammen. sich leiten indaz gras.
ober al die knechte. si heten gvot gemach.
ich wän in an der verte. nie so sanfte geschach.

No was div marcgravinne. for daz tor gegan.
mit ir vil schonen tohter. do sah man bi ir stan.
die minneklichen frowen. vnt manige schone meit.
die trvgen vil der bouge. vnt oveh die herlichen chleit.

Das edele gesteine. verre lohete von in dan.
vz ir vil richen wäte. die warn wol getan.
do chomen och die rechen. vnt erbeizten sa zehant.
hen was man grozer zehete. an den Burgonden vant.

Sehs vnt drizzech meide. vnt ander manic wip.
den was zewnsche schone. vnt minneklich der lip.
die giengen in engegene. vnt wolden si enpfan.
da wart ein schone grozen. von den frowen getan.

Die iunge margrauinne. chofte die kunige dri.
alsam tet ir moter. da stont och Hagen bi.
den bat ir vater chossen. do blicte si in an.
er dohte si so gremlich. das si gerne hete lan.

Doch moeste si da leisten. das ir der wirt gebot.
gemiffchet wart ir varwe. bleich vnt rot.
si chofte och Danchwarten. dar nach den spileman.
durch sines libes ellen. wart im das grozen getan.

Die iunge margrauinne. nam do bi der hant.
Gifelhern den rechen. von Burgonden lant.
alsam tet ir moter. Gunthern den chonen man.
Gernoten forte Rodeger. mit in minneklichen dan.

Inder schonen bürge. stont ein witer sal.
ritter vnt frowen. gefazen da zetal.
do hiez man balde schenchen. den gesten goten win.
ez endorsten nimmer helede. gehandelt gwellicher sin.

Mit lieben oogenblichen. wart vil gesehn an.
die Rodegeres tohter. die was so wolgetan.
ia trvotef indem herren. vil manic ritte gnot.
das chunde och si verdienen. si was vil hohe gemvot.

Si gedahten swes si wolden. es enmoht aber niht gesehn.
an magede vnt och an frowen. wart da vil gesehn.
for vnt widere. wande ir saz da genoc.
der edel videläre. dem wirt holden willen tvoc.

Nach gewonheite. do schieden si sich da.
ritter vnt frowen. die giengen anderswa.
do rihte man die tische. in dem sale wit.
den vil lieben gesten. man diene willekliche sit.

Dorch der geste liebe. hinze tische gie.
niwan div marcgravinne. ir tohter si do lie.
beliben bi den kinden. da si von rehte saz.
daz si ir niht ensahen. die geste muete sere daz.

Do si mit freuden heten. gezezen vberal.
do wiste man die schonen. wider inden sal.
gämelicher sprüche. der wart da niht verdit.
der reit vil da Volker. ein degen chven vnt gemeit.

Do sprach offentliche. der tiure spileman.
vil richer marcgrave. got hat an ir getan.
vil genädekliche. daz er ir hat gegeben.
ein wip so rehte schöne. dar zu ein winneklichez lebn.

Ob ich ein forste wäre. sprach aber der spileman.
vnt solde ich tragen chrone. ze wibe wolde ich han.
die iuern schonen tohter. des winnet mir der muot.
div ist minneklich zesehene. dar zu edel vnt gvot.

Do sprach der marcgrave. wie möhte daz gesin.
daz immer kunic gegerte. der lieben tohter min.
wir sin beide ellende. ich vnt och min wip.
vnt haben niht zegebene. waz hilfet danne ir schoner lip.

Do sprach der herre Gernot. ir solt die rede lan.
vnt solde ich trottinne. nach mine willen han.
ane goot zewibe. wär ich ir immer vro.
des antwrte Hagene. vil harte minneklichen do.

No sol doch her Giselher. min herre nemen wip.
ez ist so hoher mage. der margravinne lip.
daz wir ir dienten gerne. ich vnt ander iwer man.
vnt soldes under chrone. da zen Burgonden gan.

Die rede Rodegeren. von in dohte goot.
vnt oveh die margravinne. ia fretez in den mvot.
sit trogen an die helde. daz si zewibe nam.
Giselher der edele. wandez in beiden wol gezam.

Swaz sich sol gefogen. wer mac daz vndersten.
man bat die ioncfrowen. hin zehove gen.
do swor man im zegebene. daz wnnekliche kint.
oveh lobt er zenemene. die vil minnekliche sint.

Man beschiet der ioncfrowen. borge vnt lant.
des sichert da mit eiden. des richen chuniges hant.
vnt Gernot der herre. daz wrde daz getan.
do sprach der margrave. sit ich der lande niht enhan.

Sone lat ir niht versmahen. min ellendes solt.
ich gibe zu miner tohter. silber unt golt.
swaz zwei hondert möre. meiste mvgen getragen.
die rede mvste den degenen. beidenthalben wol behagen.

Nach gewonheite. man hiez an einen rinch.
sten die minneklichen. manec sneller iwngelinch.
ingezweitem mvote. ir ze gegene stont.
si gedahten in ir sinne. so noch die tomben dicke tvont.

Do man begunde vragē. die minneklichen meit.
ob si den rechen wolde. ein teil was ez ir leit.
vnt dahte doch zenemene. den wällichen man.
si schamte sich der vrage. so manic maget hat getan.

Ir rvonte ir vater Rodeger. daz si spräche ia.
vnt in vil gerne nāme. vil schiere was do da.
mit sinen wizen handen. der si do vnbesloz.
Gisfelher der ionge. swie lozzil si des sit genoz.

Do sprach der marcgrave. ir edeln kunige rich.
als ir nv wider wendet. daz ist gewonlich.
heim zu zivren landen. so gib ich iv min kint.
daz ir si mit iv foret. daz gelobten si sint.

Swaz man da schalles horte. den musen si doch lan.
man hiez die iunefrowen. zir kemenaten gan.
vnt oveh die geste slafen. si erbiten an den tac.
do bereite man die spise. der wirt ir minneklichen pflac.

Do si nv gezen heten. vnt wolden dannen varn.
gein der Honen landen. daz heiz ich wol bewarn.
sprach der wirt vil edele. ir sult noch hie bestan.
wande ich so lieber geste. selten her gewinnen han.

Des antwrte Danchwart. iane mages niht gesin.
wa nāmet ir die spise. daz brot vnt oveh den win.
daz so manigem manne. wāre hie bereit.
do daz der wirt gehorte. ez was im ane maze leit.

Do sprach der marcgrave. div rede ist ane not.
ze vierzehen nehten. win vnt brot.
gebe ich iv völeklichen. mit den die ir noch hie hat.
ir muzet hie beliben. des ist deheinerslahte rat.

Swie vil si dannen gerten. si moſen da beſtan.
vñ an den vierden morgen. do wart och da getan.
von deſ wirtes mitte. daz verre wart geſeit.
er gap den ſinen geſten. beidiv waſen vnt kleit.

Ez mohte wern niht langer. ſi moſen dannen varn.
Kodeger der chunde. vil wenic iht geſparn.
von der ſinen mitte. ſwes iemen gerte nemen.
daz verſagt er niemen. ez moſe in allen geſemen.

Daz edel ingefinde. brahte for daz tor.
geſatelt vil der roſſe. do warte och in da vor.
vil der goten rechen. die trogen ſchilde enhant.
wande ſi riten wolden. nider inder Hunen lant.

Der wirt do ſine gabe. bot vber al.
e' daz die edeln geſte. chömen for den ſal.
er chunde miltekliche. mit grozen eren lebn.
die ſine ſchönen tohter. die het er Gifelher gegeben.

Do gab er Gonthere. dem helde lobelich.
daz wol trvoc mit eren. der edel kunec rich.
ſwier nie gabe enpfienge. ein waffenlich gewant.
do neich der forſte here. deſ milten Kodegers hant.

Do gab er Gernote. ein waſen gvot genvoc.
daz er ſit inſtormen. vil herlichen trvoch.
der gabe im vil wol gunde. deſ marcgraven wip.
da von der gvte Kodeger. moſe vlieſen ſit den lip.

Do bot div marcgravinne. Hagen ir gabe alſam.
mit bete minnekliche. ſit ſi der kunec nam.
daz er ane ir ſtivre. zu der hochgecit.
varn niene ſolde. der helt gelobt ez ane ſtrit.

Alles des ich ie gesach. sprach do Hagene.
sone gerte ich niht mere. nu ze habene.
niwan ienes schildes. der dort hanget an der want.
den wolde ich gerne foren. mit mir in der Hünen lant.

Do die marcgravinne. Hagen bete vernam.
ez mante si ir leide. weinen si gezam.
do gedahte si vil tiere. an Luodunges tot.
den het erlagen Witege. des twanc si iamerlichiu not.

Si sprach zu dem degene. den schilt wil ich ir geben.
daz wolde got von himele. daz er noh solde leben.
der in da trug enhende. der lag insturme tot.
den mu; ich immer weinen. des gat mir armen wibe not.

Die edel marcgravinne. von ir sedele gie.
bi dem schilt vezil. si den schilt gewie.
do brahte si in Hagene. si selbe mit ir hant.
die gabe was mit eren. an den rechen gewant.

Ein holft von lichtem pfelle. ob siner varwe lac.
besser schilt deheinen. belohete nie der tac.
von edelm gesteine. swers zehovsen hete gegert.
oder in veil hete. er was wol tofint marche wert.

Den schilt hiez do Hagene. von im tragen dan.
do chom sin broder Danchwart. hin ze hove gegan.
dem gap vil richiu chleider. des marcgraven kint.
die er da zen Hünen. trooc vil herlichen sint.

Allez daz der gabe. von in da wart genomen.
in ir deheines hende. war ir niht bechomen.
wan durch des wirtes liebe. derz in so schone erbot.
sit wrdens im so vint. daz si in muosen slahen tot.

Volker "der vil snelle" mit siner videlen dan.
chom gezogenliche. for Gotelinde stan.
er videlt sveze done. vnt sang ir siniv liet.
da mite nam er vrlouy. do er von Bechelaren sciet.

Ir hiez div marcgrauinne. eine lade tragen.
von frivntlicher gabe. mveget ir nu horen sagen.
dar v3 si nam sehs poyge. vnt spiens im an die hant.
die solt ir foren Volker. von mir in der Hunen lant.

Vnt solt durch minen willen. si da zehove tragen.
swenne ir wider wendet. daz man mir mo3e sagen.
wie ir mir habt gedienet. da zer hochgecit.
des si zem rechen gerte. vil wol gewert er sis sit.

Do sprach der wirt zen gesten. ir solt dest sanfter varn.
ich wil ivch selbe leiten. vnt heizen wol bewarn.
daz man iv of der strazen. nem deheini3 pfant.
ich sol ivch selbe leiten. in daz Ezelen lant.

Der wirt wart wol bereit. mit funf hundert man.
ze rossen vnt ze chleidern. die fort er mit im dan.
in vrolichem mvote. 30 der hochgecit.
der deheiner nimmer mere. chom ze Bechelaren sit.

Mit chosse minnekliche. der wirt do dannen schiet.
Also tet ovch Giselher. als im div liebe riet.
mit vnbeslo3en armen. si troten schoniv wip.
daz mwose sit bewainen. vil maniger ivnefrowen lip.

Vil venster wart entslo3en. vnt wit of getan.
der wirt mit sinen mannen. zen rossen wolde gan.
in wän ir hercen sageten. div chresteklichen ser.
daz si der lieben frivnde. dar nach gefahen nimmer mer.

Nach ir lieben frivnden. heten genvge leit.
do weinten ane maze. vil frowen vnt manic mrit.
doch riten si mit frevden. nider ober sant.
zetal bi Ewonowe. vnz in das Hunische lant.

Do sprach zen Borgonden. der ritter vnderzaget.
Kvdeger der edele. ia soln niht sin verdaget.
Ezeln disiu märe. daz wir zen Honen chomen.
vnt ovch mine frowen. sine hant so liebes niht vernomen.

Zetal dvrech Oestiriche. vil manec bote reit.
den loten allenthalben. wart daz wol geseit.
daz die herren chömen. von Wormez ober Rin.
dem Ezeln ingesinde. chunde niht lieber gesin.

Die boten for strichen. mit disen mären.
daz die Nibelunge. zen Honen wären.
du solt si wol enpfahen. Chriemhilt frowe min.
dir choment nach grozen eren. her die stolzen brooder din.

Do diu kuniginne. vernam diu märe.
ir begunde entwichen. ein teil ir swäre.
von ir vater lande. chom ir vil manic man.
da von der kunic Ezele. vil manigen iamer sit gewan.

Si gedahte tovgenliche. noch mohte is werden rat.
der mich an minen frevden. also gepfendet hat.
mag ich daz gefvgen. ez sol im leide ergan.
ze dirre hochgecite. des ich vil guten willen han.

Ich solz also schaffen. daz min rache erge.
indirre hochgecite. swiez dar nach geste.
an sinem argen libe. der mir hat benomen.
vil der minen wne. des sol ich nv zegelte chomen.



Wie die Nibelunge ze Ezelen
borge chomen.

XXVIII. Auentiure.

D

o die Nibelunge. chomen indaz lant.
do vrieschez von Berne. meister Hildebrant.
er sagtez sine herren. ez was im grimme leit.
er bat in wol enpfahen. die chonen ritter gemeit.

Do hiez der starche Wolfhart. bringen in diu march.
do reit mit Dietriche. vil manic reche starch.
da si se enpfahen wolden. zo zin an daz velt.
da hetens vf gebunden. vil manic herlich gezelt.

Do si von Tronege Hagene. verrest chomen sach.
zo den sinen herren. der helt vil balde sprach.
nw solt ir snellen degene. von dem sedele stan.
vnt get in hin begegene. die ouch hie wellent enpfan.


Dort chomt her ein gesinde. daz ist mir wol bechant.
ez sint vil snelle degene. von Amelunge lant.
die foret der von Berne. si sint vil hochgemvot.
ir soltz in wol erbieten. daz rat ich sprach der degen gvot.

Do stonden von den rossen. daz was vil michel reht.
nider mit Dietriche. manic ritter vnt kneht.
si giengen zo den gesten. da man die helede vant.
si grvzten minnekliche. die von Boregonden lant.

Do si der herre Dietrich. zo zim chomen sach.
beide liebe vnde leide. im dar an geschach.
er weste wol diu mare. ir reise was im leit.
er wande ez weste Rodeger. daz erz het in geseit.

Sit willechomen her Gunther. Gernot vnt Giselher.
Hagen vnt Danchwart. sam si ouch Volker.
vnt allez iwr gedigene. den Sivrides tot.
weinet min frov Chriemhilt. noch diche in angefllicher not.

Si mac vil geweinen. sprach do Hagene.
er lit vor manigem iare. zetode erlagene.
den kunech von den Hynen. den si genomen hat.
den sol si nw minnen. Sivrit so gahes niht erstat.



Tot des chunen rechen. lazen wir nu sten.
sol lebn min frow Chriemhilt. noch mac schade ergen.
so redete von Berne. der herre Dieterich.
trost der Nibelunge. da vor behvet do dich.

Wie sol ich mich behoten. sprach der kunic her.
Ezel vns boten sande. wof sol ich vragen mer.
daz wir zuo zim chomen. her in siniv lant.
ovch hat vns vnser swester. aller triwen gemant.

So wil ich iv wol raten. sprach do Hagene.
nu bitet iv div märe. baz ze sagene.
den herren Dietrichen. vnt sine helde gvot.
daz si ivch lazen wizen. der frowen Chriemhilde mvot.

Do giengen svnder sprachen. di dri kunige rich.
Gunther unde Gernot. vnt ovch her Dietrich.
nu sage vns von Berne. vil edel ritter gvot.
wie dir si gewizzen. der frowen Chriemhilde mvot.

Do sprach der vogt von Berne. waz sol ich iv mere sagen.
wan alle morgen frveie. weinen unt klagen.
höre ich vil iämerliche. daz Ezeln wip.
dem richen got von himele. des starchen Sivrides lip.

Ez ist et vnerwendet. sprach do der spileman.
Volker der vil chvone. daz wir vernomen han.
wir soln zehove riten. vnt soln daz besehn.
waz vns snellen degenen. mvge zen Hvnen geschehn.

Die chumin Burgonden. hinze hove riten.
si chomen herrenliche. nach ir landes siten.
do wndert da zen Hvnin. vil manigen chonen man.
vmbe Hagenen von Tronege. wie der wäre getan.

Dorch daz man saget märe. des was im genvoc.
daz er von Niderlanden. Sivriden slooc.
sterchist aller rechen. den Chriemhilde man.
des wart michel vragē. zehove nach Hagenen getan.

Der helt was wol gewahsen. daz ist al war.
groz was er zen brosten. gemischet was sin har.
mit einer grisen varwe. diu bein im warn lanc.
vnt enstlich sin gesihene. er het herlichen ganc.

Do hiez man herbergen. vil manigen chvnen man.
daz gesinde von dem Rine. wart gesondert dan.
daz riet diu kuniginne. diu in argen willen trooch.
da von man sit die knechte. an der herberge slooch.

Danewart Hagenen broder. der was marschalch.
der kuncē im sin gesinde. vil vlietlich bevalch.
daz er ir vollechliche. mit spise solde pflegen.
daz tet do willechliche. mit triwen der vil chvne degen.

Chriemhilt diu kuniginne. mit ir gesinde gie.
da si die Nibelunge. in valschem mote enpfie.
si chvste Giselher. vnt nam in bi der hant.
do daz gesach Hagene. den helm er vaster gebant.

Nach svs getanem groze. sprach do Hagene.
mogen sich bedenchen. wol snelle degene.
man grozet sunderlingen. die forsten unt ir man.
wir han niht goter reise. zv dirre hochgecite getan.

Nu sit sprach si willechomen. swer ouch gerne siht.
dorch iwer selbes frivntschafft. engrvz ich ouch niht.
nu sagt was ir mir bringet. von Wormez ober Rin.
dar umbe ir mir so groze. soldet willechomen sin.



Het ich gewist diu märe. sprach do Hagene.
daz iu gabe bringen. solden degene.
ich wäre wol so riche. het ich mihs baz verdaht.
daz ich iu mine gabe. her zen Hünen hete braht.

No solt ir mich der märe. mere wizen lan.
hort der Nibelunge. wa habt ir den getan.
der was idoch min eigen. daz ist iu wol bechant.
den solt ir mir gefoeret han. her in Ezelen lant.

Entriwen min frow Chriemhilt. des ist vil manic tac.
deich hort der Nibelunge. niene gepflach.
den hiezen mine herren. senchen inden Rin.
da mooz er wälliche. vnz an daz iungeste sin.

Do sprach diu kuneginne. ich hans ovch e' gedaht.
mir ist sin harte chleine. noch her zelande braht.
swer min eigen wäre. vnt ich sin wilen pflac.
nach im vnt sine herren. han ich vil manigen leiden tac.

Daz ist verlorn arebeit. sprach aber Hagene.
wie mohte ich iu iht bringen. ich han vil zetragene.
an halsperge vnt an schilte. an mine helme licht.
diz swert an miner hende. des enbringe ich iu nicht.

Jane rede ihz niht darvmb. deich mere goldes welle gern.
ich hans so vil zegebene. deich iwer gabe mac enbern.
ein mort vnt zwene rovbe. die mir sint genomen.
des mohte ich vil arme. noch zelibem gelte chomen.

Diu frowe hiez do chunden. den rechen overal.
daz niemen tragen solde. dehein wafen inden sal.
ir helde ir solt mirs vf geben. ich sol si behalten lan.
entriwen sprach do Hagene. daz wirdet nimmer getan.

Jane ger ich niht der eren. forsten wine milt.
daz ir zen herbergen. troget minen schilt.
vnt ander min gewäfen. ir sit ein kunigin.
daz enlerte mich vater niht. ich wil selbe kameräre sin.

Oye mir der leide. sprach do Chriemhilt.
war vmbe wil min broder. vnt Hagen sinen schilt.
von in niht tragen lazen. si sint gewarnot.
vnt wesse ich wer iz tate. ich riet im immer sinen tot.


Des antwort in zorne. der herre Dietrich.
ich binz der hat gewarnet. die edeln forsten rich.
vnt Hagenen den starchen. den Guregonden man.
nu zo valandinne. do solt mihs niht genießen lan.

Des schamte sich vil fere. daz Ezelen wip.
si vorhte bitterliche. den Dietriches lip.
do gie si von in dannen. daz si niht mere ensprach.
wan daz si swinde bliche. an ir viande sach.

Gihenden sich do viengen. zwene degene.
daz eine was her Dietrich. daz ander Hagene.
do sprach gezogenliche. der reche vil gemeit.
daz iwer chomen zen hynen. daz ist mir grozelichen leit.

Do stonden bi ein ander. die rechen lobelich.
Hagene von Tronege. vnt och her Dietrich.
ingrosen zohnten manigen. die ritter wolgetan.
daz sach der kunec Ezele. dar vmbe er vragen do began.

Die märe ich wiste gerne. sprach der kunic rich.
wer iener reche wäre. den dort her Dietrich.
so friontlich enpfahet. er treit vil hohen mvot.
swer sin vater wäre. er mach wol sin ein helt gvot.



Des antwortem kunige. ein Chriemhilde man.
er ist geborn von Tronege. sin vater hiez Adrian.
swie blider hie gebarte. er ist ein grimmer man.
ich laze ouch das wol schowen. das ich gelogen niene han.

Wie sol ich das erchennen. das er so grimmech ist.
noch dann er niht enwiste. vil manigen argen list.
den div koniginne. an ir frivnden begie.
das si ir mit dem lebene. niht einen dannen chomen lie.

Wol erchande ich Adrianen. der was min man.
lob vnt michel ere. er hie bi mir gewan.
ich machet in zeritter. vnt gab im min golt.
selche div getriwe. was im inneklichen holt.

Da von ich wol erchenne. alles Hagenen sint.
ez wrden mine gisel. zwei wällichiv kint.
er vnt von Spane Walther. die wohsen hie zeman.
Hagenen sande ich widere. Walther mit Hiltegunde entran.

Er gedahte langer märe. div warn e' geschehn.
sinen frivnt von Tronege. den het er recht erschn.
der im in siner iwgende. vil starchen dieneft bot.
sit fromter im in alter. vil manigen frivnt tot.






Wie Hagene vnt Volker vor
 Chriemhilde sal sagen.

XXIX. Auenture.

Do schieden sich die zwene. rechen lobelich.
 Hagen von Tronege. vnt och her Dietrich.
 do blicht ober ahfel. der Gunthers man.
 nach einem hergefellen. den er vil schiere do gewan.



Er sach den videläre. bi Gifelhere sten.
Volchern den vil chvenen. den bat er mit im gen.
wander vil wol erchande. den sinen grimmen mwot.
er was an allen togenden. ein ritter chven vnt gvot.

Noch liezen si die herren. vsem hove sten.
niwan si einen zwene. di sach man dannen gen.
ober den hof vil verre. for ein palas wit.
die v3 erwelten beide. vorhten niemannes nit.

Si gefazen vor dem hvoße. gegen eime sal.
der was Chriemhilde. vf eine banch zetal.
do lwohte in von ir libe. ir herlich gewant.
gvoge die si sahen. si heten gerne bechant.

Alsam tyer div wilden. wrden gekapfet an.
die obermweten helde. von manigem Hynen man.
do ersach si durch ein venster. daz Ezeln wip.
des wart do vil trebe. der frowen Chriemhilde lip.

E3 mante si ir leide. weinen si began.
des hete michel wnder. die Ezeln man.
was ir so snelle ertrobet. het ir hohen mwot.
si sprach daz hat Hagene. ir helde chvene vnt gvot.

Si sprachen frowe here. wie ist daz geschehn.
wir habn iwch niwliche. so fro gemwot gesehn.
niemen ist so chvene. swerz iw hat getan.
heizet irz vns rechen. ez sol im an sin lebn gan.

Daz wolde ich immer dienen. swer reche miniv leit.
alles daz er wolde. des wär ich im bereit.
ich biot mich iw zefvzen. sprach des kuniges wip.
rechet mich an Hagene. daz er verliese den lip.

Do garten sich zehanden. wol sehzech chvner man.
durch der frowen liebe. si wolden hin gan.
vnt wolden slahen Hagenen. den vil chvnen man.
vnt ovch den videläre. daz wart mit rate getan.

Do die kuniginne. ir schar so kleine sach.
in eine grimmen mvote. si zen helden sprach.
des ir da habt gedingen. des solt ir ab gan.
iane dorset ir so ringe. nimmer Hagenen bestan.


Swie starche vnt swie chvne. der von Tronege si.
noch ist verre chvner. der im da sizet bi.
Volker der videläre. der ist ein vbel man.
iane solt ir die degene. niht so lihte bestan.

Do si daz gehorten. do garte sich ir mer.
driu hondert sneller rechen. die kuniginne her.
was des vil genöte. daz si geräche ir leit.
da von wart sit den degenen. vil michel arebeit bereit.

do si nu wol gewasent. ir gefinde sach.
zuo den snellen degenen. die kuniginne sprach.
nu bitet eine wile. ir solt noch stille stan.
ia wil ich vnder chrone. mit ir zuo minen vinden gan.

Vnt höret itewizze. waz mir hat getan.
Hagen von Tronege. der Gunthers man.
ich weiß in wol so chvnen. daz er mir lovgent niht.
so ist ovch mir vnmäre. swaz im darvmb geschicht.

Do sach der videläre. ein vil chvne man.
die edeln kuniginne. ab einer stiegen gan.
nider v; eine hvose. als er daz gesach.
der vil wise reche. zuo sine hergesellen sprach.



Nu schowet frivnt Hagene. wa si her gat.
div vns in vntriwen. inz lant geladet hat.
ich gesach mit kuniginne. nie so manigen man.
die swert enhende troegen. also striteklichen gan.

Wizet ir frivnt Hagene. daz si in sin gehaz.
so rat ich in mit triwen. ir hotet deste baz.
des libes unt der eren. ia dunchet ez mich gvot.
als ich mich versinne. si sint vil obele gemvot.

Vnt sint och someliche. zen brosten also wit.
swer sin selbes hvete. der tvo daz encit.
ich wän si vnder siden. die vesten pronne tragen.
waz si da mite meinen. daz kan ich niemen gesagen.

Do sprach inzornes mvote. der vil chvone man.
ich weiz wol daz iz allez. ist of mich getan.
daz si div liechten waffen. tragent an der hant.
vor den möhte ich geriten. noch in der Burgonden lant.

Nu saget mir frivnt Volker. welt ir mir gestan.
ob mit mir striten wellent. die Chriemhilde man.
daz lazet ir mich hören. als liebe als ich in si.
ich won in immer mere. mit triwen dienstlichen bi.

Ich hilf in sicherlichen. sprach do der spileman.
ob ich vns hie begegene. sähe enkunic gan.
mit allen sinen rechen. die wile ich leben mvot.
so entwiche ich in durch vorhte. v; helse nimmer einen svot.

Nu lone in got von himele. vil edel Volker.
ob si mit mir striten. wes bedorft ich danne mer.
sit ir mir helfen wellet. als ich vernomen han.
so soln dise degene. vil gewärlichen gan.

Nu sten wir von dem sedele. sprach do der spileman.
si ist ein kuniginne. vnt lan si for gan.
bieten ir die ere. si ist ein edel wip.
da mit ist ouch getivret. an zohten vnser beider lip.

Nein durch mine liebe. sprach aber Hagene.
so wolden lihte wänen. dise degene.
daz ih; durch vorhte tate. vnt solde ich hin gan.
ine wil durch ir deheinen. nimmer von dem sedel stan.


Ja zunt ez vns beiden. zware lazzen baz.
zwiv solde ich den eren. der mir ist gehaz.
daz entwon ich nimmer. die wil ich han den lip.
iane roche ich waz mich hazet. des kunic Ezeln wip.

Hagene der starche. der leit vber bein.
ein vil lichte; wafen. v; des knopfe erschein.
ein vil lichter iaspes. groner danne ein gras.
wol erchandes; Chriemhilt. daz ez e' Siurides was.

Do si daz swert erchande. des gie si michel not.
sin gehilze daz was goldin. diu scheidte porten rot.
ez mante si ir leide. weinen si began.
ich wän iz hete Hagene. ir zereizen getan.

Volker der vil chvone. zoch naher vf der banch.
einen videlbogen starchen. michel vnt lanch.
gelich eime scarpfen swerte. vil licht vnt breit.
do sazzen vnervorhten. die zwene degene gemeit.

Nu dohten sich so here. die zwene chvone man.
daz si niht enwolden. von dem sedele stan.
durch deheine vorhte. des gie in an den fvz.
diu edel kuniginne. vnt bot in vintlichen grooz.



Si sprach nu sagt mir Hagene. wer hat nach iv gesant.
daz ir getorstet riten. her indizze lant.
zwo also starchen leiden. vnt ich von iv han.
het ir rehte sinne. so het irz pilliche lan.

Nach mir ensande niemen. sprach do Hagene.
man ladet her zelande. drie degene.
die heizent mine herren. so bin ich ir man.
deheiner hove reise. bin ich vil selten ir bestan.


Si sprach nu saget mir mere. warvumbe tat ir daz.
daz ir daz habt verdienet. daz ich iv bin gehaz.
ir sluget Siotide. den minen lieben man.
des ich vnz an min ende. immer gnuoc ze weinen han.

Waz sol der rede mere. sprach er ir ist gnuoc.
ich binz et aber Hagene. der Siotiden swoc.
einen helt ze sinen handen. wie sere er des engalt.
daz diu frowe Chriemhilt. die schonen Provhilt schalt.

Ez ist et ane lovgen. kuniginne rich.
ich han is alles schulde. des schaden schedelich.
nu rechez swer der welle. ez si wip oder man.
ihn wolde danne liegen. ich han iv leides vil getan.

Si sprach nu hört ir rechen. wa er mir lovgent niht.
aller miner leide. swaz im da von geschicht.
daz sol mir sin vnmäre. ir Ezeln man.
die ober mueten degene. sahen vaste ein ander an.

Swer den strit da hvebe. so were da geschehn.
daz man den zwein gefellen. der eren muese ichn.
wan siz instormen heten. vil dicke wol getan.
des sich iene vermazen. durch vorhte mosen si daz lan.



Do sprach ein der reche. wef seht ir mich an.
daz ich e' da lobte. des wil ich ab gan.
dorch niemannes gabe. verliefen minen lip.
ia wil vns verleiten. des kunic Ezeln wip.

Do sprach aber ein ander. des selben han ich mvot.
der mir gäbe tverne. von rotem golde gvot.
disen videläre. wolde ich niht bestan.
dorch sine swinde bliche. die ich an im gesehn han.

Ovch erchenne ich Hagenen. von sinen iungen tagen.
des mach man von dem rechen. lihte mir gesagen.
in zwein vnt weinzech stormen. han ich in gesehn.
da vil maniger frowen. ist hercenleide gesehn.

Er vnt der von Spane. die traten manigen stic.
do si hie bi Ezelen. vahnten manigen wic.
zen eren dem kunige. des ist von im vil gesehn.
dar umbe wo; man Hagene. der eren wol von schulden ichen.

Dannoch was der reche. siner iar ein kint.
daz do tumben waren. wie grise die nw sint.
nw ist er chomen ze wizen. vnt ist ein grimmech man.
ovch treit er Palmungen. da vor enchvnder niht gestan.

Da mite was gescheiden. daz da niemen streit.
do wart der chvniginne. vil hercenliche leit.
die helde cherten dammen. ia vorhten si den tot.
von dem videläre. des gie in wärliche not.

Do sprach der chvne Volker. wir han daz wol ersehn.
daz wir hie viende vinden. als wir e' horten ichn.
wir soln zo den kunigen. hin zehove gan.
sone tar vnser herren. mit strite niemen bestan.



Wie diche man durch vorhte. manigiv dinch verlat.
swa so frivnt frivnde. frivntlich gestat.
vnt hat er gote sinne. daz erz wisliche toot.
schade vil maniges mannes. wirt von sinnen wol behvot.

No wil ich iv volgen. sprach do Hagene.
si giengen da si fonden. vil der degene.
ingrozem antpfange. noch an dem hove stan.
Volker der vil chvene. tvote rvesen began.

Er sprach zu sinen herren. wie lange welt ir sten.
daz ir ivch lazet dringen. ir solt zehove gen.
vnt höret an dem kunige. wi der si genvot.
do sach man gesellen sich. die helde chven vnt goot.

Der forste von Berne. der nam an die hant.
Gunthern den richen. von Burgonden lant.
Irenvrit Gernoten. einen chvenen man.
do sah man Giselheren. zehove mit sinem sweher gan.

Swie iemen sich gesellete. vnt ovch zehove gie.
Volker vnt Hagene. geschieden sich nie.
niwan in eime stvrme. an ir endes zit.
daz mosen beweinen. vil schone iuncfrowen sit.

Do sach man mit den kunigen. hin zehove gan.
ir edeln ingefundes. tosent chuner man.
dar ober sehzech rechen. mit in warn chomen.
die het insime lande. der chvene Hagen genomen.

Hawart vnt ovch Irinch. zwene v3 erwelte man.
die sah man frivntliche. bi den kunigen gan.
Danchwart vnt Wolfhart. die heten sich bewegen.
man sach si grozer togende. inir obermote pflegn.

Do der vogt von Rine. in den palas gie.
Ezele der riche. daz niht langer lie.
er sprach von sine sedele. als er si chomen sach.
ein groz so rehte schone. von kunige nie mer geschach.

Sit willechomen her Gunther. vnt och her Gernot.
vnt iwer broder Giselher. dem ich min dienst enbot.
mit triwen vlizechliche. ze Wormez ober Rin.
vnt alles daz gedigene. sol mir willechomen sin.


Nu sit vns groz willechomen. ir zwene degene.
Volker der chüne. vnt och her Hagene.
mir vnt miner frowen. her indizze lant.
si hat ingrozen triwen. vil diche mich vmbre ich gemant.

Do sprach der starche Hagene. daz haben wir wol vernomen.
wâr ich durch mine herren. zen hynen niht bechomen.
so wâr ich iv zen eren. geriten indaz lant.
do nam der wirt vil edele. die lieben geste zehant.

Vnt brahte si zem sedele. da er selbe saz.
do schancte man den gesten. mit vlize tet man daz.
in witen goldes schalen. moraz vnt win.
vnt bat die ellenden. groze willechomen sin.

Do sprach der kunic der Hunin. des wil ich iv veriehn.
mirn enchonde indisen citen. lieber niht geschehn.
denne och an iv rechen. daz ir vns her sit chomen.
des ist miner frowen. michel troren benomen.

Mich nimt des michel wnder. waz ich iv habe getan.
so manigen gast vil edelen. den ich gewinnen han.
daz ir nie chomen rvochet. her inminiv lant.
daz ich ivch nu gesehn han. daz ist zen vreden mir gewant.



Des antwort Rodeger. ein ritter hoch gemvot.
ir moeget si sehn gerne. ir triwe diu ist goot.
der miner frowen mage. so schone chynnen pflegen.
si bringent iw zehuse. vil manigen wätlichen degen.

An sonewenden abent. als wir han vernomen.
waren si ze Ezelen bverge. dem chynige zehuse chomen.
ein wirt nie sine geste. so minneklich enpfie.
dar nach er zw den tischen. mit in vil vroliche gie.

Ein kunec bi sinen gesten. schoner nie gefaz.
man gab in vollechliche. trinchen vnt maz.
vnt alles daz si wolden. des was man in bereit.
man hete von den degenen. vil michel wnder geseit.

Ezele der riche. het an bow geleit.
sinen vliß kostenliche. mit grozer arebeit.
palas unt torne. kemenaten ane zal.
in einer witen burge. vnt einen herlichen sal.

Den het er heizen bowen. lanch hoch vnt wit.
durch daz sovil der rechen. in sohte zaller cit.
an ander sin gefinde. zwelf riche kunige her.
vnt vil der werden degene. het er zallen citen mer.

Denne ir konie ie gewinne. als ich vernomen han.
er lebt inhoher wne. von magen vnt man.
schallen vnt dringen. het der forste goot.
von manigem snellem degene. des stvont im hohe der mvot.



Wie die künige mit ir rechen
schlafen giengen.

XXX. Auentiure.

Der tac der het nu ende. vnt nahet in die naht.
den wege muosen degenen. ir sorgens an vaht.
die herren solden rowen. vnt an ir bette gan.
das bereite Hagene. es wart in schiere chont getan.

Gonther sprach zem wirte. got laze ioch mit freuden lebn.
wir wellen varn slafen. ir solt vns vrloup gebn.
als ir vns gebietet. wir chomen morgen fruo.
er schiet von sinen gesten. vil harte minneklichen do.

Dringen allenthalben. die geste man do sach.
Volker der chone. zu den Hunen sprach.
wie getorret ir den rechen. uf die fuze gan.
vnt welt irs niht ioch mazen. so wirt ir leide getan.

So slah ich eteslichem. so swären gigen slac.
hat er getriwen iemen. daz erz beweinen mac.
wan wicket ir vns rechen. ia dunchet ez mich gvot.
ez heizent alle degene. vnt sint geliche niht gemvot.

Do der videläre. so zornechliche sprach.
Hagen der chone. vber ahfel sach.
er saget ir rätet rehte. der chone spileman.
ir Chriemhilde degene. ir solt zen herbergen gan.

Des ir da habet willen. ich wän ez iemen tuo.
welt ir sin beginnen. so chomt vns morgen fruo.
vnt lat vns wege mvden. hint haben gemach.
ia wän ez von heleden. mit solchem willen ie geschach.

Do brahte man die geste. in einen witen sal.
dar inne si sit namen. den totlichen val.
da fonden si gerihet. vil manigiv bette breit.
in riet diu kuneginne. diu aller grözisten leit.

Vil manigen kolter spähe. von Arraz man da sach.
von vil lichten pfellen. vnt manige bette dach.
von Arabischen siden. so si beste chonden sin.
och lage in uf den enden. von golde hertlicher schin.

Die dechelachen härmin. vil menigiv man da sach.
vnt ovch von swarcem zobe. dar vnder si ir gemach.
des nahtes solden schaffen. vnz an den liechten tac.
ein kumec mit sinen frivnden. nie so herlich gelach.

O we der nahtfelde. sprach Giselher daz kint.
vnt owe miner frivnde. die mit mir chomen sint.
swie et ez min swester. mir gvetlich erbot.
ih fuerhte daz wir muosen. von ir schulden ligen tot.

Nu lazet iwer sorgen. sprach Hagen der degen.
ich wil der schilt wache. noch hinte selbe pflegen.
ich behvete ivch wol mit triwen. vnz vns chvmt der tac.
daz wizzet snelle degene. so geneese swer der mac.

Do nigen si im alle. vnt sagten im des danc.
si giengen zu den betten. die wile was niht lanc.
daz sich engestet heten. die ellenden man.
Hagene der stanche. sich do wafen began.

Do sprach der videläre. Volker der degen.
verfmahtez iv niht Hagene. so wolde ich mit iv pflegen.
der schilt wache hinte. vnze morgen frvo.
der helt vil minnekliche. danchte Volkere dvo.

Nu lone iv got von himele. vil edel Volker.
zallen minen sorgen. sone gert ich niemens mer.
niwan ivch aleine. swa ich hete not.
ich sol ez wol verdienen. mich enwendes der tot.

Do garten si sich beide. in liehtez ir gewant.
do nam ir ietewedere. den schilt an sine hant.
vnt giengen v3 dem huse. for die tor do stan.
do hvten si der degene. daz was mit triwen getan.

Volker der vil snelle. zu des sales want.
sinen schilt den goten. leinte von der hant.
do gie er hin widere. die videln er genam.
do dienter sinen frivnden. als ez dem degene gezam.

Vnder die tor des hoves. saz er vf den stein.
chvner videläre. div sonne nie beschein.
do im der seiten dönen. so svozlich erchlanch.
die stolzen ellenden. sagten im des grozen danc.

Do chlungen sine seiten. daz al daz hvos erdos.
sin ellen zu der svoge. div beide warn groz.
senfter vnt svezer. videln er began.
do enswebter an dem bette. vil manigen sorgenden man.

Do si wol entslafen waren. vnde er daz ervant.
do nam der degene widere. den schilt an sine hant.
do gie er v; dem hvoße. for die tvre stan.
vnt hvote siner frivnde. vor den Chriemhilde man.

Nach dem ersten slafe. ich wän ez e' geschach.
Volker der vil chvne. einen helm schinen sach.
verre v; einer vinsten. die Chriemhilde man.
wolden an den gesten. schaden gerne han getan.

E' Chriemhilt dise rechen. hete dan gesant.
si sprach ob irs also vindet. dvrch got so sit gemant.
daz ir da slahet niemen. wan den einen man.
den vngetriwen Hagenen. die andern solt ir lebn lan.

Do sprach der videläre. nu seht her Hagenen.
iane zimt mir diz märe. niht ze dagene.
ia sih ich mit gewäfen. dort her lote gan.
als ich mich versinne. ich wän si wellent vns bestan.

Nu swiget sprach do Hagene. lats vns her naher baz.
e' si vns werden innen. so wirt hie helme vaz.
mit swerten verrvcket. von der minen hant.
si werdent hint ir frowen. hin wider vbele gesant.

Ein der Hünen rechen. vil schiere daz gesach.
daz div tiure was behvetet. wie balde er do sprach.
des wir da heten willen. iane mag es niht ergan.
ich sihe den videläre. an der schilt wache stan.


Der treit of sine houbte. einen helm glanz.
lvotter vnt herte. veste vnt ganz.
ovch lohent sine ringe. sam daz fiure tvot.
bi im stet ovch Hagene. des sint die geste wol behvot.

Behant si widercherten. do Volker daz ersach.
zv sine hergesellen. er zorneklichen sprach.
lat mich zv den rechen. von dem hoose gan.
ich wil vragen der märe. der frown Chriemhilde man.

Nein durch mine liebe. sprach Hagene der degen.
welt ir deheines strites. mit den helden pflegen.
so bestent si ivch mit swerten. vnt bringent ivch in not.
so mvese ich iv helfen. werz aller miner mage tot.

So wir danne beide. komen inden strit.
zwene oder viere. in einer kurzen zit.
die sprongen zv dem hoose. vnt tätten vns div leit.
an den slafenden. div nimmer wrden verkleit.

Do sprach aber Volker. so lat doch daz geschehn.
daz wir si innen bringen. daz ich si habe gefehn.
daz des niht haben loygen. die Chriemhilde man.
daz si vil mortliche. gerne heten getan.



Do sprach der videläre. den honen vaste nach.
wie get ir svs gewafent. war ist iv so gach.
welt ir schaden riten. ir Chriemhilde man.
dar solt ir mih zehelpe. vnt minen hergesellen han.

Des antwrte im niemen. zornic was sin mvot.
pfi ir zagen böse. sprach der degen gvot.
wolt ir slafende. vns ermordet han.
das ist so gvoten degenen. her vil selten noch getan.

Do wart der kuniginne. rehte das geseit.
das ir boten niht enwrben. von schulden was ir leit.
do fvoogte siz sit anders. vil grimmech was ir mvot.
des mosen sit engelten. degene chvone vnde gvot.





Wie die herren ze kirchen giengen.

XXXI. Auenture.

Mir chvolint so die ringe. so sprach Volker.
 ia wän dir naht onf welle. nu niht wern mer.
 ich chivses von dem lofte. ez ist vil schiere tac.
 do wachten si der manigen. der noch slafende lach.



Do erschein der lichte morgen. den gesten inden sal.
Hagen begunde vragē. die rechen vberal.
ob si zem monster wolden. zu der messe gan.
nach siten kristenlichen. man vil lotten began.

Si sungen vngeliche. daz da vil wol schein.
kristen vnt heiden. die zogen niht enein.
do wolden zu der chirchen. die Gunthers man.
si warn von den betten. al geliche nu gestan.

Do näten sich die rechen. in also gvot gewant.
daz nie helde mere. in deheimes kuniges lant.
bezzet kleider brahten. daz was Hagene leit.
er sprach ia solt ir degene. hie tragen anderiv kleit.

Nu sint ir doch genvogen. diu märe wol bechant.
nu traget for die rosen. diu wafen an der hant.
for schapel wol gesteinert. die lichten helme gvot.
sit wir so wol erchennen. der argen Chriemhilde moot.

Wir mozen hiute striten. daz wil ich ir sagen.
ir solt for siden hemde. die lichten prvenne tragen.
vnt for die tiefen mäntil. die vesten schilde wit.
ob iemen mit ir zorne. daz ir vil werliche sit.

Mine vil lieben herren. dar zu mage vnt man.
ir solt vil willechliche. zu der chirchen gan.
vnt chlaget got dem richen. forge vnt iwer not.
vnt wizet sicherlichen. daz vns nahet der tot.

Irn solt och niht vergezen. swaz ir habt getan.
vnt solt vil vlegeliche. da gegen gote stan.
ir solt sin gewarnet. rechen also her.
ez enwelle got von himele. ir vernemt messe nimmer mer.



Sus giengen zu dem monster. die forsten vnt ir man.
vf den vronen chirchhof. do hiez si stille stan.
Hagene der chvone. daz si sich schieden niht.
er sprach iane weiz noch niemen. waz von den hronen vns geschicht.

Leget mine frivnde. die schilde for den svor.
vnt geltet ob ir iemen. biete swachen grovz.
mit tiefen verch wunden. daz ist Hagenen rat.
daz ir so werdet sonden. daz ez ir lobelichen stat.


Volker vnt Hagene. die zvone giengen dan.
for daz monster. daz wart durch daz getan.
daz sie daz wolden wizen. daz des kuniges wip.
mit in da mvese dringen. ia waz vil grimmech ir lip.

Do chom der wirt des landes. vnt ovch sin schone wip.
mit vil richem gewande. gesieret was ir lip.
der rechen genvoge. die man sach mit ir varn.
do chof man hohe stovben. von der kuniginne scharn.

Do der kunic Ezele. alsof gewaffent sach.
die rechen von dem Rine. wie balde er do sprach.
wie sihe ich frivnde min. vnder helmen gan.
mirst leit vf mine triwe. vnt hat in iemen iht getan.

Ich sol in gerne bozen. swie si dvonchet gvot.
hat iemen in beswäret. daz herce vnt ovch den mvot.
des bringe ich si wol innen. daz ez mir ist vil leit.
swie si mir gebietet. des bin ich alles in bereit.

Do sprach von Tronege Hagene. vns hat niemen niht getan.
ez ist site miner herren. daz si wafent gan.
zallen hochgeciten. ze vollen drien tagen.
het vns iemen iht getan. wir soldenz ir billiche sagen.



Wol hort diu kuniginne. was Hagene sprach.
wie rehte vintliche. si im vnder dougen sach.
sine wolde doch niht melden. die site von ir lant.
swie lange si sie da heime. mit freuden hete bechant.

Swie grimme vnt och swie starche. si in vrient wære.
het iemen gesaget Ezelen. diu rehten mære.
er het iz vnderstanden. daz niht da wære geschehn.
si liezen durch ir obergvot. daz sis im wolden niht veriehn.


Do gie diu kuniginne. mit grozer menege dan.
done wolden dise zwene. idoch niht hoher stan.
drier trite breiter. daz was den Hunen leit.
ia moße si sich dringen. mit den degenen gemeit.

Die Ezeln kameräre. dvohte daz niht gvot.
ia heten si den rechen. erzvnet do den mvot.
wan daz sine torsten. vor dem kunige her.
da was vil michel dringen. vnt doch niht anders mer.

Do man da gote gediente. vnt da si wolden dan.
do chomen da zen rossen. vil manic Hunen man.
och was bi Chriemhilde. vil manic schoniv meit.
wol siben tosent degene. bi der kuniginne reit.

In des sales venster. Chriemhilt gefaz.
mit maniger schonen frowen. mit freuden ane haz.
Ezele der riche. gefaz och zo zir nider.
vnt sahen kurcewile. von den guten rechen sider.

No was och in der marschalech. mit den rossen chomen.
Danchwart der snelle. er het zo zim genomen.
sinf herren ingesinde. von Ouregonden lant.
diu ros man wol gesatelet. den ellenden rechen vant.



Do si zen rossen chomen. die kunige vnt ir man.
Volker der chvenc. raten do began.
si solden buhvdieren. nach ir landes siten.
des wart von degenen. sit vil herlich geriten.

Vof den hof vil witen. chom do manie man.
Ezele vnt Chriemhilt. ez sahen alles an.
der bohvt vnt schallen. diu beidiu wrden groz.
von kristen vnt von heiden. wie luzzil iemen da verdroz.


Vf den buhurt chomen. al zehant geriten.
die Dietriches rechen. in hochverteklichen siten.
si wolde kurcewile. mit den gesten han.
do enwolde erf in niht gunnen. ir herre hiez siz balde lan.

Mit Gunthers mannen. daz spil er in verbot.
er vorhte siner degene. des gie im groziv not.
do chomen von Sechelaren. die Rodegeres man.
dar umbe do der edele. starche zvrnen began.

Er chom zvo zin vil balde. gedrongen durch die sehar.
vnt sagete sinen degenen. si waren des gewar.
daz in vnmote waren. die Gunthers man.
ob si den bohvt liezen. daz ware im liebe getan.

Do sich die von in schieden. als vns ist geseit.
do chomen da von Dvringen. helde vil gemeit.
vnt die von Tenemarchen. wol tosent choner man.
von stichhen sah man vliegen. vil der tvonzvenc dan.

Hawart vnt ovch Irnfrit. gefellechliche riten.
des waren die von Rine. inhochvertiklichen siten.
si boten manige tioste. den von Dvringen lant.
des wart von stichen dvrechel. vil manie herlicher rant.



Do chom oveh zu dem schalle. der herre Blödelin.
mit tusent siner rechen. die taten da wol schin.
wie si riten chonden. sich hvoop groz vngemach.
Chriemhilt ez vil gerne. durch leit der Buregonde sach.

Si gedaht inir mvote. als ez was nach gescheln.
geschähe iemen von in leide. so möhte ich mich verseln.
daz ez erhaben wrde. an den vienden min.
wrde ich wol errochen. des wolde ich gar an angeft sin.


Schrvotan vnt Gibeche. vf den buhprt riten.
Hornboge vnt Ramunch. nach Hvnischen siten.
si hielten gein den helden. v3 Buregonden lant.
die schefte dräten hohe. mit chresten for des sales want.

Swes da iemen pflege. so was ez niwan schal.
man horte von schilde stozen. palas vnt sal.
harte loot erdiezen. von Gunthers man.
den lop daz sin gefinde. mit grozen eren da gewan.

Do was ir churcewile. so lanc vnt oveh so groz.
daz durch die chovertivre. der blanche sweiz do vloz.
von den vil goten marchen. die di helde riten.
si svohnten; an den Hvnen. invil hochvertlichen siten.

Do sprach der videläre. Volker der chone man.
ich wen vns dise rechen. torren niht bestan.
ich hort ie sagen märe. daz si vns trogen haz.
none chondez sich zerwerlde. zware nimmer svogen baz.

Ben herbergen fveren. sprach der kunec her.
fol man no di möre. vnde riten danne mer.
gegen abende. so des wirdet eit.
waz ob div kuniginne. lop den vnehunden git.



Do sahen einen riten. so waigerlichen hie.
das ez al der Hünen. tet deheiner nie.
ia mohter inden venstern. wol haben hercen tvot.
er was so wol gechleidet. sam eins vil werden ritters brot.

Do sprach aber Volker. wie möhte ich das verlan.
iener tvot der frowen. miz eine gebuze han.
das chunde niemen wenden. ez get im an den lip.
iane vroche ich ob ez zorne. des kunic Ezeln wip.

Nein durch mine liebe. sprach der kunec san.
ez wizzent vns die lote. ob wir si bestan.
ir lat ez heben die Hünen. das foget sich noch baz.
dannoch der kunec Ezele. bi der kuniginne saz.

Ine mag es niht gelazen. sprach do Volker.
den bohrt reit er widere. mit vollechlicher ger.
stach er dem richen heiden. das sper durch sinen lip.
das sah man sit beweinen. beide maget vnt wip.

Do vrochte hortekliche. Hagene nach im dan.
mit sehlich siner degene. riten er began.
nach dem videläre. da div tiost geschach.
Ezel vnt Chriemhilt. ez bescheidenliche sach.

Done wolden ovch die kunige. den ir spileman.
bi den vianden. niht ane helpe lan.
da wart von tosent heleden. vil chunsteklich geriten.
si taten das si wolden. in vil hochvertlichen siten.

Da der riche Hüne. ze tode was er slagen.
man horte sine mage. weinen vnt klagen.
do vragt al das gesinde. wer hat es getan.
do sprachen die das sahen. das hat der starche spileman.



Nach swerten vnt nach schilden. riefen da zehant.
des marcgraven mage. von der Hünen lant.
do wolden si den spileman. ze tode erlagen han.
der wirt v3 eime venster. sere gahen do began.

Do huop sich von den loten. allenthalben schal.
die Guntheres rechen. erbeisten vberal.
div ros zerocke stiezen. die kunige vnt al ir man.
do chom der kunic Ezele. der helt ez schaiden began.


Ein des Hünen mage. den er da bi im vant.
ein vil starchez wafen. bracher im v3 der hant.
do slogers alle widere. wan im was vil zorn.
wie het ich minen dienest. an disen heleden verlorn.

Ob ir no disen spileman. het darvmb erlagen.
ich hiez ouch alle hahen. daz wil ich ir sagen.
ich sah vil wol sin riten. do er den Hünen stach.
deiz ane sinen willen. von eime stroche geschach.

Ir muozet mine geste. vride lazten han.
do wart er ir geleite. div ros div zoch man dan.
3v den herbergen. si heten manigen knecht.
die in zedienste waren. mit allem vize gerecht.

Der wirt mit sinen frivnden. inden palas gie.
zorn er mer deheinen. da niht werden lie.
do rihte man die tische. daz wazer man in trovoc.
do heten die von Rine. viende da genvoc.

Swie leit ez Ezeln wäre. gewafent manige schar.
sach man nach forsten dringen. vnt wol zevlize gar.
da si zen tischen giengen. durch der geste haz.
ir mach si rechen wolden. ob sich gefogen chonde daz.



Sit ir gewasent gerner. ezet danne bloz.
sprach der wirt des landes. diu vnzucht ist zegrocz.
swer aber minen gesten. hie tvot deheiniv leit.
ez get im an sin houbet. daz sie in Hünen geseit.

E' die herren gesezen. daz was harte lanch.
diu Chriemhilde sorge. si al zesere twanc.
si sprach herre Dietrich. ich soches dinen rat.
helfe vnt genade. min dinc mir angefliehen stat.


Do sprach for sinen herren. Hildebrant der ellens rich.
swer steht die Nibelunge. der tvot ez ane mich.
durch deheines schazzes liebe. ez mag im werden leit.
sie sint noch vnbetwungen. die snellen degene gemeit.

Si sprach ia hat mir Hagene. also vil getan.
er morte Sivriden. den minen lieben man.
der in v; den andern schiede. dem wär min golt bereit.
engolt es ander iemen. daz wär mir inneklichen leit.

Do sprach meister Hildebrant. wie chunde daz gesehn.
daz man in bi in sluge. ich lize ivch daz gesehn.
ob man den helt bestonde. sich hobe liht ein not.
daz arme vnt riche. dar umbe mosen ligen tot.

Do sprach in sinen zvehten. dar wo her Dietrich.
die bete la beliben. kuniginne rich.
mir habent dine mage. der leide niht getan.
daz ich die edeln degene. mit strite welle bestan.

Diu bet dich lözzel eret. vil edeles forsten wip.
daz du dinen magen. rätet an den lip.
si chomen vf genade. her indisse lant.
Sivrit ist vnerrochen. von der Dietriches hant.



Do si an dem Bernäre. den willen niht erwant.
do lobtes also balde. an Glödelines hant.
eine wite marche. die Rvduvnech e' besaz.
sit do sloog in Danchwart. daz er der gabe gar vergaz.

Si sprach du solt mir helfen. herre Glödelin.
ez sint indifem hoose. die viande min.
die Sivriden slogen. den minen lieben man.
der mir daz hilfet rechen. dem bin ih immer vndertan.

Des antwort ir Glödel. da er bi ir saz.
iane getarre ich dinen magen. geraten cheinen haz.
wande si min brooder. bi im gerne siht.
ob ich si bestunde. der kunec vertroge mir sin niht.

Neyna herre Glödel. ich bin dir immer holt.
ia gib ich dir dar vmbe. min silber vnt min golt.
vnt eine schone frowen. daz Rvduvnges wip.
so mahtv gerne troten. den ir vil minneklichen lip.

Daz lant zu den burgen. soltv haben dir.
vil tivrllicher reche. du solt gelouben mir.
daz ich dich sicherliche. alles des gewer.
daz ich dir hie benennet han. ob du leistes mine ger.

Do der herre Glödel. die miete vernam.
vnt daz im durch ir schone. div frowe wol gezam.
mit strite wander dienen. daz minnekliche wip.
dar vmbe mvosen rechen. mit im verliesen den lip.

Er sprach man sol geswigen. der rede iber al.
e' man is werden inne. so heb ich einen schal.
ez mvz arnen Hagene. swaz er iv hat getan.
oder ich wil dar vmbe. minen lip verlorn han.



No wafent ouch sprach Blödel. alle mine man.
wir soln den vianden. inir herberge gan.
des wil mich niht erlazen. daz Ezeln wip.
dar umbe soln wir degene. alle wagen den lip.

Do die kuniginne. Blödelinen lie.
indes strites willen. ze tische si do gie.
mit Ezele dem kunige. vnt ouch mit sinen man.
si hete swinde räte. an die geste getan.

Wie si zetische gienge. daz wil ich ir sagen.
man sach da kunige riche. chrone vor ir tragen.
vil manigen hohen forsten. vnt manigen werden degn.
die sah man grozer zhte. vor der kuniginne pflegen.

Der wirt der schof den gessen. den sedel vberal.
den hohsten vnt den besten. zo zim in den sal.
den christen vnt den heiden. ir spise er vnderschiet.
man gab genoc in beiden. als ez der wise kunec beriet.

Ir ander ingefinde. zen herbergen azen.
den warn trohsazen. ze dienste lazten.
die musen ir spise. wol zvlize pflegen.
ir wirtschafft vnt ir freude. wart sit mit iamer widerwegen.

Do die forsten gesezen. warn vberal.
vnt nu begonden ezzen. do wart in den sal.
getragen zo den fversten. daz Ezeln kint.
da von der kunec riche. gewan vil starchen iamer sint.

Dar giengen an der stonde. vier Ezeln man.
si trovogen Ortlieben. den iongen kunec dan.
zo der forsten tische. da ouch Hagene saz.
des wofis kint ersterben. durch sinen mortlichen haz.



Do der kunich riche. sinen soon ersach.
zwo sinen chonemagen. er gvetliche sprach.
nu seht ir frivnde mine. diz ist min einech soon.
vnt ovch iwer swester. der magiv noh vil dienste tvon.

Gevehter nach dem chonne. ern wirt ein kone man.
rich vnt ovch vil edele. starch vnt wolgetan.
leb ich deheine wile. ich gib im drizzech lant.
so magiv wol gedienen. des iungen Ortliebes hant.


Dar umbe ich bite gerne. ioch lieben frivnde min.
swenne ir zelande widere. ritet an den Rin.
so solt ir mit iw foren. den iuern swester soon.
vnt solt ovch an dem kinde. vil genädekkliche tvon.

Ziehiet in zen eren. vnz er werde ze man.
hat iw inden landen. iemen iht getan.
daz hilfet er iw rechen. daz habt of minen lip.
die rede hort ovch Chriemhilt. des kunec Ezeln wip.

Im solden wol getrowen. dise degene.
gewhser zeinem manne. so sprach Hagen.
doch ist der kunec ionge. so veicklich getan.
man sol mich sehen selten. zehove nach Ortliebe gan.

Der konich Hagenen an blichte. im was div rede leit.
swie niht dar umbe en redete. der forste vil gemeit.
ez betrovehte im sin herce. vnt beswart im den mvot.
do was der Hagenen wille. niht zekurcewile gvot.

Ez tet den forsten allen. mit dem kunige we.
daz Hagen von sine kinde. het gesprochen e'.
daz siz versizzen solden. daz was in vngemach.
sine wessen niht der märe. was von dem rechen sit geschach.



Enoghe di es horten. vnt im doch warn gram.
in heten gerne bestanden. ovch het der kuncce alsam.
getorster von sinen eren. so wär ers chomen innot.
sit tet im Hagene mere. er swogen vor sinen oogen tot.





Wie Blödel
mit Danchwart an der herberge streit.

XXXII. Auentiure.

Die Blödelines rechen. die warn alle gar.
mit tusent halspergen. hoben si sich dar.
du Danchwart mit den knechten. ob den tischen saz.
do hoop sich vnder degenen. mort vnt nitlicher haz.

Also der herre Blödel. sver die tische gie.
Danchwart der marschalch. in gvetlich enpsie.
willechomen her zehyse. min her Blödelin.
waz iwer reise meine. des wudert gar die sinne min.

Dane darstu mih niht groezen. sprach do Blödelin.
wan disse chomen daz mine. daz sol din ende sin.
dvrch Hagenen dinen brooder. der Sivriden svoc.
des engilttestu zen Hünen. vnt ander degene genvoc.

Neina herre Blödel. sprach do Danchwart.
so mohte vns balde riwen. disiu have vart.
ich waf ein vil kleiner knecht. do Sivrit vlos den lip.
iane weiz ich waz mir wizet. des kunec Ezeln wip.

Dane weiz ich dir der märe. nimer ze sagene.
ez taten dine mage. Gunther vnt Hagene.
nw wert ich vil ellenden. ir chvnnet niht genesen.
ir muozet mit dem tode. pfant daz Chriemhilde wesen.

So enwelt ir niht erwinden. sprach do Danchwart.
so riwet mich min vlehen. daz wäre baz verspart.
der snelle degen chvne. von dem tische sprach.
er zoch ein scharpfes wafen. daz waf michel vnt lanch.

Do svoger Blödeline. einen swinden swertes slac.
daz imz houbet mit helme. vor den fvezen lac.
daz si din morgengabe. sprach Danchwart der helt.
zwo wvovnges brvte. die do ze frevden hast erwelt.

Si mac sich morgen mähelen. einem andern man.
wil er die brvte miete. ez mac im sam ergan.
ein getriwer Hone. het im daz geseit.
daz in diu kuniginne. riet so grözlichiv leit.

Do sahen Blödelnes man. ir herre lac erlagen.
das enwolden si den gesten. langer niht vertragen.
mit vf erbortten swerten. si sprungen for diu kint.
in eime grimme mvote. ia gerowe; si sint.

Vil lute rief der marschalch. al die knappen an.
ir seht wol edeln knechte. wie ez wil vmbe gan.
no wert ouch ellenden. als ouch des twinget not.
das ir fromeliche. ane schande liget tot.

Die swerte niht enheten. die reichten for die banch.
si hoben v; den fozen. vil manigen schamel lanch.
der Suregonden knechte. in wolden niht vertragen.
da wart von swären stolen. durch helme bolen vil geslagen.

Wie grimme sich do werten. diu ellenden kint.
si triben v;em hofe. die gewafenden sint.
doch beleib ir tot dar inne. funf hyndert oder baz.
do was das ingesinde. von blvote rot unde naz.

Disiv starchen märe. werden dan geseit.
den Ezeln rechen. ez was in grimme leit.
das erlagen wäre. der herre unt sine man.
das het der Hagen brooder. mit den knechten getan.

E man; zehove erfunde. die Honen durch ir haz.
der garte sich zwei tosent. oder dannoch baz.
si giengen zu den knechten. das mvof et also wesen.
unt liezen des gesindes. ninder einen genesen.

Do die vil ungetriwen. drvngen indaz gadem.
do hoop sich zwischen den rechen. vil vngefoger kradem.
was half ir baldez ellen. si mvosen ligen tot.
dar nach inchorreen stvnden. hoop sich engestlichiv not.

Hie muogt ir horen wnder. bi vnfsoge sagen.
niwan tosent knechte. die lagen tot erlagen.
dar ober ritter zwelfe. der Danchwartes man.
man sach in alterseine. noch bi den vianden stan.

Der schal der was geswistet. der doz der was gelegn.
do blichte ober ahfel. Danchwart der degen.
er sprach owe der frivnde. die ich verlorn han.
no muo; ich leider eine. bi minen vianden stan.

Dio swert genote vielen. vf sin eines lip.
daz mose sit beweinen. vil maniges heldes wip.
den schilt er rvochter hoher. den vezzel nider baz.
do frumt er vil der ringe. mit blote vliezende naz.

Owe mir dirre leide. sprach Adrians kint.
no wichent Honen rechen. ir lat mich an den wint.
daz der luste erchvele. mih storme wreden man.
do begunder an ir willen. instrite gegen der tore gan.

Der helt ingrozem zorne. zu dem hofe sprach.
was iteniwer swerte. vf sine libe erchlanh.
die niht gesehen heten. waz wunders tet sin hant.
die mosen da beliben. von dem v; Burgonden lant.

No wolde got sprach Danchwart. mohte ich den boten han.
der minen broder Hagenen. chvnde wizen lan.
daz ich vor disen rechen. sten insolher not.
er holse mir von hinnen. oder er gelege bi mir tot.

Do sprachon Honen rechen. der bote muostv sin.
so wir dich tragen toten. for den broder din.
so siht im erste leide. der Gunthers man.
du hast dem kunege Ezelen. so grozen schaden hie getan.



Nu lat die dro beliben. vnt stet vf hoher baz.
ia geton ich eteslichem. noch die ringe naz.
nu wer mirz swer der welle. ich wil zehove gan.
vnt wil selbe disiv märe. minen herren wizen lan.

Er leidete sich so fere. den Ezeln man.
daz si in mit den swerten. nu torsten niht bestan.
do schvzzen si der gere. so vil in sinen rant.
daz er in durch die swäre. mose lazen von der hant.


Si wanden in betwingen. do er niht schildes tvoc.
hen was er tiefer wuden. sit durch helme svoc.
des mose vor im strechen. vil manic koner man.
dar vmbe lop vil grozen. der chvne Danchwart gewan.

Ze beiden sinen siten. si im sprongen zvo.
ia chom ir eteslicher. in den strit zefvo.
er gie vor sinen vienden. alsam ein eberswin.
ze walde tvot vor hvnden. wie möhter koner gesin.

Sin vart div wart erniwet. von heizem blote naz.
iane chvnde ein einer reche. gestriten nimmer baz.
mit also vil der viende. denner hete getan.
do mvsen si in lazen. ane ir danc ze hove gan.

Trvhsezen vnt schenchen. die horten swerte chlanch.
vil maniger do daz trinchen. von der hende swanch.
vnt someliche spise. die man zehove tvoc.
do chom im vor der fliegen. der starchen viende genvoc.

Wie nu ir goten knehte. sprach der mvde degen.
ia soldet ir der geste. gvettliche pflegen.
vnt soldet nu den herren. die edeln spise tragen.
vnt lieset mich div märe. ze hove minen herren sagen.



Swelher durch sin ellen. im for die stiegen spranch.
der sluger eteslichem. so swären swertes swanc.
daz si durch die vorhte. vf hoher mosen stan.
ia het sin starchez ellen. vil maniges ende getan.

Also der chone Danchwart. vnder die tore getrat.
daz Ezeln gefinde. er hoher wichen bat.
mit blvote beronnen. was alles sin gewant.
ein vil starchez wafen. daz troger bloz an finer hant.

Ez was recht inder wile. do Danchwart chom for die tver.
daz man Ortlieben. trooc wider vnt fver.
von tische zetischen. den forsten wol geboren.
von disen starchen mären. wart das kindelin verlorn.





Wie Danchwart die mâr ze hove bracht.

XXXIII. Auenture.



il loute rief do Danchwart. eime degene.
ir sizet al zelange. brooder Hagene.
iv vnt got von himele. chlage ich vnser not.
ritter vnt knechte. sint inder herberge tot.

Er rief im engegene. wer hat daz getan.
daz hat der herre Blödel. vnt sine man.
ovch hat ers niht genozzen. diu wil ich iv sagen.
ich han im sin houbet. mit minen handen abe geslagen.

Daz ist ein schade kleine. sprach aber Hagene.
swa man solhiv märe. saget von degene.
ob er von rechen handen. verliofet sinen lip.
in soln deste ringer. klagen wätlichiv wip.

Nu saget mir lieber brovoder. wie sit ir so rot.
ich wän ir non wunden. lidet groze not.
ist er inder inme lande. derz iv hat getan.
in erner der vbel tiufel. ez muz im an sin leben gan.

Ir seht mich wol gesunden. min wat ist blvotes naz.
von ander mannen wunden. ist mir geschehn daz.
der ich also manigen. hivte han erslagen.
ob ich des swern solde. ine chondez nimmer gesagen.

Er sprach brovoder Danchwart. so hotet vns der tver.
vnt enlat der Honen einen. chomen niht der sver.
ich wil reden mit den rechen. des vns nu dwinget not.
vnser ingesinde. lit vnverdinet hie tot.

Sol ich sin kameräre. sprach do der kvene man.
also richen kvnegen. ich wol gedienen chan.
so hvot ich der stiegen. nach den eren min.
den Chriemhilde degenen. chonde leider niht gesin.

Mich nimt es michel wnder. sprach do Hagene.
swaz die Ezeln rechen. ronen in difem gademe.
si wän des lihte enbern. der an der tver dort stat.
vnt ovch diu hove märe. gesaget den Burgonden hat.

Ich han gehort vil lange. von Chriemhilde sagen.
daz si ir herren leide. wolde niht vertragen.
nu trinchen wir die minne. vnt gelten skvniges win.
der iwngc vogt der hynen. der muoz hie der erste sin.

Do swoc daz kint Ortlieben. Hagen der helt gnot.
daz im an dem swerte. zer hende vloz das bloot.
vnt daz des kindes hovbet. sprach Chriemhilt in ir schoz.
do hvop sich vnder degenen. ein mort vil grimmech vnt groz.

Ovch svoger dem magetzogen. einen swinden slac.
mit beiden sinen handen. der Ortliebes pflac.
daz im daz hovbet schiere. vor tischen nider lac.
ez was ein iämerlicher lon. den er dem magtzogen wach.

Er sach vor Ezeln tische. einen spileman.
Hagen insime zorne. gahen dar began.
er svog im vf der videlen. ab die einen hant.
daz habe der botescheste. in der Borgonden lant.

Owe mir sprach Werbel. der Ezeln spileman.
her Hagen von Tronege. was het ich iv getan.
ich kom vf groze triwe. in iwer herren lant.
wie chlenche ich nu die döne. sit ih nu verlorn han die hant.

Hagenen ahte ringe. gevidelter nimmer mer.
do fromt er indem hofe. div werch grimmen ser.
an den Ezeln rechen. der er so manigen svoc.
er braht ir in dem gademe. zu dem tode genvoc.

Volker sin gefelle. von tische sprach.
sin videlboge im lvote. an finer hende erchlanch.
do videlte vngesvege. der kunige spileman.
hey was er im ze vienden. der chynen hynen gewan.

Do sprongen von den tischen. die drie konige her.
si wolden; gerne scheiden. e des schaden wrde mer.
sine chonden; mit ir sinnen. do niht vnderstan.
do Volker vnt Hagene. so sere wveten began.

Do sach der vogt von Rine. vngescheiden den strit.
do svoc der forste selbe. vil manige wnden wit.
durch die lichten ringe. den vianden sin.
er was ein helt zen handen. daz wart da grozlichen schin.

Do chom ovch zu dem strite. der starche Gernot.
ia frvomt er den Hynen. vil manigen helt tot.
mit dem scharpsen swerte. daz im gap Rodeger.
den Ezeln magen. frvomt er div grozlichen ser.

Der iunge svon frovv Uten. zu dem strite spranch.
sin wafen herrenliche. durch die helme erchlanc.
den Ezeln rechen. vzer Hynen lant.
da tet vil michel wnder. div Giselheres hant.

Swie frvom si alle wären. die konige vnt ovch ir man.
doch sach man Giselhere. ze vorderest stan.
bi den vianden. er was ein helt gvot.
er schvof da mit den wnden. vil manigen nider indaz blvot.

Ovch werten sich vil sere. die Ezeln man.
do sah man die geste. howende gan.
mit den lichten swerten. durch des koniges sal.
do hort man allenthalben. von strite grozlichen schal.

Do wolden die dar vzen. mit frivnden sin dar in.
si namen an der stiegen. vil kleinen gewin.
do wolden si dar inne. vil gerne for die tver.
done lie der portenäre. ir deheinen dar fver.

Do hoop sich in der porte. vil grozer der gedranc.
vnt och von den swerten. vf helme lvoter klanc.
des chom der kone Danchwart. in vil starche not.
daz bedachte Hagene. als im sin triwe gebot.

Vil lote rief do Hagene. Volkern an.
seht ir dort geselle. minen brooder stan.
vor Honischen rechen. vnder starchen flegen.
frivnt nert mir den brooder. e' wir vliessen den degn.

Daz tvon ich sicherlichen. sprach der man.
er begunde vil videlende. durch den palas gan.
ein scharpfez swert im diche. an siner hende erchlanc.
die rechen bi dem Rine. sagten im des grozen danch.

Volker der vil chvene. zwo Danchwarte sprach.
ir habt erliten hiute. grozen vngemach.
mich bat iwer brooder. durch helse zwo ziv gan.
welt ir nw sin dar vze. so wil ich inrethalben stan.

Danchwart der vil snelle. stont vzerhalp der tver.
do wert er in die stiegen. swaz ir chom der fver.
des hort man waffen hellen. an der helede hant.
sam tet och inrethalben. Volker von Suregonden lant.

Der chvne videläre. rief zwo dem degene.
daz hvs ist wol beslozen. frivnt Hagene.
ez ist also verschranchet. div Ezeln tver.
von zweier rechen handen. da gent wol tosent rigel fver.

Do der starche Hagene. die tver so sach behvot.
den schilt warf do zervecke. der chvne degen gvot.
do erst begunder rechen. siner frivnde leit.
sines zornes mvese engelten. vil manic ritter gemeit.

Do der voget von Berne. daz wnder reht ersach.
daz Hagene der starche. so manigen helm brach.
der kunic der Amelunge. sprach vf einen banch.
er sprach hie schenchet Hagene. daz aller wirsiste tranch.

Der wirt het groze forge. sin wip diu het alsam.
waz man im lieber frivnde. vor sinen ovgen nam.
wander vor sinen vinden. vil chyme da genas.
er saz vil angeflliche. waz half in daz er kunec was.

Chriemhilt diu frowe. rief Dietrichen an.
nw hilf mir von dem sedele. ritter von in dan.
durch aller forsten togende. v3 Amelunge lant.
vnt erreichet mich dort Hagene. ich han den tot an der hant.

Wie sol ich iv gehelfen. sprach do Dietrich.
vil edeliv kuneginne. nw forge ich vmbe mich.
ez sint so sere erzornet. die Gunthers man.
daz ich an disen citen. geviden niemen enchan.

Neina herre Dietrich. vil edel ritter gvot.
laza hivte schinen. den togentlichen mvot.
daz du mir helfest hinnen. oder ich belibe tot.
nw hilf mir vnt dem kunige. v3 dirre angefllicher not.

Daz wil ich versvochen. ob ich iv helfen chan.
wande ich inlangen citen. niht gefehn han.
so pitterlich erzornet. manigen ritter gvot.
ia sahe ich durch die helme. von swerten vliezen daz blvot.

Mit chraft begunde rufen. der degen v3 erchorn.
daz im sin stimme ervote. alsam ein wisents horn.
vnt daz der palas wite. von siner chraft erdo3.
diu sterche Dietriches. was vil vnmazliche gro3.

Do gehorte Gunther. rufen disen man.
indem starcken storme. losen er began.
er sprach Dietriches stimme. ist inmin ore chomen.
ich wän im vnser degene. 'haben' etewen hie benomen.

Ich sihe in vf dem tische. er winchet mit der hant.
ir frivnt vnt mage. von Burgonden lant.
gehabt vf des strites. lat hören vnt sehn.
waz hie Dietriche. von vns zeschaden si geschehn.

Do der kunic Gunther. bat vnt oveh gebot.
si habten vf mit swerten. in des stormes not.
daz was gewalt vil grozer. daz do niemen streit.
do reiten mit ein ander. die konen rechen gemeit.

Er sprach vil edel Dietrich. waz ist iv hie getan.
von den minen magen. willen ich des han.
sone vnt boze. bin ich iv bereit.
swaz iv iemen tâte. daz wär mir inneklichen leit.

Do sprach der herre Dietrich. mir ist noch niht getan.
des ich schaden deheinen. von iv moze han.
wan lat mih von dem strite. mit dem gesinde min.
daz wil ich vmbe ivch degene. immer dienende sin.

Wie vlegēt ir so sere. sprach do Wolshart.
iane hat der videläre. die toer nie so verspart.
wir entfliezen si so wite. daz wir dar fore gan.
no swiget sprach her Dietrich. ir habt den tiufel getan.

Do sprach der kunic Gunther. erlobben ich iv wil.
foret v3 dem hofe. lozzil oder vil.
ane mine vinde. die soln hie bestan.
si habent mir zen hynen. leides vil getan.

Der herre von Berne. vnder einen arm besloz.
die edeln kuniginne. der angest diu was groz.
do fort er anderthalben. Ezeln mit im dan.
ovch giengen mit im dannen. sehs hondert siner chvener man.

Do sprach der margrave. der edel Rodeger.
sol aber vzem hofe. iemen chomen mer.
die iv doch dienen gerne. daz lazet vns vernemen.
so sol ovch fride der stäte. guten frivnden immer zemen.

Des antwete Gifelher. sine swcher zehant.
vride vnt svone. si iv von uns bechant.
sit ir sit triwen stäte. beide ir vnt iwer man.
solt gemeinliche. mit iuern frivnden hinnen gan.

Do der margrave. gerwnte den sal.
sonf hondert vnt mere. im volgten zetal.
die stiegen von dem hofe. daz warn sine man.
von den der konec Gonther. vil grozen schaden sit gewan.

Do sach ein honen reche. Ezelen gan.
bi dem Bernäre. genozzen wolderf han.
dem gap der videläre. einen swern slac.
daz im vor Ezeln svetzen. daz hovbet schiere gelac.

Do der wirt des landes. chom von dem hofe dan.
do cherte er sich hin widere. vnt sach Volkeren an.
owe mir dirre geste. daz ist ein grimmiu not.
daz alle mine frivnde. soln vor in ligen tot.

Ach we der hochgeite. sprach der konec her.
da vihtet einer inne. der heizet Volker.
alsam ein eber wilde. vnt ist ein spileman.
ich danches mime heile. daz ich dem valande entran.

Sine leyche totent vbele. sine zwege die sint rot.
ia velent sine döne. vil manigen helt tot.
ine weiz niht was vns wize. der selbe spileman.
wan ich gast neheinen. nie so leiden gewan.

Sir herbergen giengen. die rechen also her.
der herre von Berne. vnt och Rodeger.
sine wolden mit dem strite. niht zeschaffen han.
vnt geboten och ir degenen. daz sis mit fride solden lan.

Vnt heten si getrowet. alsolher swäre.
daz in dir von in beiden. so chynstlich wäre.
sine wärn von dem huse. niht so sanfte chomen.
si heten eine strovse. an den vil chonen e' genomen.

Sie heten die si wolden. lazen v; dem sal.
do hoop sich inrethalben. ein grozlicher schal.
die geste sere rachen. daz in e' geschach.
Volker der vil chvene. hen was er lichter helme brach.

Sich cherte gein dem schalle. Gunther der kuncz her.
hort ir die döne Hagene. die dort Volker.
mit den Honen videlet. swer gegen der tver gat.
ez ist ein roter anstrich. den er zem videlbogen hat.

Mich riwet ane maze. sprach do Hagene.
daz ich vor Volkere. ie gefaz dem degene.
ich was sin gefelle. vnt och er der min.
vnt chom wir immer widere. daz soln wir noch mit triwen sin.

No schowe kuncz Gunther. Volker ist dir holt.
er dienet willechliche. din silber vnt din golt.
sin videlboge im snidet. durch den herten stal.
er brichet vf den helmen. dir lichten schinende mal.

Man gesach nie videläre. so herlichen stan.
also der degen Volker. hviute hat getan.
die sinen lenche hellent. durch helm vnt durch den rant.
ia sol er riten gotiv ros. vnt tragen herlich gewant.

Swaz der künen mage. indem huse was gewesen.
der enwas nu deheiner. dar inne genesen.
des was der schal geschwifet. daz niemen mit in streit.
diu swert von handen legeten. die künen degene gemeit.


Die herren nach ir muede. gefazen do zetal.
Volker vnt Hagene. die giengen for den sal.
sich leinten vf die schilde. die vbermuten man.
da wart rede genwoege. von in beiden getan.

Do sprach von Burgonden. Giselher der degen.
iane muogt ir lieben frivnde. niht rowe noch gepflegen.
ir solt die toten lute. v3 dem huse tragen.
wir werden noch bestanden. ich wilz in wärtliche sagen.

So wol mich solhes herren. sprach do Hagene.
der rat enzäme niemen. wan eime degene.
den vns min iunger herre. hviute hat getan.
des muogt ir Burgonden. alle vroliche stan.

Do volgeten si dem kinde. vnt trogen for die toer.
wol zweitofent toten. wesen si der foer.
vor des sales stiegen. vielen si zetal.
do huop sich von ir magen. ein vil klagelicher schal.

Ez was ir etelicher. so mäsliche wnt.
der sin mit helpe pfläge. er wrde noch gesvnt.
der von dem hohem valle. muose ligen tot.
die klagten do ir frivnde. des twanch si iamerhaftiv not.



Do sprach der videläre. ein reche vil gemeit.
nu chiofe ich des die wareheit. als man mir hat geseit.
die hynen sint vil böse. si chlagent sam div wip.
nu solden si beruchen. der vil fere wnder lip.

Do wande ein maregrave. er reit ez durch gvot.
er sach einen sinen mach. gefallen indaz blvot.
er besloz in mit den armen. vnt wolde in tragen dan.
den schoz ob im zetode. der vil chvone spileman.

Do dandern daz gefahen. diu floht hup sich von dan.
si begonden alle fluchen. dem selben spileman.
noh huober vnder fuzen. einen ger vil hart.
der von eime hynen. indaz hvs geschossen wart.

Den schoz er do hin widere. durch die burch dan.
mit siner chraft so verre. den Ezelen man.
gab er herberge. vof hoher von dem sal.
daz sin vil starchez ellen. die lute vorhten vber al.

Do stunden vor dem huose. Ezel vnt sine man.
Volker vnt Hagene. reden do began.
mit der hynen kunige. ir willen vnt mvot.
des chomen sit insorgen. die heledē chven vnt gvot.

Ez zāme so sprach Hagene. vil wol volches trost.
daz die herren vāhten. zaller vorderost.
also der kuncē Gvnther. vnde Gernot hie tvot.
die howent durch die helme. nach swerten vlvzet daz blvot.

Ezele was so chvne. er vazzete sinen schilt.
nv vart gewāliche. sprach min frov Chriemhilt.
vnt bietet ir den rechen. daz golt vber rant.
wan erreichtet ivch dort Hagene. ir habt den tot an der hant.

Done wolde der kuncē here. des strites erwinden niht.
daz von so richen forsten. selten nv geschiht.
man mvof in bi dem vezzil. wider ziehen dan.
Hagene der grimme. sin spotten aber began.

Ez was ein nahiv sippe. sprach do Hagene.
die Sivrit vnt Ezele. heten zesamene.
er minnete Chriemhilt. e' si ie gefāhe dich.
kunic vil böse. warvmbē rāteft an mich.

Dise rede horte. wol des koniges wip.
des wart vil vnmotes. der Chriemhilde lip.
daz er si torste schelten. vor Ezelen man.
dar umbe si aber raten. an die geste began.

Si sprach der mir von Tronegen. Hagenen slwege.
vnt mir sin hovbet. ze gibe troge.
dem solt ich rotes goldes. den Ezeln rant.
ovch gab ich im zemiete. vil gote borge vnt lant.

Nvne weiz ich wes si bitent. sprach der spileman.
ine gesach nie helde mere. so zageliche stan.
da man horte bieten. so rehte richen solt.
si mohten gerne dienen. die borge vnt ovch daz rote golt.

Ezele der vil riche. hete iamer vnt not.
er klagte pitterliche. mage vnt manne tot.
da stvnt von manigen landen. vil rechen gemeit.
die weinten mit dem konige. siniv chrestigen leit.

Des begvnde spotten. der kune Volker.
ich sihe hie sere weinen. vil manigen rechen her.
si gestent ir herren ubele. insiner starchen not.
ia ezent si mit schanden. nv vil lange hie sin brot.

Do gedahten in di besten. er hat vns war geseit.
doch enwas ez da niemen. so hercenliche leit.
als ovch Iringe. dem heledede v; Tenelant.
daz man in churcen citen. mit der wareheite wol bevant.



Wie Irinch mit Hagenen streit.

XXXIV. Auentiure.

Do rief von Tenemarche. der marcgrave Irinch.
ich han vf ere lazen. no lange miniv dinch.
vnt han in volches stvermen. des besten vil getan.
no brinch mir min gewäfen. ia wil ich Hagenen bestan.

Das wil ich widerraten. sprach do Hagene.
so gewinnet iwer mage. mer zeklagene.
gespringent iwer zwene. oder dri zu mir her in.
ist das si min erbitent. si scheident schedeliche hin.

Darumbe ihz niht enlaze. sprach aber Irinch.
ich han ovch e' versochet. sam sorchlichiv dinch.
ia wil ich mit dem swerte. alcine dich bestan.
ob do mit strite hetest. mer danne iemen getan.

Do wart gewasent Irinch. nach ritterlicher sit.
alsam wart von Dvrigen. der lantgrave Irnsrit.
vnt Hawart der starche. wol mit tusent man.
swes Irinch begvnde. si woldens alle im gestan.

Do sach der videläre. eine groze schar.
die mit Iringe. gewasent chomen dar.
si trogen vf gebonden. vil manigen helm gvot.
des wart der chvne Volker. ein teil vil zornic gemvot.

Er sprach seht ir Hagene. dort Iringen gan.
der iwch hie mit dem swerte. lobt eine bestan.
wie zimt heledede lgene. ich wil vnprisen das.
ez gent mit im gewasent. wol tusent rechen oder baz.

Nu heizet mich niht liegen. sprach Hawartes man.
ich wil ez leisten gerne. swaz ich gelobet han.
durch deheine vorhte. wil ihf abe gan.
wie vreislich nu si Hagene. vzer Borgonden lant.

Woch bat er si so lange. das ez sit geschach.
do das ingefinde. den willen sin ersach.
das er warp nach eren. do liezen si in gan.
do wart ein grimmez striten. von in beiden da getan.

Trinch der vil stanche. hohe erbvt den ger.
den schilt er for sich zuchte. der tivv degen her.
do lief er v; zu Hagene. vaste for den sal.
do hoop sich von degenen. ein vil groslicher schal.

Do schvoren si die gere. mit chresten von der hant.
durch die vil vesten schilde. vf liehtez ir gewant.
daz die ger stangen. vil hohe dräten dan.
do griefen zu den swerten. die vil grimme chynen man.

Des stanchen Hagene ellen. was in vnmazen gros.
ovch swog vf in Trinch. daz al div burch erdos.
palas vnt twerne. erhullen nach ir flegen.
done chunde niht verenden. des sinen willen der degen.

Trinch lie do Hagene. unverwundet stan.
zu dem videläre. gahen er began.
er wande in solde twingen. mit den grimmen flegen.
sich chunde wol beschirmen. der vil zierliche degen.

Do swoc der videläre. daz vber schildes rant.
dräte daz gespenge. von Volkers hant.
den liez er do beliben. ern was ein vbel man.
er lief den kunic Gunther. da von Suregonden an.

Do was ir ietwedere. ze strite stanch genvoc.
swaz Gunther vnt Trinch. vf ein ander swoch.
daz enbrahte niht von wunden. daz vliezende blvot.
daz behvot ir gewäfen. daz was veste vnt gvot.

Gunthern er lie beliben. Gernoten lief er an.
daz fivv vzen ringen. er howen im began.
do hete von Suregonden. der stanche Gernot.
den chynen Tringin. vil nach gesendet in den tot.

Do spranger von dem forsten. snel er was genvoc.
der Burgonden viere. der helt vil schiere svoc.
des edeln ingefindes. von Wormez vber Rin.
done chunde Gifelhere. zornär nimmer gesin.

Gotweis her Trinch. sprach Gifelher daz kint.
ir mozet mir die gelten. die veige vor iv sint.
gelegen hie ze stonden. do lief er in an.
er svoc den Tenemarche. daz er strvchen began.

Er schoz vor sinen fvozen. nider indaz blvot.
daz si alle wolden wänen. daz der helt gvot.
ze strite nimmer mere. gesluge cheinen slac.
Trinch noch ane wunden. hie vor Gifelhere lac.

Von des helmes doze. vnt von des swertes chlanc.
wären sine wize. worden also chranc.
daz sich der degen Trinch. des lebenes niht versan.
daz het mit siner sterche. der chvne Gifelher getan.

Do im begunde wichen. von hovbte der doz.
von helm vnt ovch von swerte. der was gewesen gros.
er dahte ih bin noch lebnde. min lip ist ninder vnt.
nv ist mir aller erste. daz ellen Gifelhers kont.

Do hortet beidenhalben. die viande stan.
heten siz gewisset. im wäre mer getan.
ovch het er Gifelhere. da bi im vernomen.
er dahte wie er solde. mit dem libe dannen chomen.

Wie rehte tobeliche. er vorem blvote sprach.
der siner snelheite. er mohte "sagen" danch.
do lief er vzem hvose. da er aber Hagenen vant.
vnt slvg im slege swinde. mit siner ellenthaster hant.

Do gedaht och Hagene. du solt der mine wesen.
dich enner der vbel tiwfel. du enchanst nu niht genesen.
doch wndet Irinch Hagenen. durch sinen helm hvot.
daz tet der helt mit Wasechen. daz was ein wafen also gvot.

Do der grimme Hagen. der wunden enpfant.
do erwaget im vngefvoege. daz swert an siner hant.
alda wuse im entwichen. der Hawartes man.
zetal von dem hofe. Hagen volgen im began.

Irinch vber hovbet. den schilt vil balde swanc.
vnt wär diu selbe stiege. drier stiegen lanch.
done liez in Hagene. slahen deheinen slac.
hey was roter vanchen. ob sine helme gelac.

Do sahen sine frivnde. Iringen noch gesvnt.
do wrden disiv märe. Chriemhilde chvnt.
waz er dem von Tronege. mit strite hete getan.
des im diu chuniginne. hohe danchen began.

Nu lone dir got Irinch. vil märrer helt gvot.
du hast mir wol getrostet. daz herce vnt och den mvot.
nu sihe ich Hagene rotez. von blote sin gewant.
do nam si im selbe. den schilt vor liebe von der hant.

Ir mvgt im maze danchen. sprach do Hagene.
ia ist noch harte chleine. da von ze sagene.
vnt wolt erz noch versuchen. so wär er chven ein man.
diu wnde frvmt ouch chleine. die ich von im gewinnen han.

Daz ir von miner wunden. die ringe sehete rot.
daz hat mich erreizet. vñ maniges mannes tot.
ich bin alkerste erzvnet. vñ in vnt manigen man.
mir hat der degen Irinch. schaden chleinen noch getan.

Do stont gegen dem winde. Irinch von Cenelant.
er choltte sich inringen. den helm er abe gebant.
do sprachen al die lute. sin ellen wäre gvot.
des het der marcgrave. von schulden hohen mvot.

Irinch der vil chvone. sinen frivonden sagte daz.
no wafent mich vil balde. ich wilz versochen baz.
ob ich noch mvge betwingen. den vbermveten man.
sin schilt der was verhowen. einen bezzeren er gewan.

Vil schiere wart der reche. aber gewafent baz.
vnt einen ger vil starchen. den nam er vf den haz.
daz er da mite Hagenen. wolde noch bestan.
ez wär im frvom vnt ere. ob erz hete no verlan.

Sin mohte niht erbiten. Hagene der degen.
do lief er im engegene. mit stichen vnt mit flegen.
der stiege vnze an ein ende. sin zornen daz was groz.
Irinch siner sterche. harte wenic do genoz.

Si svogen durch die schilde. deiz lovgen began.
von viur roten winden. der Hawartes man.
wart von Hagenen swerte. vil krestiklichen vnt.
durch schilt vnt durch die brvenne. des er wart nimmer mer gesvnt.

Do der degen Irinch. der wunden enpfant.
den schilt er baz bedachte. vber diu helm bant.
des schaden in dvht der volle. den er da gewan.
sit tet im noch mere. der vil vbermvete man.

Hagen vor sinen svzen. einen ger er ligen vant.
do schoz er Iringen. den helt von Cenelant.
daz im von dem hovbte. der gere ragete dan.
im het der vbermvete. den grimmen ende getan.

Trinch moſe wichen. zu den von Tenclant.
e' daz man do dem degene. den helm ab gebant.
den ger man brach von hovbet. do nahet im der tot.
daz weinten ſine mage. des gie in wärliche not.

Chriemhilt die frowe. chlagen och began.
den chonen Iringen. den ſchadehaften man.
ſi weinte ſine wunden. wande ez was ir leit.
do ſprach vor ſinen magen. der ſnelle reche gemeit.

Kat iwer klage beliben. vil herlichez wip.
was hilfet iwer weinen. ia moꝛ ich minen lip.
verlieſen von den wunden. die ich enpfangen han.
der tot wil mich niht dienen. iv vnt Ezeln lan.

Er ſprach zu den von Dorigen. vnt den von Tenclant.
die gabe ſol enpfahen. iwer deheines hant.
von der koniginne. ir lichteꝛ golt ſo rot.
vnt beſtet ir Hagenen. ir moꝛet liden den tot.

Sin varwe was erblichen. deſ todes zeichen trooc.
Trinch der chvone. daz was in leit genvoc.
geneſen niht enchunde. der Hawartes man.
do moꝛt ez an ein ſtriten. von den ſinen frivnden gan.

Trnfrit vnt Hawart. die ſprongen for daz gadem.
wol mit toſent heleden. vil ungeſvgen chradem.
hort man allenthalben. vil chreſtechlichen groz.
hen was man ſtarcher gere. of die Gorgonde ſchoz.

Trnorit der herre. lief an den ſpileman.
deſ er ſchaden grozen. von ſiner hant gewant.
der chvone videläre. den lantgraven ſvoo.
durch einen helm veſten. ia was er grimme genvoc.

Do slooc der lantgrave. den chonen spileman.
daz im mosen bresten. ringes gespan.
vnt daz sich beschotte. div prvenne fivr rot.
do viel der lantgrave. vor dem vidäläre tot.

Hawart vnt Hagene. ze samne warn chomen.
er mohte wnder chiesen. dersch hete war genomen.
div swert genote vielen. den rechen an der hant.
Hawart moose ersterben. von dem v3 Borgonde lant.


Die Durigen vnt die Tenen. ir herren sahen tot.
do hoop sich vor dem hvoese. ein vil grimmiv not.
e' si die tvr gewinnen. mit ellenthaster hant.
des wart da verhowen. vil manic helm vnt rant.

Wichet sprach do Volker. lat si her in gan.
ez ist fvs unverendet. des si da habent wan.
si mozen drinne ersterben. in vil churcer zit.
si arnent mit dem tode. daz in div koniginne git.

Do die obermoeten. chomen in den sal.
manigem wart daz hovbet. geneiget so zetal.
daz er moose ersterben. von ir grimmen flegen.
wol streit der chone Gernot. sam tet ovch Gifelher der degen.

Tosent vnt viere. die chomen dar in.
die erzeigten drinne schiere. ir degenlichen sin.
si wrden von den gesten. alle zehant erlagen.
man mohte michel wnder. von den Borgonden sagen.

Dar nach wart ein stille. daz der schal verdoz.
daz bloot do allenthalben. durch div locher vloz.
vnt da zen rigelsteinen. von den chonen man.
daz heten die von Rine. mit grozem ellen getan.



Do sazen aber rrouwen. die chomen in das lant.
ir schilde vnt wafen. si leiten von der hant.
do stont noch vor dem hofse. der chyne spileman.
ob iemen zuo zin wolde. mit strite zuo dem sale gan.

Der chynic klagte sere. sam tet och sin wip.
mägde vnt frowen. die qvelten och den lip.
ich wäne des das hete. der tot vf si gesworn.
des wart noch vil der degene. von den gesten verlorn.





Wie die drie kunige vmb die swone reiten.

XXXV. Auentiure.

Nu bindet abe die helme. sprach do Hagene.
ia lazen wir den swonen. so vil zechlagene.
das si der hochgecite. vergezzent nimmer hie.
was hilfet nu Chriemhilde. das si ons ze Rine niht entlie.

Do entwaffent da dez hovbet. manic ritter gvoet.
si sazē vf den veigen. die vor in in daz blvot.
waren in dem strite. mit dem tode chomen.
sit wart der Ezeln geste. vil vbel govme genomen.

Vor abendes zite. geschvof der kunic daz.
vnt ovch div kuniginne. daz iz versvochten baz.
die hönischen rechen. durch der geste leit.
des man an si gerte. die helde warens bereit.

Sich hvob ein sturme herte. hier v; vnt ovch dar in.
Danchwart Hagenen brooder. durch degenlichen sin.
spranch vor sinen herren. zen vinden v; der tvr.
sich versfahen sines todes. er chom gesunder wol dar sver.

Der herte strit do werte. vn; iz div naht benam.
do werten sich die geste. als iz in wol gezam.
den Ezeln degenen. den somer langen tac.
hen was noch der helede. vor in veige gelac.

Zeimen sunewenden. der groze mort geschach.
daz div kuniginne. ir hercenleit errach.
an ir nächsten magen. vnt fos an manigem man.
da von der konec Ezele. vil manigen siechhen gewan.

Sine het der grozen slachte. also niht gedaht.
si het ez in ir ahte. vil gerne dar zvo braht.
daz niwan Hagene aleine. den lip da hete lan.
do geschvof der vbel tiwfel. deiz vber si alle mvese ergan.

In was des tages zer rinnen. do gie in sorgen not.
si gedahten daz in bezzer. wär ein kurcer tot.
denne lange da ze qvelne. vf vngesvegiv leit.
eins vrides si do gerten. die stolzen ritter gemeit.

Si baten daz man brähte. Ezelen dar.
die blvot varwen degene. vnt schone harnasch var.
traten v; dem hofe. die drie konige her.
sine wessen wem zeklagene. div ir vil grozlichen ser.

Ezel vnt Chriemhilt. die chomen beide dar.
daz lant daz was ir eigen. des merte sich ir schar.
er sprach zu den kunigen. sagt was welt ir min.
ir wenet vride gewinnen. daz chynde mvclich gesin.

Vf schaden also grozen. als ir mir habt getan.
irn soltes niht geniezen. sol ich min lebn han.
min kint daz ir mir slooget. vnde vil der mage min.
des ensol mit sine lebene. iwer deheiner chomen hin.

Des antworte Gvnther. des twanch vns starchiv not.
alles min gesinde. lac von den dinen tot.
an den herbergen. wie het ich daz versolt.
ich chom zu dir vf triwe. vnt wande daz du mir wärest holt.

Do sprach von Borgonden. Gifelher daz kint.
ir Ezeln rechen. die noch hie lebende sint.
was wizet ir mir degene. was han ich ir getan.
wande ich vil minnekliche. indizze lant geriten han.

Si sprachen diner gvete. ist al div borch vol.
mit iamer zu dem lande. ia gonden wir dir wol.
daz du nie chomen wärest. von Wormez vber Rin.
dis lant ist gar verweiset. von dir vnt ovch den magen din.

Do sprach inzornes mvote. Gvnther der degen.
welt ir dizze starchez hazzen. zeiner svene legen.
mit vns vil ellenden. deist beidenthalben gvot.
es ist gar ane schulde. swaz vns Ezele getvot.

Do sprach der wirt zen gesten. min unt iwer leit.
div sint vil ungeliche. div michel arebeit.
des scaden zo den schanden. die ich han genomen.
des sol iv deheiner. mit dem libe hinnen chomen.

Do sprach zo dem kunige. Gernot der hochgemvot.
so sol iv got gebieten. daz ir wol tvot.
wicket von dem hofse. vnt lat vns zo ziv gan.
sit wir zo dem lebene. haben also chleinen wan.

Swaz vns gescheln chvenne. daz lazet chorz ergan.
ir habt so vil gesunder. vnt tvorens vns bestan.
daz si vns stormen mvode. lazent niht genesen.
sit daz ist unwendech. wir muosen hie verderbet wesen.

Die Ezeln rechen. die heten ez nach getan.
daz sife v3 dem hofse. wolden lazen gan.
do daz gehorte Chriemhilt. ez was ir grimme leit.
des wart den ellenden. do der vride wider seit.

Keina hynen rechen. des ir da habet mvot.
ich rat an rehten triven. daz ir des niene tvot.
daz ir die mort rechen. iht lazet for den sal.
so muosen iwer frivnde. liden totlichen val.

Ob ir nu niemen lebte. niwan div Voten kint.
die minen edeln brveder. vnt chomens an den wint.
erholten in die ringe. so sit ir alle verlorn.
ez enurden chvner degene. nie zer werlde geborn.

Do sprach der herre Giselher. vil liebv swester min.
wie mohte ich des getrowen. do do mich vber Rin.
so minneklichen ladetes. her indizze lant.
daz mir so grozer chumber. solde werden hie bechant.

Ich was dir ie getriwe. nie getet ich dir leit.
vf solhen gedingen. ich her zehove reit.
daz du min frivnt wärest. vil edeliv swester min.
begench an vns genade. sit ez niht anders kan gesin.

Ine mag iv niht genaden. vngenade ich han.
mir hat von Tronege Hagene. so leide getan.
da heime vnt hie zelande. svoger mir min kint.
des mozen fere engelten. die mit iv da her chomen sint.

Welt aber ir mir ze gisel. den min vint geben.
sone wil ich; niht versprechen. ichn welle ivch lazen leben.
wan ir sit min brooder. vnt einer mvoter chint.
so rede ihz zeiner svone. mit disen rechen die hie sint.

Nvne welle got von himele. sprach do Gernot.
ob vnser tosent wären. wir legen alle tot.
der sippen diner mage. e' wir dir einen man.
gäben hie ze gisel. ez wirdet nimmer getan.

Wir mvesen doch ersterben. sprach do Giselher.
vnf enscheidet niemen. von ritterlicher wer.
swer gerne mit vnf strite. wir sin et aber hie.
wande ich der minen frivnde. an triwen nie deheinen lie.

Do sprach der chvne Danchwart. for die degene.
iane stet noh niht eine. min brooder Hagene.
die hie den vride versprechent. ez mag in werden leit.
des bringen wir ivch innen. daz si iv werlich geseit.

Do sprach div koniginne. ir helde vil gemeit.
nv get der stiegen naher. vnt rechet vnser leit.
daz wil ich immer dienen. als ich von rehte sol.
der Hagenen obermvete. der gelon ich im wol.

Springet zu dem hofe. ir rechen vberal.
so heiz ich vieren enden. zonden an den sal.
so werdent wol errochen. elliv vnser leit.
die Ezelen degene. die wrden schiere bereit.

Die noch hier vzen stonden. die triben si dar in.
mit flegen vnt mit schvzen. wider in den palas hin.
sich wolden nie gescheiden. die fursten unt ir man.
sine mohten von ir triwen. niht ein ander verlan.

Den sal hiez do zonden. das Ezeln wip.
do gwelte man den rechen. mit fiore da den lip.
das hvoof von einem winde. mit chraft vil hohe enbran.
ich wän ie volch deheinez. grozer angeft mer gewan.

Genoge roften drinne. owe dirre not.
wir mohten michel gerner. sin instorme tot.
das moze got erbarmen. wie vlfisen wir den lip.
nw richet vngesvoege. ir zorn an vns des koniges wip.

Ir einer sprach dar inne. wir mozen ligen tot.
vor rofche vnt och vor hize. deift ein grimmiv not.
mir tvot vor starcher hize. der dorft so rechte we.
des wen min leben schiere. in disen sorgen zerge.

Do sprach von Tronege Hagene. ir edeln ritter gvot.
swen der dorfte nw twinge. der trinche hie das blvot.
das ist insolhen noten. noch bezzer danne win.
for trinchen vnt for spife. kan niht anders nw gesin.

Do gie der rechen einer. do er einen toten vant.
er kniet im zu der wunden. den helm er abe gebant.
do begvnder trinchen. das vliezende blvot.
swie vngewon er des wäre. ez dohte in grözlichen gvot.



Nu lon iv got von himele. sprach der muode man.
daz ich von ivrem rate. so wol getronchen han.
mir ist geschenchet selten. dehein bezzer win.
leb ich deheine wile. ich sol ez dienende sin.

Do dandern daz gehorten. daz ez in duhte gvot.
do wart ir michel mere. die tronchen ovch daz blvot.
da von begvnde chresten. der goten rechen lip.
des engalt an lieben frivnden. sit vil manic schone wip.

Daz siur viel genote. zuo zin in den sal.
do leitten si mit schilden. von in hin zetal.
der roech vnt ovch div hize. in beidiv taten we.
ia wän ez an heleden. der iamer immer mer erge.

Do sprach von Tronege Hagene. stet zu des sales want.
lat niht die brende vallen. vñ iwer helm bant.
vnt tret si mit den sozen. tiefer indaz blvot.
ez ist ein vbel hochgecit. die vns div kveginne tvot.

In soz getanen leiden. in iedoch der naht zer ran.
noch stunden vor dem huse. die zwene chvne man.
Volker vnt Hagene. geleinet vber rant.
si huten ir gesundes. vzer Burgonden lant.

Die geste half daz sere. daz der sal gewelbet was.
davon ir destte mere. in der not genas.
wan daz si zen venstern. von siure liden not.
do nerten sich die degene. als in ir ellen daz gebot.

Do sprach der videläre. nu ge wir in den sal.
so wellent die Hunen. wenen vber al.
wir sin innot erstorben. div an vns ist getan.
si sehent vns begegene. noch ir eteslichen gan.

Do sprach von Gorgonden. Gifelher daz kint.
ich wän ez tagen welle. sich hebt ein chveler wint.
nu laze vns got von himele. noch lieber eit geleben.
vns hat min swester Chriemhilt. ein arge hochgecite gegeben.

Do sprach aber einer. ich chiofe nu den tac.
sit daz ez vns bezzer. wesn nine mac.
so bereitet ir ouch rechen. zestrüte deist vns not.
wir chomen doch nimmer hinnen. daz wir mit eren ligen tot.


Der chvnich wolde wänen. die geste wären tot.
vnt ouch div kuniginne. von des füres not.
do lebt ir noch dar inne. sehs hundert chvner man.
daz nie kumec deheiner. bezzer degene gewan.

Der ellenden hvote. hete wol erschen.
daz noch die geste lebten. swie vil in was geschehen.
ze schaden vnt zeleide. den kvnigen vnt ir man.
man sah ir noch genvoqe. vil wol gesunt dort inne stan.

Man sagt der kuniginne. ir wäere vil genesen.
do sprach div frowe here. daz enchvnde nimmer wesen.
daz ir deheiner lebte. in des füres not.
ich wil des baz getrowen. daz si alle ligen tot.

Noch genäfen gerne. die forsten vnt ir man.
ob in iemen häte. genade da getan.
den kunden si niht vinden. an den von hvnen laut.
do rachen si ir sterben. mit vil willechlicher hant.

Vil frvo wider morgen. grozen man in bot.
mit starchem vrlivge. des chomen helde innot.
do wart zwo zin geschozzin. vil manic scharpfer ger.
noch fonden si dar inne. ze wer die rechen also her.



Dem Ezeln gefinde. erwegt was der mvot.
si wolden vaste dienen. daz Chriemhilde gvot.
dar zu si wolden leisten. daz in der kuncer bot.
des chomen aber die degene. in vil angeftliche not.

Von geheize vnt ovch von gabe. man mohte wnder sagen.
dar hiez si golt daz rote. inden schilden tragen.
si gab ez swer sin rvochte. vnde ez wolde enpfan.
iane wart nie grozer solden. mer vf vinde getan.

Ein michel chraft der rechen. dar zu gewafent gie.
do sprach der videläre. wir sin et aber hie.
ine gefach zem tode. nie helde gerner chomen.
die daz golt des kuniges. vns ze vare hant genomen.

Do riefen ir genvge. naher heledē baz.
daz wir da solen enden. vnt tvon bezite daz.
hie belibet niemen. wan doch der sterben sol.
do sahe man schiere ir schilde. stechen ger schvzze vol.

Waz mag ich sagen mere. wol zwelf hondert man.
versvhten ez vil sere. wider vnt dan.
do chvlten an den vinden. die geste wol ir mvot.
ez ennohte niemen scheiden. des sah man vliezen daz blvot.

Von verch tiefen wnden. der wart da vil geslagen.
do horte man genvoge. nach ir frivnden chlagen.
die fromen storben alle. dem richen konige her.
des heten holde mage. nach in iamer vnt ser.




Wie Rodeger erschlagen wart.

XXXVI. Auentiure.

Ez heten die ellenden. wider morgen gvot getan.
wine der Gotelinde. chom ze hove gegan.
do sah er beidenthalben. diu vngefogen ser.
das weinte innechliche. der getriwe Rodeger.

46



O we sprach der reche. deich ie den lip gewan.
daz disen starchen iamer. chan niemen vnderstan.
swie gern ihz vriden wolde. der konic entwot es niht.
wander der sinen leide. ie mere vnt mere gesiht.

Do sande an Dietrichen. der gote Rodeger.
ob si noch chunden wenden. an den konigen her.
do enbot im der von Berne. wer moht ez vnderstan.
ezn wil der kunic Ezele. scheiden niemene lan.

Do sah ein Hynen reche. Rodegeren stan.
mit weinenden ovgen. vnt het des vil getan.
do sprach zer koniginne. nu seht ir wie er stat.
der doch gewalt den meisten. bi io vnt Ezeln hat.

Vnt dem ez alles dienet. liot vnt oveh div lant.
wie ist so vil der borge. vnt der erbe an in gewant.
der er von dem konige. so vil gehaben mac.
er geslve indisen stormen. noch nie lobelichen slac.

Mich dunchet ern roche. wie ez hie umbe gat.
daz et er den vollen. nach sine willen hat.
man giht im er si chvener. danne iemen moge sin.
daz ist indisen sorgen. worden böseliche schin.

Mit trvrigem mvote. der vil getriwer man.
den er daz reden horte. der helt der blicht in an.
er daht dv solt ez arnen. dv gihest ich si verzaget.
dv hast div dinen märe. zehove zelvte gesaget.

Die svost begunder twingen. do lief er in an.
er svoc so chrestechliche. den Hynischen man.
daz er im vor den svzen. lac vil schiere tot.
do was aber gemeret. des konic Ezeln not.



Sorder zage bose. sprach do Rodeger.
ich han doch genvoege. leit vnt ser.
daz ich hie niht enstrite. zwiv wizzestv mir daz.
ia wär ih den gesten. grozlichen haz.

Vnt allez daz ich mohte. daz het ich in getan.
niwan daz ich die degene. her geforet han.
ich was ir geleitte. in mines herren lant.
des en sol mit in niht striten. min vil ellendes hant.


Do sprach zem marcgraven. Ezel der kunec her.
wie habt ir vns geholfen. vil edel Rodeger.
wan wir so vil der veigen. hie zelande han.
wir bedorsten ir niht mere. ir habt vil vbele getan.

Do sprach der ritter edele. da beswart er mir den moot.
vnt hat mir verwizzen. ere vnt gnot.
des ich von dinen handen. habe so vil genomen.
daz ist dem logenäre. ein teil vnstätelichen chomen.

Chriemhilt saz bi Ezelen. diu het ez och gesehen.
daz von des rechen zorne. dem Hünen was geschehen.
si chleit iz vngesvoge. ir ovgen warn naz.
si sprach zvo Rodegere. wie haben wir verdienet daz.

Daz ir mir unt dem konige. meret vnser leit.
nw habt ir vns doch Rodeger. allez her geseit.
ir woldet durch vns wagen. die ere vnt och daz leben.
ich hort iv vil der rechen. den pris vil grozlichen gebn.

Ich man ivch der genaden. vnt ir mir habt geswarn.
do ir mir zvo Ezelen. her zelande rietet varn.
daz ir mir woldet dienen. an vnser eines tot.
des enwart mir armen wibe. nie so grozliche not.



Das ist ane lovgen. ich swor iv edel wip.
ich wolde durch ivch wagen. die ere vnt ovch den lip.
das ich die sele vliefe. des enhan ich niht gesworn.
ia braht ich her zelande. die iwern broder wol geborn.

Si sprach gedenche Rodeger. der grozen triwen din.
der stäte vnt ovch der eide. das du den schaden min.
immer woldest rechen. vnt elliv miniv leit.
des man ich dich hiote. degen chvne vnt gemeit.


Ezele der riche. vlegen ovch began.
do boten si sich beide. ze fuzen for den man.
den gytten maregraven. tvoren man do sach.
der vil getriwe reche. harte iämerlichen sprach.

Owe mir gotes armen. sprach der getriwe man.
aller miner eren. der mooz ich ab stan.
triwen vnt zvhete. der got an mir gebot.
vil richer got von himele. das mihs wendet niht der tot.

Swelhez ich nu laze. vnt das ander began.
so han ich bosliche. vnt vbel getan.
laz aber ih si beide. mich schiltet elliv diet.
nu roche mich bewisen. der mir ze lebene geriet.

Do baten si genote. der kunic vnt ovch sin wip.
des muosen sider degene. verliesen den lip.
vor Rodegeres handen. da ovch der helt erstarp.
ir muoget das balde horen. das er vil iämerlichen warp.

Er wiste schaden gewinnen. vnt vngesogiv leit.
er het dem kunige. vil gerne verseit.
vnt ovch der koniginne. vil ser vorht er das.
ob er ir einen slege. das im div werlt troge haz.



Do sprach der margrave Rodeger. der chone man.
her chonic nu nemt hin widere. al daz ich von iw han.
lant vnt burge. des sol mir niht besten.
ich wil vf minen fozen. indaz ellende gen.

Alles gotes ane. so rvom ich iw div lant.
min wip vnt mine tohter. nim ich an mine hant.
e' daz ich ane triwe. beliben mose tot.
ich het genomen vbele. iwer golt also rot.


Do sprach der kunic Ezele. wer holse danne mir.
daz lant zu den borgen. daz gib ich alles dir.
daz du mich rechest Rodeger. an den vinden min.
du solt ein kunic gewaltech. benebn mine libe sin.

Do sprach aber Rodeger. wie sol ihz ane van.
heim ze mine hofse. ich si geladet han.
trichen vnt spise. ich in mit triwen bot.
vnt gab in mine gabe. sol ich si dar zu slahen tot.

Die lute wänent lihte. daz ich si verzaget.
deheinen minen dieneft. han ich in wider saget.
solde ich nu mit in striten. daz wäre missetan.
so rowe mich div frivntschafft. die ich mit in geworben han.

Gifelher dem degene. gab ich die tohter min.
sine chonde in dirre werlde. niht baz verwendet sin.
vf zht vnt ovch vf ere. vf triwe vnt ovch vf gvot.
ine gefach nie kunc so iwngen. so rehte tugentlich gemvot.

Do sprach aber Chriemhilt. vil edel Rodeger.
nu la dich erbarmen. vnser beider ser.
min vnt ovch des kuniges. gedenche wol dar an.
daz nie wirt deheiner. so leide geste gewan.



Do sprach der maregrave. wider daz edel wip.
ez mu; noch hute gelten. der Rodegers lip.
swaz ir vnt oveh min herre. mir liebes habt getan.
dar umbe mu; ich sterben. ez mac niht langer nu gestan.

Ich weiz wol daz noch hute. mine burge vnt miniu lant.
iu ledech mu;zen werden. von ir etesliches hant.
ich bevillhe iu vf genade. min wip vnt min chint.
vnt die vil ellenden. die da zen Bechelaren sint.


Nu lon dir got Rodeger. sprach der kunic do.
er vnt diu koniginne. si wrden beidiu vro.
vnf soln dine lote. vil wol bevolhen wesen.
oveh getrowe ich mine heile. daz du maht selbe wol genesen.

Do liez er an die wage. die sele vnt oveh den lip.
do begunde weinen. daz Ezeln wip.
er sprach ich wil iu leisten. als ich gelobet han.
owe der minen frivnde. die ich leider mu; bestan.

Man sah in von dem knige. in starchen riwen gen.
do sah er siner rechen. ein teil da nahen sten.
er sprach ir solt ioch wasen. alle mine man.
die chynen Burgonden. mu; ich nu leider bestan.

Do brahte man den rechen. ir gewäfen al zehant.
ez der helm wäre. vnt oveh des schildes rant.
von ir ingesinde. wart ez in dar getragen.
sit horten leidiu märe. die chynen ellenden sagen.

Gewafent wart do Rodeger. mit funf hondert man.
dar vber zwelf rechen. zehelf er oveh gewan.
die wolden pris erwerben. in des stormes not.
sine wisten niht der märe. daz so nahe der tot.



Do sah man Rvdegere. vnder helme gan.
ez trogen swert diu scharpsen. des marcgraven man.
vnt dar zu vor ir handen. die lichten schilde breit.
daz sach der videläre. ez was im ane maze leit.

Och sach der ionge Giselher. sinen sweher gen.
mit vf gebondem helme. wie mohter do versten.
waz er da mite meinte. niwan alles gvot.
des wart der kunic edele. von hercen vrolich gemvot.


Nu wol mich solher frivnde. sprach Giselher der degn.
die wir han gewinnen. her vf disen wegn.
wir soln mines wibes. vil wol geniezen hie.
mir ist liep vf mine triwe. daz ie der hyrat ergie.

Ine weiz wes ir ioh tröstet. sprach do der spileman.
wa gefahet ir ie durch sune. so manigen rechen gan.
mit vf gebonden helmen. die troegen swert enhant.
an vns wil dienen Rvdeger. sine burge vnt sinio lant.

Gedaz der videläre. die rede vol sprach.
den goten marcgraven. man vor dem hofe sach.
sinen schilt den goten. sazter for den fvoz.
do muoser den gesten. versagen dieneft vnt gvooz.

Der edel marcgrave. rief hin vf zehant.
nu wert ioch edeln rechen. von Burgonden lant.
ir soldet min geniezen. ir engeltet leider min.
e' do waren wir gefrivnde. nu muoz ich iwer vient sin.

Do erschracten dirre märe. die nothastan man.
in was der trost enpfallen. den si da wanden han.
do mit in wolde striten. dem si da warn holt.
si heten doh von vienden. vil michel arebeit gedolt.



None welle got von himele. sprach Gvnther der degen.
daz ir ouch solt genaden. noch an vns bewegen.
vnt der vil grozen triwe. der wir doch heten mvot.
ich wil ir des baz getrowen. daz ir ez nimmer getvot.

Ine mages niht gelazen. sprach do der chvone man.
ich mvoz mit ir striten. wande ir gelobet han.
nu wert ouch chvone degene. so lieb ir si der lip.
mich enwoldes niht erlazen. des konec Ezeln wip.


Ir widersaget vns nu zespate. sprach do der chunic her.
nu mvoz ir got vergelten. vil edel Rvodeger.
triwe vnt minne. die ir vns habt getan.
ob irz an dem ende. woldet minneklicher lan.

Wir solden; immer dienen. daz ir vns habt gegeben.
ich vnt mine mage. ob ir vns liezet leben.
die herlichen gabe. do ir vnt iwer man.
vns fortet frivntliche. zwo dirre hochgecite dan.

Wie wol ich ir des gunde. sprach Rvodeger der degen.
daz ich ir mine gabe. noch diche solde wegen.
mit vollen willechliche. als ich des hete wan.
sone wrde mir dar vmbe. nimmer schelten getan.

Erwindet edel Rvodeger. sprach do Gernot.
wandez wirt deheiner. gesten nie erbot.
so rehte minnekliche. als ir vns habt getan.
des sult ir wol geniezen. ob wir bi lebene bestan.

Daz wolde got sprach Rvodeger. vil edel Gernot.
daz ir ze Rine wäret. vnt ich wäre tot.
mit etelichen eren. sit ich ouch sol bestan.
ez enwart noch nie an degenen. wirs von frivonden getan.



No lon iv got her Rodeger. sprach aber Gernot.
die vil richen gabe. mich riwet iwer tot.
sol an iv verterben. so tugentlicher mvot.
ich trage hie iwer wasen. daz ir mir gabet helet gvot.

Daz ist mir nie geswichen. in aller dirre not.
vnder sinen ecken. lit manie ritter tot.
es ist looter vnt stäte. herlich unt gvot.
ich wän so riche gabe. ein reche nimmer mer getvot.


Vnt welt ir niht erwinden. irn wellet zvo zvnf gan.
slacht ir mir iht der frivnde. die ich noch hinne han.
mit iwer selbes swerte. nim ich iv den lip.
so riwet ir mich Rodeger. vnt iwer herlichez wip.

Daz wolde got her Gernot. vnt möhte daz ergan.
daz aller iwer wille. wäre hie getan.
vnt daz genesn wäre. iwer frivnde lip.
iv sol vil wol getrowen. bediv min tohter vnt min wip.

Des antwert im Gifelher. der edeln Voten kint.
wie tvot ir so her Rodeger. die mit mir chomen sint.
si sint iv alle wäge. ir griset vbel zvo.
die iwern schonen tohter. welt ir verwitewen zefrvo.

Swenne ir vnt iwer rechen. mit strite mich bestat.
wie rehte vnfrivntliche. ir daz schinen lat.
daz ich iv wol getrowe. fver ander alle man.
da von ich zeinem wibe. iwer tohter mir gewan.

Gedenchet iwer triwe. vil edel kunich her.
gesende ivch got son himmen. so sprach Rodeger.
lat die ivncfrowen. niht engelten min.
dorch aller forsten tugende. so rvochet ir genädich sin.



Das tât ich wol von schulden. sprach Gifelher das kint.
die edeln mine mage. die noch hier inne sint.
soln die von ir ersterben. so moez gescheiden sin.
dir vil stâte frivntschafft. zo ziv vnt ovch dem wibe min.

No moez vns got genaden. sprach do der chone man.
do hoben si die schilde. also si wolden dan.
striten zo den gesten. in Chriemhilde sal.
do rief vil lôte Hagene. von der stiegen hin zetal.


Gelibet eine wile. vil edel Rodeger.
also sprach do Hagene. wir wolden reden mer.
ich vnt mine herren. des vns twinget not.
was mac gefromen Ezeln. vnser ellenden tot.

Ich stan in grozen sorgen. vil edel forste mitt.
mir gab dir marcgravinne. disen richen schilt.
den habent mir die Hunen. zehowen vor der hant.
ich fort in minneklichen. her in Ezelen lant.

Das wolde got von himele. sprach aber Hagene.
vnt het ich schilt so guten. hie zetragene.
also du hast vor hende. vil edel Rodeger.
sone gerte ich hie zen Hunen. deheiner halsperge mer.

Vil gern wâr ich dir gvot. mit mine schilde.
torst ich diren gebieten. vor Chriemhilde.
doch nim du in hin Hagene. vnt trag in vor der hant.
hey soldestu in sveren. inder Burgonden lant.

Do er im so willechliche. den schilt zegebne bot.
do wart genogger ovgen. von weinen harte rot.
ez was dir leste gabe. die sîder immer mer.
gebot deheime degene. von Bechelaren Rodeger.



Swie grimme Hagene wære. vnt swie herte gemvot.
doch erbarmet in div gabe. die der helt gvot.
bi sinen lesten citen. so nahe hete getan.
vil manic ritter edele. mit im troren began.

Nu lon iv got von himele. vil edel Rvdeger.
ez wirt iwer geliche. deheimer nimmer mer.
der ellenden rechen. so miltechlichen gebe.
got sol das gebieten. das iwer togent immer lebe.


Nu lon ich iv der gabe. sprach Hagene der degen.
das ich mich alles vbeles. wil gein iv bewegen.
das nimmer ivch gerveret. instrite hie min hant.
ob ir si alle sloget. die von Borgonden lant.

Des neig im do mit zuehten. der maregrave her.
die lote weinten alle. das disiv starchen ser.
niemen scheiden chvnde. das was ein michel not.
vater aller togende. lag an Rvdegere tot.

Do sprach ovch von dem hvose. Volker der spileman.
sit min gefelle Hagene. den vride hat getan.
den solt ir also stäte. han von miner hant.
das habt ir wol verdienet. do wir chomen in das lant.

Vil edeler maregrave. ir solt min bote sin.
dise roten bouge. gab mir div maregravin.
das ih si tragen solde. hie zer hochgecite.
das han ich geleiften. das ir min zivch des site.

Das wolde got von himele. sprach do Rvdeger.
das iv div maregravinne. noch solde gebn mer.
div märe sage ich gerne. der trotinne min.
vnt gesihe ich si gesvnde. des solt ir ane zivvel sin.



Alser im daz gelobte. den schilt hoop Rodeger.
des motes er irtobete. danebeit er da niht mer.
er lief vf zu den gesten. eime rechen gelich.
manigen slac vil swinden. swoc der maregrave rich.

Die zwene wichen hoher. Volker vnt Hagene.
wandez im e' gelobten. die snellen degene.
noch vant er also chynen. bi dem torne stan.
daz Rodeger des strites. mit grozen sorgen began.


Dorch mort rechen willen. so liezen si in dar in.
Gvnther vnt Gernot. si heten helede sin.
Gifelher stont vf hoher. zeware ez was im leit.
er versach sich noch des lebenes. dar umbe er Rodegeren mit.

Do sprongen zu den vinden. des maregraven man.
man sah si degenliche. nach ir herren gan.
div vil scharpfen wafen. si trogen an der hant.
des brast da vil der helme. vnt manic herlicher rant.

Do slogen die vil moden. manigen swinden slac.
den von Bechelaren. der ebene gelach.
dorch die lichten ringe. vaste vnz vf daz verch.
si fromten in dem sturme. div vil herlichen werch.

Daz edel ingesinde. was chomen gar dar in.
Volker vnt Hagene. die sprongen balde hin.
sine gaben vride niemen. wan dem einen man.
von ir beider hande. daz blvot dorch helme nider ran.

Wie rechte gremliche. vil swerte drinne erchlanc.
vil der schildes spangen. v3 den flegen spranch.
des reise ir schilt gesteine. verhowen in daz blvot.
si vahnten also grimme. daz man ez nimmer mer getvot.



Der vogt von Bechelaren, gie wider vnt dan.
also der mit ellen. instorme werden chan.
dem tet des tages Rodeger. mit strite wol gelich.
das er ein degn wäre. vil chven vnt ovch vil lobelich.

Hie stonden dise zwene. Gunther vnt Gernot.
si swogen indem strite. vil manigen helt tot.
Giselher vnt Danchwart. die bede ez ringe wach.
des fromten si vil manigen. vnz of ir iongsten tach.


Wol zeigte der marcgrave. das er was starch genvoc.
chvene vnt wol gewafent. hej was er helde swoc.
das sach ein Burgonde. do dwang in zornes not.
da von begonde nahen. des goten Rodegeres tot.

Ez was der starche Gernot. den helt den rief er an.
er sprach zem marcgraven. ir welt mir miner man.
niht genesen lazen. vil edel Rodeger.
das muet mich ane maze. ine chans niht an gefehn mer.

Nu mag iw iwer gabe. wol zeschaden chomen.
sit ir miner frivnde. mir habt so vil genomen.
nu wendet ivch her umbe. vil edel chvene man.
iwer gabe wirt verdienet. so ich aller hohste kan.

E das der marcgrave. vol zo zim chome dar.
des musen liechte ringe. werden missevar.
do sprongen zo zein ander. die ere gernde man.
ir ieteweder schirmen. for starche wunden im began.

Ir swert so scherpfe warn. ez enchunde niht gewegen.
do swoc Gernoten. Rodeger der degen.
durch helm vlinf herten. das nider vloz das blvot.
das vergalt im wol mit ellen. der ritter chven vnt goot.



Die Rodegers gabe. an hende er hohe erwach.
swie vnt er zem tode wäre. er sloog im einen slac.
durch sinen schilt guten. vnz vf diu helm gespan.
da von ersterben muose. der schonen Gotelinde man.

Dane wart nie wirs gelonet. so richer gabe mer.
do vielen bede erslagene. die rechen also her.
gelich in dem sturme. von ir selber hant.
alrerst erzurnede Hagene. do er den grozen schaden vant.

Do sprach der helt von Tronege. ez ist vns vbel chomen.
wir haben an in beiden. so starchen schaden genomen.
den nimmer oberwindent. ir lote vnt och ir lant.
die Rodegers degene. die muosen nu sin vnser pfant.

Dane wolde ir deheiner. dem andern niht vertragen.
vil maniger ane wunden. dar nider wart geslagen.
der wol genesen wäre. ob im wart solch gedranch.
swie gesunt er anders wäre. der in dem blvot doch ertranch.

Owe mines broder. der tot ist hie gestuomt.
was mir der leiden märe. zallen citen chvomt.
och muoz mich immer riwen. min sweher Rodeger.
der schade ist beidenthalben. vnt diu vil grözlichen ser.

Do die rechen sahen. das si beide waren tot.
"di do dar inne waren." die muosen liden not.
der tot der svochte sere. da sin gesinde was.
der von Gchelaren. einer langer niht genas.

Gonther vnt Giselher. vnt och Hagene.
Danchwart vnt Volker. die guten degene.
die giengen da si forden. ligen zwene man.
da wart von den heleden. mit iamer weinens vil getan.



Der tot vns fere rovbet. sprach Gifelher daz chint.
lazet iwer weinen. vnt gen wir an den wint.
daz die ringe erchvelen. vns sturme moden man.
ia wän vns got niht langer. no daz lebn welle lan.

Den sizzen disen leinen. sah man da manigen degen.
si waren aber muͤsich. da waren tot gelegen.
die Rodegers helde. vergangen was der doz.
so lange wert diu stille. daz sin die koniginne erdroz.


O we mir dirre swäre. sprach des koniges wip.
si sprachent al zelange. vnser viende lip.
mac no wol vri beliben. vor Rodegeres hant.
er wil si wider bringen. heim in der Burgonden lant.

Was hilfet chunic Ezele. daz wir geteilet han.
mit im swaz er wolde. der helt hat missetan.
der vns da solde rechen. der wil der sone pflegn.
des antwet ir Volker. der vil zierliche degn.

Dane zint niht reden vbele. deheines koniges wip.
vnt torst ich heizen liegen. alsos edel wip.
so het ir Rodegere. vil vreislich an gelogen.
er vnt die sinen degene. sint an der sone gar betrogen.

Er tet so willechliche. daz im der kunic gebot.
daz er vnt sine gesinde. ist hie gelegen tot.
no seht alvmb Chriemhilt. wem ir no gebieten welt.
iw hat vnz vf den ende. gedienet Rodeger der helt.

Welt ir des niht geloben. man solz iwch sehn lan.
durch ir hercen leide. so wart daz getan.
man trooch den helt verhowen. da in der kunic ersach.
den Ezeln degenen. so rechte leide nie geschach.



Do si den marcgraven. sahen toten tragen.
ein chunde ein schribere. geprievon noch gesagen.
die manigen vngebäre. der wib vnt man.
von ir hercen swäre. al da bezeigen began:

Do wart der Ezeln iamer. so starch vnt also gros.
als ein lewen stimme. der riche kunic erdos.
mit hercen leidem wose. alsam tet och sin wip.
si chlageten vngesoge. des guten Rudegers lip.





Wie Dietriches rechen alle wurden
erlagen.

XXXVII. Auenture.

Do hort man allenthalben, iamer also groz,
das palas vnt turne, von dem wose erdoz,
do hort ez och von Berne, ein Dietriches man,
durch disw starchen märe, wie balder gahen began.

Do sprach er zu dem forsten. hort min her Dietrich.
swaz ich her gelebt han. so recht unmogelich.
gehört ich klage nie mere. als ich nu han vernomen.
ich wän der kunic Ezele. ist selbe zu dem schaden chomen.

Wie möhtens anders alle. haben solhe not.
der chunic oder Chriemhilt. ir einēz daz ist tot.
von den chunen gesten. durch ir nit gelegen.
ez weinet harte sere. vil manic v3 erwelter degen.

Do sprach der helt von Berne. mine lieben man.
nwne gahet niht zesere. swaz hie hant getan.
die ellenden rechen. des get in michel not.
vnt lat si des geniezen. daz ich in minen vride bot.

Do sprach der chune Wolfhart. ich wil dar gan.
vnt wil der märe vragen. waz si haben getan.
vnt wilz iw sagen denne. vil lieber herre min.
als ich ez rehte ervinde. waz div rede moege sin.

Do sprach der herre Dietrich. swa man zornes sich versiht.
ob ungesugiv vrage. denne da geschiht.
daz betvebet rechen. vil lihte danne ir mwot.
iane wil ich niht Wolfhart. daz ir die vrage da zin tvot.

Do hiez er Helffrichen. vil balde dar gan.
vnt bat in daz ervinden. an Ezelen man.
oder an den gesten selben. waz wäre da geschehn.
done het er nie von luten. so grozen iamer mer gesehen.

Der bote vragte balde. waz ist hie getan.
do seit man im div märe. da ist vil gar zergan.
swaz wir freuden heten. in der Hunen lant.
hie lit erlagen Rodeger. von der Burgonden hant.

Die mit im dar in chomen. der ist einer niht genesen.
done chunde Helffriche. leider nimmer wesn.
iane sagt er siniv märe. so reht ungerne nie.
der bote do hin widere. vil sere weinende gie.

Waz habt ir vns erfonden. sprach do Dietrich.
wie weinet ir so sere. degen Helffrich.
do sprach der chvne reche. ich mac wol balde chlagen.
den guten Rodegere. hat vns her Gernot erslagen.

Do sprach der helt von Berne. daz ensol niht wellen got.
daz wär ein starchiv rache. vnt ovch des tiwfsels spot.
wa mite hete Rodeger. an in daz verscholt.
ia ist mir daz wol chvende. er ist den Burgonden holt.

Do sprach der chvne Wolfhart. vnt heten si3 getan.
so solt ez in allen. an ir lebn gan.
ob wir3 in vertrugen. des wären wir geschant.
ia hat vns vil gedienet. des guten Rodegers hant.

Der vogt der Amelunge. bat iz ervarn baz.
vil harte seneliche. er in venster saz.
do hiez er Hildebrande. 3vo den gesten dan.
daz an in erfonde. waz da wäre getan.

Der stvrme chvne reche. meister Hildebrant.
weder schilt noch wafen. trvger an der hant.
er wolde in sinen 3vhten. 3v den gesten gan.
von siner swester chinde. wart im ein strafen getan.

Do sprach der grimme Wolfhart. welt ir dar blozer gan.
sone mag ez ane ein schelten. nimmer wol gestan.
so mvzet ir lasterliche. tvon die wider vart.
ob ir dar chomet gewafent. daz eteslicher wol bewart.

Do garte sich der wise. durch des tomben rat.
e iz erfunde Hildebrant. do waren in ir wat.
alle Dietriches rechen. vnt trogen swert enhant.
dem helde was iz leide. vil gerne het erz erwant.

Er vragte war si wolden. wir wellen mit iw dar.
was ob von Tronege Hagene. dest wirf getar.
gein iw mit spotte sprechen. des er chan wol gepflegen.
do er die rede gehorte. da von gestattes in der degen.

Do sach der chyne Volker. wol gewafent gan.
die rechen von Berne. die Dietriches man.
begortet mit den swerten. ir schilde vor der hant.
er sagtez sinen herren. vzer Borgonden lant.

Do sprach der videläre. ich sihe dort her gan.
so rehte vientliche. die Dietriches man.
gewafent vnder helme. si wellent vns bestan.
mich nimt des michel wnder. was wir den rechen haben getan.

In den selben ziten. chom och Hildebrant.
do faxter for die swze. sinen schildes rant.
er begonde vragen. die Gunthers man.
owe ir goten degene. was het iw Rodeger getan.

Mich hat min herre Dietrich. her zu ziv gesant.
ob erlagen hete. iwer deheines hant.
den edeln marcgraven. als vns ist geseit.
wir enchonden vberwinden. niht diu grözlichen leit.

Do sprach der grimme Hagene. daz märe ist vngelogen.
wie wol ich iw des gunde. het iwch der bot betrogen.
durch Rodegeres liebe. daz lebte noch sin lip.
den immer wogen weinen. bediv man vnt och diu wip.

Do si daz rehte erhorten. daz er wäre tot.
do chlagten in die degene. ir triwe in daz gebot.
den Dietriches mannen. sah man trähene gan.
ober bärte vnt ober chinne. in was vil leide getan.

Der herzoge vzer Berne. Sigestap do sprach.
nu hat gar ein ende. genomen der gemach.
den vns ie svogte Rodeger. nach vnsere leide tagen.
frevde ellender diete. lit von ir degenen erslagen.

Do sprach von Amelungen. der degen Wolfwin.
vnt ob ich hviute sähe. tot den vater min.
mir en wrde nimmer leider. denne vmbe sinen lip.
Owe wer sol nu trösten. des goten marcgraven wip.

Do sprach inzornes mvote. der chvone Wolfhart.
wer wisset nu die rechen. so manige hervart.
also der marcgrave. vil diche hat getan.
owe vil edel Rodeger. deich dinen tot gelebt han.

Wolfprant vnt Helpfrich. vnt Helmnnot.
mit allen ir frivnden. si weinten sinen tot.
vor soften mohte vragen. niht mer Hildebrant.
er sprach nu tvot ir degene. dar nach min herre hat gesant.

Gebt vns Rodegeren. so toten v; dem sal.
an dem gar mit iamer. lit vnsere vreden val.
vnt lat vns an im dienen. daz er ie hat began.
an vns vil grozer triwen. vnt ovch an manigem vremden man.

Wir sin ovch ellende. als Rodeger der degen.
wes lazet ir vns biten. lat in vns after wegen.
tragen daz wir nach tode. lonen noch dem man.
wir heten; pillicher. bi sime lebene getan.

Do sprach der kunec Gonther. nie dieneft wart so gnot.
den ein frivnt frivnde. so nach tode tvot.
daz heiz ich stäte triwe. swer die chan began.
ir lonet im von schulden. wander iv liebe hat getan.

Wie lange soln wir vlegen. sprach Wolshart der degen.
sit vnser trost der beste. ist von iv tot belegen.
vnt wir sin leider mere. mvgen niht gehalten.
lat in vns tragen himmen. da wir den rechen begraben.

Des antwrt Volker. niemen in iv git.
nemt in indem hofe. da der degen lit.
mit sinen tiefen wunden. gefallen indaz blvot.
so ist ez ein voller dieneft. den ir hie Rudegere tvot.

Do sprach der chone Wolshart. lat sin her spileman.
irn dorset vns niht reizen. ir habt vns leit getan.
törst ich vor mine herren. so chomt irs innot.
des mvzen wir ez lazen. wan er vns strit mit iv verbot.

Do sprach der videläre. der vorht ist gar zevil.
swaz man im verbiotet. derz alles lazen wil.
daz enchan ich niht geheizen. rehten heldes mvot.
div rede dohte hagenen. von sinem hergesellen gnot.

Welt ir den spot niht lazen. sprach aber Wolshart.
ich entrihtiv liht die seiten. swenne ir die widervart.
ritet gegen Rine. daz irz wol mvgt gesagen.
iwer overmveten. mag ich langer niht vertragen.

Do sprach der videläre. swenn ir die seiten min.
verirret gooter done. der iwer helmes schin.
mac wol trebe werden. von der miner hant.
swie ich halte geriten. in der Burgonden lant.

Do wolder 3wo zim springen. wan daz in niht enlie.
Hildebrant sin ohaim. in vaste zim gevie.
ich wän do woldest woten. durch dinen tomben zorn.
mines herren holde. wir heten immer mer verlorn.

Kat ab den lewen meister. er ist so grimme gemvot.
chvmt er mir zen handen. sprach Volker der helt gvot.
het er die werlde alle. mit siner hant erlagen.
ich slah in daz erz widerspel. nimmer mere darf gesagen.

Des wart vil harte erzvornet. der Bernäre mvot.
den schilt gezechte Wolfhart. ein sneller deggen gvot.
alsam ein lewe wilder. lief er vor in dan.
im wart ein gähez volgen. von sinen frivonden getan.

Swie witer sprunge er pfläge. for des sales want.
doch ergahet in vor der stiegen. der alde Hildebrant.
er wolde in vor im lazen. niht chomen in den strit.
si funden daz si svochten. an den ellenden sit.

Do gespranch 3wo Hagene. maister Hildebrant.
div swert man hort erchlingen. an ir beider hant.
si waren harte erzvornet. vil wol erchos man; sint.
von ir beider wafen. gie der vivr roter wint.

Si wrden do gescheiden. in des strites not.
daz taten die von Berne. als in ir chraft gebot.
zehant do wande Hildebrant. von Hagene balde dan.
do lief der starche Wolfhart. den chvnen Volkeren an.

Er svoc den videläre. vf den helm gvot.
daz des swertes ecke. vn; an die spangen wot.
daz vergalt mit ellen. der chvne spileman.
do svoger Wolfhart. daz er strochen began.

Fior v3 den ringen. des hiwen si genvoc.
haz ir ieslicher. dem andern vaste trooc.
do schiet do von Berne. der degen Wlswin.
ob er ein helt niht wære. des enchunde niht gesin.

Gunther der vil chvone. mit williger hant.
enpfie die helde mâre. von Amelunge lant.
Giselher der starche. diu lichten helm vaz.
der frumt er da vil manigez. von bloote rot vnt naz.

Danewart Hagenen broder. was ein grimmech man.
swaz er da vor hete. instrite getan.
den Ezeln rechen. daz was gar ein wint.
alrest vaht tobeliche. des konen Adrianes kint.

Gerbart vnt Wichart. Helffrich vnt Rischart.
die heten inmanigen stormen. vil selten sih gespart.
des brahten si wol innen. die Gunthers man.
do sach man Wolfpranden. instorme herliche gan.

Do streit er alser wote. der alde Hildebrant.
vil manic koner reche. vor Wolfhartes hant.
mit tode mose vallen. von swerten indaz blvot.
svs rachen Rodegere. die rechen kvne vnt gvot.

Sigestap von Berne. als im sin ellen riet.
hey was er in dem sturme. der herten helm sehriet.
den sinen vianden. Dietriches swester svon.
der chvnde indem sturme. bezzerf nimmer niht getvon.

Volker der vil starche. do er daz ersach.
daz Sigestap der chvone. den blutigen bach.
hiw v3 herten ringen. daz was dem degene zorn.
do spranger im begegene. do hete Sigestap verlorn.

Von dem videläre. vil schiere al da daz lebn.
er begunde im finer chunste. al solhen teil da gebn.
daz er von sine swerte. muse ligen tot.
daz rach der alde Hildebrant. als im sin ellen daz gebot.

Owe vil liebes herren. sprach meister Hildebrant.
der hie lit erstorben. von Volkeres hant.
none sol der videläre. langer niht genesen.
zorn des Hildebrandes. chunde grimmer niht gewesen.

Do sluger Volkere. daz im diu helm bant.
stoben allenthalben. zwo des sales want.
von helme vnt ovch von schilde. dem chonen spileman.
da von der videläre. do den ende da gewan.

Do drongen zwo dem strite. die Dietriches man.
si slugen daz die ringe. vil hohe wäten dan.
vnt daz man ort der swerte. inne gewelbe stechen sach.
si hiwen v3 den helmen. den heize vliezenden bach.

Do sach von Tronege Hagene. Volkeren tot.
daz was zer hochgecite. sin aller meistiv not.
die er da hete gewinnen. an magen vnt an man.
owe wie grimme Hagene. den helt rechen began.

None sol es niht genießen. der alde Hildebrant.
min helpe lit erlagene. hie von des heldes hant.
der beste hergeselle. den ieman gewan.
den schilt den rucher hoher. do gie er howende dan.

Helffrich der vil starche. Danchwarten sluoc.
Gonther vnt Giselher. den was ez leit gendoc.
do si in sahen vallen. in der starchen not.
er het wol vergolten. mit sinen handen sinen tot.

Swie vil von manigen landen. gesamnet wäre dar.
vil forsten chrestekliche. gegen ir chleinen schar.
wären die kristen lute. wider si niht gewesen.
si wären mit ir ellen. vor allen heiden wol genesen.

Die wile gie do Wolshart. beide wider vnt dan.
alles howende. die Gvnthers man.
er was die dritten chere. den palas zende chomen.
ia het er den chunigen. so vil der rechen da genomen.

Do rief der starche Giselher. Wolsharten an.
ouwe daz ich so grimmen. vient ie gewan.
edel ritter chvene. nu wendet gegen mir.
si chomen zu ein ander. sit mit ellenthaster gir.

Wolshart gein Giselhere. chert inden strit.
do slug ir ietwedere. vil manige wunden wit.
so rehte chrestechliche. er zu dem kunige dranch.
daz im daz blvot von sven. al vber daz houbet sin gespranch.

Mit grimmen slegen swinden. der edeln Vten chint.
enpsie vil pitterliche. den chvenen rechen sint.
swie chone Wolshart wäre. er mohte niht genesen.
vor dem iongen konige. niemen dorste chvner wesen.

Do slug er Wolsharte. durch eine pronne gvot.
daz im von der wunden. vil sere vloz daz blvot.
er wnte zu dem tode. den Dietriches man.
ez enhet an einen rechen. ander niemen getan.

Also der chone Wolshart. der wunden enpsant.
den schilt liez er do vallen. hoher an der hant.
hober daz starchez wafen. daz was scharpf genvoc.
durch helm vnt durch ringe. der helt do Giselhern vlooc.

Si heten beide ein ander. den grimmen tot getan.
done lebte och nu niht mere. der Dietriches man.
wan Hildebrant aleine. do er den neven vallen sach.
im wän vor sine tode. so rehte leide nie geschach.

Och warn gar gevallen. Gunthers degene.
niwan si einen zwene. er vnt Hagene.
si stonden in dem blvot. tief umz an div knie.
Hildebrant harte balde. hin ober sinen neven gie.

Er besloz in mit armen. vnt wolde in tragen dan.
mit im vzem hoose. er muose in ligen lan.
er was ein teil zeswäre. wider in daz blvot.
enpfiel er im v3 handen. do blicht of der degen gvot.

Do sprach der tot wnde. vil lieber oheim min.
irn moget an disen ziten. mir niht frvom gesin.
nu hotet ouch vor Hagene. ia dunchet ez mich gvot.
er treit in sine hercen. einen grimnigen mvot.

Vnde ob mich mine mage. nach tode wellen chlagen.
den nächsten vnt den besten. den solt ir daz sagn.
daz si nach mir niht weinen. daz ist ane not.
vor eines kuniges handen. lige ich hie herlichen tot.

Ich han och so vergolten. hier inne minen lip.
daz ez wol mvogen beweinen. der guten ritter wip.
ob ouch des iemen vrage. so moget ir balde sagn.
vor min eines handen. ir lit wol hundert erlagen.

Do gedaht och Hagene. an den spileman.
dem der alde Hildebrant. sin lebn an gewan.
do sprach er zu dem degene. ir geltet miniv leit.
ir habt vns hinne erbvnnen. vil maniges rechen gemeit.

Er svog vf Hildebranden. daz man wol vernam.
Salmvngen diezen. daz Sivride nam.
Hagene der chune. da er den rechen svoc.
do widerstont im Hildebrant. der im vil wenic iht vertrvoc.

Der Wolshartes oheim. svog ein wafen breit.
vf Hagenen von Tronege. daz och vil sere sneit.
done chunder niht verwunden. den Gunthers man.
do svog aber in Hagene. durch eine prunne wolgetan.

Also meister Hildebrant. der wunden enpsant.
do vorht er schaden mere. von der Hagenen hant.
den schilt warf er ober roeke. der Dietriches man.
mit der starchen wunden. der helt vil chvome danne entran.

Dar inne was niemen lebnde. als ich gesaget han.
niwan die einen zwene. Gunther vnt och sin man.
mit blote gie berovnen. der alde Hildebrant.
er brahte leidiv märe. da er sinen herren vant.

Do saher tvorchliche. sizzen hie den man.
leides michel mere. der forste do gewan.
als er Hildebranden. ersach von blote rot.
do vragt er in der märe. als im div sorge gebot.

Wan sagt ir mir meister. wie sit ir so naz.
worden von dem blvote. oder wer tet iv daz.
ich wen ir mit den gesten. zem huse habt gestriten.
ich verbot ez iv so sere. do wär ez pillich vermiten.

Swie vbel disiv märe. mir sten zesagene.
er sprach dise wunden. svoc mir Hagene.
do ich v; dem huse. wolde wenden 'dan'.
wie chvom ich ih mit dem lebene. dem selben valande entran.

Do sprach der Bernäre. vil reht ist iv gesehn.
do ir mich frivntschefte. den helden hortet ichn.
daz ir den vride brachet. den ich in het gegeben.
hete ihs niht immer schande. ir soldet vliessen daz leben.

None zornet niht so fere. min herre Dieterich.
an mir vnt minen frivnden. der schade ist gremlich.
wir wolden Rodegeren. getragen haben dan.
des enwolden vns niht gonnen. des konec Gunthers man.

So we mir dirre leide. ist Rodeger doch tot.
daz muo mir sin ein iamer. vor aller miner not.
Gotelint div edele. ist miner basen chint.
ach we der armen weisen. die da ze Bechelaren sint.

Riwen vnt ovch leides. mant in do sin tot.
er begonde starche weinen. des gie dem helede not.
owe getriwer helfe. der ich verlorn han.
iane vberwinde ich nimmer. des kunie Ezeln man.

Er sprach ze Hildebrande. muoget ir mir doch sagen.
wer der degen wäre. der in da hat erslagn.
er sprach daz tet mit chresten. der starche Gernot.
vor Rodegers handen. muos ovch der degu ligen tot.

Er sprach meister Hildebrant. nu saget minen man.
daz si sich balde wafen. ia wil ich dar gan.
vnt heizet mir gewinnen. min liehtez wich gewant.
ich wil selbe vragen. die helede v3 Burgonden lant.

Do sprach meister Hildebrant. wer sol zuo ziv gen.
swaz ir habt der lebenden. die seht ir bi iv sten.
daz bin ich alterseine. die andern die sint tot.
do erschraeter dirre märe. des gie dem rechen groziv not.

Wander leit so groez, zer werlde nie gewan,
er sprach unt sint erstorben, alle mine man,
so hat min got vergezzen, ich was ein kunic rich,
nu mag ich wol heizen, der vil arme Dietrich.

Wie chundez sich gefogen, sprach aber Dietrich,
daz si alle sint erstorben, die helde lobelich,
von den strit moden, die doch heten not,
wan durch min ungelveke, in wære vrende noch der tot.

Owe vil lieber Wolfhart, sol ich dich han verlorn,
so mac mich balde riwen, daz ich ie wart geborn,
Sigestap vnt Wlswin, vnt oveh Wolfprant,
wer sol mir danne helfen, in der Amelunge lant.

Helprich der vil chvene, vnt ist mir der erslagen,
Gerbart vnt Wichart, wie solde ich die verklagen,
daz ist an minen freuden, mir der leste tac,
owe daz vor leide, niemen sterben ne mac.





Wie Dietrich Guntbern vnt
Sagenen betymeh.

XXXVIII. Auentiure.

Do suchte der herre Dietrich. selbe sin gewant.
do half daz er sich wasent. maister Hildebrant.
do chlaget also sere. der chrestige man.
daz im daz hos erdiezen. gein siner stimme began.



Der helt gewan do widere. rehten mannes mvot.
ingrimme wart gewasent. do der degen gvot.
einen schilt vil vesten. den nam er an die hant.
nach schaden in do trofste. der vil chune Hildebrant.

Do sprach von Tronege Hagene. ich sihe dort her gan.
den herren Dietrichen. der wil vns bestan.
nach sine starchen leide. daz im ist hie geschehn.
man sol daz hiove chiesen. wem man des besten moge ichn.

Jane dvnchet sich von Berne. der herre Dietrich.
nie so starch des libes. vnt ovch so gremelich.
vnt wil erz an vns rechen. daz im ist getan.
also reite Hagene. ich tarr in rehte wol bestan.

Die rede erhorte Dietrich. vnt Hildebrant.
er gie da er die rechen. beide stende vant.
vzen vor dem hofe. geleinet an den sal.
sinen schilt den guten. den sazte Dietrich zetel.

Inleitlichen sorgen. sprach do Dietrich.
wie habt ir so erworben. Gunther ein chunic rich.
ich ellender reche. waz ist an mir getan.
alles mines trostes. des bin ich eine bestan.

Ivch endvhte niht der volle. an der vil grozen not.
do ir vns Rvdegeren. den rechen slvget tot.
nv habt ir mir erbunnen. aller miner man.
ia het ich iv degenen. solher leide niht getan.

Gedenchet an ivch selben. vnt an iwer leit.
tot der iwer frivnde. vnt ovch div arebeit.
ob ez iv guten degenen. beswäret iht den mvot.
owe wie rehte vnsanfte. mir tot der Rvdegers tvot.

Ez gesach in der werlde. nie manne leider mer.
ir gedahtet vbele. an min vnt an iwer ser.
swaz ich freuden hete. diu lit von ir erslagen.
iane chan ich nimmer mere. die mine mage verchlagen.

Jane sin wir niht so schuldich. sprach do Hagene.
ez chomen her zem hofe. die iuern degene.
ze vlize wol gewafent. mit ir schar so breit.
mich donchet wie ir diu märe. niht zerehte sin geseit.

Waz sol ich anders gelouben. mir sagtez Hildebrant.
do mine rechen gerten. von Amelunge lant.
daz ir in Rodegere. gäbet v; dem sal.
do tat ir niwan spottens. die chonen helde her zetal.

Do sprach der kunec von Rine. si iahen wolden tragen.
Rodegeren hinnen. den hiez ich in versagen.
Ezeln zeleide. vnt niht den dinen man.
vnze daz do Wolfhart. dar umbe schelten began.

Do sprach der helt von Berne. ez mwese et also sin.
Gunther kunec edele. durch die zohte din.
so ergetet mich der leide. die mir sint getan.
vnt sone; ritter chüne. so wil ich gar die schulde lan.

Ergip dich mir ze gisel. du vnt ovch din man.
so wil ich ovch behoten. so ich beste chan.
daz ir hie zen Honen. niemen niht entwot.
ir solt an mir niht vinden. niwan triwe vnt gvot.

None welle got von himele. sprach do Hagene.
daz sich dir ergeben. zwen degene.
die du so wärliche. sihest gewafent stan.
daz hiez ein michel schande. vnt wär ovch vbele getan.

Iren solt ez niht versprechen. sprach aber Dietrich.
Gunther vnt Hagene. ia habt ir beide mich.
so sere beswäret. min herce vnt och den wot.
welt ir mich ergezen. daz irz vil pillichen tvot.

Ich gibs ir mine triwe. vnt gihet ir min hant.
daz ich mit ir rite. heim in ir lant.
ich beleite ir nach den eren. oder ich gelige tot.
ich wil durch ir verchiesen. der minen groslichen not.

Wone gewähent sin niht mere. sprach aber Hagene.
von vns enzimt daz märe. niht ze sagene.
daz sich ir ergeben. zwene also chone man.
nu siht man niemen märe. bi ir wan Hildebrande stan.

Des antwort Hildebrant. ir mohte wol gezemen.
den fride mines herren. ob ir den rochet nemen.
ez chomt noch an die stunde. vil liht in churec eit.
daz ir in gerne nāmet. vnt in ir danne niemen git.

Ia neme ich e' die swone. sprach do Hagene.
e' ir so lasterliche. von eime degene.
slohe meister Hildebrant. als ir habt hie getan.
ich wande daz ir kundet. baz gein viande stan.

Do sprach meister Hildebrant. zwir verwizet ir mir daz.
nu wer was der uf eime schilde. vor dem Waschen stein saz.
do im von Span Walther. so vil der frionde swoc.
och habt ir noch ze zeigen. an ir selben genvoc.

Do sprach der forste Dietrich. wie zint daz helede lip.
daz si soln schelten. sam dir alten wip.
ich verbiot ir Hildebrant. daz ir iht sprechet mer.
mich ellenden rechen. twingen groslich ir ser.

Lat hören frivnt Hagene. sprach do Dietrich.
waz ir e' redetet. ir rechen lobelich.
do ir mih gewafent. wo ziv sahet gan.
ir iahet daz ir eine. mit strite woldet mich bestan.

Jane lovgent iv des niemen. sprach Hagene der degen.
ine welle ez hie versvochen. mit stichen unt mit flegen.
ez ensi daz mir zebreste. daz Nibelunges swert.
mich movent daz mines herren. vnt min zegisel ist gegert.

Do der reche erhorte. den grimmen Hagenen mvot.
den schilt vil balde zuchte. der snelle degen gvot.
wie balde gein im Hagene. von der stiegen sprach.
Nibelunges swert daz gvote. vil wot of Dietriche erschlanch.

Do wesse wol her Dietrich. daz der chune man.
vil grimmes mvotes wäre. schermen im began.
der voget von Berne. vor angestlichen flegen.
wol erchander Hagenen. er was ein v3 erwelter degen.

Ovch vorht er Balmungen. ein wafen storch genvoc.
vnder wilen Dietrich. mit listen wider svoc.
vnze daz er Hagenen. mit strite doch betwanch.
er svog im eine wunden. div was tief vnt lanch.

Do daht der herre Dietrich. dv bist innot erwigen.
ih han es luzzil ere. soltu nv tot geligen.
ich wil ez sv3 versvochen. ob ich ertwingen chan.
dich mir zeinem gisel. daz wart mit sorgen getan.

Den schilt lie vallen Dietrich. sin sterche div was groz.
mit beiden sinen armen. er Hagenen umbesloz.
do wart von im betwungen. der vil chvne man.
Gunther der vil edele. darvmbे trovri began.

Hagenen bant do Dietrich. vnt fort in da er vant.
die edeln Chriemhilt. vnt gab ir bi der hant.
den chynisten rechen. der ie swert getruoc.
nach ir vil starchem leide. do wart ir liebe genvoc.

Vor freuden neich dem rechen. daz Ezeln wip.
immer si dir sâlic. din herce vnt ovch din lip.
do hast mich wol ergezset. nach aller miner not.
ich sol ez immer dienen. mich enwendes der tot.

Do sprach der herre Dietrich. ir solt in lan genesen.
vil edeliv konigin. ez mac vil wol noch wesen.
daz ouch sin dienst ergezset. des er iw hat getan.
er sol des niht engelten. daz man in siht gebunden stan.

Do hiez si foren Hagenen. an sin vngemach.
da er lac beslossen. vnt da in niemen sach.
Gunther der kuncz edele. rufen do began.
war chom der helt von Berne. er hat mir leide getan.

Do gie im hin bejegene. der herre Dietrich.
daz Gunthers ellen. daz was so lobelich.
ern beite do niht mere. er lief her for den sal.
von ir beider swerten. hup sich ein vngesogez schal.

Swie vil der herre Dietrich. lange was gelobt.
Gunther was so sere. erzornet vnt ertobt.
wander nach starchen leiden. sin herce vrient was.
man sagtez noch for wunder. daz do Dietrich ie genas.

Ir ellen vnt ir sterche. beide warn groz.
palas vnt torne. von den flegen doz.
do si mit swerten hewen. vf die helme gvot.
ez het der kunic Gunther. einen herlichen mvot.

Sit twange in der von Berne. sam Hagenen e' geschach.
daz blvot man durch die ringe. dem helde vliezen sach.
von eime scharpsen swerte. daz trooc her Dietrich.
doch het gewert Gunther. nach muode lobeliche sich.

Der herre wart gebunden. von Dietriches hant.
swie kunige niene solden. liden solhiv bant.
er daht ob er lieze. ungebunden wesen.
daz si zwene inme lande. niemen liezen genesen.

Der vogt von Berne. der nam in bi der hant.
do brahter in gebunden. da er Chriemhilt vant.
do was mit sine leide. ir sorge ein teil benomen.
si sprach chunic Gunther. sit mir groze willechomen.

Er sprach ich soltiv nigen. vil edel swester min.
ob iwer groezen mohte. genedichlicher sin.
ich weiz ouch koniginne. so zornic gemvot.
daz ir mir vnt Hagenen. vil swachez grozen getvot.

Do sprach der helt von Berne. vil edel kuniges wip.
ez enwart nie gisel mere. so gvoter ritter lip.
als ich iv frowe here. anin gegeben han.
nw solt ir die ellenden. min vil wol genesen lan.

Si iach si tat iz gerne. do gie der chune man.
mit weinenden ovgen. von in balde dan.
sit rach sich gremliche. daz Ezeln wip.
den v; erwelten degenen. nam si beiden den lip.

Si lie si ligen sonder. durch ir vngemach.
daz ir sit dewedere. den andern nie gesach.
swie ez verlobt hete. daz vil edele wip.
si daht ich geriche hivte. mins vil lieben mannes lip.



Do gie div kuniginne, da si Hagenen sach,
wie reht erbolgenliche. si zu dem rechen sprach,
welt ir mir geben widere, daz ir mir habt genomen.
so moget ir mit dem lebene, wider zen Burgonden chomen.

Do sprach der grimme Hagene, div rede ist gar verlorn.
vil edeliv kuniginne, ia han ich des gesworn.
daz ich den hort iht zeige, die wile deheiner lebe,
der minen edelen herren, vnt in niemanne gebe.

Er wiste wol div märe, sine liezen ihn niht genesen,
wie mohte ein vntriwe, immer stercher wesen,
er vorhte so si hete, im sinen lip genomen,
daz si danne ir brovoder, lieze heim ze lande chomen.

Ich bringez an ein ende, gedaht daz edel wip,
do hiez si ir brovoder, nemen den lip,
man svog im abe daz hovbet, bi hare si ez trooc,
for den helt von Tronege, do warde im leide genvoc.

Also der vngemvote, sins herren hovbet sach,
wider Chriemhilde, do der reche sprach,
du hast ez zeime ende, nach dime willen braht,
vnt ist ovch rehte ergangen, als ich mir hete gedaht.

Nu ist von Burgonden, der edel kunec tot,
Gifelher vnt Volker, Danchwart vnt Gernot,
den hort den weiz nu niemen, wan got vnt min,
der sol dich vâländine, immer wol verholn sin.

Si sprach so habt ir vbele, geltes mich gewert,
so wil doch ich behalten, daz Sivrides swert,
daz trooc min holder vriedel, do ir im namet den lip,
mortlich mit vntriwen, sprach do daz iamerhaste wip.

Si zoch ez von der scheiden. daz enchunder niht gewern.
do dahte si den rechen. des libes vol behern.
si hobez mit ir handen. daz hovpt si im abe swoc.
daz sach der kunic Ezele. do was im leide genvoc.

Wafen sprach der furste. wie ist nu tot gelegen.
von eines wibes handen. der aller beste degen.
der ie chom zestormen. oder ie schilt getrvoc.
swie dient ich im wære. ez ist mir leide genvoc.

Do sprach meister Hildebrant. iane genozet si es niht.
daz si in slahen torste. swaz halt mir geschiht.
swie er mich selben brähte. inangestliche not.
idoch so wil ich rechen. des vil chonen rechen tot.

Hildebrant mit zorne. zu Chriemhilde sprach.
er swoc der chuniginne. einen grimmen swanch.
ia tet ir div sorge. von dem degene we.
si mohte wzil helfen. daz si so angestlichen scre.

Do was gelegen aller. da der veigen lip.
zestochen lac verhowen. do daz edel wip.
Ezel vnt Dietrich. weinen do began.
si chlageten iämerliche. alle ir mage vnt man.

Div vil michel ere. was da gelegen tot.
die lote heten alle. iamer vnt not.
mit leide was verendet. des kuniges hochgecit.
als ie div liebe leide. an dem ende gerne git.

Ine chan ivch niht bescheiden. was sider da geschach.
wan christen vnt heiden. weinen man do sach.
wibe vnt knechte. vnt manige schone meit.
die heten nach ir frivnden. div aller grozisten leit.

Ine sage iv nu niht mere. von der grozen not.
die da erlagen waren. die lazen ligen tot.
wie ir dinch an geviengen. sit der honen diet.
hie hat daz märe ein ende. daz ist der

Mibelünge Siel

[Faint, illegible text within a decorative border]

